







III 39.

II 203.

M. IV 52.





VERITAS
RELIGIONIS CHRISTIANÆ
Manifestè demonstrata

Adversus omnes Infideles negantes
DIVINITATEM CHRISTI,

Et Trinitatem Divinarum Personarum

P E R.

REV. P. THYRSUM GONZALEZ

O L I M

In Academia Salmaticensi Primarium
Theologiæ Antecessorem Emeritum,

N U N C V E R O

Præpositum Generalem Soc. JESU.

P A R S S E C U N D A

Continens III. IV., & V. Librum
hujus Operis.

N. D. M.

Donat M. My N. L. B. G.

MATRITI 1687. Et denuò NEAPOLI 1702.
Ex Typographiâ Michaëlis Aloysii Mutio.

Superiorum Licentiâ.

31 Q 11



I N D E X

Trium Librorum , quibus
constat hæc Secunda
Pars ,

LIBER TERTIUS.

IN quo continentur apertæ aliquæ de-
monstrationes de falsitate convin-
centes Sectam Mahumetanam negan-
tem Divinitatem Christi , & statuantes
veritatem Religionis Christianæ : Quæ
confirmantur ex mirabilibus quorum-
dam Mahumetanorum conversionibus,
pag.425.

Cap.I. Prima demonstratio inde petita ,
quod ante Mabumeti adventum per sex-
centos , & amplius annos , homines in
Christiana Religione salvari poterant : ex
quo evidenter infertur illam esse veram,
& sectam Mahumetanana ipsi oppositam
* 2 esse

I N D E X.

esse falsam, ibid.

Cap.II. *Secunda demonstratio.* 431.

Cap.III. *Tertia demonstratio.* 435.

Cap.IV. *Quarta demonstratio.* 440.

Cap.V. *Quinta demonstratio.* 445.

Cap.VI. *Sexta demonstratio, ubi referuntur mirabiles conversiones Maurorum in hora mortis.* 451.

Cap.VII. *Septima demonstratio, ubi miræ vocationes Mahumetanorum ad Fidem Christi enarrantur.* 479.

Cap.VIII. *Mirabilis conversio Regis de Féz, postea Balihassarris de Loyola Societatis Jesu.* 486.

Cap.IX. *Alia exempla.* 500.

Cap.X. *Singularis Dei Providentia, quam Author expertus est in Maurorum conversione, satis probat, Religionem Christianam esse necessariam ad salutis viam,* pag. 505.

LIBER QUARTUS.

In quo ex dictis Alcorani, & ex Scripturis Divinis, quas admittit, & ex Divinis visionibus, & miraculis probatur Divinitas Christi, & Trinitas Personarum. Ubi etiam apponitur longum colloquium, quod author habuit cum arguto Mahumetano: & variis similitudinibus exponuntur Misteria Incarnationis, & Trinitatis; & docetur quomodo agendum sit cum Infidelibus, qui ob difficultatem nostræ Fidei illam recipere detractant. & demonstratur legem Christi abrogari non potuisse per legem Mahumeti, quavis lex Moysis sit abrogata per legem Christi, pag. 514.

Cap. I. *Demonstratur Divinitas Christi ex dictis Alcorani, ubi Christum appellat Verbum Dei, & ex libris Divinis, quibus Mahumetus jussit haberi fidem, ibid.*

Cap. II. *Probatur Divinitas Christi, & Veritas Religionis Christianæ ex notis, & insignibus, quibus dignoscitur, illam esse à Deo. 547.*

Cap. III. *Iterum ostenditur Divinitas Christi, & pluralitas personarum in Deo ex ipso Alcorano, & ex scripturis, quas Ma-*

I N D E X.

humetus admittit. 550.

Cap. IV. *Solvitur crassa quadam objectio Mahumeti, & exponitur quo pacto sine uxore popriè Filius Deo conveniat. 570.*

Cap. V. *Cur Evangelista non dixit, Verbum Homo, seu Verbum Caro factum est, ubi refutantur variæ hæreses contrariæ mysterio Incarnationis. 585.*

Cap. VI. *Ostenditur contra Mahumetanos pluralitas Personarum in Deo, & Christum esse Filium naturalem Dei, verumque Deum ex Divinis Testimoniis visonum, & miraculorum. 596.*

Cap. VII. *Narratur miraculum Divæ Mariæ Virginis, quæ Cæsaraugusta Crus puerro abscissum restituit anno 1640. 608.*

Cap. VIII. *Alia Beatæ Virginis miracula ex certis historiis à P. Jacobo Massenio narrata, quibus probatur, illam esse Dei matrem, & Christum esse verum Deum, pag. 614.*

Cap. IX. *Probat Trinitas Personarum contra Mahumetum: & demonstratur, ipsum falsò imposuisse Christianis, quòd tres Deos colerent: & stultè negasse hoc mysterium, quia demonstrari non potest: Ejus cum Simone Mago similitudo: ubi quomodo Augustinus inductus fuerit ad de-*

INDEX.

- deferendum errorem in quo erat, quod videlicet nihil credi debebat, quin firma prius ratione probetur. 630.*
- Cap.X.** *Proponitur colloquium, quod Author habuit cum Mauro arguto, & inter suos erudito, qui volebat Christiana fidei nomen dare, quia capere non poterat quomodo Deus sit Trinus in Personis, & quomodo potuerit fieri Homo. Ubi symbolis, & similitudinibus explicantur Myſteria Trinitatis, & Incarnationis. §.I.pa.649.*
- §.II.** *Rationes probabiliter ſuadentes pluralitatem Perſonarum in Deo, pag.656.*
- §.III.** *Exponitur quomodo in Deo detur Pater, & Filius, & inſuper Spiritus Sanctus, pag.659.*
- §.IV.** *Cur in Deo dentur tres Perſona, neque plures, neque pauciores, pag. 662.*
- §.V.** *Quomodo exponendum ſit Myſterium Incarnationis ex S.Thoma. pag.663.*
- §.VI.** *Explicatur Myſterium Incarnationis variis ſimilitudinibus, pag.674.*
- Cap.XI.** *Quomodo Prædicatores Evangelici perſuadere debeant infidelibus, vera eſſe myſteria noſtræ Fidei.680.*
- Cap.XII.** *Demonſtratur, legem Mahumeti non ſucceſſiſſe legi Chriſti, ſicut lex Chriſti ſucceſſit legi Moysi. Ubi exponitur quomodo*

I N D E X.

*modo lex Christi non sit opposita legi Moysis, sed ejus adimpletio, & perfectio: & convincuntur Judæi contententes, Sacramentum Circumcisionis, & cerimonia-
lia legis antiquæ, debere in æternum durare, quia sunt à Deo instituta. 690.*

Cap. XIII. *Demonstratur, Legem Christi non potuisse abrogari per Legem Mahumeti, quamvis lex Moysis sit abrogata per legem Christi, pag. 705.*

LIBER QUINTUS.

In quo demonstratur, Christum mortuum esse, & resurrexisse, contra id, quod Alcoranus fabulatur: & exponitur cur Deus fieri voluerit homo passibilis: & ostenditur nec novum, nec vetus Testamentum fuisse corruptum à Christianis, ut Mahumetus finxit. 717.

Cap. I. *Demonstratur contra Mahumetanos Christum mortuū esse, & resurrexisse, indeq; evidenter ostenditur Alcoranum mendaciis, & fabulis plenum esse, ibidem.*

Cap. II. *Crucis miracula clarè probant Christum in ea mortem sustinuisse, 727.*

Cap. III. *Cur Deus factus sit Homo, & præ-*
-be.

I N D E X.

hominibus pati voluerit. 737.

Cap. IV. *Exponitur ex Patribus, cur Deus fieri voluerit homo passibilis, & mortem Crucis subire? 743.*

Cap. V. *Demonstratur contra Mahumetanos, neque vetus, neque novum Testamentum esse adulteratum: Et ideò evincitur, Alcoranum utrique Testamento contradicentem, esse librum mendacem, & diaboli suggestionem compositum. 751.*

Cap. VI. *Demonstratur, vetus Testamentum non esse depravatum à Judeis, ut Mahumetani fabulantur. 755.*

Cap. VII. *Demonstratur, novum Testamentum non esse corruptum: & inde convincitur, doctrinam Alcorani ipsi contrariam, esse falsam. Ubi recensentur Hæreses præcipuè contra Trinitatem, & Incarnationem, & Concilia Generalia, in quibus damnata sunt. 763.*

COMPENDIUM;

SEU SUMMARIUM

ARGVMENTORVM,

Quibus Author hujus Operis in Manuductione ad Conversionem Hæreticorum demonstravit, inter Religiones Christianas solam Catholicam Romanam esse veram Christi Religionem, atque Ecclesiam, extra quam non sit salus. Summarium hoc, ad finem hujus operis exhibeo, ut Missionarii inter Gentiles, qui Manuductionem illam ad conversionem Hæreticorum secum non ferunt, habeant etiam ad manum. Compendium Argumentorum, quibus Hæretici convinci possint.

CAP. I. *Primum caput id probandi, quia ex Evangelio est manifestum, Christum supra Petrum fundasse Ecclesiam visibilem usq; ad finem mundi permanentem: evidens autem est, hanc non esse illam, quam Reformatam hæretici appellant, utpotè quæ cum Luthero, & Calvino incepit; sed Catholicam Romanam, quæ continuata serie Pastorum à*
D. Ps.

I N D E X.

*D. Petro usque ad Innocentium XI. 244.
numerat Summos Pontifices.*

Cap. II. Caput secundum idem probandi,
*quia cum Sectarii fateantur, Ecclesiam
Romanam primis quinque seculis veram
Ecclesiam Christi fuisse: manifestè de-
monstratur, illam postea à vera fide, quã
ab Apostolis acceperat non defecisse: quia
evidens est evidentia facti, eam nunquam
in apostasiam, hæresim, vel schisma inci-
disse.*

ap. III. Tertium caput idem probandi:
*quia cum sine fide impossibile sit placere
Deo; si Ecclesia Romana à sexto seculo
veram Christi Fidem perdidit, ut somniat
Sectarii, evidenter inde infertur, per
mille annos nullum hominem salutem
obtinuisse, ac proindè damnatos fuisse
Benedictum, Malachiam, Bernardum,
Dominicum, Franciscum, & alios, quos
hæretici ipsi, Sanctos fuisse non negant,
hoc autem est evidentè falsum.*

**Cap. IV. Impugnatur effugium quorun-
dam Protestantium, qui cum absurdum
capitis præcedentis devorare non audeant,
dicunt, posse quemlibet Christianum in
sua secta, & fide salvari, Lutheranum,
v.g. in sua, similiter Calvinistam, & Pon-
ti-**

I N D E X.

tificium . Atque apertè demonstratur , si semel intra Ecclesiam Romanam reperitur saluatio , eam reperiri non posse in secta Lutherana , vel Calviniana , nec in ulla alia negante aliquem ex articulis , quos Ecclesia Romana credendos proponit .

Cap.V. *Sectarii fatentes , dari in Ecclesia Romana saluationem , habent evidentem obligationem deserendi suam sectam , & transeundi ad Ecclesiam Catholicam : quia evidens est , viam certam praferendam esse dubiæ ; in Ecclesia autem Catholica certa est spes salutis , ex utriusque partis confessione ; in sectis autem Hæreticorum solum est salus in ipsorum opinione , quam esse manifestum errorem , omnes Catholici constanter credunt .*

Cap.VI. *Quartum caput idem probandi : quia cum Ecclesia à Christo fundata , sit visibilis ; & certum sit ex Scriptura , non posse Christum , qui ipsam gubernat , permittere , ut ipsa tota , quatenus ex Pastoribus , & ovibus conflata est , publice profiteatur aliquod dogma falsum , necessarium est ut in ipsa detur tribunal aliquod supremum visibile , seu iudex aliquis supremus , ad quem in dubiis fidei ,*



I N D E X.

& morum Christiani recurrant, & cuius sententiæ omnes stare debeant : qui ne totam Ecclesiam obliget ad errandum in fide, debet esse authoritatis infallibilis; evidens autem est, hunc iudicem visibilem non reperiri in ulla Hæreticorum secta; sed in sola Catholica Romana, in qua hoc munus exercet vel Concilium Generale approbatum à Romano Pontifice, vel hic, dum è Cathedra D. Petri tanquam Summus Pastor, quid tenendum sit toti Ecclesiæ proponit.

Cap. VII. *Quintum caput idem probandi: quia manifestum est, verbum Dei scriptum, ut expositum per spiritum privatum hominis, non posse esse Iudicem controversiarum, quæ oriuntur inter Christianos circa fidem, & Religionem; sed necessariò recurrendum esse ad tribunal aliquod visibile infallibilis authoritatis.*

Cap. VIII. *Ostenditur, Sectarios, qui dicunt se puro verbo Dei niti, ipsa nõ Dei authoritate, sed humana, & fallibili ratione moveri ad credendum, ac proinde eorum fidem, etiam circa mysteria, quæ vere consentur, non Divinam, sed humanam esse, sicut est fides Mahometanorum, & Iudeorum.*

Cap.

INDEX.

Cap. IX. *Sextum caput idem probandi: quia evidens est evidentia facti per singula sæcula floruisse in Ecclesia Catholica Romana Viros, & Fæminas sanctitate, & miraculis illustres: certum est autem, veram sanctitatem, & gloriam miraculorum solum in professoribus vera Religionis reperiri: nec Deum unquam tribuisse Hæresiarchis, & eorum Sectatoribus potestatem patrandi vera miracula in confirmationem suæ doctrinæ; imò nec potuisse.*

Cap. X. *Septimum caput idem probandi: quia insignis sanctitas, & gloria miraculorum, qua in Ecclesia Catholica Romana floruerunt multi Viri, & Fæmina postquam Lutherus, & Calvinus ab illa secessere; cùm interim duo isti Ecclesiæ reformatæ Authores nullis virtutibus, nullisque miraculis fuerint insignes manifestè probat veritatem Ecclesiæ Romanæ, & falsitatem sectæ Lutheranae, & Calvinianæ.*

Cap. XI. *Octavum caput idem probandi: quia parallela comparatio inter Martinum Lutherum Ecclesiæ reformatæ Authorem, & Franciscum Xaverium Ecclesiæ Romanæ Propagatorem, manifestè ostendit*

INDEX.

ostendit, Ecclesiam Romanam esse veram Christi Ecclesiam; Ecclesiam vero Lutheranam, & alias ex illa ortas, non esse nisi Synagogas Sathanae.

Cap. XII. Nonum caput idem probandi: quia incredibile, & monstruosum est, quod Deus ad reformandam Ecclesiam elegerit Lutherum, Monachum apostatam, qui relicto Monasterio, habitu, & professione sua, ad vitam secularem reversus, Monialem professam, à Monasterio abductam, sibi copulavit, & cum ea assidue vixit; & Joannem Calvinum, presbyterum ambitiosum, superbia, & maledicentia plenum, qui de nefando crimine convictus, & per sententiam Judicis publicè damnatus, exurendus fuisset Novioduni, nisi ob Episcopi preces pena ignis commutata fuisset in supplicium virgarum.

Cap. XIII. Decimum caput idem probandi: quia evidens est evidentia facti, Lutherum, & Calvinum, & alios Sectarios, qui ab Ecclesia Romana recesserunt, renovasse Hæreses à vera Christi Ecclesia damnatas, nimirum ab Ecclesia Romana, intra quinque priora sæcula, quando etià ex confessione Adversariorum vera Christi Ecclesia erat.

Cap.

I N D E X.

Cap. XIV. *Undecimum caput idem probandi: quia omnes Sectarii, qui sub specioso titulo Reformationis Fidem Ecclesiæ Romanæ impugnarunt, in crassissimos, & manifestos errores prolapsi sunt, quos eleganter describit Bellarminus in præfatione ad primum controversiarum tomum.*

Cap. XV. *Ultimum caput probandi solam Ecclesiam Catholicam Romanam esse, veram Christi Ecclesiam: quia illi soli conveniunt notæ veræ Ecclesiæ, videlicet quod sit Visibilis, & conspicua, quod sit Una, Sancta, Catholica, Apostolica, Sponsa Christi, Domus Dei, Columna, & Firmamentum veritatis.*

**Errata quæ irreperunt Benignus Lector
Typographo condonet.**

425

LIBER TERTIUS

IN Q U O

Continentur apertæ aliqua demonstrationes de falsitate convincentes Sectam Mahumetanam, negantem Divinitatem Christi, & statuentes veritatem Religionis Christianæ : Quæ confirmantur ex mirabilibus quorundam Mahumetanorum conversionibus.

CAPUT PRIMUM.

Prima demonstratio indè petita, quod ante Mahumeti adventum per sexcentos, & amplius annos, homines in Christiana Religione salvari poterant : ex quo evidenter infertur illam esse veram, et sectam Mahumetanam ipsi oppositam esse falsam.



Anc demonstrationem ex dictis in tota disputatione circa Christi divinitatem, sic conficio. Evidens est Deum existere, & habere providentiam circà hominum salutem; neque eos creasse ad comedendum, & bibendum, & quærendas delectationes

E e cor-

corporeas, sicut quærunť bruta : sed ad hoc, ut ipsum tanquam Creatorem in hac vita colerent, & super omnia diligerent ; & aliquam veram fœlicitatem in alia vita obtinerent : ergò evidens est, Deum tradidisse hominibus legem, per cujus observationem ipsum colerent, & æternam fœlicitatem obtinerent. Undè sicut evidens est, Deum semper fuisse, ità evidens est, post conditum universum, semper habuisse in mundo aliquam veram Religionem, & legem in qua homines salvari possent : cùm enim evidens sit, in omni tempore verè procurasse hominum salutem, evidens quoque est, omni tempore providisse hominibus legem, & Religionem, per cujus observationem tenderent in fœlicitatem ultimam, ad quam sunt creati, nec enim Deus seridè potest desiderare, ut homines perveniant ad terminum, nisi præstituendo viam, per quam ambulando, pervenire possint ad ipsum : nec potest seridè procurare finem, quin provideat medium necessarium ad ejus consecutionem.

Manifestum deindè est, ante adventum Mahumeti non fuisse legem à Mahumeto promulgatam : ergò cùm manifestum quoque sit, sexcentis annis ante ad-

ven-

ventum Mahumeti fidem Christi fuisse
per totum orbem promulgatam : vel di-
cendum est, illis sexcentis annis nullum
hominem salutem æternam obtinuisse,
immò nec obtinere potuisse, vel dicen-
dum est, illam obtinuisse, vel obtinere
potuisse, fidem Christi amplectendo, &
ejus legem Evangelicam observando.

Probatur assumptum, quia si nulla
erat tunc in mundo vera fides, veraque
Religio à Deo data, nullus tunc salvaba-
tur; quia sine vera fide impossibile est
placere Deo, & sine observatione legis à
Deo provenientis, impossibile est veram
fœlicitatem, ultimumque finem conse-
qui : undè tunc Deus creasset homines
dumtaxat ad comedendum, & bibendum
in hac vita, sicut bestias, quod est per se
falsum, & Deo indignum. Si autem erat
tunc aliqua vera fides, veraque Religio,
nulla alia esse poterat, quam Christiana.
Nam ante adventum Mahumeti, solùm erant
in mundo tres Religiones, leges, vel fides:
nempè Religio, & fides Gentilium, qui ido-
la colebant : Religio, & fides Judæorum,
qui Messiam expectabant : & fides & Re-
ligio Christiana, qui Deum Unum, & Tri-
num colebat, & Christum tanquam verum
Deum, & hominem adorabat, ex iis au-

tem tribus fides gentilium erat manifestus error ; nam Mahumetus ipse in Alcorano sæpè dicit se esse Prophetam à Deo missum ad exterminandam Idololatriam. Fides autem Judæorum erat etiam post Adventum Christi omninò vana , & inutilis ad salutem . Nam Mahumetus in Alcorano sæpè repetit Christum esse Messiam in lege , & Prophetis promissum , & fuisse insignem Prophetam , Virumque sanctissimum : Judæi verò illum , ut impostorem , & blasphemum execrabantur , ac proindè erant certè extra viam salutis : quare , vel dicendum est , nullum hominem illis sexcentis annis fuisse salvatum , vel dicendum est solum in Religione Christiana fuisse salutem : cùm ergò primum sit manifestè absurdum , & Deo indignum , debet necessariò dici secundum : ergò tunc Religio Christiana erat apta ad salutem : ergò erat vera , Patet consequ. quia lex falsa non est à Deo , neque descendit de Cælo ; lex autem quæ non est à Deo , neque è Cælo descendit , non potest ad Deum ducere , neque ad Cælum evehere . Undè evidens est , fidem , in qua homines salvantur , esse veram , & esse à Deo . Ergò vera erant dogmata , quæ lex Christiana tunc profitebatur ; nempe Deum esse Trinum , & Unum ,

Unum, & Christum esse hominem, & Deū simul. Nam si hæc dogmata essent falsa, fides ipsa Christiana falsa, & erronea erat, ac proindè non esset à Deo, sed à Diabolo, neque ad Cœlum duceret, sed ad infernum.

Quòd si illis sexcentis annis verum erat, Deum esse Trinum, & Unum, & Christum esse Deum, & hominem, evidens quoque est, Deum post adventum Mahumeti esse Trinum, & Unum, & Christum esse Deum, & hominem: ergò Alcoranus differte hoc negans, non est lex vera, sed manifestè erronea, neque Deum habet Authorem, sed Diabolum; & Mahumetus non fuit Propheta, sed Impostor, & Deceptor. Sequela est evidens: quia cū Deum esse Trinum non sit accidens, sed substantia, si Deus aliquando fuit Trinus, semper necessariò est Trinus, & cū propositio aliquid affirmans de præterito, si semel vera est, semper permaneat vera; sanè si illis sexcentis annis verum erat affirmare, Deum factum fuisse hominem; sanè id etiam modò verum est, semperque erit verum. Et cū Christus, qui tunc existerat in Cœlo, idem sit, qui modò existit ibidem, sanè si tunc erat Deus, etiam modo est Deus.

Hoc argumentum primum Deus mihi suggerit, cùm in Urbe Malaga è nostro Collegio tenderem ad Theatrum Comediarum ad concionandum Mahumetanis: hìc enim locus consulto electus fuerat ad eas conciones habendas; in eumque confluebat tota Civitatis nobilitas, tam Ecclesiastica, quàm secularis. Venerat ad concionem invitus quidam Mahumetanus cum sua uxore, & timens, ne illa peteret Baptismum, mortem minatus est, & dum me concionantem audiebat, oculis torvis minas repetebat. Sed cùm hanc demonstrationem audivit, divina gratia repente illuminatus, & filium parvulum, quem inter brachia complectebatur, dimittens, à sede profiliit, & in tabulatum ascendit, alta voce Baptismum petens, cum ingenti Christianorum plausu, & maxima uxoris mæstitia. Posteaque seipsum explicans dicebat: tres dumtaxat sunt domus: nempe domus Moyſis, domus Christi, & domus Mahumeti: domus Moyſis aliquando fuit domus Dei, sed postquam Christus venit, jam domus illa corruit, & jam non est domus Dei: domus Christi est planè domus Dei: domus autem Mahumeti postea supervenientis nequit esse domus Dei; quia est domus contraria domui Christi;

&

& Deus nequit sibi ipsi contrarius esse:
Et hunc aliosque triginta duos infideles
ad veram Christi fidem conversos, sacrisque
mysteriis imbutos die Evangelistæ Joanni
Sacra è Collegii nostri Ecclesia in Cathedralem
ingenti comitatu ductos sacro fonte
lustravit Illust. ac RR. DD. Idelphonfus
à S. Thoma è Sacro Prædicatorum Ordine,
Episcopus Malacensis, quem dum memoro,
gratum denuo animum pulsat effusissima
illa humanitas, qua tenuitatem nostram
exceptit, & de victu, vestituque
indulgentissima nobis largitate providit.
Quæ cum mente nequaquam exciderint,
nec calamum subterfugere potuerunt, quin
eorum rursus memoriam jucundissimè re-
fricaret, figeretque monumentum nostræ
versus tantum Virum observantissimæ
gratitudinis.

CAPUT SECUNDUM.

Secunda Demonstratio.

ALia deindè conficitur ratio ex dictis
in tota disputatione, qua falsitatis
convincatur Mahumetana secta: nam,
cùm unus sit Deus, una tantum debet esse
vera fides, veraque Religio, in qua homi-

res salventur, & omnes sectæ oppositæ veræ Religioni debent esse falsæ. Ergò cùm Deus velit omnes homines salvos fieri, vult omnes homines venire ad profitemdam veram fidem, veramque Religionem amplecti. Ergò vera Religio, veraque fides debet habere signa, & notas, quibus possit ab omnibus dignosci; & idèd dicitur Deus posuisse in sole Tabernaculum suum, quia nimirum veram Religionem, veram Ecclesiam, in qua homines salvari possint, ità conspicuam reddit, ut possit ab omnibus videri, si illam verè quærant. Undè P.Valentia 2.2.disp.1.qu.1.punct.7. omnium Teologorum nomine sic sapienter pronuntiat? *Ab orthodoxis Doctõribus secundum certissima, & clarissima Sanctæ Scripturæ testimonia Ecclesia visibilis dicitur, id est, sic in luce hominum, & in conspectu posita, ut quovis sæculo evidenter internosci, et quasi digito demonstrari queat congregatio illa, quam Ecclesiam veram determinatè credere possis, ac debeas. Quare de vera Religione, veraque Dei Ecclesia, in qua possunt homines salvari debet verificari illud, quod dicitur, Sap. 6. Clara est sapientia, & quæ nunquam marcescit, & facîle videtur ab iis, qui quærunt eam.* Debet ergò vera Religio, vera-

raque Dei Ecclesia habere argumenta evidētia credibilitatis, seu argumenta, quibus possint homines induci, & obligari ad credendum illam esse veram Religionem, & à Deo datam. Si enim hæc argumenta non haberet, non esset civitas supra montem posita; nec esset Tabernaculum Dei in Sole, id est in clara luce positum: nec daretur obligatio illam suscipiendi, nec homines possent dignoscere, illam potius, quàm sectam ipsi oppositam esse veram, ut eam amplecterentur, quod planè est absurdum, & impossibile: implicat enim Deum velle, ut homines amplectantur veram Religionem, & non dare illis media, quibus dignoscere possint, quænam sit vera Religio, seu quænam sit à Deo. Ex hoc principio deducitur Mahumetanam sectam prohibentem disputationes in materia Religionis, & præcipientem, ne ratione persuadeantur homines illam amplecti, sed gladio, & vi cogantur, non esse legem à Deo latam; & Mahumetanos temerè illam profiteri. Nam vel habent rationes, & fundamenta, quibus sibi persuadeant, & aliis persuadere possint, Mahumetanam professionem Deum habere Authorem: vel non. Si non habent: ergò temerè illam amplectuntur, nam magna est teme-

ritas aliquam Religionem , seu professionem ut divinam, & à Deo datam amplecti, quin præcedat prudens fundamentum, quo inducaris ad credendum, illam esse à Deo, & possis alios inducere. Si habet: ergò iniuste prohibet ea fundamenta proferri. Sanè qui habet numum aureum non adulterinum, sed legitimum, & iusti ponderis, illius examen non metuit, nec oculos refugit aurificis, qui explorandis ponderibus præfectus est. Si ergo Mahumetana Religio examen sapientium timet, & prohibet examinare, an à Deo fuerit data, non est lex à Deo data, sed à Pseudo-Propheta dolosè composita ad subiungendos populos, & illos in propriam ditionem trahendos. Astute prohibuit hic Impostor suis, etiam sapientissimis, & in Alcorano peritissimis, cum Christianis, vel Judæis disputare de veritate suæ sectæ, quia probè noverat, illius falsitatem vè disputationis manifestè detegendam: nec posse vè prædicationis persuaderi Mahumetum fuisse verum Dei Prophetam, ab ipso missum ad promulgandam novam legem; cùm nec vitæ sanctitas, & morum probitas, nec prophetiæ, nec miracula illi testimonium perhiberent, Non vitæ sanctitas, cùm fuerit Mahumetus luxuriosissimus, adulter, & perjurus,

&

& sceleratissimus regnorum depredator ; non prophetiæ ; cum in lege Veteri, nec in Christi Evangelio fuerit promissus ; licet in Apocalypsi fuerit sub nomine Anti-Christi adumbratus : nec ullum miraculum fecerit ad probandum, se fuisse à Deo missum. Quamvis enim in Alcorano aliqua miracula à se patrata narret, ea tamen narrat, quæ à nullo visa sunt, ne posset palam de falsitate redargui.

CAPUT TERTIUM.

Tertia demonstratio.

Cardinalis Bellarminus tom. 1. controversiarum lib. 4. de notis Ecclesiæ cap. 12. inter notas veræ Ecclesiæ Dei ponit sanctitatem doctrinæ, quæ in eo consistit, quod nihil contineat falsum, quoad fidei doctrinam : nihil iniustum, quo ad doctrinam morum : undè in Psalm. 18. appellatur : *Lex Domini immaculata, testimonium fidele, præceptum Domini lucidum.* Atque ex hac nota evidenter ostendi nullam esse veram Ecclesiam, nisi nostram, nempe Ecclesiam Christianam, „ Catholicam Romanam : Nulla est enim „ (inquit) secta, vel Paganorum, vel
Phi-

„ Philosophorum , vel Judæorum , vel
„ Turcarum, vel Hæreticorum , quæ non
„ contineat aliquos exploratos errores, &
„ rectæ rationi manifestè contrarios . Et
enumeratis erroribus Paganorum , & Phi-
losophorum, subiungit : de Mahumetanis
idem patet ex Alcorano : nam capite se-
cundo docet, omnes salvari in suis legibus,
si eas servant, Judæos , Christianos , Tur-
cas, cap. 5, 28. 47. & 48. & alibi passim
docet, beatitudinem futuræ vitæ consiste-
re in cibo, & potu, & uxorum multitudine:
nec unquam in toto Alcorano mentio
fit actionum spiritualium visionis , vel
amoris Dei : & capite quadragesimo ter-
tio, dicit Deum, & Angelos orare pro Ma-
humeto . Hic adverto Alcoranum apud
Turcas haberi sine distinctione partium,
vel librorum, ut constat ex Alcorano,
quem in linguam Gallicam transtulit Le-
gatus Regis Christianissimi Constantinopoli
degens, quem è Gallico in Hispani-
cum idioma convertit Excellent. Comes
de Oropesa ann. 1672. ut Missionariis usui
esse posset, & ego codices manuscriptos
vidi, & in illis notavi apponi titulos capi-
tum non exprimentes, quæ in capitibus
continentur: & seriem capitum continuari
ab initio usque ad finem sine distinctione

librorum. Nam caput primum inscribitur
De bove, seu iuvenca: secundum de stirpe
Ioachim, tertium de Mulieribus, & sic de
aliis.

At apud Mahumetanos, qui olim
Hispaniam occuparunt, Alcoranus legeba-
tur cum distinctione librorum, totusque
Alcoranus dividebatur in quatuor libros;
quorum primus quinque capita habebat:
secundus duodecim: tertius novemdecim:
quartus, centum. & septuaginta quinque;
atque adeò integrum Alcorani volumen
continebat undecim suprà ducenta capita,
ita tamē libri illi sunt dispositi, ut primus
tantam faciat molem, quantam secundus:
secundus verò tantam, quantam tertius, &
quartus. Hoc constat ex Mossem Ioanne
Andræa priùs Mahumetano, qui in Prolo-
go sui libri testatur, Alcoranum in qua-
tuor dividi libros, & idem testatur Luppus
de Obregon supracitatus. Hæc adnotare
libuit, quia magna est varietas in citandis
Alcorani capitibus, seu, *Zoris*, & Cardi-
nalis Bellarminus Alcoranum citat secun-
dum quod eo utuntur Turcæ sine distin-
ctione librorum: fidelissima tamen est ejus
citatio. Nam Ioannes Andræas refert Al-
coranum lib. 1. cap. 2. afferentem :
Evangelia Iesu Christi, & Pentateuchum
Moyfis,

Moyſis à Deo eſſe data hominibus , & in Cælum ducere eos, qui doctrinam eam obſervant . Idemque dicit de ſuo Alcorano, & cap. 4. iterum ait: Tocam Moyſis, id eſt Pentateuchum, & Euangelium Ieſu Chriſti eſſe legem, & viam ſalutis. Idemque teſtatur S. Petrus Paſchaſius in ſuo tractatu contra Mahumetanos pag. 30. num. 26.
„ ubi hæc habet: Multis in locis Mahumet-
„ tus in Alcorano affirmat, Chriſtianos
„ optimam habere, & colere legem, eſſe-
„ que in ſtatu ſalvationis, unde ſic ait:
„ Certum eſt quodd illi, qui in Deum cre-
„ didere, & Judæorum legem cuſtodie-
„ rint, & ſapientes, & Chriſtiani, qui in-
„ Deum crediderint, & ultimum eſſe diem
„ confeſſi fuerint, benèque fecerint, &
„ operati fuerint, mercedem à Deo, &
„ præmium accipient; error non erit ſu-
„ per illos, neque formido, doloreque ca-
„ rebunt.

Hinc evidens conficitur ratio ad convincendum Alcoranum non deſcendiſſe de Cælo, neque ejus doctrinam eſſe à Deo traditam. Nam evidens eſt doctrinam falſam non habere Deum Authorem, & evidens eſt eſſe falſam hanc doctrinam, quæ aſſerit utramque legem, tam Chriſtianam, quàm Mahumetanam, eſſe aptam, ut
in

in ea homines salventur. Nam evidens est ex duabus doctrinis contradictoriè oppositis non posse esse utramque veram, sed alteram necessariò esse falsam: at doctrina Evangelij, & doctrina Alcorani sunt contradictoriè oppositæ, quod attinet ad mysteria Fidei, nam Evangelium docet Deum habere tres Personas realiter inter se distinctas, Alcoranus hoc negat, unam dumtaxat Personam in Deo constituens: Evangelium docet, Christum Dominum esse Deum, & Hominem: Alcoranus hoc negat asserens esse purum Hominem: ergo vel est falsa doctrina Evangelij, vel doctrina Alcorani: ergo non est utraque à Deo: ergo Alcoranus affirmans, esse utramque doctrinam à Deo, & utramque de Cælo descendisse, mentitur, & manifestum continet errorem. Ergo lex in Alcorano contenta non descendit de Cælo: ergo lex illa nequit in Cælum ducere suos observatores: nam lex, quæ de Cælo non descendit, in Cælum ducere nequit: ergo manifestè mentitus est Mahumetus; dum dixit Christianum salvari in sua lege, si illam observet, nimirum credendo, quæ præcipit credi, & opere exequendo, quæ præcipit fieri: & simul salvari Mahumetanum in sua lege, si illam observet. Nam si uterque
ob-

obseruet suam legem, uterque credit, quòd lex ut articulum Fidei proponit : & cùm leges istæ articulos ex diametro oppositos proponant: vel Christianus, vel Mahumetanus credit aliquid falsum, ac proindè falsam habet fidem. Qui autem falsam habet fidem, in ea salvari non potest: quia falsa fides, non est Fides divina, siquidem fides est credere Deo loquenti: sine fide autem impossibile est placere Deo: est enim fides salutis fundamentum, & impossibile est ut sine fundamento consistat salutis ædificium.

CAPUT QUARTUM.

Quarta demonstratio,

HInc manifestè convincitur, Mahumetanos ex ipsa doctrina Alcorani compelli ad deferendum Mahumetū suum, & amplectendam Domini nostri Iesu Christi Fidem. Sic enim arguo: Alcoranus vester, vestraque lex palam fatetur posse homines in Christiana professione salvari: è contra verò omnes Christiani ut infallibilem Fidei articulum credimus, extrà Christi Ecclesiam homines salvari non posse: quia sicut unus dumtaxat est Deu
ita

ita unica dumtaxat, in mundo debet esse. Religio vera, in qua homines suam salutem operari possint: reliquæ autem sectæ, & professiones illi contrariæ, necessariò sunt falsæ, quia quod veritati opponitur, falsitatẽ continet. Hanc autẽ Religionem unicã dicimus esse Religionẽ Christianam; quia hanc esse à Deo evidentiã cõvincunt argumẽta, ut patet ex tota hac disputatione. Vos probè nostis Deum habere in mundo aliquam Religionem, seu professionem, vel fidem, in qua homines salvari possint. Probè item nostis, legem Mosaycam post adventum Christi jam non esse utilem ad salutem; quia ut articulum Fidei in Alcorano habetis, Christum esse Messiam in lege promissum, Perfidi autem Hebræi, qui modò legem Moysis observant hoc negant, & Messiam adhuc expectant: illi ergò meridianæ in luce calligant, & omnes infallibiliter peribunt, nisi Christum agnoscant esse verum Messiam; ut ipsis palam dixit ipse Christus: *Si non credideritis quia ego sum, moriemini in peccato vestro.* Joan. 24. Rursus etiam nostis professionem Gentilium, qui verum Deum non agnoscunt, esse certissimam ad æternam perditionem viam. Ergò palam fatemini, ad salutem æternam obtinendam necessarium esse, vel

Religionem Christianam , vel Mahumetanam profiteri . Indè verò ego evidenter concludo, vos esse stultos, & imprudentes, si Religionem Christianam non amplectamini: quia stultum est, ex duabus viis, quæ in opinione hominum ducunt ad aliquem terminum, illam deferere, de qua apud omnes convenit esse rectam, & ad terminum ducere; & illam capere, de qua dubium est, an ducat ad illum terminum, an ad ingens præcipitium . De Religione Mahumetana vos soli, ò Mahumetani, dicitis esse viam rectam ad æternam salutem: Nos verò Christiani omnes ut Fidei articulum credimus oppositum, & certissimum judicamus illam non esse semitam, ad cœlestem Hierusalem, sed viam latam, ad infernalem Babiloniam: neque ad optatum terminum ducere, sed ad inferni præcipitium . De Religione Christiana, & vos, & nos censemus esse rectam viam ad salutem . Ergò Religio Christiana est via certa ad salutem: Religio verò Mahumetana est via saltem dubia . Quis autem non videat, stultissimum esse, quando de summo omnium negotio agitur, viam certam dimittere, per quam certissimè possumus ad salutis portum pervenire; & viam capere dubiam, quæ forsan pro-

por-

portu ducit ad naufragium æternæ damnationis.

Ut Barbari Mahumetani vim hujus rationis penetrent, eis exponenda est aliquo simili. Huc adetto Haly. Amete, vel si aliud tibi nomen est. Si tua maximè interesset Matritum pervenire, & ignorans viam, dubius hæreret in bivio, anceps, an tibi pergendum esset per semitam, quæ est à dextris: an per illam, quæ est à sinistris, & tunc casus duo viri graves tibi occurrerent, ab eisque sciscitareris, quænam ex illis viis duceret Matritum? Et alter tibi diceret; amice, hanc, quæ à dextris est, elige, quia illam calcans certissimè Matritum perveniens; si autem sinistram elegeris, longè aberrabis, & præcipitium, atque mortem inveniens; alter verò tibi diceret, Amice, utraque via, tam dextera, quam sinistra Matritum ducit; sinistra tamen planior, & facilior est: elige quam malueris. Quid tunc, quæso, faceres? Absdubio, inquires, dexteram eligerem: quia illa ex confessione, & consensione utriusque est certa, & secura; sinistra verò foret dubia, & illi me committens, præsentissimo periculo me exponerem errandi, & operam perdendi, imò & vitam. Rectè respondisti; sed nunc ex ore tuo te judico. Via

Christianorum est via certissima ad salutem; quia tam Christiani, quam Mahumetani credunt, eum, qui per illam incedit, perventurum ad Cœlestem Patriam. Via autem Mahumetanorum saltem est dubia: quia Christiani omnes credimus, certissimè ducere ad infernum: & soli Mahumetani creditis ducere ad Cœlum. Tene ergò certum, & dimitte incertum, & noli te exponere manifesto periculo amittendi salvationem, & incidendi in æternam damnationem. Hoc argumento multi Mahumetani convicti sunt ad abjurandum Mahumetismum.

Simili argumento permotus est inclytus ille Galliarum Rex, & strenuus Dux Henricus Quartus, ut Hæresim Calvinianam abjuraret, & fidem Romanam amplecteretur. Quæsivit enim à Magistris Religionis reformatæ, an in Ecclesia Romana esset salus? Et affirmarunt. Quæsivit à Magistris Parisiensis Academiæ, qui omnes erant Romanæ Ecclesiæ filii, an in Ecclesia reformata esset salus? Et omnes constantissime responderunt, certissimum esse, neminem posse extra navim D. Petri, seu extra fidem Ecclesiæ Romanæ, naufragium æternæ damnationis effugere. Tunc prudentissimus Princeps conclusit: Ergò salus

lus est certa in Ecclesia Romana , si quis firmiter credat , quæ credenda proponit, & opere exequatur quæ facienda præcipit: in Ecclesia autē reformata , est dubia, quamvis quis , & credat , & operetur secundum ejus præscriptum : Relinquamus ergò viam dubiam, & arripiamus certam.

CAPUT QUINTUM.

Quinta Demonstratio.

MAhumetani credunt Christum Dominum esse Messiam in lege antiqua promissum, esse Prophetam Sanctissimum ; nam ut inquit Sanctus Petrus Paschasius pag. 65. num. 83. *Mahumetus dixit, ac in suo Alcorano scribi fecit : quòd Jesus Christus Verbum fuit Dei , & Spiritus Dei .* Et ut testatur Joan. Andræas in sua confutatione sectæ Mahumetanæ , quæ per tot annos professus est, cap. 11. Alcoranus lib. 1. cap. 3. vocat Jesum Christum : *Quali metu Allah, id est, Verbum Dei.* Item vocat illum , *Spiritum Sanctum Dei ,* & in eodem capite inquit : „ Non est aliud „ Messias Jesu-Christus Filius Mariæ, nisi „ Verbum Dei missum Mariæ , & Spiritus „ illius Dei, & nuntius ipsius . Et in eo-

Ff 3 dem

„ dem lib. cap. 2. dicit Alcoranus: *Jesum*,
 „ *Christum* cum corpore, & anima ad
 „ *Cœlos* ascendisse. Et lib. 1. Alcorani
 „ cap. 1. inquit: Nos Deus dedimus Evan-
 „ gelia *Jesu Christo* Filio *Mariæ*, & adju-
 „ vimus eum *Spiritu Sancto*. Id testatur
 quoque Luppus de Obregon supra citatus,
 & liber *Zuna*, seu *Suna*, qui magnæ est
 authoritatis apud Mahometanos, & con-
 tinet dicta, & facta Mahumeti, affirmat,
Jesum Christum venturum, ut Judicem
verum ad judicandum hunc mundum.

Hoc supposito sic, argumentor: *Christus Dominus* fuit per vos *Messias* in lege promissus, ac proindè *Doct̃or justitiæ, & veritatis*, ut eum Hieremias cap. 23. appellat. Ipseque Mahumetus in Alcorano Zorâ 44. quæ intitulatur Zorâ *Mariæ*, vocat Dominum *Jesum Verbum veritatis*, ut testatur Doct̃or Petrus de Cavalleria in zelo Christi. Fuit Propheta Sanctissimus, & à Deo missus, qui veritatem suæ doctrinæ innumeris confirmavit miraculis: ergò vera est doctrina quam prædicavit. Atqui ipse dixit se esse verum, & naturalem Dei Filium, verumque Deum, ut constat ex dictis in toto libro præcedenti, & dixit in Deo esse tres Personas: ergò vera est hæc doctrina: ergò falsa est doctrina.

Al.

Alcorani , illi ex diametro opposita . Rursus Christus dixit : *Hæc est vita æterna ; ut cognoscant te verum Deum , & quem misisti Jesum Christum*, id est , hac sola via obtinenda est vita æterna , Fide divinitatis , & mysterii Incarnationis , ut explicavimus lib.præced. Ergò nemo potest salutem æternam consequi , nisi Baptismum Christi suscipiat : nam ipse Christus dixit Joan.35.*Nisi quis renatus fuerit ex aqua, & Spiritu Sancto , non potest introire in Regnum Dei.*

Quòd si Mahumetani responderint, hæc Christum non dixisse , sed ejus Discipulos hæc falsò scripsisse , & mundo prædicasse : contra manifestè est : quia velid malitiosè fecerunt , & scientes illum fuisse purum hominem , mundum deceperunt, prædicantes esse verum Deum, & falsò testificantes de seipso hoc affirmasse Jesum Christum . Vel hoc fecerunt ex ignorantia, & quia non benè perceperunt Christi verba . Primum dicere , non possunt Mahumetani, qui credunt cum Alcorano , Apostolos Viros fuisse Sanctissimos , ut testatur S. Petrus Paschasius pag.19.suorum operum num.17. & testatur Joannes Andreas in sua confutatione sectæ Mahumetanæ cap. 11, ubi ait Alcoranum lib. 1.

cap. 2. *lib. 3. cap. 18.* multa referre miracula Apostolorum, eosque vocare *Haguarin*, id est mundos, & Sanctos, auri, & argenti contemptores. Deindè pœnitus incredibile est Apostolos malitiosè prædicasse, ut Filium Dei Magistrum suum, si scirent hoc esse falsum, & nunquam ab ipso assertum: quia hoc ipso, sine ullo lucro, vel emolumento temporali, enorme committerent crimen, dignumque damnatione æterna; stultèque desudarent in persuadendo tam insigni mendacio, quòd Judæis apparebat scâdalum, Gentilibus verò stultitia, nempe hominem crucifixum esse verum Deum. Multòque facilius potuissent mundo persuadere veritatem, nimirum Jesum Nazarenum esse Messiam, promissum in lege, insignemque Sanctum, & injustè fuisse à Judæis occisum; cæterum fuisse, & esse purum hominem, si scirent, hanc esse veritatem; & mendacium esse, quòd Christus sit Deus: stultè ergo tam insigne mendacium prædicarent. Frustraque tot peregrinationes, & labores aggredierentur. Quid enim ex hoc lucrarentur? Sanè nihil aliud quàm persecutiones, & tormenta, ipsamque mortem in hac vita, & æternam damnationem in alia: ergò incredibile est, Apostolos tanta constantia præ-

prædicasse Christi Divinitatem, si scirent, hoc esse falsum, & voluisse tantum imponere crimen suo Magistro, si scirent, Christum nunquam dixisse se esse Filium Dei. Ergò certum est, hæc non prædicasse, vel scripsisse malitiosè. Deindè dici non potest, hoc ignoranter fecisse, quia Evangelista Joannes differte narrat, Christum dixisse, se esse Filiū naturalem Dei, & propterea Judæos contra eum lapides sustulisse, & idè illum crucifixisse, quia hoc de se dicebat: si autem hoc de se Christus non dixit; non ignoranter, sed malitiosè Evangelista scripsit. Deindè incredibile est, Deum permisisse, ut Apostoli per ignorantiam totum mundum deciperent, & quòd miraculis veris falsam fidem invexerint.

Quod ulterius urgetur, quia si Apostoli mundum deceperunt, falsa fuit fides, qua ante Mahumetum mundus credit Christum esse verum Deum: ergò nullus mortalium in illis sexcentis annis ante adventum Mahumeti salvationem obtinuit: quia nec illam obtinuerunt, qui Moyſis legem illis sexcentis annis observarunt, quia post adventum Messiae jam lex Moſayca abrogata est, & qui illam profitentur, non habent veram fidem, siquidem credunt Messiam nondum venisse:

nisse: nec item Gentiles, ut patet. Nec Christiani, qui a falsum habuerunt fidem, credentes esse verum Deum Jesum Christum, si verus Deus non est: falsa autem fides nequit esse fundamentum salutis, quia sine vera fide impossibile est placere Deo. Est autem evidenter falsum mundum caruisse vera fide sexcentis annis, & nullum hominem salutem tunc obtinuisse. Deinde si Christus non est Deus, nec unquam de seipso hoc affirmavit: ergo fuit planè mentitus, *dum dixit Petro: Tu es Petrus, & super hanc petram edificabo Ecclesiam meam. & porta inferi non praevalerunt adversus eam*: praevaluissent enim, si Apostoli falsam fidem in mundum invexere, nam Ecclesia vera nequit esse fundata supra fidem falsam.

Quòd si Mahumetani respondeant (ut respondere solent, ne palam convincantur) Apostolos quidem sincerè, & juxtà veritatem scripsisse Evangelia; Christianos tamen postea adulterasse, & corrupisse illa, addentes ea, quæ de Christi Divinitate, & Trinitate personarum habentur in Evangeliiis, & Apostolorum libris: postea latè hoc deliramentum impugnabimus, manifestè demonstrantes, non alia esse Evangelia, quæ modo habet Ecclesia, quam

Demonstr. contra Mahumet. 451
quàm illa, quæ Apostoli scripserunt, & pura, & incorrupta existere.

CAPUT SEXTUM.

*Sexta demonstratio. Ubi referuntur
mirabiles conversiones Mauro-
rum in hora mortis.*

ARgumentor sextò, quia illa est vera Fides, veraque Religio, quam homines in periculo mortis constituti post sinceram orationem ad Deum fusam, ut eos viam veritatis doceat, ad moriendum eligunt sua sponte, & quin ab aliis cogantur: illa falsa, quàm homines ob lucrum, vel commodum temporale, vel ob consuetudinem majorum eligunt ad vivendum, & à qua in hora mortis, rem attentè considerantes, recedunt. Cum enim Deus sit summè bonus, & misericors, & velit omnes homines salvos fieri, & ad agnitionem veritatis venire, ut ait Apostolus 1. ad Timot. 2. v. 4. credi non potest de tanta pietate, quod hominem, qui bene moraliter in vita se gessit, & honestè vixit, & in morte ad eum fidenter orat, ut viam veritatis ipsi aperiat, in morte deferat, & permittat, ut Diabolus contra illum prævaleat

leat, & in falsa secta finiat vitam, & damnetur. At quotidiana experientia discimus multos Mahumetanos, qui moraliter bene vixerunt in sua secta, in illaque per multos annos perseverarunt, quia eam quasi jure hæreditario à parentibus, avis, & proavis acceperant; postea vel ante mortem, vel in mortis articulo post preces Deo suas ad inveniendam salutis viam, sectam illam deservisse, & Christianæ Religioni nomen dedisse, unicè ob desiderium æternæ salutis, & quin ad ullum temporale emolumentum, vel lucrum intenti essent. Et contra verò à sæculo non est auditum, quod aliquis legem Christi fideliter servaverit, & vitam bonam, & honestam secutus sit; & quod iste sua sponte dum morti propinquus est, Christianam Religionem deserat, & in secta Mahumeti velit mori. Ergò manifestum signum est, Religionem Christianam esse sanctam, & Deum habere Authorem, & esse rectam, & securam ad Cælum viam eis, qui Christiana præcepta observant. Et è contra Mahumetanam sectam non esse sanctam, nec Deum habere Authorem, neque ad Cælum, sed ad infernum ducere eos, qui illam observant. In Africa, & aliis Regionibus à Mahumetanis occupatis sæpè contingit, ut
Chris

Christiani captivi fide deficientes Mahumetanam sectam profiteantur ; id verò idè evenit, quia gravibus peccatis irreti-
ti, & à Diabolo in captivitatem redacti, facile à corruptione morum ad infidelita-
tem transeunt; abyssus enim abyssum in-
vocat ; & peccatum , quod per pœniten-
tiam non deletur, in nova trahit peccata,
hæc verò multiplicata, mentem obcæcant,
& animam disponunt , ut radicem omnis
sanctitatis , nempe fidem , amittat . Cum
enim peccata fidem quasi captivam te-
neant, nec sinant ut in opera sancta pro-
deat, Deum provocant, ut permittat, illam
radicem è corde avelli à Diabolo . Sic
multi propter nimiam avaritiam, & cupi-
ditatem rerum temporalium erraverunt à
fide, ut docet Apostolus 1. ad Thimot. 6.
v. 10. *Radix omnium malorum cupiditas,
quam quidam appetentes , erraverunt à
fide.* Et idè Apostolus Petrus Epist. 1. cap.
2. v. 6. testatur de quibusdam, quòd ob ma-
lam vitam amiserunt fidem, *derelinquen-
tes rectam viam erraverunt sequentes viam
Balaam* . Et Paulus ad Thimoteum scri-
bens Epist. 1. cap. 1. v. 19. testatur, aliquos
propter malam conscientiam naufragasse
in fide, *habens fidem , & bonam conscien-
tiam, quàm quidam repellentes circa fidem*
nas-

naufragaverunt: ex quibus est Hyminaus, & Alexander. Et de quibusdam peccatoribus narrat, quia eis defuit charitas, Deum permisisse, ut crederent mendaciis contrariis fidei 2. ad Thesalon. 2. v. 10. Eo quod charitatem veritatis non receperunt, ne salvi fierent: ideò mitter illos Deus in operationem erroris, ut credant mendacio.

Deindè ob commoda temporalia mali Chistiani sæpè apud Mauros ad sectam Mahumeti transeunt; quia frequens est apud illos, ut qui Mahumetani fiunt, libertate donentur. Deindè lege sancitum est inter Mauros, ut servus, qui ex Christiano factus est Mahumetanus, unà cum filiis domini sui hære litatem adeat defuncti, possitque cum vidua matrimonium contrahere. Ità mihi narravit in Portu Sanctæ Mariæ anno 1671. Dominus D. Augustinus de la Cerda, antea Muley Larbe Gerise nuncupatus, Regis Tafileti in Africa ex fratre nepos, & legitimus illius Regni successor, qui à Deo ad Christi fidem vocatus, solemniter baptizatus est in ea Civitate me præsentem, ejusque in Baptismo Patrinus fuit Excellentissimus Dominus Dux de Medinaceli. Ejus pater Rex Tafilete tyrannus erat: quia cum esset spurius, patrem suum legitimum Regem per
in.

insidias occidit, & Regnum occupavit, quod jure sanguinis spectabat ad Muley Larbe, utpote primogenitum germani fratris è patre, & matre Regis occisi; ejus namque parens antequàm Rex occideretur, vitam functus erat morte naturali, ac proindè ipse legitimus erat Regni successor. Tyrannus verò timens, ne Muley Regnum invaderet, ei necem parabat; quam ut effugeret, ad arcem Christianam de Alarache confugit; cujus Gubernator timens ne per vim Rex Taflete vellet arcem adoriri, ut fugitivum Principem caperet, eum in Hispaniam transmisit: & in custodia Portus Sanctæ Mariæ servabatur, cum ad Fidem à Deo vocatus est ex conversatione cum Religioso Augustiniano; & quia, ut ipse narrabat, ei apparuit D. Augustinus, qui Baptismum petere jussit. Indè educus traditus est Religiosis Sancti Augustini in mysteriis Fidei instruendus: & in eorum Cœnobio commorabatur: cum P. Joannes Gabriel Guillen, & ego è Gadibus ad Portum transfretavimus, vocati ab Excellentissima Ducissa ad Missionem habendâ in ea Civitate; & ex ejus præscripto in sacro illo Cœnobio hospitio excepti sumus, & à Religiosis illis Patribus benignissimè, & liberalissimè accepti. Princeps
iste

iste non modico nobis adjumento fuit ad conversionem Mahumetanorum, qui eum a legitimum Regni successorem colebant, & antequàm Fidem Christi susceperet, ei necessaria ad viçum, & vestitum suppeditabant: Hujus conversionis conscia Regina Maria Anna Austriaca, quæ Hispaniæ Regna pro minoritate Caroli Regis filii sui gubernabat, regia liberalitate eum beneficiis cumulavit, & jussit ut in Mediolanensi Ditione Ducem cum duplici equitum turma ageret. Ab hoc igitur principe eam notitiam hausi.

His ergò de causis sæpe accidit ut Christiani in Africa Fidem Christi deserāt, & sectam Mahumetanam, exterius saltem, profiteantur. Nunquàm tamen in Africa, hoc monstrum visum est, quod aliquis captivus Christianè inter Mauros vixerit, legem Christi fideliter servans, & in ea constanter perseverans, quin nec minis, nec promissis ab ea divelli potuerit: & tamen quod morti propinquus, sectam Mahumetanam spontè amplexus sit. Imò omninò nullus inter Mahumetanos unquam Christianus versatus est, qui Christianam, & honestam vitam agens, ex desiderio suæ æternæ salutis, & non ex cupiditate temporali lucri, & meliorem experiendi fortunam in hac

hac vita , sua sponte circumcisionem Mahumetanorum subierit, & Mahumetanam sectam suscepit . E contrà verò quotidie in Hispania invenire est Mahumetanos, qui si à Christianis invitentur ad nostram Sanctam Fidem , obstinatè sic respondeant : *Pater meus Maurus , & proavus meus Maurus extitit, & in Fide Maurorum mortuus est; & ego quoque Maurus, usque ad mortem* . Sic in Bætica sæpiissimè mihi responsum est à Mahumetanis , quos in familiari conversatione ad Christum pertrahere tentabam . Et tamen ii ipsi, cùm mortem appropinquantem vident, Baptismum petunt, & Christiani fiunt. Hujus rei aliqua exempla subiiciam.

Postquàm Malaca Mauris concionatus sum, & solemniter una die triginta tres baptizati sunt ab Illustrissimo Episcopo, præter alios, qui privatim sacro fonte lustrati fuerant , invaluit apud Mahumetanos perfidos fama , & per finitimas urbes, & oppida vulgata est : Sacerdotem Christianorum (Papacem ipsi vocant) fascinis infecisse Mahumetanos in Malaca degentes, & veneficiis eos ad Fidem Christi traxisse : caverentque proindè reliqui, ne ab hoc insigni Mago , & venefico deciperentur : & Amuletum pararent, ad amovenda

veneficia . Post Missionem Malacensem , & alias, per finitima oppida , peractas, Illustrissimus Episcopus à Marchione de Alsé-
tar Ceutæ Governatore per litteras roga-
tus , nos in eam urbem misit cum tribus
alijs Sacerdotibus sæcularibus , ut in ea de
more Missioni incumberemus . Ea verò
Missionem peracta , P. Joannes Guillen-
amantissimus meus socius (quem per sex
continuos annos in Missionibus comita-
tus sum, viri zelum , conscientiæ purita-
tem, & acrem animi contentionem ad in-
defessè laborandum in vinea Domini illu-
stresque alias virtutes admiratus , ob quas
meruit gratiam Baptismalem Cœlo infer-
re, ut testatus est Sacerdos nostræ Societa-
tis, qui ejus confessionem generalem in
nostro tyrocinio Matritensi, ubi Rectorem
agebat, à Missionibus avulsus , ad extre-
mum vitæ excepit : obiit Matriti 19. Ja-
nuarii anni 1675, ætatis 48.) cum uno
Sacerdote sæculari Esteponam profectus
est : ego verò cum reliquis duobus Ma-
rucam perveni : & vix illuc adventaram,
cùm Mahumetanus quidam , inter suos
magnæ authoritatis , & qui omnium sa-
pientissimus habebatur, qui in illis mariti-
mis oris captivi tenebantur (utpotè qui
in Fez Mauritaniæ urbe in Collegio quor-
dam

dam alumnus, & collega fuerat, & in Mahumetana lege peritus erat, totumque Alcoranum memoria tenebat) Mahumetanos omnes ibi commorantes congregavit, illisque persuasit, me præstigiatores, & veneficum esse ; attendite, inquit, hunc Papacem è pulpito prædicantem, & animadvertetis, eum brachia, & manus identidem movere, ut fascina, & veneficia diffundat, & audientes seducat : gestus ipsos, & oratorias actiones præstigias interpretatus. Undè quoties movebam brachia, vel manus ad exprimendos mentis effectus, toties dicebat me virulentas incantationes spargere. Et quò illos facilius deciperet, convivium eis paravit, à singulis sponsonem, vel jus jurandum exprimens non petendi baptismum : & ne attenderent, & quæ dicebantur intelligerent, ante concionem ipsos inebriabat. Et ità obturaverunt aures suas, & nullus eorum ad Fidem Maruecæ conversus est, quamvis fortiùs ibi, quàm alibi prædicavi.

Interim Esteponæ P. Joannes Gabriel Guillem, qui nunquam Maumetanis prædicaverat, quadam die, dum ad Christianos de Morte concionem haberet, in qua defuncti cranium populo ostendens,

& hominem mortuum, qui ad vivos verba faceret introducens, audientium animos vehementer commovebat: ad finem concionis pauca, sed ardentia ad Mahumetanos verba locutus, quinque, qui soli in eo oppido detinebantur, & concionem audiebant, ad Christum traxit, & Baptismum petere persuasit.

Sed ò divinæ misericordiæ abyssum! Illum eundem Mahumetanum, qui suos Africanos à Christo averterat, Clementissimus Dominus ad se convertit: post aliquot menses illum affixit lecto, gravem corpori ægritudinem immittens, ut animum sanaret; agnovit ille mortem jam oppropinquantem, & in illo periculo constitutus, mentis oculos aperiens, Deum rogat, ut si Mahumetana secta non sit bona ad salutem via, cor ejus commoveat, ad Christi Fidem amplectendam. Hoc ego sæpè in concionibus, quas coram ipso habui, ingeminaveram, ut scilicet Deum Cœli, & terræ creatorem enixè rogarent, ut si verum sit, quod Christiani dicunt, Christi Fidem esse unicam ad æternam salutem viam, & Mahumetanam Religionem ad infernum certissimè ducere, cor eorum inclinaret ad Religionem Christianam, sin verò Mahumetana Religio sancta, & è Cœlo

lo delapsa sit, ut ipsi credunt, ab ipsis averteret cognitionem omnem petendi Baptismum . Audivit Clementissimus Dominus orationem illam ; &, ut ubi abundavit delictum, abundaret & gratia, illumina-
vit hujus Mahumetani tenebras ille, qui illuminat omnem hominem venientem in mundum . Igitur sua sponte, & solo Deo internè prædicante, Baptismum petiit, & magna sui spiritus consolatione cœlestis lavacri aqua lustratus paulò post moritur . Illustrissimus Malacensis Episcopus, qui obstinationem hujus hominis audierat, & quanto fuerat impedimento ad aliorum conversionem noverat ; pro sua in me benevolentia, & benignitate, me de hac conversione per litteras certior-
rem fecit, sciens faustum hoc nuntium mihi fore gratissimum . Quis non agnoscat hanc mutationem à Deo fuisse ? certè hîc adimpletum est, quod ipse promissit Matth. 7. & Luc. 11. *Petite, & dabitur vobis, quærite, & invenietis, pulsate, & aperietur vobis : omnis enim qui petit accipit, & qui quærit, invenit, & pulsanti aperietur .* Quis de summa Dei bonitate credere possit, quòd hominem ex toto corde ad se clamantem pro animæ suæ æterna salute, sinat à Diabolo seduci, ut

veram Religionem, in qua salvetur, deferat; & eam, in qua damnetur, eligat? Ut enim inquit veritas ipsa Luc. i i. *Si vos cum sitis mali nostri bona dare filiis vestris, quanto magis Pater vester de cælo dabit spiritum bonum petentibus se*: ergò Religio Christiana, quàm Mahumetani ipsi ad moriendum eligunt postquam rem Deo impensè commendarunt, vera est, & à Deo: Quod autem in vita, Mahumeti sectam obstinatè sectentur, non probat illam esse à Deo; sed probat illam esse, carni, & sanguini conformem: probat; cōnatūrale esse, ut homines ægrè, & difficulter suā sponte deserant Religionem, in qua educati sunt; & quàm à maioribus acceperunt: At quod homines in secta aliqua blanda, & molli, atque concupiscentias carnis fovendi educati, illam deserant, & Religionem amplectantur strictam, & quæ concupiscentias carnis cohibere, & crucem mortificationis amplecti jubet, & eam solūm exequi; quæ rationi consona sunt; hoc profecto probat, illam Religionem Deum habere Authorem; & Deū ad illam capeffendā internè movere.

Huic exemplo alia subiungam, quæ manibus contrectavi, dum Malacæ operam Missioni navarem, accidit, ut ægrota-

ret ad mortem Mahumetana femina, nomine Fatima. Erat nobilis, & pii Ecclesiastici ancilla, qui ejus conversionem sæpè tentaverat, sed incasum. Erat enim obstinatissima, nec exemplo duorum fratrum suorum, qui simul cum illa in captivitate redacti, Christi Fidem susceperant, quidquam mota est: nec de conversione ad Fidem Christianam verbum audire volebat. In reliquo vitam agebat honestam, & moraliter bonam, & fideliter domino suo inserviebat. Intimè dolebat bonus Sacerdos, ancillam suam in æternum perire; fratres ejus Christianos admonet, ut eam invisant, & ut Baptismum petat, suadeant: & cum illi nihil proficissent, ne aliquid intentatum relinqueret, me vocat, ut eam alloquerer. Adivi, Christiano more salutavi, & Christiana viscera ei ostendens; dixi, Soror Fatima, huc me duxit Christi charitas, & tuæ æternæ salutis desiderium: quia Sacrosancta Jesu Christi Fides, quam profitemur, jubet, ut proximorum nostrorum salvationem sicut nostram optemus; & illam pro viribus procuramus: ego autem à Deo vocatus ad procurandam æternam animarum salutem, tuam ut propriam exopto; & ejus desiderium huc me libenter adduxit. N.

hil temporale quæro : tu scis quot sermones in hac Civitate fecerim, & quantum laboraverim, ut Christianos peccatores à vitis ad virtutem avocarem : pro his curis, & laboribus nullam ego mercedem in hac vita requiro : sed unicè Dei gloriam, & proximorum salutem inspicio . Tu, quamvis Mahumetana , ad imaginem Dei facta es, sicut Christiani, & Christus pro te passus est, non minus quam pro nobis. Tuâ proindè salvationem ardentè desidero, & paratus sum quoscumque labores temporales pro illa obtinenda subire . His præmissis adjeci . Tu Deum creatorem Cœli, & Terræ adoras : tu scis , illum quantum est ex se velle , ut omnes homines salvi fiant : ac proindè non ignoras, Deum hominibus providisse legem aliquam , & Religionem, in qua salvari possint, cum enim desideret , ut homines perveniant ad terminum, nempe ad gloriam Paradisi, debuit eis præstituere viam, qua ad illum terminum perveniant : via autem ad gloriam est lex , & vera Religio : aliquam ergo habet Deus in mundo Religionem, in qua homines salvari possint . Hoc unum ergò maximè nostra interest, scire, quænam lex, & Religio vera, & à Deo descendens; lex enim falsa, & quæ à Deo non descendit, non

potest ad Deum, & cœlum ducere. Et hoc
omni animi contentione debemus sedulò
quærere : & enixè à Deo postulare, ut nos
illuminet ad cognoscendum quænam sit
hæc vera lex, in qua ipse vult coli, &
per quam vult homines ad se ducere. Qua-
tuor tantum sunt in mundo leges ; lex
Gentilium, lex Judæorum, lex Christiano-
rum, & lex Mahumetanorum. Tu benè
scis ex tuo Alcorano legem Gentilium
nunquam fuisse ad Cœlum viam. Etiam
scis, legem Judæorum, postquam Christus
in mundum venit, jam non esse viam ad
Cœlum. Hoc breviter, & dilucidè expo-
sui. Restat ergò ut hæc lex vera, sit, vel
lex Christianorum, vel lex Maurorum.
Christiani omnes firmissimè credimus le-
gem Maurorum esse falsam, & à Mahu-
meto confictam ad parandum sibi Regnū,
& imperium sub honesto, & spetioso Reli-
gionis titulo : certissimè scimus, & per-
suasi sumus, eum non fuisse Prophetam
Dei, sed seductorem. Ac proindè ut quid
indubitatum credimus in sola Religione
Christiana posse homines salvari. Vos
Mahumetani creditis Mahumetum esse
Dei Prophetam, & vera esse omnia, quæ
in Alcorano docet : in Alcorano dicit, in
Deo non dari tres Personas, sed unam
dum,

dumtaxat; Christum fuisse quidem Prophetam sanctissimum, sed non esse Deum; nec pro hominibus fuisse crucifixum, nec tertia die surrexisse à mortuis; ac proinde vos creditis rem ità se habere. Christiani omnes oppositum constanter credimus, quia ità scripserunt Apostoli, & Evengeliste, qui cum Christo conversati sunt, & ab ejus ore audierunt dari in Deo tres Personas, & ipsum esse Deum: & qui eum viderunt in Monte Calvario crucifixum, & post tertium diem redivivum. Necessè est, ut ex his duabus legibus altera sit vera, & altera falsa; quia impossibile est, ut utrumque sit verum, & quod docet lex Mauro-rum, & quod docet lex Christianorum. Si lex nostra est falsa, omnes Christiani damnamur: si vestra lex est falsa, omnes Mauri ad infernum tenditis. Ego tibi in Dei nomine annuntio, quod in æternum peribis, si Christiana non fias. Si mihi non credis, hoc unum à te enixe rogo, ut Deum super hoc negotio consulas: & ex toto corde ab illo postules, ut si vera sunt, quæ tibi dico, tibi inspiret efficaciter voluntatem, & desiderium suscipiendi Baptismum, & moriendi in lege Christi: sin autem sunt falsa, talem tibi cogitationem non injiciat. Bonus sermo, respondit Facsimia,

Demonstr. contra Mahumet. 467

tima, optimè dicis, Pater; ego rem Deo commendabo; & lucem ab ipso petam ad veritatem cognoscendam, & cras tibi responsum dabo.

Præstitit quod promisit; rem impendens Deo commendavit, enixè lucem petivit: Et ad januas divinæ misericordiæ pulsavit, & primo manè divinitus tacta, clamat se velle esse Christianam, & Baptismum ardentè petit; admonitus de hac subita mutatione illuc advolavi, mysteria ad salutem necessaria docui; quid Baptismus conferret, exposui, & qua esset dispositione suscipiendus; & post sufficientem instructionem baptizata est, ingēti cum gaudio spiritus sui. Attuli Imagines Christi, & Beatæ Virginis, & eas devotissimè osculabatur, & pectori admovebat; petivit à me, ut ejus confessionem exciperem: ipsam docui peccata ante Baptismum commissæ, non esse materiam confessionis: ipsique exposui, peccata venialia, in quæ homines incidunt post Baptismum, esse sufficientem materiam confessionis, exposuique quænam sint peccata venialia; & rogavi, ut conscientiam discurreret, an post Baptismum occasione dolorum in aliquam impatientiam incidisset, an verbum aliquod amarum protulisset, vel alicui malæ

cogitationi consensum dedisset . Et postquam conscientiam discussit , post varias interrogationes altera die post Baptismum susceptum , materiam quam potui absolutionis eliciens, absolutionem Sacramentalem impertivi, & paulò post magna cum devotione Sacram Eucharistiam accepit; & denique Sacramento Extremæ Unctionis munita ad Cælum evolavit fœlix illa anima . Accidit casus iste ad extremum, anni 1669.

Huic exemplo aliud adiicio . Anno 1672. cum Hispalim vocati sumus ab Illustrissimo Archiepiscopo D. D. Ambrosio Ignacio de Espinola , & Guzman ad iterũ faciendam Missionem in illa urbe, & toto Archiepiscopatu: (nam primam habueramus ann. 1669. tempore Illustrissimi D. D. Antonii Payno) monitus sum à viro nobili, & illius urbis in Consilio saculari Senatore, esse in Parroquia Magdalenæ Mahumetanum octogenarium gravi morbo oppressum, & in periculo mortis constitutum: illum visitavi frequenter, & de rebus Religionis cum eo collocutus, & confectis argumentis pro illius captu opportunioribus, tandem persuasi, ut enixè à Deo postularet lucem ad vitam finendam in Religione vera, & à Deo hominibus

bus data, eisdem fermè rationibus, quibus idipsum Malacæ persuaseram Fatimæ. Oravit, & quod quærebat invenit, & subito mutatus est in alium virum, & toto corde cepit abominare sectam Mahumetanam, & deplorare cæcitatem, in qua per tot annos vixerat: nam quadraginta integros Hispali degerat in Alcorani tenebris, & octogesimum primum ætatis jam agebat annum. Rogatus autem, quænam illa fuisset tam subitæ mutationis causa; respondit se post preces ad Deum fusas, ut ipsum doceret viam bonam, in qua esset salus, in somniis vidisse in amenissimo horto duos Religiosos pulcherrima colligentes poma, & ab eis postulasse, ut sibi aliquid donarent; illos verò respondisse, poma illa esse Christianis reservata, & non posse Mahumetanis concedi: hinc verò cor suum inflammari cepisse Baptismi desiderio, & hac desiderium crevisse, quia post somnium dū jam esset experge, factus vidit prope lectulum suum imaginem magnam Christi è Cruce pendentis, & cum ipse ad illam adorandam ad Christi pedes se abjecisset, eisque oscula magna cum devotione infixisset, Christus pedes retraxit, & subito disparuit, quasi eum repelleret, quia Christianus non erat; ita narrabat ipse;

ipse; & eam non fuisse imaginationis delusionem probavit eventus; quia ingenti cum gaudio Baptismum suscepit: & in-
 gravescente postea morbo Sacram Com-
 munionem, quæ ipsi solemniter cum pompa
 administrata est, certatim contenditibus
 primæ nobilitatis viris munia daducho-
 rum, seu ceriferorum, & æditui obire, &
 accepta Extrema Unctione, elicitis fer-
 ventibus, Fidei, Spei, Charitatis, & con-
 tritionis actibus, animam Deo reddidit,
 cum ingenti totius Civitatis consolatione,
 & spiritali lætitia; anno 1672. miranti-
 bus omnibus divinæ misericordiæ abyf-
 suri, quæ tot annos expectavit hunc sceli-
 cem peccatorem, qui in Baptismo voluit
 Joannes Baptista appellari.

His duobus exemplis recentibus ad-
 do aliud antiquius, quod narrat P. Igna-
 tius de las Casas nostræ Societatis Sacer-
 dos, qui ob peritiam linguæ Arabicæ mis-
 sus est à Gregorio XIII. Summo Pontifice
 ad reducendum in unionem cum Ecclesia
 Romana Patriarcham Græcorum, aliosque
 Prælatos Schismaticos, de quorum con-
 versione spes affulserat, plurimasque Pro-
 vincias peragravit; & propria manu iti-
 nerarium scripsit, in quo fidelissimè nar-
 rat ea, quæ in tam longo itinere accide-
 runt;

runt; & data occasione interlerit aliqua exempla conversionis Mahumetanorum, quæ ipse vidit: hunc librum manuscriptum habet R. P. Petrus Hieronymus de Cordova secundò Provincialis Societatis Jesu in Provincia Castellana, dum hæc scribo, nempe mense Januario, anni Domini 1680. & cum illum librum legerem, hoc & alia exempla ex illo manuscripto excerpti. Ut autem constet ex illo itinerrario, conversio referenda accidit post annum 1562. & ante annum 1570. nec enim ex manuscripto annum certum eruere potui. Rem narrabo verbis Authoris ex Hispano in Latinum conversis.

Canonicus quidam S. Corduensis Ecclesiæ Africanus servum habebat, qui ei à viginti annis magna cura, & diligentia inserviebat. Apparebant in eo tot virtutum moralium signa, ut mihi dominus ejus seriò testatus sit, se nunquam in servo suo quidquam vidisse, quod gravem culpam redoleret. Propter has virtutes herus servum amabat, ejusque aternam salutem enixè exoptabat. Ille verò sectam Mahumetanam, tam constanter servabat, ut quamvis bis, aut ter quotidie dominum suum in templum euntem commicaretur, numquam iste ab illo impetrare potuerit
ut

ut intra sacra limina ingrederetur ; ne eo quidem titulo , quod olim templum illud celebris fuerat Mahumetanorum Mezquita. Erat jam longævus ; & uti aiebant Mauri in ea Civitate commorantes , fuerat inter suos Alphaquinus , seu Sacerdos . Incidit in gravem morbum , & ejus herus de æterna servi salute sollicitus , Collegium Societatis adit , & superiorem rogat , ut mitteret aliquem ex Patribus , qui illum Christo associet . Assignati sumus Pater Baena , & ego , ut ejus interpretem agerem . Illud statim convolvimus . Et quantum potuimus laboravimus pro ejus conversione : sed frustra ; quia ille non tantum benignas aures præbere volebat , sed amaris verbis , & indignatione plenis nos repellebat . Ego verò ejus obstinationem videns : „ Non à „ te (inquam) postulo , ut sectam tuam „ deferas , vel quidquam contra illam „ agas , sed tantum eam orationem ad „ Deum fundas , quam in Alcorano Mauri „ habetis , & ita habet : doce nos Domine „ viam rectam , & bonam ; siquidem pro „ bè nosti , omnes Christianos inconcussè asserere , Mahumetenos in æternum damnandos , si in sua secta vitam finiant . Roga ergò Deum , ut si à vera Religione aberras , veram tibi ostendat salutis viam , & ad illam

Iam capeßendam cor tuum moveat . An-
nuit ille, & manus, & oculos ad Cælum
attollens, *Duc me Domine* (inquit) *per*
salutis viam . Hoc audito, discessimus,
quia spes non erat aliquid aliud ab eo eli-
ciendi.

Sed cùm Dei proprium fit, cujus
vult misereri, vel quem vult obdurare;
die sequenti accitus sum, ut festinanter in-
domum ægrotantis Mauri descenderem.
Cùm primùm cubiculum jacentis ingre-
dior, illum conspicio, devotè Christum,
crucifixum amplexantem, & osculantem;
& causam sælicis hujus mutationis sisci-
tatus; ab ejus ore hoc responsum accepi.
Petivi, inquit, juxtà præceptum tuum à
Deo, ut è Cælo mihi lucem immitteret
ad cognoscendam certam salvationis meæ
viam, audivit benignissimus Dominus
orationem meam . Historiamque suæ con-
versionis texens, narravit, sibi vigilanti
apparuisse duodecim feros Æthiopes, ipsum
circundantes, & è lecto rapere gestientes,
tunc se expavisse, & interpellasse Christia-
num, qui jussu heri sui illi assistebat, &
Christianum facere satagebat . Accessit
Christianus, & rogavit à Mauro, quid illud
novi esset, quidve ipsum defatigaret? re-
spondit ægrotus: Nonne vides hos duo-
decim

decim Æthiopes, qui me è lecto eripere,
 & discerpere tentant? At verò Christianus
 (qui tamen nihil horum videbat) crucifixum
 apprehendit, illumque ante oculos ægrotantis
 obiciens, opem, inquit, posce, à Christo, & à sanctissima ejus Matre
 Maria, qui ab hoc agmine Æthiopum, qui
 Cacodæmones abs dubio sunt, te libera-
 bunt. Tunc sublatis in Cælum oculis
 infirmus (uti narravit Christianus) stu-
 penti similis hæsit, obfirmato obtutu pro-
 spiciens. Visibilem se illi ostenderat Dei-
 para, & benigno vultu sic illum allocuta,
 est Arabico idiomate: cave ab his Æthio-
 pibus: *Et scito, quòd nisi Christianus fias,*
& credas, Jesum Christum Filium meum
esse Deum, te violenter rapient Dæmones
isti. Ille verò in se reversus, & ad Chri-
 stianum conversus, cito, inquit, Sanctum
 Crucifixum mihi porrige; quia ego fir-
 missimè credo, Jesum Christum esse verū
 Deum, qui pro me passus est: volo Chri-
 stianus esse; & baptizari desidero. Testa-
 tusque mihi est Maurus, Virginem sibi
 manifestasse omnia, quæ credenda sunt ad
 salutem æternam obtinendam. Ego verò
 illum qua potui diligentia in rebus fidei
 nihilominus instruxi, prout tempus, &
 morbus exigebant. Enixè ab hero postu-
 lavit

lavit, ut Baptismus ipsi, non in lecto, sed in Ecclesia, in quam nunquam intrare volebat, administraretur. Illi annuit herus, & candida serica veste indutus in sella gestatoria ad Ecclesiam Cathedralē vētus est: & coram Augustissimo Euchari-
stiae Sacramento, magna animi sui lætitia, & circumstantium gaudio, salutarī lavacro tinctus est à suo hero, & in Baptismo appellari voluit Joannes Maria de Jesus. Et cū morbus invalesceret, statim in domum reduxerunt illum: in via autem cum liquato cibo eum reficere vellent, vix illum gustaverat, cū cibum dimittens, & crucifixum amplectens, & dulcissimum Jesus nomen invocans, spiritum illi tradidit in eadem sella, in qua Baptismum susceperat; lacrymantibus præ spirituali gaudio eis, qui sellam circumstabant; nondum enim herus cum reliquo comitatu supervenerat. Ut autem fœlicitatem Mauri in Cœlum jam admissi cognovere, in divinas laudes effusi sunt. Hucusque
P. Casas.

Hæc exempla cū proposuissem anno 1679. mense Aprili cū in Misione Hispalensi per sex continuos dies ad Mahumetanos publicè concionatus sum, eis auditis statim me invisit Illustris Domi-

nus D. Alphonfus Verdugo Albornoꝝ , & Sotomayor, Alcantarensis Militiæ Eques, & nunc Comes de Torrepalma , Vir nulli Hispalensium Equitum ingenii acumine, judiciiꝝque maturitate cedens , & pietate, non minùs, quàm nobilitate clarus ; & ut in similibus concionibus possem Mahumetanos uberiùs confundere , singulare exemplum mihi narravit , quod totam Hispali haberet in testem ; ab ipsoꝝque postulavi , ut in scripto rem ad unguẽ traderet , ut palam possem illud exemplum Mahumetanis postea proponere : id quod diligenter præstitit , historiam sequentem transcribens ex libro funerali Parroquiæ Sanctæ Andree , in quo memoria hujus mirabilis conversionis conservatur : & ita ad verbum habetur.

Die vigesima quarta Maii anno millesimo sexcentesimo quinquagesimo septimo, Hispali evenit, quod referam. Vivebat in prædicta Civitate Maurus Akmazor nomine, servus D.D. Alphonfi Fernand. Marmolexo, qui cùm Mahumetanæ, legis observator acerrimus esset, acritèr insectabatur persequēbaturque omnes , qui perfida Alcorani fide relicta ad nostram veram, & Catholicam convertebantur : accidit quadam die , ut propè portam Domus Professæ

sæ Societatis Jesu in quemdam Neophitum Tingitanum offenderet servum D. Marchionis de Algava , & cùm Neophitum incepisset contumeliis onerare , & conviciis, quòd habitam legē Mahumeti defervisset, ulteriùs vesanus processit , manusque iniecit , quin ab isto incepto precibus repetitis Neophitus amovere potuisset ; at cùm Christianus Tingitanus effugere violentiã aliter non potuisset , pugionem extraxit, extractumque in Almanzor's alvum illum percutientis adegit : tunc Almanzor humi sternitur , visceribusque per vulnus emissis : sed mira res ! vix ceciderat, cùm Sacram Aquam Baptismi poposcit , dictitans se velle Franciscum appellari : accurrunt undequaque prætereuntes, inter quos Presbyter Benedictus de las Heras accessit Cappellanus Didaci de Payva , qui juxtà ipsiusmet limina Baptismum Sanctum Almanzori mistravit . Hinc percussus Maurus, jam Christianus in domum sui Domini D. Alphonsi Marmolexo , curandus deferitur : Habitabat tunc prædictus Dominus D. Alphonsus in ædibus Domini Comitis de Pefiaflor , quæ ædes pertinet ad Parrocchiam Sancti Andreæ , cujus Parrochus erat D. D. Laurentius de Maldonado (qui nunc inter vivos agit.) Qui

cùm rectè novisset ab ipso baptizato , & prædicto Præsbytero Benedicto rē totam: & cùm animadvertisset actus fidei ferventes, quos eliciebat Franciscus Andreas paulò antea baptizatus , pergit ad consulendum Illustrissimum Dominum D. Fr. Petrum de Tapia, an vulnerato, & recēs baptizato Sacram Eucharistiam , & S. Unctionē ministrare liceret: Respōsū illi fuit ab Illustris. Tapia tunc Archiepiscopo Hispalensi, licere, & expedire tam Sancta Sacramenta morienti Francisco Andreæ præstare; & eādē nocte Sacro Viatico , & Extrema Unctione munivit jacentem . At vulneratus magna devotione , tantique beneficii Cœlestis conscius ea Sacramenta, excepit . Res quidem mira ! Aded ferventi spiritu , lacrymarumque copia ignovit aggressori, & homicidæ , ut adstantes omnes stuperent, videri in recens Christiano tot signa pietatis . Spiritum emisit inter hos pios , & ferventes divini amoris singultus. Adfuimus (inquit per Illustris Dominus Comes de Torrepalma) ejus funeri, omnes majoris notæ hujus Civitatis, quod quidem juramento firmabimus quot quot nunc vivimus.

*Septima demonstratio, ubi mira vocationes
Mahumetanorum ad fidem
Christi enarrantur.*

HOc argumentum præcedenti affine est, sumiturque ex alia experientia notissima; constat nunquam aliquem Principem Christianum, immò nec ullum Virum Nobilem, vel Plebejum, patriam, uxorem, filios, divitias, & temporalia commoda deservisse, & in Africam trajecisse, ex desiderio salutis æternæ, ut ibi Mahumetanus fieret, & in secta Mahumetana moreretur. E contrà verò certissimum est, non paucos Mahumatanos reliquiss: patriam, parentes, divitias, imò, & regna, & ad terras Christianorum transfugisse, ex desiderio salvationis, ut Christiani fierent, & in Religione Christiana vitam finirent, vel in captivitatem à Christianis redactos, postea noluisse reverti ad patriam, ad parentes, ad filios, ad uxores, ad divitias, cùm facile possent illuc remeare. Hoc autem signum clarum est vocationis divinæ intus moventis ad quærendam viam salutis: ergò in Religione Christiana unicè est salus; in Mahumetana verò certissima est æterna perditio. Hoc argumentum Christi præ-

dicator facile amplificare poterit.

Ego hîc aliqua tantùm subiiciam exempla , quæ ad movendos Mahumetanorum animos non parum momenti habent . Novi ego Matriti Christianum novum Africanum, qui inserviebat Eminent. Cardin. & Archiepiscopo Tolet. D. Palchafio de Aragon, & curam habebat argentearum suppellectilis illius Principis ; Virum verè pium, & devotum , qui quotidie per duas horas vacabat orationi mentali, & singulis hebdomadis bis, vel ter ad Sacram Eucharistiam accedebat ex consilio P. Spirituallis . Hic Tunetanus erat: & à Deo illuminatus ex conversatione cum captivo Christiano, fugam ad terras Christianorum diu meditatus est, & cùm modum non inveniret vota sua adimplendi , Deum ex intimo cordis rogabat , ut eum duceret in eorum terras , & ut à Christianis capi posset , voluntariè aggregatus est Mauris, qui in eorū terras navigabāt ad captivandos Christianos, sperans fore , ut sic posset inter illos remanere . Ut tamen posset aliquo argumento comprobare , se non coactè , sed voluntariè illuc advenisse , in quadam insula maris Mediterranei , in qua extabat facellum, seu ædicula sacra , reliquit singrapham, seu schedulam propria manu

exa-

exaratam, in qua nomen suum, patriam, & desiderium suscipiendi Baptismum exponebat: reliquit autem sub pedibus Sanctæ Imaginis, cui sacellum illud dicatum erat. Deus vota ejus exaudivit; & mari cum sociis à triremibus Christianorum captus est, & Neapolim ductus, Cardinalem Aragonium tunc Proregem adit, votum suum exponit; & ne existimaret se narrationem configere, ut libertate donaretur, affirmat se in tali Insula reliquisse schedulam, ex qua veritas constare posset. Non fuit difficile rem explorare: comperitum est vera esse, quæ ille narrabat; & sic declaratum, eum non esse servum; sed liberum manere: & Eminentissimus Cardinalis illum solemniter baptizatum in suam familiam admisit, & postea secum in Hispaniam transvexit: & dum ego Matriti anno 1670. Missionem feci, cum illo familiariter egi, & illius opera usus sum, ad conversionem Mahumetanorum, quos ille ferventer adhortabatur ad Baptismum petendum, & vocationem suam ad Christianismum eis narrabat, quo illos facilius ad Christianam traheret religionem.

Aliud exemplum in suo Itinerario adducit P. Ignatius de las Casas cujusdam nobilis adolescentis Turcæ, qui cum parente

rente suo, & aliis inter Turcas primariæ nobilitatis Viris à Christianis in Navali prælio captus, Romam delatus est; ubi cor ejus B. Virgo ad Christi fidem ambiendam mirabiliter accendit. Rem sic narrat citatus Author.

Turca quidam duodecimum, aut terdecimum annū agens Romam delatus est, ubi unā cum parente, & aliis patriciis Turcis in Palatio nobili non longè à Basilica S. Petri hospitatus est. Turcæ in custodiam traditi sunt Germanicis Prætorianis Papæ; qui adolescenti juveni, inscio patre papiraceam imaginem B. Virginis Domine nostræ dedere: Turca puerili genio ductus illam sæpius intueri gaudens, in pectore ipsam recondemat, ne si aliquis ex Turcis videret, raperet. Aliquibus diebus eam retinuerat, cū Mater misericordiarum, illi majorem fecit: apparuit illi per quietem, eodem habitu, quo in papiro visebatur, Virgo venustè ornata, Cœlesti stipata comitatu, & divinis splendoribus micans veniebat; adolescenti accessit blandè, benignèque illum aspiciens Turcico idiomate illi locuta est, docuitque ipsum, aliam salutis viam non esse præter Baptismi Sacri. Ità edoctus à Virgine fuit, ut veniente die ex fenestra transeun-

ti-

Demonstr. contra Mahumet. 483

tibus, ut fortiùs poterat, diceret, se Christianum esse velle: nec semel; sed iterum, atque iterum Pater illum à fenestra removit, sed nec minis, nec blandiis à proposito juvenem remove potuit; quin imò sæpiùs è fenestra vocitabat, clamitabatque, se Christianum esse velle, Pater ea propter asperè filium tractabat, donec cognita re à Prætorianorum Germanorum Duce, Dux causam originemque illius supplicii exquisivit, & tandem è parentis manibus filium suffocare nitentis, abripuit adolescentem vocitantem *Christianus, Christianus*, Dux per interpretem ab adolescente, quid intenderet? rogavit. Turca, quod retuli, respondit: Dux Pontifici totum renunciavit, qui missit Cardinalem Guastavilani ejus nepotem, ut veritatem rei inquireret; qua comperta Cardinalis eum in Palatium suum detulit, ubi postquam rebus fidei satis instructus fuit, insigni pompa Baptismum suscepit, nomenque sortitus D. Joannes Guastavilani. Et postquam idiomate Italiano loqui, & scribere didicit, ad Seminarium Romanum delatus est, sed magis ad arma, quam ad litteras propensus evasit. (Ego familiariter cum illo egi, & quæ narravi mihi retulit.) At ubi

Tur,

Turcæ patricii, & nobiles redempti fuere, & Pater adolescentis inter ipsos maximè nobiles in patriam suam rediturus, enixè Pontificem summum rogavit, ut cum filio loqui sibi liceret, dictitans, filium puerorum instar deceptum fuisse, & ut hoc clarum fieret, sinerent cum eo loqui, nam statim, ac Patrem videret omnia relicturum, & abiturum secū filium. Sciebat Pontifex minimè deceptum fuisse juvenem, & nullum adesse periculum, & ità copiam Patri fecit, ut cum filio loqueretur coram aliquo honorato Viro, ne violentiam adolescenti inferret. Pater pervenit ad fores Seminarium Romani, quod tunc situm erat in ædibus D. Marci Antonii Colonnæ propè Templū Sanctorū Apostolorū. Descendit Pater Claudius Acquaviva tunc Rector Seminarium, & cum ipso aliqui ex Societate descendimus (& ego præcipuè comitabar D. Joannem Guastavilani, illumque consolabar ne deficeret) descenditque Paulus Ursinus Jordan. Magna erat frequentia rhedarum, carrucarumque Turcarum nobilium, & aliorum eos usque ad litus comitantium, in foro Sanctorum Apostolorū, itaque jucundum omnibus, & mirabile spectaculum fuit. Accessit parens D. Joannis in rheda cum aliis nobilibus

bus, loquutusque est cum filio D. Joanne, qui nec amplexus parenti abituro concessit, nec ejus manum exosculari voluit, nobis ut faceret persuadentibus: pater lacrymis madens dolorem aperuit, & matris quoque futurum, si filium non videret: adjecitque pater, sibi facultatem concessam à Papa, ut illum secum adduceret, quapropter haud metu, & periculo in rhedam ascenderet: at juvenis quò magis ejus pater animi dolorem lacrymasque ostendebat dictando, *Deceptus fuisti, deceptus fuisti*, eò magis animus, despiciensque paterni affectus D. Joannes ostendebatur. Itaque animosè respondit, se minimè deceptum, sed potius à Cœlo edoctū, & illustratū fuisse, seque parvi habere sequi parentes in æternum arduos in inferno: & cum lachrymas inanes patrem fundentem aspiceret, quin eum vellet amplecti, exoscularique manum (ut dixi) juvenis terga vertit, & parentem reliquit. Ego juvenem vidi lætè exultantem scalam

Seminarii ascendere triumphanti similem, & sibi de

victoria magna gratulantem. Hæc

Pater Casas,

* * *

CAPUT OCTAVUM.

*Mirabilis conversio Regis de Fez , postea
Balthasaris de Loyola Societatis
JESU.*

NOta est in Italia, & Hispania mirabilis hujus Principis conversio ad nostram Sanctam Fidem, & ejus in Societatem nostram ingressus. Obiit Matriti anno 1667. omnisque Hispaniæ nobilitas supremis honoribus funeris exequias prosequuta est. Et R. P. Petrus Esquex Concionator Regius ejus virtutes, & conversionem magno cum auditorum plausu, & admiratione è pulpito exposuit. Ejus vera effigies in Collegio Imperiali cum hac inscriptione appensa est.

P. BALTHASAR DE LOYOLA,
Olim, Muley, Mahumet, Athasi, Gerife,
Rex, Pater, & Filius Regum Fez: Miraculose factus ex Mauro Christianus, ex fortissimo Duce, qui armorum vi in suam potestatem redegit jam amissa Regna Tafilat, & Marroci, pauper miles Societatis Jesu, ex observantissimo Alcorani Zelatore, Eximius Evangelii Præco: missus à Summo Pontifice ad illud disseminandum
in

in vastissimum Mogoris Regnum, diem, extremum clausit in Collegio Imperiali Matritensi, ætatis suæ anno 37. à Baptismo suscepto 14. à Presbyteratu in Societate Jesu 6. die 15. Septembris 1667.

Fuerunt qui revocarent in dubium, ejus stirpem, cum præsertim ipse abstineret ab omni verbo, quod talem gloriam posset redolere, quod ipsum à malignis malè capiebatur. Quare ei Pater Spiritualis injunxit, ut scriberet genus suum, & vocationem ad Christianismum; idque ipse præstitit fidelissimè, & ego epistolæ ab eo super hac re scriptæ exemplar ad verbum transcriptum apud me habeo, quod statim subiiciam. Et Pater noster Generalis, ut Fidem apud externos posset facere minimè dubiam, curavit, à Patribus nostris, qui erant in Africa, transmitti: Abesset ne à Regno Fez filius Regis? Fuissetque ductus à Melitensibus navibus captivus? Quomodò vocaretur? Quo tempore abiisset? A quibus responsum tulit omninò idem cum eo, quòd P. Balchazar descripserat ex mandato Patris Spiritualis. Illud autem ità se habet.

488
EGO BALTHASAR
LOYOLA MENDEZ,

Indignissimus Domini nostri Je-
su Christi, ac SS. ejus Genitri-
cis servus, hæc ad ipsorum
majorem Gloriam.

CUM mihi à Patre meo Spirituali
imponatur, ut rationem reddam
de iis omnibus, quæ ad me atti-
nent circà res tam temporales, quàm spiri-
tuales, ejus imperio obsecuturus, quod me-
mini, hæc omnia subiicio: (Et plurima
subdit infimæ animi demissionis, & altis-
simæ in Dominum laudis, quòd tam mi-
sericorditer secum agere dignatus fuerit,
quæ operi intermiscet; ego brevitatis cau-
sa omitto.)

*In Urbe Fez ortum duxi, fuitque
mihi nomen datum Mahummed Attazi. Pa-
rensque meus dicitur Agid, Aluaid, Intab,
Mahummed, & in prasenti, toti Regno Fez,
uti Rex dominatur. Partus iste precum
fructus videtur posse dici; nam Parens
mea vovit Deo, Cœli, terreque Creatori; si
ma-*

marem conciperet, se eum Divina Majestati consecraturam fuisse, & ita coniugit. Cum ad quinquennium perveni, dati fuerunt mihi Præceptores, ut me, & in litteris, & Religione erudirent. Sed accidit sapius res mira, quod cum iis sacrilegis doctrinis imberer, sapius ea intrinsecus exerer, & blasphemias insectarer. Quod coactè cum agerem, quodammodò displicebant indè mihi non paululum: Quin semel SS. JESU, & MARIE nomina protuli prorsus ignarus quid illa significarent; & cum Parens mea adesset, increpavit acerbè; & extorquere conata, undenam ea audivissem, timore fassum me, nec scire quid sibi vellent; nec unquam intellixisse, monuit ne amplius proferrem, cum essent Christianorum Mahumet infensorum verba; in suo cubiculo me noctu quiescere volebat; & noctu radios supra caput meum, ut luctantes vidi, nec timens tegumento ullo valebam effugere illorum splendorem; & sapius vidi mulieres pulcherrimas albis indutas vestibas. Cum attigi 14. ann. petii connubio jungi, & intra annum, qui præterit, dum, & tractaretur res, & pararentur festa, duxi Principem Dominam, sed inter hæc gaudia non cumulatè gaudebat cor meum, & benè jam novi, quid mihi

*deesset, cùm à Domino meo Jesu abessem; qui solum cumulata potest gaudia præstare. Incessit cupido, postquàm binas ex uxore filias susceperam, invisendi Mecham, ut ea omnia spiritualia bona consequerer, quæ illuc euntibus largè impertiri à cæcis illis, ducibusque cæcorum audiebam; & me præsertim incitabat, quòd sapius intellexeram, qui Mecham non visisset mortem appetiturum, vel Judæum, vel Christianum. Ne igitur huic periculo subjacerem, illuc iter destinavi; sed incredibile est quanta vi Parentes, uxor, Magnates id impedire conati sint; eò genitor devenit, ut mihi omnia negaret ad iter necessaria; sed ego contrà aded flagrabam desiderio eundi, ut pœnè ignis esset meo in corde. Tantò hîc magis inflammari, & corroborari videbatur, quantò ei aditus erat magis occlusus; aded ut decernerem absque ulla re iter capeßere, sed rogatus, ut per annum saltem differrem, æquitate postulationis flexus veni in hanc sententiam; & interim natus est mihi filius. Demum summa vi obstaculis omnibus superatis, quamvis, ut priùs, omnibus invitis, & sola genitrice, mei miserata, itineris viaticum suppeditante, suscepi iter. Perveni Tunesum; ubi manifestè sui exceptus, ibique fui per plures dies ob
maris*

maris exagitationem vehementissimam. his diebus vidi noctu dormiens hominem albis indutum, qui me circumducebat variis Tuneti viis. Cui dixi, Quò me vis ducere? Et illo reposuit mihi: in Christianorum regiones, nam Deus vult te ibi mori. Dixi hanc rem variis, qui respondebant mihi, hanc Diaboli fuisse impressionem; ut me deviares; & ego revera intra me contemnebam: Quomodo namque id futurum, si modo ab eo? Et quidem abivi, sed non quò credebam: nam incidimus in naves Melitenses, quæ summa pace in nos impetu facto fecerunt captivos. Erat nobis tum ob navium numerum, tum ob militum experientiam, quomodo resisteremus; sed Dominus voluit, ut non essemus simul, et non timeremus, & (nescio modum certè) captivi duceremur, sed gloriosa captivitate nulli comparabili libertati. Ductus fui Melitam, & nihil ego de me dixi; aliquis tamen meorum dixit, quis ego essem. Propterea non sinerunt me esse, uti mos est, 40. diebus extrà Melitam; sed statim fui oblatus ad magnum Magistrum; & statim confluxus equitum adfuit me interrogantium de Patria, & genere. Sed dies mei tunc erant maximè tristes; semper enim eram in luctu, in suspiriis, in afflictionibus.

Occurrabant Patria, Parentes, Uxor, Filii, Cognati, charique. Displicebat mihi agere cum hostibus Mahumetis, & spem concepi rem meam promovendi in his miseriis, restaurans labentem Melitæ apud Turcas Religionem Mahumetis; eram enim ego maximè peritus illarum sacrilegarum nugarum. Scripsi igitur Alcoranos, impugnavi Christi veri Domini, Patris mei, & veri Regis, sanctissimam doctrinam. Nunc benè novi, Domine, & scio te mihi condonasse hæc scelera, cum fui lustratus Sacro Chrismate. Quinque annis Melitæ fui semper in his tricis; libertatem quærebam, & non erat modus. Regio mea nimium aberat: qui redimeret non erat nisi Rex Tunetanus, cui de me cura jam in itinere fuerat demandata. Sacra Equitum Religio nolebat indicere Redemptionis pretium. Demum facta fuit conventio pro me, ac meis 40. millium scutorum Melitensium, quæ Tunetanus Rex persolvit. Interim Melitæ videndam se mihi præbuit SS. Mater mea, Mater Domini mei Jesu Christi, quæ dormienti mihi dixit ter. Te in filium meum accipiam. Experges factus credidi id futurum post mortem: nam Turcæ B. Virginem, ut Messia Matrem, non tamen Dei, credunt. Scripsi ad Regem Tuneti, ne

expectaret me redeuntem, & iter inde prosequuturum ad Mecha. Respondit ut proficiscerer: sapius rebus ad iter adornatis reperi difficultates. Demum ad extremum discessurus cum noctem insomnem transegissem, ante me contuli in cubiculū, ut paululū quiescerem, totus in his cogitationibus. Quid sibi volunt tot impedimenta, tot adversitates, in hisce annis? Aliquid à me quarit Dominus. In his curis abdormiscens, ecce videre mihi videor duo maria, alterum nigerrimum, alterum igneum; & quodd cum natassem in nigro, jam adventarem ad ignem; qua propter acerrimè inclamare: Adjuva me Domine. Cum in altissimo monte vidi virum, manum porrigentem, illinc extrahentem, & in tuto ponentem; petii ab eo, quisnam esset: ille mihi: ego sum Sanctum Baptisma: ego si tibi desin, nullus hominum saluum te reddere potest: te idè Deus tot obstaculis in Christianorum finibus detinuit, ut Christianorum albo adscribaris. Sopore excussus, visus mihi repentè sum alter homo: negligere Patriam, & Parentes; frigere cupiditatem abeundi; detestare mentem visenda Mecha; abominari Mahumetum, & solū curam esse de dando Sancta Christianorum Religioni nomine.

Accidit id pervigilio S. Antonii Patavini anno 1656. Ecquis festa, & admirationes equitum, ac Magni Magistri valeat referre? Sed difficilius tamen gaudia cordis mei exprimere; quàm dulce sit, Domine, tibi servire, & quam suavis conversatio tua, & verè mandata tua dulciora super mel, & favum. Nihil sonabat in auribus meis tunc acerbius, crudelius, magisque abominatum, quàm iter, quàm Turcæ, quàm Mabumetus; & Equites illi de industria fingebant advenisse, qui me redimeret, gaudentes cum cernerent me ad eum ab illo mutatum. Sed mihi bellum exortum est inde cum meis antiquis sociis, famulis obtinentibus Fidem demandatam sibi de me; sed largitus erat Dominus constantiam ad longè graviora. Dicebant: Quomodo vires? Ne spera è Patria; ne è Rege Tunetano. Sed ego: precario vivam, & mendicus. Interim à meis derelictus, & rebus omnibus destitutus adii, decretum meum ei collaturus, Dominum Balianum de Mandola, qui audita re abiecit se in terram deosculans; & gratias agens Deo excepit me ut Filium, & suppeditavit largissimè omnia, ades suas, famulatus, & dominum rerum omnium suarum, duxit me ad Magnum Magistrum: qui dixit mihi: Dominus esto
re.

rerum omnium, quæ sunt Melitæ . Et aliquibus è suis imposuit, ut quacumque vellem, mihi darent , & inservirent . Non petii tamen ab ullo quicquam, assatim desideria præveniente D.Balio. Inde traditus fui PP. Societatis, ut instruerent me . Fuit assignatus Pater , qui me omnia docuit. Jussit in Patronum peculiarem accipere S. P. Ignatium apud Dominum Deum: accepi, & verè innumera beneficia suscepi. Et ejus die Festo bene instructum , sacra me aqua tinxerunt in Missa solemni . Interim domestica persecutiones argumentū non contemnendum fecere ; nam præter eas , quas Melitæ usque ad mortem sustinebam , nam occidere me volebant, ex uxore mea tenerimam epistolam accepi, qua nunciabat mihi Patris obitum, & impatientiam, qua (me ad Regnū vocans , ad quem iure spectabat) me præstolabatur . Sed omnibus restiti, asserens me nihil omninò quicquam velle præter Deum ; & cogitantibus Equitibus de conferenda mihi Cruce nihil decernebam, idem perpetuò reiterans . Assignavit Religio 15. scuta Melitensia singulis mensibus, quoad vixero, & ut filium acceptarunt : Dedit mihi juxta ritum ensē, quem ad S. Virginis aram appendi post aliquod tempus in Domo Professæ Mesanensi:

*ubi habitum indui Clerici, & fui apud PP.
in eorum Domo.*

Et hinc desinit Author. Addit autem Pater spiritualis quæ sequuntur. Quorum omnium Fidem maximam præstat præclarissima ejus vita omnibus ornata virtutibus, & quidem aded eminenter, ut Religiosis, quibus cum vixit, & aded parum profecerunt, uti sum ego, sit pudori non exiguo. Ad obedientiæ signa promptissimus, in Refectorii pœnitentiis frequens, in recreationibus hilaris, sed semper de rebus divinis; & illustrationibus aded vivis, & acutis, ut mirum sit. Sed quod semper præ omnibus admiratus sum, est candor, quo agit cum P. Spirituali: nihil decernens quin ei primum aperiat, & ab ipso approbetur; ne latum quidem unguem ab ejus voluntate discedat. Quæ omnia, qui in tali Viro non admiratur injuriam inferre, mihi videtur omnipotentiae divinæ gratiæ, quæ sua pietate præstet; ut quotidie in ejus sancto servitio crescat in mille millia, ut & omnes ejus Fratres. Nam in Societate Jesu est jam adoptatus, quam tanto proficitur amore, ut nemo possit amare magis.

Postquam in Societatem admissus brevi annorum decursu tum in litteris, tum præ-

præcipuè in pietatis studio maxima sedulitate versatus, jam sapientia, ac sanctitate, publico bono maturus, Sacrum B: V. Sodalitium servorum in Domo Professæ Neapolitana, moderandum suscepit, in quo solerti, non minus in concionibus, quàm in confessionibus cura ingentem animarum, fructum excipiens, magnum ardentis suæ in proximos charitatis exhibuit argumentum. Residenti in Portu Navali triremium classi assiduus aderat, Mahumetanos hic maxima in copia emancipatos convocabat, quibus tanto rationum pondere, tanta spiritus vehementia prava Mahumeti dogmata opponebat, et refellebat, ut frequenti horum Maurorum conversione iratus Avernus, proditorio unius impii Mauri astu, qui deindè fida conversione, doli improbitatem in propriæ salutis argumentum convertit, veneniferam tanto Viro, oblatam in flore mortem, ab ipso, divini luminis monitu declinatam, intentaverit. Pari eventus fœlicitate; sed non minori propriæ vitæ discrimine; Genuæ non paucos hujusmodi Mauros convertit. Nam cum plurimos illorum ab errorum tenebris in lucem Catholicæ veritatis adduxisset; accidit quadam die ut dum in quadam triremi Genuensi magna circumstante Mauros

catera concionaretur, Alcoranum confutaturus, extraheret; primo Alcorani aspectu omnes dimissis in obsequium frontibus in faciem provolvuntur. Exarsit tali intuitu, Patris Zelus, librum in terram proiicit, pedibus conculcat, conterit, diffringit, & vocibus divino spiritu afflatis in infanum tam perfidi Legislatoris volumen execratur. Accendit barbaros Maurorum animos Patris in Alcorano contemptus; quem ulturi, in ipsum efferato impetu irruunt, & proculdubio crudeli morte trucidassent nisi adstantes triremis milites districtis ensibus invadentium Maurorum furorem retundissent. Italiam igitur tot eximiis suæ charitatis exemplis illustraverat, grandi animo in spem Africæ conversionis erectus, nulla laborum asperitate detentus, nulla periculorum arduitate dejectus, nulla mortis severa fronte perterritus, omnibus votis ad majora divinæ gloriæ incrementa anhelans discessum in Africam Divino Christi Imperio submitteendam meditabatur.

Suscipit iter, cui ineunte æstate maxima celeritate se committens ex Italia discedit: in Hispaniam tendens, quò brevi temporis intervallo, pervenit, undique in itinere virtutis vestigia imprimens
Gal-

Galliam pervadit . Nobilem non minus Hispaniæ, quàm Europæ Urbem Matritū petit, ubi cum assidua longi itineris agitatione, tum exæstuante tunc temporis calore concepto , viribus exhaustus, inopinato morbo corripitur , qui illicò eò excrevit, ut omni salutis spe destitutus ad mortem celeriter properaret . Hæc inter, Nobilissimus Aulæ Regiæ Eques , Mauro mancipio comitatus Patrem invisurus adest . Admittitur exceptus ab ægroto ea humanitate, quæ pietati non minus , quàm nobilitati tanti viri debebatur . Post brevem cum tanto equite discursum de suis in Africam votis, ad Maurum convertitur , quem tanto spiritus fervore alloquutus est, ut omnes adstantes , quantum ardentem ipsius zelum mirarentur : tantum Africæ infelicitatem intempestiva tanti viri morte, deplorarent . Nam paulò post inflammatis Cœli desideriiis conflagrans , & veluti novus Paulus cupiens dissolvi , & esse cum Christo, sive cum Regio Psalte lætatus, quod in domum Domini ibit , totus æquo divinæ voluntatis imperio conformis ex hac vita discessit, eò magis in posterorum memoria immortalis victurus, quò liberaliùs vitam in viridi suæ ætatis flore , immatura morte recisam, in animarum salutem immolavit.

Tàm

Tàm celebris fuit Principis hujus fama in Matritensi curia, in qua obiit, ut celeberrimus Poeta Comicus D. Petrus Calderon de la Barca selectissimam de ejus conversione, & rebus gestis Comediam ediderit, sub hoc titulo *Magnus Princeps de Fez D. Balthasar de Loyola*, quæ ingenti eum plauso ab Scenicis sæpè in præcipuis Hispaniæ Urbibus representata est.

CAPUT NONUM.

Alia Exempla.

His exemplis aliud adnecto, quod narrat Sanctus Eulogius Episcopus Tolletanus, & Martyr in opere, cui titulus *Memoria Sanctorum*. Refert itaque Martyr, eo tempore, quo Hispania Mauris subiecta erat, juvenem Corduensem professione Mahumetanum sæpè rogatum esse ab amita Christiana, ut Christianus fieret; cujus autem consanguineos Mahumetanos sollicitè curasse, ut linguam Arabicam addisceret, quod cùm ille sæliciter præstitisset, legisse Alcoranum, & ex ejus lectione clarè cognovisse sectam Mahumetanam falsam, & inventionem hominum esse, & idcirco illam ex intimo cordis affectu execratum fuisse;

fuisse: Christianam Religionem cum Baptismo suscepisse: & eam palam professum fuisse, & ob eam causam illustre martyrium subiisse à Mauris, qui illum crudeliter trucidarunt, quia cum esset à parente Mahumetano genitus, à Religione parentis disceferat. Additque S. Eulogius, si aliquis Catholicus velit falsitatem sectæ Mahumetanæ clarè deprehendere, nullo alio opus ipsi esse, quàm cum sapientioribus Mahumetanorum sermones de Religione miscere, & ab iis ininterrogare, quid credant: eis enim auditis, quæ ipsorum lex docet, statim cognoscet, illam esse mendacem, & Deo Authore indignam.

Sed ut ab exemplis conversionis Maurorum ad alia transeamus: sanè mirabilis modus, quo multi, vel à Judaismo, vel à Gentilismo tracti sunt à Deo ad credendum firmiter, hominem crucifixum esse Deum, & Deum unum in essentia, esse in Personis Trinum, manifestè evincunt Religionis Christianæ veritatem. Talis fuit miraculosa Sauli conversio Act. 9. Eunuchi Candacis Reginae Act. 8. conversio Constantini Imperatoris: conversio Augustini: conversio Ædici Idolorum, quæ legitur in vita S. Gregorii Taumaturgi: conversio Principis Josaphat à S. Barlaam, quam

quam habes apud S. Joannem Damascenū,
 & apud P. Petrum de Ribadeneyra in extra-
 vagantibus. Conversio Pauli de Sancta
 Maria, qui cū esset Hebræorum Rabbi-
 nus sapientissimus, legens glossas, quibus
 perfidi Hebræi contra veritatem Evangelii
 Sacras ~~Libras~~ Libras exponunt, agnovit eas mē-
 dacia multa contra sacros libros contine-
 re, & sic Talmudi fabulas dimittens, ad
 Christum accessit, secum ad Baptismum,
 pariter ducens filios; & quia uxori persua-
 dere non potuit, ut ipsum imitaretur, ab ea
 discedens, factus est Christi Sacerdos, &
 strenuus Evangelii præco; & inter omnes
 suæ ætatis homines litteris, & sanctitate
 excelluit, & Episcopus Burgenfis, magnus-
 que Cancellarius Regum Castellæ creatus
 est, & sapientissimè contra Judæos scripsit
 ad ann. 1430. Celebris quoque fuit conver-
 sio Rabbi Samuelis in secta Judæorum
 educati, qui cū magno esset præditus in-
 genio, res suæ sectæ considerans, & verita-
 tem Sacræ Scripturæ contemplans, clarè
 cognovit cæcitatem, qua miseri Judæi la-
 borabant, & Christianæ Religioni nomen
 dedit, validissimisque argumentis à Sacris
 Scripturis petitis probavit Jesum Nazare-
 num à majoribus suis crucifixum, esse
 verum Messiam Judæis promissum, verum-
 que

que Deum , & hominem , qui mundum à captivitate peccati liberaturus advenit; ut refert Genebradus in Chronol. ann. 1200.

Insignis etiam fuit conversio Magistri Andree à secta Judæorum, qui cum magno ingenii acumine polleret , apertè cognovit falsa, & vana esse suæ sectæ dogmata, & cupiens veritatis semitam agnoscere, per quã ad æternam fœlicitatem tenderet, Hierosolymam peregrinationem instituit, precesque ad Deum fudit, ut mentis suæ tenebras illuminare dignaretur , & ea in oratione inspirationem accepit , ut doctrinam antiquorum Rabinorum legeret , qui ante adventum Nazareni floruerunt. Quod cùm opere complevisset, clarè cognovit , eos Sacram Scripturam exposuisse, sicut eam, exponit Evangelium , de Regno scilicèt Messia, non temporali, sed spirituali . non de bonis terrenis , sed de spiritualibus à Messia adducendis . Quare Christum in Baptismo induens, peritissimus fuit Sacrae Scripturae interpres , eamque publicè Romæ interpretatus est , accepto annuo stipendio à Summo Pontifice , qui Judæis præcepto injunxit , ut eum singulis sabbatis audirent , cum magno animarum fructu , sapientioresque stupebant viri sapientiam , & in lacris litteris exponendis

pe-

peritiam . Et vitam protraxit usquē ad Pontificatum Sixti Quinti.

Sed maximè emineuit Romæ conversio Marii Victorini insignis Philosophi , & Oratoris præstantissimi , & Romanorum Senatorum Magistri,quam describit S. Augustinus lib.8.confess.cap.2.cujus exemplo se quoque arsisse affirmat ardore Fidei suscipiendæ : tanta ille claritudine apud Romanos Ethnicos floruerat , ut ex Senatus Consulto donari meruerit statua in foro Trajano, ut tradunt Augustinus, & Hieronymus . Hic talis tantusque vir in senectute à Deo illuminatus est,ut cognosceret Christum à Judæis crucifixum , esse verum Deum,ejusque Crucem , libentissimè amplexus est . Quis hanc mutationem fecit, nisi omnipotentia Crucifixi ?

Denique ut alia omittam exempla, Justinus Philosophus, qui propè tempora Apostolorum floruit,post tentatas omnium Philosophorum sectas veræ sapientiæ adipiscendæ cæusa, veram Christianæ Religionis sapientiam invenit, Christum crucifixum adorans ut verum Deum ; & hanc Fidem scripto defendit , & tandem pro illius veritate sanguinem fudit . Martyrioque coronatus est Romæ , anno Christi 165.

CAPUT DECIMUM.

Singularis Dei Providentia, quam Author expertus est in Maurorum conversione, satis probat, Religionem Christianam esse necessariam ad salutis viam.

Fideliter narrabo, quod mihi accidit, circa conversionem Maurorum, ut hoc exemplo excitati alii Religiosi viri majori virtute præditi, in Deo totam suam spem collocantes, opus hoc intrepide aggrediantur, & publicè ad Mahumetanos conciones habeant; quandoquidem ego talento, & spiritu carens, opus hoc ferè imparatus incæpi, & felicissimum exitum expertus sum.

Incubuerã cū meo socio Missioni Granatensi, anno 1668. tempore adventus, & quāvis in illa Civitate plurimi sint Mahumetani, nunquam mihi occurrit cogitatio concionem ad illos habendi. Transivimus postea Hispalim, & per quadragesimam in ea Civitate Missionem fecimus, & in aliis Urbibus, & oppidis Hispalensis ditionis per vernal tempus. Æstatis autem tempore, quando ardentes calores

K k

Mis.

Missiones intermittere cogunt, in Collegium Granatenſe nos recepimus: cùm autem appropinquaret jam tempus iterum procedendi ad ſacras has expeditiones, & quinque, vel ſex dumtaxat ſupereſſent dies ante conditum è Collegio egreſſum, in familiari, & Religioſa converſatione poſt prandium incidit ſermo de lege Mahumetana, & tunc R.P. Thomas de Leon, Primarius Theologiæ Profeſſor jam emeritus, dixit ſe habere librum quendam adverſus Mahumetanam ſectam, quem commodatum acceperat ex bibliotheca Dom. Marchionis de Eſtepa. Pulſavit ſtatim animum cupido librum illum legendi, petivi, obtinui, & legi, & in compendium redegì. Erat autem liber iſte compoſitus à Joanne Andræa, de quo mentionem fecimus libro 1. Egreſſi ſumus ad finem menſis Septembris P. Joannes Gabriel Guillem, & ego ad ſacras expeditiones continuandas: cæterum antequàm Malacam contenderemus, invicem ſeparati ſumus cum aliis ſociis, ille Alhamam, ego Lojam proſectus fui; & die Sanctæ Theretiæ Sacro Malacæ convenimus, ubi Illuſtriſſimus, & Reverendiſſimus Epiſcopus D. Fr. Alphonſus à S. Thoma nos benigniſſimè excepit: Miſſioni Malacenſi

ope-

operam dedimus per aliquot hebdomadas, in cujus decurſu accidit converſio Fati-
mæ , quàm ſuprà commemoravimus illà verò inſcatus ſenſi cor meum, vehementer pulſari deſiderio concionandi Mahumetanis . Finita itaque Miſſione, Chriſtianorum Illuſtriſſimum Episcopum adeo rem communicaturus ſentio, inquam in corde meo, Illuſtriſſime Domine, ardens deſiderium habendi conciones publicas ad Mahumetanos ; & puto quod hæc cogita-
tio à Deo ſit ; certus ſum enim, quod nihil temporale hic quæro , neque lucrum , ne-
que plauſum , forſan Deus hanc cogita-
tionem immiſit, quia vult aliquos Mahu-
metanos hic convertere per hoc medium, vel cauſam ſuam magis juſtificare , quò minorem ſuæ obſtinationis in die judicii excuſationem habeant, vel aliquem alium finem ſuæ gloriæ nobis occultum intendit. Reſpondet primò Illuſtriſſimus Dominus, multum ſe timere ne in vanum labora-
rem, quia Barbari iſti , inquit , nec atten-
dent, nec intelligent quæ dicentur . Cui ego , probemus , inquam , Illuſtriſſime Domine, experiamur , & quaſi periculum faciamus ; quia lucrum ſperare poſſumus. damnum timere non poſſumus ; ſi labor iſte non proſit illis ad converſionem, mihi

proderit ad meritum : ego conciones istas ita disponam , ut si infidelibus Fidem non persuaserint , fideles in fide confirment , quæ res in his oris maritimis , in quibus Christiani quotidie à Mauris captivi abducuntur , maximè utilis est ; quia his concionibus auditis in fide amplius radicabuntur , & difficiliùs postea ab illa deficient . Approbavit consilium prudentissimus , & Religiosissimus Princeps , restabat eligendus locus opportunior ad has conciones habendas , non visum est Illustrissimo expediens , ut haberentur in Templo , ne infideles irreverentiam aliquam , in Augustissimum Sacramentum ostenderent . Postea tamen experientia docuit Mahumetanos non se irrreverenter gerere in Templo ; & ideò Gadibus , Xera , in Portu Sanctæ Mariæ , Matrìci , & alibi in Templis conciones habuimus . Diu deliberatum est de loco his concionibus apto , & tandem præelectum est Scenicum theatrum ; quò incredibili studio confluit civitas ad has conciones audiendas . Eventus monstravit cogitationem illam concionandi Mauris è Cælo dimissam : nam in prima concione quinque infideles publicè Baptismum petierunt , & in tabulatium ascenderunt , ad amplexandum con-

cio:

cionatorem , & ab illo accipiendum Roſarium Beatæ Virginis , quod in ſignum deſiderii, quo flagrabant ſuſcipiendi Baptiſmum, è collo pendulum geſtabant: In ſecunda Baptiſmum petierunt octo: in tertia decem . Et ſic completus eſt numerus triginta trium, qui ſolemniter eâdem die baptizati ſunt , ut diximus ſupra præter alios non paucos , qui privatim Baptiſmum ſuſcepere.

Jam ſuprà dixi , nos cum tribus Sacerdotibus ſæcularibus miſſos ab Illuſtriſſimo Malacenſi Epifcopo in Ceutam . Antequam illuc è Calpe navigaremus, ſtetimus in urbe hac per duos, vel tres dies expectantes navigium Ceutæ mittendum, quo illuc deferremur; in eum namque ſcopum accenſa fuit tæda in vertice montis Calpe, ad cujus radicem Civitas ſita eſt, quo ſigno monebatur Ceutæ Gubernator , ut navigium transmitteret, quo veheremur . Interim Calpe brevem Miſſionem confecimus , in qua ego duos ſermones habui in foro ad Mahumetanos; in eiſque duo, vel tres converſi ſunt. Poſtmodum cymbam conſcendentes in Ceutam navigavimus, quæ à Calpe quinque leucis diſtat, ſine cogitatione in Calpem regrediendi : Finita Miſſione Ceutica, in

scapham aliam ascendimus, navigationem
versus Esteponam dirigentes, ad sinistram
relinquentes Calpensem Portum . Sed
ecce , cum ad medium freti pervenimus
naucerus nubeculam detegit, quæ ventum
contrarium , & tempestatem portendebat;
admonuit , ut ad fugiendum naufragii pe-
riculum in Calpensem Portum descende-
remus : & illic scapham versus montem
Calpem direxit, ut ad ejus radicem navi-
gantes securè portum possemus ingredi. Et
ita incolumes eò pervenimus . Petivimus
ab Excellentissimo Domino Marchione
de la Laguna illius arcis , & urbis Guber-
natore, ut nobis suppeditaret equos , ad
iter faciendum primo mane: instabat enim
tempus pergendi Matritum , quo nos vo-
cabat Excellentissimus Marchio de Ayto-
na , qui per litteras rogaverat Illustrissi-
mum Episcopum , ut Patres Missionarios
in Curiam Matritensem mitteret , ut ibi
tempore quadragesimæ Missionem insti-
tuerent, jusserat tamen Illustrissimus Epi-
scopus, ut per transitum duo illa suæ Dic-
cesis oppida , ad oram maritimam sita,
Esteponam scilicet , & Maruceam Mis-
sione lustraremus : nos autem cupientes ius-
sa ejus adimplere , profectionem matura-
re sategebamus . Jam omnia parata erant
ad

Demonstr. contra Mahumet. §IX

ad nos itineri propè accingendos : pluebat tamen incessanter , & nos expectavimus aliquantulum temporis intervallum , ut pluvia quiesceret : & cùm non cessaret, nihilominus discessum meditabamur, sed pro sua in nos benignitate Dominus Marchio non permisit, ut illinc abiremus, donec Cælum tantisper serenaret ; cùm verò jam meridies appropinquaret, decrevimus illic ea die remanere . Vix hoc consilium remanendi inivimus, cum subitò mutatus est ventus ; & ab occidente perflans, nubes dissipavit, & Cælum serenum reddidit. Tunc ad me accedens vir nobilis, non hoc casu, inquit, factum existimo : dum Paternitates vestræ non mutarunt consilium proficiscendi , Cælum faciem non mutavit ; nunc verò , quia melius consilium inierunt hodie hîc remanendi , Cælum ipsum se apperire capit , & serenum factum est : aliquid hîc , ut suspicor, intendit Deus : ego ancillam Africanam habeo , quæ mihi dixit, aliquas Mauras postquam vestram Paternitatem concionantem audierunt contra sectam Mahumetanam , aliis jam oculis Christianam Religionem prospicere , & earum cor non parum illis concionibus emollitum esse ; contingensque proindè esse, ut aliqua

convertantur , si aliam concionem ad Mahumetanos habeat : rogo ego Paternitatem vestram , ut hoc vespere aliam concionem ad illos habeat . Visum nobis est , hoc consilium à Deo venire . Decrevimus ut Pater Guillem concionem exhiberet Christianis , & ego per modum tradentis Catechismum , & doctrinam explicantis ante concionem Christianorum . pulpitum conscenderem , & cum Mahumetanis de Religione loquerer . Probavit consilium Dominus Marchio ; & voce præconis per vicos , & plateas edictum promulgavit , quo jubebat , ut omnes qui ancillas , vel servos Mahumetanos habebant , eos in Ecclesiam adducerent , quarta post meridiem hora . Congregata est tota Civitas ; & ante concionem Patris Guillem , ego de necessitate Christianæ Fidei ad salutem , disservi per dimidiam horam , vel tres quadrantes : & ut omnibus clarè pateret , illam pluviam , quæ nos detinuit , à Deo speciali providentia ordinatam fuisse ad cōversionem infidelium ; quinque fœminæ Mahumetanæ , quæ ad audiendam concionem venerant , alta voce Baptismum in media Ecclesia postularunt . Quis hîc non miretur Divinam Providentiam , quæ homines ad Religionem ita vocat ? Signum ergò
ma-

Demonstr. contra Mahumet. §13

manifestum est, Religionem Christianam ad quam Deus homines ita trahit, esse veram, & rectam ad Cœlum viam.

Sequenti die cum esset jam tempus tranquillum scapham iterum ascendimus, & versus Esteponam navigavimus, ad cuius oram Patrem Guillem, cum uno ex Sacerdotibus sæcularibus dimittens, navigationem continuavi Maruecam usque, cum aliis duobus; ut sic invicem separati citius Missiones illas absolveremus. Et hic contigit, quod supra cap. 6. narravi de obstinatione Maurorum, qui Maruecæ commorabantur, & facilitate, qua omnes, qui Esteponæ habitabant, ad Christum conversi sunt. Et Malacam regredientes, accepta benedictione ab Illustrissimo Episcopo, ad Missionem Matritensem profecti sumus 2. die Februarii, anni 1670.



514
LIBER QUARTUS,
IN Q U O

Ex dictis Alcorani , & ex Scripturis Divinis, quas admittit , & ex Divinis visionibus, & miraculis probatur Divinitas Christi, & Trinitas Personarum. Ubi etiam apponitur longum colloquium, quod Author habuit cum arguto Mahumetano: & variis similitudinibus exponuntur mysteria Incarnationis , & Trinitatis; & docetur quomodo agendum sit cum Infidelibus , qui ob difficultatem mysteriorum nostræ Fidei illam recipere detractant : & demonstratur legem Christi abrogari non potuisse per legem Mahumeti , quamvis lex Moysis sit abrogata per legem Christi.

CAPUT PRIMUM.

Demonstratur Divinitas Christi ex dictis Alcorani, ubi Christum appellat Verbum Dei , & ex libris Divinis, quibus Mahumetus iussit haberi Fidem .

Mahumetus in Alcorano cap. I. clarè, & disertè asserit , Christum Filium
Ma.

Maria esse Dei Verbum; idque testatur etiam Georg. Almac. apud Arabes Author summæ authoritatis, ut vidimus supra, qui lib. 1. hist. Sarracen. cap. 1. cujus titulus est: *Primus Muslimorum Imperator fuit Mahumet Abulcasimus gloriosæ Memoriam*, agens de his, quæ Mahumet iussit credere, inquit; *Iussit quoque credere Christum Filium Mariæ, Spiritum Dei esse, & Verbum ejus*. Muslimorum nomine intelligit Mahumetanae Religionis professores, id est, Turcas, ut explicat Calepinus, sed ego suspicor hoc nomine aliud significari: Nam Legatus Regis Galliæ Constantinopoli degens, qui Alcoranum in Gallicum idioma convertit, in Prologo illius operis refert, Turcas seiplos appellare, *Musulmanos, id est, Deo addictos, scilicet in Deo resignatos, vel salvandos*.

Hoc supposito sic argumentor: Christus est Dei Verbum: sed Verbum Dei est Deus, ergò Christus est Deus. Mai. est expressa doctrina Alcorani. Min. prob. nam dum Mahumetus dicit Christum esse Dei Verbum, non loquitur de Verbo externo, & vocali, quo nimirum Deus externè cum hominibus, vel Angelis loquatur, vel formando, & articulando voces significativas in aere, vel infundendo verba interna
men-

mentalia , sicut loquutus est cum Prophe-
 tis : nam verba hæc , quæ extra Deum
 sunt, seu per quæ externè Deus loquitur,
 non sunt substantia aliqua , sed accidens,
 nec sunt persona, vel suppositum, sed sunt
 accidentia aliqua , quibus , vel homo for-
 maliter intelligit , vel ad intelligendum
 manuducitur , & excitatur : Christus verò
 non est accidens , sed substantia : ergò
 Christus non est Verbum Dei externum.
 Fuerunt olim Hæretici , quorum meminit
 Athan. homil. in illud *Missus est Angelus*,
 &c. qui dicebant , Verbum illud Angeli,
 quo locutus est B. Virgini in Annuncia-
 tione , esse Incarnatum, & factum carnem,
 quam Hæresim ut deliramentum impu-
 gnant PP. quia illud Verbum fuit sentibi-
 le, in aëre formatum , transitorium , sicut
 nostrum, & quoddam accidens, quia sonus
 erat : at Verbum factum caro , substantia
 est permanens , & intencibilis . Verbaque
 Evangelistæ hunc errorem convincunt :
 nam hoc Verbum, quod caro factum, idem
 est, quod in principio erat apud Deum , &
 Deus erat , & per quod omnia facta sunt :
 Joānes enim de eodem Verbo suam texuit
 narrationem , & de illo præmisit illa om-
 nia, ut significaret, non incēpisse tunc illud
 Verbum , quod caro factum est , quando
 fa-

factum est caro , sed fuisse ab æterno , ad
proindè esse unigenitum , & æternum Dei
Filium , qui in tempore suscepit humani-
tatem , ut illa pro hominibus pateretur,
& per illam homines doceret: ergò certum
est, Christum non esse Verbum Dei exter-
num, sed Verbum Dei internum, & men-
tale . Et confirmatur : nam Verbum
externum, vel conceptus mentalis creatus
à Deo infusus non est Apostolus, & Nuntius
Dei ; quia esse Apostolum solum potest
convenire personæ . At juxtà Alcoranum
hæc tria æqualiter competunt Christo , nè-
pe esse Verbum Dei , esse Apostolum , &
Nuntium Dei . Ergò sicut nomen Apo-
stoli est nomen personæ, & non accidentis;
ità nomen Verbi est nomen personæ : ergò
Verbum, quod de Christo prædicatur, non
est Verbum externum : ergò est Verbum
internum Dei , quod Deus intra se produ-
cit ; est Verbum per se subsistens , & sub-
stantiale . Ergò Christus est Verbum il-
lud æternum , quod Deus intra se produ-
cit, dum seipsum, & alia intelligit. Sed Ver-
bum mentale Divinum, quod intra Deum
est , Deus est : cum enim Deus sit entitas
simplicissima, infinita, & compositionis in-
capax, quidquid in Deo est , Deus est. Er-
gò Christus est Deus . Quod ut Mahumet.
tani

sti, nempe Evangelia, & libri Apostolorum, nempe Epistolæ Apostolorum, Acta Apostolorum, & Apocal. & libri Prophetarum, Christum esse Deum, aperte dicunt: ergo firmiter credendum est, Christum esse Deum: ac proinde Alcoranum hoc negans non est liber Dei.

Probatur minor, ex Evangelio Joannis cap. i. nam inprimis Evangelium Joannis aperte testatur Christum esse Deum: sic enim incipit: *In principio erat Verbum, & Verbum erat apud Deum, & Deus erat Verbum; hoc erat in principio apud Deum, omnia per ipsum facta sunt, & sine ipso factum est nihil.* Ecce Evangelista Joannes aperte dicit, quod in principio, seu rerum initio, quando Deus mundum condidit, & omnia ex nihilo creavit, jam erat Verbum; alludit enim ad illa verba Genesis: *In principio Deus creavit Cælum, & Terram*, id est, in principio durationis, & temporis: ergo planè significat Verbum Dei, non solum esse in Deo nunc, sed quod erat in Deo antequam mundum conderet, ac proinde significat verbum Dei non esse aliquid creatum, quia omne creatum aliquando incipit, ac proinde de nullo creato verificari potest, quod jam erat in principio temporis, & durationis, quando
Deus

Deus mundum condidit. Rursus significat Verbum Dei esse æternum, illum enim Verbum, quod jam erat, quando Deus mundum condidit, seu quando incæpit duratio rerum, non habet initium suæ durationis, de illo enim, quod aliquando habuit initium suæ durationis, verificari non potest, quod jam erat, quando incæpit duratio rerum: quod autem non habet initium suæ durationis, æternum est: ergo Verbum illud, de quo Joann. loquitur, æternum est. Sic ipsa sapientia genita, seu Verbum; & Filius Dei dicit Prov. 8. *Dominus possedit me in initio viarum suarum antequam quidquam faceret à principio: nondum erant abyssi, & ego jam concepta eram.* Quare idem est, *In principio erat Verbum, ac ante principium erat.* Parum enim erat in principio fuisse, si antea non fuisset: nam & Cælum, & terra in principio erant, sed ante principium non erant, quia in ipso principio creata sunt: & idè, quod hìc simpliciter dicitur: *In principio erat Verbum*, in lib. Salomonis explicatur, *Antequam quidquā faceret à principio.* De hoc æterno subdit quod erat apud Deum, quia cum Verbum hoc sit productum ab æterno à Deo per actum intelligendi, & dicendi; manet in

in suo principio, nempe in Patre, sicut Verbum mentis, quod producit homo intra se, dum seipsum intelligit, manet in intellectu ipsius producentis; undè duo sequuntur: nempe, Verbum esse distinctum personaliter à principio à quo producitur, nempe à Patre, quia cum nemo propriè dicatur *esse apud seipsum*, dum dicitur Verbum *esse apud Deum*, significatur in Deo esse personam distinctam à Verbo, nempe Patrem, à quo Verbum procedit (ut argumentatur Aug.) & in quo manet, tanquam, terminus immanenter produci-
 tus: rursus sequitur Verbum esse unum cum Patre in natura, quia hoc ipso, quòd Verbum istud sit intra Deum, est Deus, & ideo subdit Evangelista, & *Deus erat Verbum*, illud enim Verbum, quod jam erat antequam mundus fieret, hoc ipso quòd erat in Deo, erat Deus; & Deus erat illud Verbum, nequit enim Verbum esse Deus, quin Deus sit Verbum, quia identitas debet esse mutua. Subdit, *quòd omnia per Verbum facta sunt*, ex quo evidenter infertur, quòd Verbum illud non est factum, neque creatura, sed factor, & creator omnium: nihil enim potest facere, & creare seipsum: ergò si omnia per Verbum facta sunt, Verbum nō factū neque creatura est.

Ex iis evidenter probatur, Christum esse Deum : nam Evangelista per *Verbum* intelligit Christum, quod patet, quia de Verbo isto, paulò post subdit : *In propria venit, & sui eum non receperunt.* Ubi per eos, qui Verbum hoc non receperunt, intelliguntur Judæi, de quibus Mahometus ipse in Alcorano dicit, idè à Deo derelictos, quia Jesum, eis missum, non receperunt. Et patet rursus, quia de Verbo hoc, addit : *Et Verbum caro factum est*, id est Verbum hoc indutum est carne, seu Verbum hoc factus est homo : ibi enim nomine carnis intelligitur homo. Sicut Isai. 40. *Videbit omnis caro salutare Dei.* Et Job. 12. *Spiritus universæ carnis.* Et Psal. 117. *Dominus mihi adjutor, non timebo, quid faciat mihi caro.* Et Psalm. 64. *Qui dat escam omni carni.* Et Luc. 3. *Ad te omnis caro venit.* Frequens est enim in Script. Sacr. Hebræorum phrasis, qui per synecdochem nomine *carnis* totum hominem intelligunt, præsertim cùm humiliter ac modicè de illo loquuntur. Deum autem Verbum, quod est Deus, dicitur factum *homo*, non significatur, naturam Dei transisse in naturam humanam, quasi per identitatem substantia Verbi sit humanitas : hoc enim est impossibile; sed solum signi-

significatur, personam Verbi Divini unitam fuisse cum humanitate, ita ut Verbum quod ab æterno habuit naturam divinam sibi communicatam à Patre per generationem æternam, in tempore incæperit habere naturam humanam sibi communicatam à Matre per generationem temporalem: eatenus enim Deus factus est homo, quatenus facta est unio personalis, & hypostatica inter hypostasim, seu personam Verbi, & humanitatem miraculosè formatam in utero Virginis sine semine, & opera viri. Sicut enim dum anima rationalis, quæ est purus spiritus, unitur verè, & propriè, intrinsecè, & intime corpori, ex anima, & corpore resultat homo: ita dum persona Verbi divina, vera, & physica, unione intimè unita est, cū natura humana, ex persona verbi, & humanitate intimè, & physicè unitis resultat Christus, qui est Deus, & homo; quia est persona habens naturam divinam, & humanam; divinam per identitatem, humanam per unionem. Undè cum dicimus, *Deus est homo*, illa propositio non facit hunc sensum, *Deus est natura humana*; sed hunc: *Deus habet naturam humanam sibi hypostaticè, seu personaliter unitam*; sicut cum dicimus, *homo est albus*, non significamus, quòd

homo est albedo, sed quod *homo* habet in se intrinsecè albedinem, qua afficitur, & à qua denominatur, & in ratione albi constituitur.

Addit Evangelista, & *habitavit in nobis*, tum ut significaret, ideò personam Verbi Divini vestitam fuisse carne in utero Virginis, ut visibiliter posset cum hominibus conversari, & inter illos habitare, sicut dixit Propheta Baruch, cap. 3. *Post hæc in terris visus est; & cum hominibus conversatus est*: tum quia volebat significare, se vidisse Verbum carne indutum, & testem illius rei oculatum esse: *Et vidimus gloriam ejus gloriam, quasi Unigeniti à Patre*; quasi diceret, non ità Verbum factum fuisse carnem, ut ejus majestas penitus obscuraretur, sed potiùs multis indicijs ita se prodidisse, vt oculis ipsis videri posset. Ita enim in humanitate assumpta latebat diuinitas, vt per opera mirabilia, quæ per humanitatem faciebat, seipsam proderet, & manifestaret. Vnde gloriâ ejus vocat signa divinitatis, quæ multis in rebus in Christo manifestè apparebant. Et sic etiam Epist. 1. cap. 1. ait: *Quod fuit ab initio, quod vidimus oculis nostris, & manus nostra contrectaverunt de verbo vite annuntians vobis.*

Cer.

Certum ergò est, Christum esse Deum: nam quæ Joan. in hoc 1. cap. dicit de Verbo Incarnato, seu Christo, verificari non possunt, si ille esset purus homo: nam si esset purus homo, non fuisset ante Mariam Matrem suam, sed ex ea sumpisset exordium: ac proinde non fuisset in principio, nec omnia per ipsum facta fuissent, sed potius ipse fuisset post creationem Cœli & terræ, & incepisset, ultra quinquemille annos post orbem conditum, siquidem juxta Chronologiam, quam sectatur Ecclesia in Martyrologio, Christus natus est anno ab orbe condito 5199. & ut Baronius ait, Ecclesia in hoc conceptu annorum secuta est sententiam Eusebii, & Chronologiam Septuaginta Interpretum. Et hanc esse exactam, & certam, testatur Venerabilis Maria à Jesu, in sua Mystica Civitate Dei part. 2. lib. 3. cap. 11. nu. 138.

Et hanc sententiam novissimè acriter tuetur insignis Mathematicus P. Joannes Baptista Ricciolus nostræ Societatis. tom. 1. Chronologiæ reformatæ, impresso ann. 1669. lib. 6. cap. 1. pag. 248. impugnans computum Chronologicum Petavii, Salliani, Tursellini, & aliorum.

Probatur tertio. Ex illis verbis Christi. *An equam Abraham fieres, ego sum.*

Nam si esset purus homo non potuisset præcedere Abraham, sicut ipse dixit Judæis Joann. 8. v. 58. & quasi juramento affirmavit: *Amen, amen dico vobis, ante quam Abraham fieret ego sum*. Audite Tertulianum probantem divinitatem Christi ex hoc loco: *Christus cum ex Abraham sit, ante Abraham se esse dicit: Mentitur igitur, & fallit, si ante Abraham non fuit, qui ex Abraham fuit*. At non fallit; si etiam Deus est, dum ante Abraham fuit: *Quod nisi fuisset*, consequenter cum ex Abraham fuisset, *ante Abraham esse non posset*. Fie igitur hoc dilemma: vel Christus mentitus est, dum dixit se esse ante Abraham, vel verum dixit. Primum dicere non possunt Mahumetani, qui fatentur Christum fuisse Prophetam Sanctissimum, & mendaciorum nunquam dixisse: ergò debent dicere secundum. Atqui secundum nequit esse verum, nisi sit Deus, & simul homo. nam si esset purus homo, unicaque esset ejus nativitas, fuisset 2023. annos natus post Abrahamum; totidem siquidem anni transierunt ex Nativitate Abrahami ad Nativitatem Christi ex utero Mariæ; siquidem Abraham natus est anno 1978. secundum Chronologiam communiorē post creationem mundi: ac proindē fuisset unice post
Abra-

Abraham, & non fuisset ante. At cum sit Deus, & homo simul, est simpliciter ante Abraham, quia est Deus, Deus vero est ante omnia, & ab æterno: & pariter quantum homo natus est ex B. Virgine descendente ex Abrahamo.

Audite Augustinum deducentem ex hoc loco: Abrahamum fuisse creaturam, „ Christum vero esse Creatorem. *Append.*
„ *de* (inquit tract. 42. in Joann.) & cognosce mysterium. Antequam Abraham fieret intellige *fieret* ad humanam faciem, *sum* vero ad divinam pertinere substantiam. Fieret, quia creatura erat Abraham, non dixit antequam Abraham esset, sed antequam Abraham fieret, qui, nisi per me, non fieret, ego sum. Nec hoc dixit, antequam Abraham fieret, ego factus sum. In principio enim Deus fecit Cælum, & Terram: nam in principio erat Verbum. Sed antequam Abraham fieret, ego sum. Agnosce Creatorem, discernite creaturam.

Probatur 4. divinitas Christi: nam Joann. 8. v. 25. Judæi interrogaverunt Christum: *Tu quis es?* Et Jesus respondit: *Principium, qui loquor vobis.* Additque Evangelista. *Et cognoverunt quia Patrem ejus dicebat Deum.* Quasi responderet,

vos me interrogatis : *Quis ego sum ?* Et ego respondeo vobis, quod ego, qui loquor vobis, *Sum Principium*, nimirum per anthonomasiam, absolutè, & simpliciter, & sine addito diminvente, nimirum principium omnium rerum, quia sum Verbum illud, per quod omnia facta sunt, & sine quo factum est nihil. Ita exponunt August. Ambr. Prosper, Bernardus, & Rupertus, apud Maldonatum : *Quasi diceret, non putetis me id solùm esse, quod exterius apparet, nempe solum hominem, qui loquor vobis; sum enim præterea Deus, & primũ principium : Sum primus : & novissimus* (Apoc. i. 17.) *primus quatenus Deus, novissimus quatenus homo : vel quasi diceret, ut explicant August. & Beda : Ego sum principium, qui cum huiusmodi sim, tamen eò me usque demitto, ut vobiscum loquar. Velut exponunt alii. Ego loquor vobis, id est, quem loquentem auditis, sum principium, sum Deus, sum Author rerum omnium, quamvis vobiscum humano more loquar.* Ut autem Maldon. explicat, Christi responsio hunc reddit sensum : *Ego sum id, quod vobis à principio loquor, id est, quod iam inde ab initio, quod semper vobis dico, semper dixi vobis, me esse Christum, me esse Filium Dei, ab eo ad liberandos à*
pec-

*peccatis homines missum , panem vitæ,
mundi lucem, & cætera, quæ supra sæpe di-
xit.*

Probatur 5. quia si Christus homo tantum esset , non posset verificari , quod esset filius David , & simul Dominus David ; cum enim Christus quatenus homo natus sit 1082. annis postquam David regnare cepit , non potuit quatenus homo esse Dominus David, qui ultra mille annos antea floruit . Atqui ex divinis litteris constat Christum esse Filium David , & simul Dominum: primum constat ex Matth. 1. & 2. Reg. 12. *Juravit Dominus David veritatem, & non frustrabitur eum , de fructu ventris tui ponam super sedem tuam.* Secundum constat ex illis verbis Psalm. 109. *Dixit Dominus Domino meo , sede à dextris meis .* Hic enim Davidem loqui de Messia, seu Christo, fatentur Rabini apud Burgenf. 1. part. Scrutinii Scripturarum, dist. 9. cap. 9. & tanquam quid manifestum supponebant Pharisei , cum quibus disputavit Christus, Matth. 22. v. 41. cum enim ipsos interrogasset, cujus filius futurus erat Christus promissus in Scripturis, & ipsi respondissent , Davidis : statim eos obmutescere fecit hoc argumento : *Si ergò David vocat eum Dominum , quomodo Filius ejus*

eius est? Cui argumento respondere non potuerunt, quia falsò existimabant futurum purum hominem: Et planè argumentum convincit, Christum esse Deum, & hominem simul: ut ità verificetur esse Dominum Davidis secundùm naturam divinam; esse autem ejusdem filium secundùm naturam humanam. Si enim unam dumtaxat haberet naturam; non posset simul esse Filius, & Dominus Davidis: si effet solùm Deus, effet solum Davidis Dominus, non vero filius: si effet solùm homo, effet Davidis filius, non autem Dominus: undè ut sit Dominus, & Filius simul, debet esse Deus, & homo simul.

Prob. 6. quia Christus Apocal. i. v. 8. de seipso dicit: *Ego sum Alpha, & Omega, principium, & finis*, absolutè scilicèt, & simpliciter primum principium, & ultimus finis, sicut *α*, & *ω*, sunt prima, & ultima littera alphabeti Græci, quod de seipso falsò diceret, nisi effet Deus. Solus enim Deus est Alpha, & Omega, primum principium, & ultimus finis. Quòd Christus sit, qui ibi loquitur, probat Alcazar in eum locum ex Nazianzeno, Athan. Ruffino, Idacio Claro, & Sebadio, Agenensi in Gallia Episcopo. Item probat ex verbis im-

me:

mediate sequentibus: *Dicit Dominus Deus, qui est, & qui erat, & qui venturus est:* Verbum enim *dicit*, designat eum, qui Joanni Apocal. misit, hic autem fuit Christus, ut patet ex v. 1. *Apocalipsis Jesu Christi, quam dedit illi Deus palam facere servis suis, quæ oportet fieri cito, & signavit mittens per Angelum suum servo suo Joanni.* Et probatur etiam ex verbis immediate antecedentibus, v. 7. *Ecce venit cum nubibus, & videbit eum omnis oculus, & qui eum pūpugerunt.*

Prob. 7. ex his, quæ de Christi Conceptione, Nativitate, vita, & gestis testatur ipse Mahum. in Alcor. Illa enim satis ostendunt, Christum non solum esse Prophetam; sed plusquam Prophetam; non solum esse Sanctum, sed Sanctum Sanctorum; non solum hominem, sed etiam Deum. In primis enim Matrem habuit Virginem, quæ non opera viri, sed Spiritus Sancti operatione ipsum concepit, & sine detrimento suæ Virginitatis peperit, idque multò antea annuntiaverat Deus per Prophetas, nempe per Isaiam, qui cap. 7. hoc annuntians inquit: *Ecce Virgo concipiet, & pariet Filium*, id est Virgo manens concipiet, & pariet: *Et vocabitur nomen ejus Emmanuel, quod est interpretatum, Nobiscum Deus.*

Uc

Ult. inquit Matth. cap. 1. v. 23. Nam rem tam stupendam, & novam operatus est Deus, ut nobiscum esset, & nobiscum conversaretur visibiliter, naturâ humanâ indutus: quare Virginitas Matris concipientis, & parientis, probat divinitatem filii, nec enim Deus ulli unquam Prophetarum talem Matrem destinavit, quæ Virgo manens Filium conciperet, & pareret, sed hanc mirabilem nativitatem reservavit Filio suo; ut in mundum veniens carnem sumeret de Virgine Matre; nec enim decebat ut Filius Dei nasceretur, nisi de Virgine. Undè August. serm. 23. de temp. *Videte miraculum Matris Dominicæ: Virgo concepit, Virgo parturit, Virgo post partum permansit. Dignum enim erat, ut Deo nascente meritum cresceret castitatis, nec per ejus adventum violaretur integritas, qui venerat sanare corrupta, nec per eum pudicitia corporalis laderetur, per quem donatur castitas spiritualis.* Et Ambros. in tract. de symb. Apostolor. cap. 12. *Hic ergo unicus in Deitate Filius, in Nativitate etiam carnali, per quam hominem nostrum, ut salvaret, assumpsit, unicus invenitur. Solus enim natus ex Virgine, quæ neque Conceptionem de Viro, neque corruptionem sensit ex partu.* Et S. Leo Papa serm.

serm. 2. de Nativit. cap. 2. *Nova autem Nativitate genitus est conceptus à Virgine, natus ex Virgine sine paternæ carnis concupiscentia, sine maternæ integritatis injuria, quia futurum: Hominem Salvatorem talis partus decebat, qui in se haberet humanæ substantiæ Authorem, & humanæ carnis inquinamenta nesciret.* Et Bernar. serm. 4. de Assumpt. *Quæ jam poterit lingua, etiam si Angelica sit, dignis extollere laudibus Virginem Matrem, Matrem autem non cujuscunque, sed Dei: Duplex novitas, duplex prærogativa, duplex miraculum: sed dignè prorsus amplissimèque conveniens, nec enim Filius alius Virginem, nec Deum decuit partus alter.*

Certè tam ingens miraculum, & nunquam in mundo visum, nisi in Conceptione, & Nativitate Christi, ut fatetur ipse Mahumetus, Deus non faceret, nisi quia Christus non est solùm homo, sicut cæteri Prophetæ, & cæteri Sancti, sed est simul Deus. Undè tam stupendum miraculum admiratus Hierem. cap. 31. v. 22. inquit: *Creavit Dominus novum super terram: Femina circumdabit Virum.* Id est intra uterum gestabit fœtum, qui licèt sit ætate, & corpore infans, erit tamen sapientia, &
in-

intellectu vir, nimirum, quia in Christo à primo suæ Conceptionis instanti fuerunt omnes Thesauri sapientiæ, & scientiæ Dei. Hæc autem novitas unicè facta est in Nativitate Christi, & non in Nativitate cujuscunque alterius Prophetæ, & Sancti quia solus Christus est Deus, & homo.

Deindè ex confessione ipsius Muhumeti ad annunciandam Christi Conceptionem mittitur Angelus Gabriel ad Beatam Virginem. Eligitur in eius Matrem; Virgo sine labe culpæ originalis conceptæ, ut fatetur ipse Muhumetus, qui dixit; *Solum inter filios Adam Mariam non tetigit Satan, ut vidimus supra*. Impletur gratia foemina, quæ futura erat ejus Mater, & propterea ab Angelo salutatur: *Ave gratia plena, Dominus tecum, benedicta tu in mulieribus: ecce concipies, & paries filium, & vocabis nomen ejus Jesum: hic erit magnus, & filius altissimi vocabitur, & dabit illi Dominus Deus sedem David Patris sui, & regnabit in Domo Jacob in æternum, & Regni ejus non erit finis*. Luc. 1. v. 28. & 31. Apparet Pastoribus Angelus, & Christi Nativitatem eis annuntiat: *Nolite timere, ecce Evangelizo vobis gaudium magnum, quod erit omni populo; quia natus est hodie vobis, Salvator, qui est Christus*

Jesus

ſus Dominus in Civitate David. In ejus Nativitate multitudo Cęleſtis canit Deo gloriam dicens: *Gloria in excelsis Deo, & in terra pax hominibus.* Luc. 2. v. 10. & 13. Apparet in Oriente Stella Regibus, illosque mirabiliter ducit, ut Christum natum adorent: *Et ecce Magi ab Oriente venerunt Hierosolymam, dicentes, ubi est, qui natus est Rex Judæorum? Vidimus enim Stellam ejus in Oriente, & venimus adorare eum.* Matth. 2. v. 2. Assignatur Joannes Baptista, quem Mahumetani, ut Virum Sanctissimum colunt, & in cujus nativitatem singulis annis festum celebrant, ut Christi præcursor: *Hic est enim, qui dictus est per Isaiam Prophetam dicentem; vox clamantis in deserto: parate viam Domini, rectas facite semitas ejus.* Matth. 3. v. 3. Luc. 3. v. 4. & cum Joan. tantus esset, tamen de Christo testimonium perhibens, inquit: *Ego quidem aqua baptizo vos: venit autem fortior me, cujus non sum dignus solvere corrigiam calceamentorum ejus; ipse vos baptizabit in Spiritu Sancto.* Luc. 3. v. 16. & cum præ humilitate non auderet Christum baptizare, tamen Christi verbis obtemperans, ipsum baptizavit in Jordane. Matth. 3. Et postquam Christus ascendit de aqua, vidit Spiritum Sanctum sub

Ultimò, omnia quæ de Christo narrant Evangelistæ, circa ejus Conceptionem, Nativitatem, Magorum adorationem, fugam in Ægyptum, Baptismum, Prædicationem, Apostolorum electionem, Miraculorum operationem, Passionem, Mortem, & Resurrectionem, prænuntiata erant omnia singillatim à Prophetis multis retro sæculis, ut constat ex dictis libro præcedenti; ergò cum Mahumetus in Alcorano fateatur miraculosam Christi Conceptionem, & Nativitatem, Pastorum, & Magorum adorationem, testimonium Joannis Baptistæ de ipso, miracula ab ipso facta, & alia hujusmodi; & manifestè constet hæc omnia fuisse multò antea prænuntiata à Prophetis; cogitur concedere, hunc Prophetam aliquid specialissimum habere, quod in nullo alio repetitur, neque in Moyse, nec in Elia, nec in ullo alio Propheta: quorsum autem tantus miraculorum apparatus erga hunc Prophetam, si esset tantum sicut unus ex reliquis, id est purus homo?

Probatur octavò, quia Mahumetus in Alcorano docet, Christum esse Messiam, Judæis promissam; atqui Messias promissus Judæis in veteri testamento futurus erat Deus; ergò Christus est Deus. Major

M m

con-

constat ex Alcorano Zorà 2. quæ est Zorà Hambram, & Zorà 3. Idque probat Petrus de Cavalleria linguæ Arabicæ peritus in *Zelo Christi*, fol. 4. num. 19. & 20. ubi notat, in Alcorano Jesum appellari *Ice*, & Messiam appellari Arabicè *Maceb*. Constatque manifestè, esse inter Arabes articulum fidei, quodd Christus est Messias promissus in lege antiqua Judæis. Minor, in qua sola est difficultas, probatur 1. ex illo *Isai. 35. Deus ipse veniet, & salvabit nos, tunc aperientur oculi cæcorum & aures surdorum, & patebunt, tunc saliet sicut cervus claudus, & soluta erit lingua mutorum.* Quæ verba de Christo, & de nullo alio intelligi debent. Perindè enim fuit dicere, Deus ipse veniet, & salvabit nos, ac dicere: ipse per se, & non per legatos veniet. Deus autem per se immediatè non venit ad salvandos homines, nisi quatenus factus est homo, & homo factus salvavit homines. Et negato Mysterio Incarnationis Filii Dei, nequit verificari, Deum ipsum per se venturum, & salvaturum hominem. Ergò Christus est Deus. Et confirmatur, quia si Christus esset purus homo, & purus Dei minister in salute hominum procuranda, & non esset salvator, sed Dei salvatoris merum instrumentum, merusque minister, indè

Apq-

Apostoli à Christo missi in universum, mundum ad procurandam hominum salutem, essent comministri Christi, non autem ministri Christi. At constat, Apostolos se Christi ministros, non comministros appellasse, siquidem Paulus 1. Corint. 4. ait *Sic nos existimet homo, ut ministros Christi, & dispensatores mysteriorum Dei*, planè significans Christum esse verum hominum salvatorem, & non purum ministrum Dei, sed verum Deum, & mysteria ejus, esse mysteria Dei.

Constatque apertè Isaiam in illis verbis loqui de Christo: tum quia ipse Christus, cum Joannes Baptista misit Discipulos suos ad ipsum, ut eum interrogarent, atque ipse esset Messias in lege promissus; Illa verba Isaia de seipso exposuit Matth. 11. v. 3. *Tu es qui venturus es, an alium expectamus?* & respondens Jesus, ait illis: *Euntes renunciate Joanni, quæ audistis, & vidistis. Cæci vident, claudi ambulant, leprosi mundantur, surdi audiunt, mortui resurgunt, &c.* Quæ erant signa, quæ Isaias assignaverat ad dignoscendum Messiam. Tum quia nunquam Deus per ullum Prophetam hæc signa fecit, de quibus loquitur Isaias, nisi per Christum. Nam qui tempore veteris testamenti miracula fece-

runt, sunt Moyſes, Joſue, Elias, Eliſæus, & ipſe Iſaias : nullum autem eorum fecit ejusmodi ſigna, quia nullus eorum illuminavit cæcos, ſurdos, mutos, claudosque ſanavit. Tùm quia Iſaias loquitur de futuro, *Deus*, inquit, *ipſe veniet* : omnes autem Prophetæ, qui ſigna aliqua fecerunt, ante Iſaiam floruerunt. Ergò de nullo alio Propheta, niſi de Chriſto illa verba intelligi poſſunt. Et propterà ipſe Chriſtus Joan. 15. v. 24. dixit: *Si opera non feciſſent in eis, quæ nemo alius fecit, peccatum non haberent: nunc autem, & viderunt, & oderunt me, & Patrem meum*. Quibus verbis ſignificavit, Judæos eſſe inexcusabiles, quia videntes in ipſo concurrere omnia ſigna, quæ de Meſſia futura prædixerant Prophetæ, nihilominus eum recipere noluerunt, ſed perſecuti ſunt, uſque ad necem Crucis.

Probatũ ſecundò, Meſſiam promiſſum Judæis eſſe Deum ex Baruch 3. *Hic eſt Deus noſter, & non eſtimabitur alius ad eum, hic adinvenit omnem viam diſciplinæ, & tradidit eam Jacob dilecto ſuo*, poſt hac in terris viſus eſt, & cum hominibus converſatus eſt. Hic de Deo Iſrael clariſſimè agitur, ut probant Cyprianus lib. 2. contra Judæos cap. 5. Ambroſ. lib. 1. de Fi-
de

de cap. 2. Augustinus lib. 18. de Civit. cap. 33. Nazianzenus orat. 4. de Theologia, Basilii lib. 4. contra Eunomium, Chrysostomus in oratione, quod Christus sit Deus; Hilarius lib. 5. de Trinit. & alii: Unde Athanasius lib. 5. de Incarnatione ait, idem Filium Dei factum esse hominem: Ut homines ipsum intuentes, ex mirabilibus ejus operibus persuaderent sibi, non dumtaxat hominem, sed etiam Deum, & veri Dei Verbum, ac sapientiam: quemadmodum enim, quàm minimè spectabilis est, ex creationis operibus cognoscitur: sic homo factus, & in corpus receptus ex operibus dignosci potest, Dei esse virtus, & Verbum; non homo (simplex) qui hæc operatur. Et in Epistola ad Antiochenes, quam Alexandrina Synodus scripsit: Cum reverà Dei esset Filius (inquit) factus est etiam hominis Filius, idem & primogenitus factus est in fratribus. Idem non alter quidem erat, qui ante Abraham fuit Dei Filius, alter verò, qui post Abraham extitit: alter ille, qui Lazarum excitavit; alter qui de illo sciscitatus est: sed idem planè erat, humano quidem more dicens: ubi Lazarus jacet? divino autem, hunc à mortuis suscitans.

Quare Propheta loquitur de Deo Israel, qui solus similem non habet, & qui postquam tradidit disciplinam Israeli, idest legem in Monte Sinà, tandem homo factus in terris visus est, & cum hominibus conversatus est.

Tertiò, quia Messias promissus erat ad salvandos homines à servitute peccati, ut constat ex dictis libro præcedenti, & redemptio, quam allaturus erat Messias, erat redemptio spiritualis, eripiens homines à potestate Diaboli, non corporalis liberans eos à tyrannide, alicujus Principis temporalis. Undè Deus loquens apud Isaiam cap. 49. cum Messias, inquit: *Parum est, ut sis mihi servus ad suscitandas tribus Jacob, & facies Israel convertendas. Ecce dedi te in lucem Gentium, ut sis salus mea usque ad extremum terræ.* Quod perindè est, ac si Deus Pater diceret Filio suo incarnato, seu Messiae: Non mitto te ad salvandum dumtaxat Judæorum nationem, sed totius generis humani redemptorem te constituo, & salvatorem: munus autem salvatoris spiritualis, solius Dei proprium est, salvatio opus est proprium Dei; ut ipse Deus testatur Isai. 43. „ Ego sum Dominus, & „ non est absque me salvator. Et cap.

Demonstr. contra Mahumet. §43

3, 25. Deus justus, & salvator non est præ-
,, ter me. Et Oseæ 13. Ego sum Domi-
,, nus Deus, & salvator non est præter me.
Tunc sic, sed Christus est verè, & propriè
salvator: ergò Christus est verè, & pro-
priè Deus. Minor constat ex Matth. 1.
,, Vocabis nomen ejus Jesum, ipse enim
,, salvum faciet populum suum à peccatis
,, eorum. Et Luc. 2. 11. Angelus dixit pa-
,, storibus: Natus est hodie vobis salvator,
,, qui est Christus Dominus. Et Jo. 4. vers.
42. Samaritani post Samaritanæ cōversio-
nem factam à Christo, cognoverunt, ipsum
esse verum mundi Salvatorem: Scitis,
,, quia hic est verè Salvator Mundi. Et
,, Apostolus ad Titum cap. 2. vers. 11:
,, Apparuit gratia Dei Salvatoris nostri
,, erudiens nos, ut ab negantes impieta-
,, tem, & sæcularia desideria, sobriè, pè,
,, & justè vivamus in hoc sæculo. Et Pe-
,, trus Epist. 2. cap. 1. v. 1. Simón Petrus
,, servus, & Apostolus Jesu Christi iis, qui
,, cœqualem nobiscum sortiti sunt F-
,, dem, in justitia Dei nostri, & Salvatoris
,, Jesu Christi. Et Joan. Epist. 1. cap. 1.
,, v. 14. Et nos vidimus, & testificamur,
,, quoniam Pater misit Filium suum Sa-
,, vatorem Mundi. Hinc Augustinus,
,, serm. 81. de tempore, unigenitus Dei

„ (inquit) factus est hominis Filius , ut
 „ qui Creator mundi erat, fieret , & Re-
 „ demptor . Et Ambros. lib. 3. de Fide
 „ cap. 2. Decuit enim , ut ille nos redi-
 „ meret, qui creavit.

Quartò, quia Isaias de futuro Messia
 loquens cap. 45. inquit : Hæc dicit Do-
 „ minus , labor Ægypti , & negotiatio
 „ Ætiopiæ, & Sabaim, viri sublimes ad te
 „ transibunt, & tui erunt , post te ambu-
 „ labunt, vincti manicis pergent , & te
 „ adorabunt, teque depræcabitur , tan-
 „ tum in te est Deus , & non est absque
 „ te Deus : verè tu es Deus absconditus,
 „ Deus Israel salvator. Hæc tam mani-
 festè dicuntur à Domino Deo de Filio suo
 incarnando, ut Hieronymus in hunc locum
 scribat, nullum esse effugium à laqueis hu-
 jus testimonii .

Quintò, idem Isaias cap. 9. luculenter
 docet : nam de Christo loquens , inquit :
 „ Parvulus natus est nobis , & Filius da-
 „ tus est nobis : & factus est principatus
 „ super humerum ejus ; & vocabitur no-
 „ men ejus , Admirabilis , Consiliarius ,
 „ Deus, fortis, Pater futuri sæculi , Prin-
 „ ceps pacis, &c.

Mitto alia plura testimonia , quia
 hæc sufficiunt: ex omnibus concluditur ad

hominem contra Mahumetum, Christum esse verum Deum; quia Mahumetus docet vera esse, quæ Prophetæ scripserunt: at Prophetæ scribentes de Messia dixerunt illum futurum esse Deum. Ergo Messias est verus Deus. Sed Mahumetus fatetur Christum esse Messiam promissum in lege antiqua, & à Prophetis: ergo cogitur fateri Christum esse Deum.

Probatur prætereà Christum esse Deum omnibus argumentis, quibus libro præcedenti ostendimus hanc veritatem. Primò, quia Christus palam dixit se esse Deum, & in confirmationem hujus doctrinæ mortuos suscitavit, cæcos illuminavit, & alia miracula operatus est. Ergo hæc est veritas certissima. Secundò, quia Judæi eo titulo præcipuè Christum crucifixerunt, quia dixit se esse Filium Dei naturalem, verumque Deum: & tamen Deus illos propter necem Christo illatam severissimè punivit, & usque modò punit, quod argumentum manifestum est, Christum dum seipsum appellavit Deum, non blasphemiam dixisse, sed veritatem certissimam. Tertio, quia Deus Christum eo nomine crucifixum, quia Filium Dei se fecit, tertia die suscitavit à mortuis: hoc opere evidenter manifestans, illum vera-

di-

dixisse. Quartò, quia Apostoli innumera-
 bilibus miraculis mundo persuaferunt rem
 humanæ sapientiæ pœnitens incredibilem,
 nempe hominem crucifixum esse verum
 Deum. Quintò, quia nisi Christus esset
 verus Deus, opere complere non potuis-
 set, quod promiserat, dicens: *Tu es Petrus,*
& super hanc petram ædificabo Ecclesiam
meam, & porta inferi non prævalebunt
aduersus eam. Sextò, quia Christus ma-
 jora operatus est postquam à Judæis cruci-
 fixus est, quàm dum viveret, quod argu-
 mentum manifestum est, eum non esse nu-
 dum hominem, sed hominem Deum. .
 Septimò, quia Apostoli, & innumerabiles
 Martyres, utriusque sexus, & in omni æta-
 te, constanter, & alacritè in testimonium
 hujus veritatis atrocissima tormenta passi
 sunt, & necem acerbissimum; Deusque
 illos manifestis illustravit miraculis. Octa-
 vò, quia Fides falsa veram nequit generare
 sanctitatem, Fides autem hæc de Divinita-
 te *Crucifixi* innumerabiles genuit sanctos.
 Christi prædicatos Mahumetanorum con-
 versioni intentus, enumeret Illustriores
 sanctos, qui in singulis Ecclesiæ sæculis flo-
 ruerunt, illos præsertim, qui gloria mira-
 culorum eminuerunt.

CAPUT SECUNDUM .

*Probatur Diuinitas Chriſti , & veritas
Religionis Chriſtianæ ex notis , &
inſignibus, quibus dignoſcitur,
illam eſſe à Deo.*

SANÈ in Religione Chriſtiana, tanquam
primam baſem ſtatuente Chriſtum
eſſe Deum, & hominem, mortuum, & cru-
cifixum pro ſalute humani generis , & ter-
tiadie reſurrexſſe à mortuis , atque in
Deo dari Trinitatem perſonarum , tot
concurrunt notæ, & ſigna , ut credamus,
illam eſſe à Deo , ut evidentè convincant
illam habere Deum Authorem, & poſſe ac
debere hominem myſteriis ab illa propoſi-
tis infallibili, & firmiſſimo aſſenſu crede-
re : notas autem, & ſigna ex dictis in hoc,
& antecedenti libro breviter hinc appen-
dam.

1 Quòd myſteria noſtræ Fidei in Scrip-
turis Sacris ſpiritu prophetico tot ſæculis
ante fuerunt, & prænuntiata , & præfigu-
rata .

2 Quòd à paucis hominibus plebeis,
nulla doctrina ſeculari inſtructis, ſolo Spi-
ritu Divino afflatis, doctrina Fidei mundo
ſit

sit persuasa, tota sæculi potentia, & sapientia repugnante.

3 Quòd infinitis miraculis confirmata.

4 Quòd pro ea doctrina tot Martyrum miriades libentissimè, & fortissimè omne tormentorum genus subierint, & sanguinem profuderint.

5 Quòd eadem doctrina à sexdecem, nunc sæculis jugiter toto penè orbe vigerit.

6 Quòd à sapientissimis viris, qui diversis temporibus, vel distinctis locis vivere, summo consensu tradita.

7 Quòd omnes qui vel sanctitate vitæ, vel gloria miraculorum clari fuerunt, eam sectati sint.

8 Quòd homines ad pietatem, justitiam, benignitatem, animi fortitudinem, vitæ puritatem, contemptum rerum terrenarum, innocentiam, atque adeo ad omnem virtutem informet, & instruat.

9 Quòd nihil à recta ratione alienum contineat.

10 Quòd efficacissima præsidia, & incentiva ad rectè, & innocenter vivendū, & ad peccatum vitandum suppeditet.

Hæc, & alia singula, & notæ clarè demonstrant Religionem Christianam esse à

Deo

Deo datam hominibus, ut in illa suam salutem operentur, & hoc velle de se credi, quod Christi Ecclesia Catholica Romana credendum proponit; & eo modo velle ab hominibus coli, quo illa tradit esse colendum. Cum enim evidens sit unum, dumtaxat esse Deum, evidens quoque est, unam dumtaxat esse veram Fidem, & Religionem in mundo: reliquas verò ipsi oppositas, quoad id quod de Deo, & divinis jubent credi esse falsas. Quod lumine naturæ ductus agnovit Cicero, qui cum in libris de natura Deorum proposuisset varias Philosophorum opiniones de natura Deorum, & de Fine, ad quem homo conditus est, sic concludit: *Quoniam opiniones cum tam variæ sint, tamque inter se dissidentes, alterum fieri perfectò potest, ut earum nulla, alterum certè non potest, ut plus una vera sit.*



CAPUT TERTIUM,

*Iterum ostenditur Divinitas Christi, &
pluralitas personarum in Deo ex ipso
Alcorano, & ex Scripturis, quas
Mahumetus admittit.*

MAhumetus in suo Alcorano hæreses renovavit, quas Ecclesia Catholica in pluribus Conciliis Generalibus damnaverat, nempe hæresim Arrianam, quæ negans intra Deum pluralitatem personarum, negabat consequenter Jesum Christum Dominum nostrum esse naturalem Dei Filium consubstantialem Patri; & consequenter negabat esse verè, & propriè Deum, & in hoc sequebantur Arriani Ebionem, & Cherintum Hæreticos, qui Divinitatem Christi primi negarunt tempore Apostolorum; renovavit quoque hæresim Nestorii affirmantis Christum fuisse, & esse hominem Deiferum, id est, in quo Deus moraliter habitavit, non tamen verum Deum, ac proindè Beatam Virginem non esse appellandam Matrem Dei, sed Matrem Christi, non Theotocon, sed Christotocon, Christum dividens in duos Filios, alterum Dei, alterum Virginis. Hos errores damnaverat Ec-

Demonstr. contra Mahumet. 551

Ecclesia in quinque Conciliis Generalibus 1. Niceno : 2. Constantinopolitano primo : 3. Ephesino : 4. Calcedonenſi : 5. Constantinopolitano ſecundo . Et poſt hæc omnia Mahumetus hanc hæreſim renovavit .

Siquidem in Alcorano Zorà 4. in principio hæc habet : „ Hæretici ſunt illi qui „ dixerunt, quod Deus, & Meſſias eſt Filius „ Mariæ . Et Zorà 1. Habuit Deus Filium ? Abſit ab ipſo , laudetur ipſe , ſed „ omnia ſunt ſua, quæ ſunt in Cælo, & in „ terra omnia ſibi ſubjecta . Et Zorà 4. „ negat Trinitatem his verbis : Hæretici „ ſunt illi, qui dicunt, quod Deus eſt tertius de tribus ; intendens per hoc damnare Chriſtianos , qui dicunt Deum eſſe Unum, & Trinum . Ità refert ex Alcorano D. Petrus de Cavalleria, linguæ Caldaicæ, Arabicæ, & Hæbraicæ apprime peritus in ſuo *Zelo Chriſti*, fol. 129. quem librum erudiſſimis notis illuſtravit Doctör Don Martinus Alphoſus de Vivaldo , anno Chriſti 1592. qui in Prologo teſtatur, ſe in illo libro gloſſando tres annos conſumpſiſſe . Et teſtatur Carthuſianus lib. 1. art. 2. Mahumetus in Alcorano cap. 19. ſic ait : „ Nihil præter opiniones ſequuntur dicentes Deum ſumpſiſſe Filium , quo ne- „ qua-

„ quaquam indiguit . An habent rationes
 „ hoc demonstraturas ? An hoc nescitum
 „ Deo imponunt ? Et in cap. 12. Sciendum
 „ eos incredulos esse , qui Jesum Filium
 „ Mariæ Deum esse dicunt . Et iterum :
 „ Omnes dicentes Christum Mariæ Filiū
 „ Deum existere , mendaces inventi sunt,
 „ atque increduli, cū Christus ipse di-
 „ xerit : Filii Israel in Deum vestrum, ac
 „ meum credere . Cui quicumque sociū,
 „ ac participem posuerit, ignem intrabit
 „ perpetuum , & frequenter asserit, quōd
 „ Deus non habet Filium sibi æqualem;
 „ quia Deus non habuit uxorem : aitque
 „ omnes , qui Deum Trinum asserunt in
 „ personis, tres Deos affirmare.

Hoc supposito probo Alcoranum li-
 brum esse mendacem , & Diaboli sugge-
 stione compositum . Primò, quia cum ex
 ipso constet, Christum esse Verbum Dei
 missum à Deo in hunc mundum , sequitur
 dari in Deo plures personas : nempe per-
 sonam missam , & personam mittentem .
 Nam Verbum Dei Persona Divina est , ut
 manet probatum supra , quia Verbum
 Dei est conceptus intellectus paterni , &
 imago Patris intra Deum existens : quia
 conceptus mentis intra intelligentem est,
 & verbum, seu sermo internus in loquente
 est,

est . Persona autem Divina nequit seipsum mittere . Undè Augustinus lib.2. de Trinitat. cap.5. dicit : *Quod solus Pater nunquàm legitur missus.* Quia neque potest dici missus à seipso, nec à Filio ; quia in Divinis, Persona, quæ mittitur , debet procedere à mittente . Et ideò Christus Dominus Joan.8. dicebat : *Non sum ego solus, sed ego, & qui misit me Pater .* Quare ut rectè explicat magnus Christianorum Doctor S. Thomas 1. part. q. 43. art. 1. cap.
„ Missio Divinæ Personæ convenire potest
„ secundum quod importat ex una parte
„ processionem originis à mittente , & secundum quod importat ex alia parte,
„ novum modum existendi in alio . Sicut
„ Filius dicitur missus à Patre in mundū .
„ secundum quod incæpit in mundo esse
„ per carnem assumptam ; & tamen ante
„ in mundo erat, ut dicitur Joan.1.

S. Vincentius Ferrerius Dom. 3. post Pascha serm.4. narrat, quòd cùm ipse prædicaret in quadam Sinagoga Judæorum, accessit ad eum quidam Mahumetanus, Sarracenorum Alphaquinus , seu Sacerdos, illumque interrogavit , quomodo Deus posset habere Filium ? Cui sanctus respondit quadam interrogatione : *Tu credis Deū esse æternum ?* Et cùm ille annuisset , sub-

junxit S. Vincentius : credis ne Deum esse mutum , aut credis eum loqui ? fixum habeo, inquit, Deum non esse mutum , sed loqui . *Ecce igitur* , (reposuit S. Vincentius) Verbum hoc æternum , quod Deus loquitur , & intellectu suo profert , hoc est Verbum, de quo loquitur S. Joannes quando dicit : *Verbum caro factum est* ; & istud Verbum est Filius Dei.

Sanè cùm Mahumetani credant Deum ab æterno nihil creatum produxisse, quia in principio temporis initium habuit rei creatio ; si concedant Deum ab æterno loqui ; necessariò fateri debent Deum ab æterno loqui intra se, nam locutio externa importat aliquid creatum , quia repugnat Deum ad extra loqui, quin ad extra aliquid producat . Deus ergò ab æterno ore suo , id est, intellectu suo loquitur : (cùm enim Deus non sit substantia corporea non potest habere os materiale, sed tantùm spirituale , nempè intellectum) ergò Deus medio intellectu suo profert Verbum ab æterno intra Deum existens , Deus est non minus quàm Deus sit Persona Divina hoc Verbum producens . Hoc ergò Verbum æternum est Filius Dei , quia est substantia vivens , quæ Patrem perfectissimè repræsentat.

Nunc

Nunc veniamus ad argumenta petita ab Scriptura . Nam Mahumetus ait , credenda esse , quæ scripsit Moyles , & scripserunt Prophetæ , & credendum esse Evangelio Jesu Christi . Argumentor ergò 1. ex Psalm.2. v.7. *Dominus dixit ad me, Filius meus es tu ; ego hodie genui te .* Certum est Prophetam loqui non de seipso , sed in persona Christi : nam ut probat Bellarminus , totus hic Psalmus est manifestissima prophetia de Christo , David enim in spiritu prænoscent Messiam venturum , & persecutiones multas adversus eum exorturas , & eum tamen sælicissimè regnaturum , incipit ab increpatione persecutorum illis verbis : *Quarè fremuerunt gentes , & populi meditati sunt inania ? Astiterunt Reges terræ , & Principes convenerunt in unam adversus Dominum , & adversus Christum ejus :* & sensus est , frustra Gentiles , & Hebræos , tum Principes , tum populos infremuisse indignatione contra Messiam , & cogitavisse rationem impediendi Regni ejus , Constatque manifestè Davidem non loqui de seipso , sed de Christo , nam statim post illa verba : *Ego hodie genui te , addit : postula à me , & dabo tibi gentes hereditatem tuam , & possessionem tuam , terminos terræ :* quæ de Davide verificari

Non possunt : verificantur autem ad litteram de Christo, & eorum sententia est apertissima, ac si Deus Pater dicat : Quia tu Christe Filius meus es naturalis, & virtute mea incarnatus, & à mortuis suscitatus, jure potes à me petere imperium in omnes gentes, tanquàm hereditatem tuam, & omnem terram usque ad ultimos fines eius, tanquam possessionem tibi debitam. Ipsique Rabini, & Magistri Judæorum, qui floruerunt multis annis ante adventum Christi, fatentur Davidem non loqui de seipso, sed loqui in persona Christi, ut testatur Paulus de S. Maria, qui prius fuit Rabinus Hebræorum, & postea ad Fidem Christi conversus, fuit Episcopus Burgen-sis, & floruit ad ann. 1430. & scripsit doctissimum librum adversus Judeos, in quo probat, Jesum Nazarenum, quem Judæi crucifixerunt, esse Messiam, & Christum, promissum per Prophetas, & inter alia argumenta id probat ex iis verbis Psalmi, 1. part. Scrutinii Scriptur. dist. 9. cap. 9. affirmans Rabinos ipsos Hebræorum eà exposuisse de Messia venturo.

Et Apostoli Christi, quos Mahumetus fatetur fuisse viros sanctos, & vera esse, quæ scripserunt, hunc locum exponunt de Christo, Actor. cap. 4. vers. 25. cùm enim

Petrus in nomine Jesu Nazareni miraculo-
sè curasset hominem claudum, qui sedebat
ad portam Templi Salomonis, quæ dicitur
Speciosa, ut peteret elemosynam ab introe-
untibus in Templum, dicens : *Argentum,*
aut aurum non est mihi; quod autem habeo
hoc tibi do, in nomine Jesu surge, &ambu-
la: Et apprehensa manu ejus dextera,
allevavit eum, & protinus consolidata sunt
bases ejus, & plantæ, Act. 3. 7. cùm hunc
hominem, qui annorum erat amplius qua-
draginta, curasset D. Petrus, magna perse-
cutio contra ipsum suborta est, & contra
D. Joannem, qui illum comitabatur, quia
predicabant populo, Jesum Nazarenum
resurrexisse: ipsi verò constanter dixerunt
Scribis, & Phariseis: „ Principes populi,
„ & seniores audite. Notum sit omnibus
„ vobis, & omni plebi Israel, quia in no-
„ mine Domini nostri Jesu Christi Naza-
„ reni, quem vos crucifixistis, quem
„ Deus suscitavit à mortuis, in hoc, iste
„ stat coram vobis sanus. Et allegabant
varia Scripturæ testimonia ad probandum
Jesum Nazarenum esse Christum in lege
promissum. *Et non est (inquit) in alio*
aliquo salus. Nec enim aliud nomen est
sub Cælo datum hominibus, in quo oporteat
vos salvos fieri: & ad probandum Jesum

Nazarenum esse Christum adduxerunt verba Psalmi, quæ modo citavimus, & cum Deo loquentes dicebant: „ Domine tu
 „ es, qui fecisti Cælum, & Terram, Mare,
 „ & omnia, quæ in eis sunt: qui Spiritu
 „ Sancto per os Patris nostri David pueri
 „ tui, dixisti: *Quare fremuerunt gentes,*
 „ & populi meditati sunt inania, astiterunt
 „ Reges terræ, & Principes convenerunt
 „ in unum, adversus Dominum, & ad-
 „ versus Christum ejus; convenerunt
 „ enim verè in Civitate ista adversus san-
 „ ctum Puerum tuum Jesum, quem un-
 „ xisti, Herodes, & Pilatus, cum Gentili-
 „ bus, & populis Israel, facere, quæ manus
 „ tua, & consilium tuum decreverunt fieri.
 Ergo Apostoli Spiritu Sancto pleni, quamvis essent ex se rudes piscatores, acceperunt à Deo lucernam ad interpretandas Scripturas, & testati sunt, Davidem in illo Psalmo loqui de Jesu Nazareno, qui est verus Messias, & verus Christus in lege promissus. Ergo certum est, verba illa: *Dominus dixit ad me, Filius meus es tu, ego hodie genui te,* intelligenda esse de Christo: ergo Christus est Filius naturalis Dei ab æterno à Patre genitus ex sua substantia: Perindè enim fuit dicere: *Ego hodie genui te, ac ego in die æternitatis genui te Deus Deum,* ut
 inquit

inquit Bellar. Undè Origenes tom. 1. in Joannem circa medium, hunc locum exponens inquit : „ Manifestè Filii notabilitas declaratur , cum Filius meus es tu , „ ego hodie genui te , dicitur ad illum à „ Deo , cui semper est hodie . Neque „ enim est vespera Dei , neque mane ; sed „ ipsi dies est hodie , in qua genitus est Filius . Et Augustinus exponens hæc verba , ego hodie genui te , sic habet : Hodie , quia præsentiam significat , atque „ in æternitate , neque præteritum quidquam est , quasi esse desierit , neque futurum , quasi nondum sit , sed præsens tantum , quia quidquid æternum est , „ semper est , divinius , accipitur secundum id dictum , ego hodie genui te , quo sempiternam generationem virtutis , & sapientiæ Dei , qui est unigenitus Filius , Fides sincerissima , & Catholica prædicat . Et lib. 11. Confess. cap. 13. in fine : Hodiernus tuus , æternitas , idè coæternum genuisti , cui dixisti . Ego hodie genui te . Et in Enchir. cap. 49. Ego hodie genui te , non unum illorum temporis diem , quo baptizatus est , sed immutabilis æternitatis ostendit , ut illum hominem ad unigeniti personam pertinere monstraret . Ubi enim dies ,

„ nec hesterni fine inchoatur , nec initio
 „ crastini terminatur , semper hodiernus
 „ est.

Nec potest locus ille intelligi de filiatione per adoptionem secundum quam omnes iusti sunt Filii Dei , quia ut observat Paulus Burgenfis 1. part. scrutinii dist. 9. cap. 9. *Filium suum in singulari*, quem ipse genuerit , nullibi Deus appellat nisi Christum ; quia nimirum solus Christus est Filius Dei naturalis . Quare illud , *Filius meus es tu* , intelligendum esse de filiatione naturali efficaciter confirmat D. Tho. 4. contra gent. cap. 7. initio ex Paulo ad Hebræos 1. ubi volens probare , quod
 „ Christus est verus Deus, per quem fecit,
 „ & sæcula , qui est splendor gloriæ , &
 „ figura substantiæ ejus , portansque om-
 „ nia verbo virtutis suæ , purgationem
 „ peccatorum faciens ; quæ sunt certissima consubstantialis , ac veræ Deitatis indicia : ita argumentor ex hoc loco : „ Cui
 „ enim dixit aliquando Angelorum, Filius
 „ meus es tu , ego hodie genui te ? Ergo
 Christus est alia ratione Filius Dei , quam sit quilibet Angelus , etiam sanctissimus-
 ergo non est Filius adoptivus , sed naturalis , & consubstantialis Patri ; nam si propter filiationem adoptivam dixisset Pater de
 Christi

Christo, *Filius meus es tu, ego hodie genui te*; etiam posset dicere Michaeli, *Filius meus es tu, ego hodie genui te*. Ergò id dixit propter filiationem naturalem.

Argumentor secundò, ex illis verbis Psalmi 109. vers. 3. *Tecum principium in die virtutis tue in splendoribus sanctorum; ex utero ante Luciferum genui te*. In quibus certum est sermonem esse de Christo; quia de ille loquitur in hoc versu, de quo versu 1. dixerat: *Dixit Dominus Domino meo, sede à dextris meis*. Ut autem inquit Bellarminus in eum Psalmum, certum est non alium hoc loco Dominum vocari nisi Messiam, qui fuit Filius David secundum carnem, & Dominus David secundum Divinitatem: totus enim Psalmus id clamat, cum neque Abraham, neque Ezechias (de quibus ridiculè Rabini cæcorum Judeorum id exponunt) sederint *ad dexteram Dei*, neque geniti sint ante Luciferum, nec Sacerdotes fuerint secundum Melchisedech. Quare Judei interrogati à Christo Matth. 22. v. 42. quomodo David in spiritu vocet Messiam Dominum suum? non sunt ausi negare, Psalmam intelligendum esse de Messia.

Ex his verbis probant efficacissimè Patres Christi Divinitatem: quæ verba
sic

fic ad litteram explicat Bellarminus, dixerat : *Dominare in medio inimicorum tuorum*, quod intelligitur in hoc tempore, dum regnum Christi ab omnibus oppugnatur : declarat nunc, quid erit in novissimo die, quando omnes inimici subiecti erunt, ut scabellum pedum ejus : *Tecum*, inquit, *principium in die virtutis tuae*, id est, tecum erit principatus manifestus, tunc apparebit omnibus tuum esse regnum ; & apud te solum esse verum principatum. *In die virtutis tuae*, in die videlicet novissimo, quando potentia tua Cœlum movebit, Cœlum obscurabit, Terram concutiet, mortuos excitabit, & omnes ad Tribunal tuum adducet. *In splendoribus Sanctorum*, id est, quando circumdatus eris Sanctis tuis, qui omnes fulgebunt sicut Sol : *Ex utero ante Luciferum genuit te*, id est, ideò tecum erit tantus principatus, quia ego Deus Pater omnipotens genui te, non ex nihilo, ut res creatas, sed *ex utero meo*, ut Filium verum, connaturalem, & substantialem, *ante Luciferum*, id est, antequam Stellas crearem, ante omnem creaturam, ante omnia sæcula. Hæc est communis expositio Patrum, Hieronymi, Augustini ; Chrysostomi, Theodoreti, Euthimii.

Quod

Quod si placet (inquit Bellar.) non accipere principium pro principatu, sed simpliciter, pro principio exponere poterimus: *Tecum principium*, idest tecum est principium omnium rerum, quia tu es in Patre, & Pater in te. Sed prior expositio videtur præferenda, utpote magis conformis textui Hebraico. *Ex utero*. Ex hoc verbo efficacissimè probant Patres Christi Divinitatem; nam si Christus creatura esset, non posset dici genitus ex utero: nemo enim dicit, se genuisse ex utero domû, vel scamnum, vel aliud quidpiam ex arte factum. Nec Deus dixit unquam se genuisse ex utero Cælum, aut terram. Porro per uterum intelligitur essentia Dei secreta, & intima; & quamvis uterus propriè ad matrem, non ad patrem pertineat, rectè tamen Deus Pater dicitur ex utero genuisse, tum ut clariùs ostendatur Filius consubstantialis genitori (clariùs enim Filius est ex substantia Matris, quàm ex substantia Patris) tum quia Deus opus non habuit uxore ad Filium gignendum, & pariendum. Undè dicit Isaïa ultimo: *Numquid ego, qui alios parere facio, non pariam?* *Ante Luciferum*. Hinc significatur æternitas Filii, qui penitus fuit ante Luciferi creationem, ac per hoc ante omnes creaturas.

turas . Sed posuit nomen *Luciferi* , quoniam ipse etiam *Filius Dei*, est quidam *Lucifer* increatus ; est enim lux vera , quæ illuminat omnem hominem , & omnem Angelum .

Argumentor tertio , ex illis verbis *Ecclesiast. 24. ego ex ore Altissimi prodivi primogenita ante omnem creaturam .* Quæ *Ambrosius*, *Cyprianus*, *Augustinus*, & alii *Patres* communiter exponunt de generatione Verbi, quod est *Sapientia Divina*, genita ; textus enim expressè loquitur de *Sapientia* increata, ut autem expendit *Lyranus* : *Non loquitur de sapientia Divina essentialiter dicta ; quia hæc non est generans, nec genita . Nec etiam de substantia, quacumque creata , per hoc quod dicitur ante omnem creaturam .* Nam *sapientia* illa , quæ genita est ante omnem creaturam, creatura esse nequit : rursus *sapientia* illa est per se subsistens, seu *sapientia sapiens*, idest *persona*, id enim denotat illud , *Ego* : Ergò in *Deo* datur *persona generans* , & *persona genita*, *sapientia generans* , & *sapientia genita* . Ergò cum nulla *persona* possit generare seipsam , concluditur dari in *Deo* plures *personas* . *Ex ore altissimi*. Per os *Dei* intelligitur intellectus fœcundus *Patris* , ex quo procedit *Verbum* . Cum enim

enim certum sit, Deum non habere os corporale, quo vocaliter loquatur, concluditur ibi sermonem esse de ore spirituali, quo substantia spiritualis loquitur, nempe de intellectu, quo loquitur dum Verbum mentale producit. Ergò in Deo datur Verbum substantiale æternum, & increatum distinctum realiter à Patre.

Simile argumentum sumitur à Patribus contra Arrianos ex illis verbis Prov. 8. *Nondum erant abyssi, & ego jam concepta eram; ante colles ego parturiebar, quando præparabat Cælos, aderam, & c. cum eo eram cuncta componens*, quæ de Sapientia Divina æterna, & genita intelliguntur à Patribus, nempe de Verbo.

Argumentor quarto, ex illi verbis Micheæ 5. *Et tu Bethleem Ephrata parvulus es in millibus Judæ: ex te mihi egredietur, qui sit dominator in Israel. Et egresus ejus ab initio à diebus æternitatis*, Manifestum est enim loqui de Christo; & idè ipsi Judæi Principes Sacerdotum, & Scribæ populi interrogati ab Herode Matth. 2. ubi Christus nasceretur, responderunt, nasciturum Bethleem. Ex hoc autem textu evincuntur, duplicem esse Christi Nativitatem, alteram temporalem, & humanam in Bethleem, alteram sempiternam, & Di-

vinam . Ergò Christus , qui nasciturus dicitur in Bethleem , quatenus homo ; est simul Filius naturalis Dei , procedens ab æterno à Patre per spirituales , & intellectualem generationem.

Omissis aliis pluribus , veniamus ad novum Testamentum , quod Mahumetus admittit , & jubet credi ; ex quo manifestè constat Christum esse verum Deum , Ut liquet ex testimoniis allegatis disp. præced. Et nunc probatur 1. ex illo Pauli ad Philip. 2. *Qui cum in forma Dei esset , non rapinam arbitratus est esse se æqualem Deo , sed semetipsum exinanivit formam , servi accipiens .* Ubi clarissimè explicatur , Christum esse verum Deum , cum habeat formam , idest naturam Dei , & secundum illam non sit rapina , sed natura æqualis Patris . Secundò ex illo Rom. 9. *Ex quibus Christus est secundum carnem , qui est super omnia Deus benedictus .* Cum enim super omnia nihil sit nisi verus Deus , si Christus est super omnia Deus , sequitur esse verum Deum . Tertio , ex illo 1. Jo: 5. „ Ut simus in vero Filio ejus , hic est verus Deus , & vita æterna . Audi August. lib. 1. de Trinit. c. 6. Et Filius non tantum Deus , sed & verus Deus , quod Johannes apertissimè in sua Epistola dicit ; „ Sci-

„ Scimus quia Filius Dei venit, & dedit
„ nobis intellectum, hic est verus Deus,
„ &c. 1. Joan. 5. v. 20. Audi & Cyrillum
„ lib. 12. Thesauri cap. 23. Quid (inquit)
„ dicent Hæretici ad hæc Beati Joannis
„ verba, quibus apertissimè Deus verus
„ Filius appellatur? Nam si Deus verus
„ est substantialiter, non participatione
„ hoc ipsum est, sicut creaturæ. Neque
Mahumetani respondere potuerunt, Chri-
stum ab Apostolis appellari Deum, quia
erat ejus legatus. Sic enim non esset ve-
rus Deus, sed solum Dei minister, ut inquit
S. Irinæus lib. 1. cap. 6. neque Dominus,
„ neque Spiritus Sanctus, neque Apostoli
„ eum, qui non esset Deus, definitivè, &
„ absolutè Deum nominassent aliquan-
„ do, nisi esset verus Deus.

Quare Mahumeto quadrat illud, quod
ait S. Joannes Epist. 1. cap. 4. *Omnis Spi-
ritus, qui solvit Jesum, ex Deo non est, &
hic est Anti Christus.* Quid est enim sol-
vere Jesum, nisi dividere Jesum à Deo, di-
cendo Jesum non esse personam Divinam,
sed creatam, non Deum, sed purum homi-
nem? Mahumetus ergò Anti Christus
est, idest spiritum Anti Christi habuit.

Denique probatur; quia Christus
non dicitur in Evangelio utcumque Filius
Dei,

Dei. sed Filius unigenitus, est ergò Filius
 naturalis & consubstantialis Patri, & Fi-
 lius unicus. Ergò non est Filius per adop-
 tionem, quia sic non esset unigenitus. As-
 sumptum probatur ex Joann. 1. „ Vidi-
 „ mus gloriam ejus, & gloriam quasi uni-
 „ geniti à Patre. Et paulò post: Unige-
 „ nitus, qui est in sinu Patris, ipse enar-
 „ ravit. Et cap. 3. Sic Deus dilexit mū-
 „ dum, ut Filium suum unigenitum da-
 „ ret. Et paulò post. Qui non credit,
 „ jam judicatus est, quia non credit in-
 „ in nomine unigeniti Filii Dei. Et 1.
 „ Joann. 4. Filium suum unigenitum mi-
 „ sit Deus in mundum. Hinc Patres ma-
 „ nifestè convincebant Arrianos. Sic Cy-
 „ rillus lib. 10. Thesauri cap. 4. initio: Non
 „ est unigenitus, nisi qui ità natus est, ut
 „ nullos habeat fratres. Athanasius ora-
 „ tione in illud dictum. Deus de Deo:
 „ Christus ideò unigenitus est, eò quòd
 „ nullus alius ex Patre sit genitus. Et
 „ Cyrillus lib. 4. de Trinit. unigenitus
 „ significat id, quod ex natura cujusdam
 „ gentium est. Et lib. 5. Thesauri cap. 5.
 „ Si Filius creatus est, non erit unigeni-
 „ tus, quem multi sequuntur similes,
 „ non enim quia primo creatus est, erit
 „ unigenitus: nam & Ruben principium
 „ fa-

„ factus est filiorum Jacob , nec tamen
„ idcirco unigenitus, aut alienus à natura
„ fratrum suorum . Igitur Joannes, teste
„ Cyrillo lib. 1. in Joan. cap. 22. Unigeni-
„ tum Filium appellavit, & in sinu Patris
„ esse affirmavit, ut ab omni creatura
„ eum dissiparet, & ex Patre propriam
„ substantiam habere, & in Patre esse
„ ostenderet . Denique Chrysost. hom.
„ 14. in Joan. Evangelista sinus memi-
„ nit, quo uno verbo, multa, substantiæ
„ cognationem, propinquitatem, parem
„ Patri cognitionem, potestatem ostendit.
„ Non enim diversam substantiam in sinu
„ haberet Pater, sed neque ipse auderet, si
„ servus, si ex multitudine unus esset, in
„ sinu Domini versari . Ut autem notat
„ Cyrillus, Evangelista sinum pro sub-
„ stantia, per similitudinem corporum,
„ quæ rebus intelligibilibus manifestiora
„ sunt, posuit . Et sanè cum Filius homi-
„ nis homo debeat esse, & Filius equi equus,
„ Filius naturalis, & unigenitus Dei, Deus
„ debet esse . At Christus est Filius naturalis,
„ & unigenitus Dei, ergo est Deus.

CAPUT QUARTUM.

Solvitur crassa quaedam obiectio Mahumeti, & exponitur quo pacto sine uxore propriè Filius Deo conveniat.

Qualis est unusquisque, taliter judicat, ut docet Aristoteles: & ut inquit Paulus: *Carnalis homo non percipit ea, quæ sunt spiritus*. Carnalis nimis erat Mahumetus, & ideò non potuit nisi carnalẽ generationem apprehendere: obiicit ergò, Deum non habere Filium, quia uxorem non habet, quæ ei Filium pariat æternũ, & sibi substantialem. Ità enim loquitur in Alcorano Zorà 5. paulò post medium: *Quomodo Deus haberet Filium, si non habuit uxorem, aut sociam?* Ut testatur *Zelus Christi*, fol. 131. pag. 1. Sed hæc obiectio pinguis, & crassa est, & quæ magis risum moveat, quàm solutionem postulet. Sed tamen res ipsa explicanda est.

Dum auditis Mahumetani, Deum habere Filium, elevare debetis mentes vestras supra fecem omnis creaturæ, præsertim corporeæ. Quia Deus substantia est spiritualis; omninò purissima, & simplicissima, molis corporeæ expers; ac proinde

indè essentialiter incapax habendi Filium per generationem corporalem, quæ est propria animalium, quæ corpore constant: Undè generatio Filii, quæ Deo competit, non est carnalis, sed spiritualis, non corporea, sed intellectualis: cùm enim Deus sit substantia spiritualis intellectualis infinitè perfectà, non aliter filium generare potest, quàm per intellectum. Ideoque generat Filium, quia Deus Pater seipsum comprehendens, & in nitidissimo suæ divinæ essentiae speculo seipsum intuens, & contemplans, hac ipsa actione seipsum videndi, & contemplandi producit quandam vivam sui imaginem, cui communicat suam omnipotentiam, suam sapientiam, & reliqua omnia attributa: & hæc imago viva, & vivens, producta à Patre seipsum intelligente, est Verbum Patris, & simul Filius. Quare idem est Patrem generare Filium, ac producere intra se Verbum mentale, quo tota perfectio Patris repræsentatur. Illa enim imago repræsentans divinas perfectiones, quam Deus producit dum seipsum contemplatur in speculo nitidissimo, & perlucido suæ essentiae, est Filius: quia illa imago est per se subsistens, est imago substantialis participans per identitatem essentiam Patris, ac proindè est, *Vivens à vi-*

vente à principio conjuncto in similitudinem naturæ, quæ est definitio filii.

Id vobis exemplo exponam : Dum quis seipsum intuetur in speculo , ipsa actione se intuendi producit imaginem sui in speculo , quæ ejusdem figuræ est cum homine seipsum intuentem , & illi similis. Illa imago in speculo producta non est filius ejus , qui seipsum intuetur , quia est imago mortua, non imago vivens , quia est accidens, non substantia, quia est similitudo, species, effigies , & simulacrum hominis, cæterum non est homo , quia non est quid consistens, & permanens , sed statim evanescens . Quodd si illa imago resultans in speculo esset verus homo, & substantia vivens , profectò esset verè filius hominis seipsum intuentis ; quia si per actionem ipsam vivendi communicaret suam substantiam illi imagini, & produceret hominem sibi similem , ut suas perfectiones repræsentaret, sanè per ipsam actionem se videndi generaret sibi filium. Deus ergò Pater dum seipsum intuetur in cristallino , & purissimo suæ divinæ essentiae speculo producit quandam imaginem perfectissimam sui ; producit Verbum : *Quod est ; & speculum , & character , & imago Patris, in omnibus Patri similis : ut loquitur*

tur S. Clemens Papa, & Martyr, & Discipulus D. Petri in Epistola ad Jacobum: Hæc autem imago non est mortua, sed viva, non est transiens, sed permanens, non est accidens, sed substantia, non est inhærens, sed per se subsistens; ac proindè est imago manens intra Deum, quia est partus quidam, & conceptio intellectus; conceptio autem, & partus intellectus intra intelligentem manet, dum enim intelligimus, nō producitur aliquid extra nos in exteriori materia, sed intra nos producimus imaginem expressam rei, quam cogitamus: quidquid autem est intra Deum, Deus est, essentiamque Dei habet: ergò Pater Æternus dum seipsum intelligit, seipsum cogitat, & intuetur, atque contemplatur, producit imaginem substantialem sui, quæ Deus est, non minus quàm Pater producens. Hæc imago est Verbum, & est Filius: immò ut loquitur maximus Christianorum Doctor post Apostolos, in Africa natus, & educatus, & qui in Africa obiit, nempe S. Augustinus lib. 7. de Trinit. cap. 2. *Ed Filius quò Verbum, & ed Verbum quò Filius.* Dicitur enim Verbum, quia est similitudo expressa, & producta ad representandum objectum, nempe Patrem, & dicitur Filius, quia est similitudo substantialis per se sub-

sistens , & ejusdem naturæ cum principio producente .

Id alio exemplo explico : homo dum seipsum cogitat , & seipsum internè contemplatur , producit intra se quandam imaginem sui, quæ est Verbum mentis: hæc imago est imperfecta , quia est accidens, non substantia , ac proindè est Verbum accidentale , non substantiale , undè hoc Verbum non est filius . At Verbum Divinum, ut inquit Basil. orat. 16. in illud Joann. *In principio erat Verbum , ideò Verbum dicitur, quia est imago genitoris totum in se monstrans genitorem* : & quia est imago perfectissima , & substantialis , & per se subsistens est filius , ut enim inquit S. Aug. lib. 6. de Trinit. cap. 2. *Filius , & imago quò Filius*, & ait S. Anf. in Monol. cap. 53. *Verbum mox ut consideratur, se prolem esse ejus, à quo procedit , evidentissimè probat, promptâ præseferendo Parentis imaginem . Undè S. Athan. in Epist. de decret. Nicen. Syn. Quemadmodum (inquit) unus est Deus , necessarium quoque est unam esse ejus imaginem , quæ ipsius est Filius . Si eum imaginem nomines, filium hoc ipso eum esse judicaveris, quid enim simile est Deo , nisi sua ipsius progenies ? Et S. Greg. Nazianz,*

zianz. orat. 4. Theologiæ : „ Brevis, &
„ compendiosa, facilisque Paternæ naturæ
„ declaratio est filius, omne enim, quod
„ genitum est, genitorem suum tacita
„ quadam voce definit. Hinc S. Thom.
I. p. q. 27. art. 2. probat Verbum in Deo
esse Filium, *Quia Verbum est conceptio in-*
tellectus, Conceptio autem intellectus, est si-
mililitudo rei intellectæ, & insuper Verbum
in Deo est in eadem natura existens. In no-
bis Verbum, quod quis format de seipso,
non est filius, quia cùm in nobis aliud sit
intelligere, aliud esse; Verbum, quod
homo format de seipso, *Est quidem homo*
intellectus, seu homo in esse intelligibili,
quia est similitudo expressa hominis ipsum
repræsentans, non tamen est verus homo,
sed aliquod accidens existens in homine.
Cæterum cùm in Deo idem sit intelligere,
ac esse, quia Deus per suam substantiam,
non solum est potens intelligere, sed actu
intelligens; ideò in Deo Verbum mentis,
quod format de seipso, est Deus, quia non
solum est *Deus est intellectus, seu Deus in*
esse intelligibili, id est repræsentativo, &
Imago Dei, sed est verus Deus, quia habet
idem esse, & eandem essentiam cum Deo,
quia quidquid existit in Deo Deus est. Ac
proindè, non solum est Deus intellectus,

sed Deus intelligens , non solum Deus in esse representativo, & intelligibili, sed Deus in esse reali.

Cur autem Verbum mentis appelletur proles, & conceptio , & partus intellectus, explicat optimè idem S. Thom. opusc. 2. seu in compendio Theologiæ cap. 37. Probat cap. 36. ponendum esse Verbum in divinis : *Quia Deus seipsum intelligit, omne autè intellectum in intelligente est, unde oportet Deum in seipso esse tamquam intellectum in intelligente; intellectum autem, prout in intelligente, est Verbum quoddam intellectus, hoc enim exteriori voce significamus, quod interiùs intellectu comprehendimus : sunt enim secundùm Philosophum, voces signa intellectuum : oportet igitur in Deo ponere Verbum ipsius.* Postquàm hoc probavit subjungit in cap. 38. ,, Id autem
 ,, quod in intellectu continetur, ut inte-
 ,, rius Verbum, ex communi usu loquen-
 ,, di conceptio intellectus dicitur : nam
 ,, corporaliter quidem aliquid concipi di-
 ,, citur, quod in utero animalis vivifica-
 ,, virtute formatur, mare agente, & fœ-
 ,, mina patiente, in qua fit conceptio ità
 ,, quòd ipsum conceptum pertinet ad na-
 ,, turam utriusque, quasi secundùm spe-
 ,, ciem conforme . Quòd autem intelle-
 ,, ctus

„ ſus comprehendit, in intellectu forma-
„ tur, intelligibili quaſi agente, & intelle-
„ ctu quaſi patiente . Et ipſum , quod in-
„ tellectu comprehenditur , intra intelle-
„ ctum exiſtens conforme eſt , & intelligi-
„ bili moventi , cujus, quædam ſimilitu-
„ do eſt, & intellectui quaſi patienti , ſe-
„ cundùm quod eſſe intelligibile habet .
„ Undè id , quod intellectu comprehen-
„ ditur, non immerito conceptio intelle-
„ ctus vocatur . Rursùs cap. 39. in hoc
„ differentiam conſiderat . Nam cùm id
„ quod intellectu concipitur, ſit ſimilitu-
„ do rei intellectæ ejus ſpeciem repræſen-
„ tans, quædam proles ipſius eſſe videtur.
„ Quando igitur intellectus intelligit
„ aliud à ſe, res intellecta eſt ſicut pater
„ Verbi in intellectu concepti, ipſe autem
„ intellectus magis gerit ſimilitudinem
„ matris, cujus eſt , ut in ea fiat concep-
„ tio . Quando verò intellectus intelligit
„ ſeipſum, Verbum conceptum compa-
„ ratur ad intelligentem, ſicut proles ad
„ patrem . Cùm igitur de Verbo loqua-
„ mur, ſecundùm quod Deus ſeipſum in-
„ telligit, oportet quòd ipſum Verbum
„ comparetur ad Deum , cujus eſt Ver-
„ bum, ſicut filius ad Patrem.

Itaque dum Chriſtiani credimus Deū
ha-

habere Filium, credimus Deum dum, seipsum intelligit producere Verbum, quoddam internum, quod omnes ejus perfectiones perfectissimè repræsentat; & credimus hoc Verbum esse personam distinctam à persona producente, & esse Filium Dei. Undè idem est formalissimè in Deo dari Verbum productum ad exprimendas perfectiones personæ producentis, ac dari in divinis Filium. Sicut ergò certum est, Deum non indigere sœmina, ut intra se producat Verbum mentis; ità certum est non indigere sœmina ut habeat Filium sibi consubstantialem. Et idèd Evangelista Joannes illud Verbum, quod erat in principio, & per quod omnia facta sunt, postea appellat *Unigenitum Dei Filium*, dum ait: *Et Verbum caro factum est, & vidimus gloriam ejus, gloriam quasi unigeniti à Patre.*

Non caret autem misterio, quod Joannes Filium Æternum Dei voluerit potius explicare nomine Verbi, quàm nomine Filii, quamvis re ipsa idem omninò sit Verbum Dei, & Filius naturalis Dei. Ut enim inquit D. Thomas ibidem cap. 40. *Ne aliquis audiens nomen Patris, filii carnalem generationem suspicaretur secundum quam apud nos Pater dicitur, & Filius,*

Jo-

Joannes Evangelista , cui revelata sunt secreta Cœlestia , loco Filii ponit Verbum , ut generationem intelligibilem cognoscamus.

Rem hanc egregiè explicat S. Thom. opusculo tertio: interrogatus enim à Cantone Antiocheno, quomodò respondendum esset Saracenis irridentibus Christianos, quia dicimus Christum esse Dei Filium, „ cùm Deus uxorem non habeat; respon- „ det cap. 3. derisibilem esse irrisionem, „ qua nos irrident , quia ponimus Chri- „ stum esse Filium Dei vivi , quasi Deus „ uxorem habuerit , cùm enim carnales, „ sint, non possunt nisi ea , quæ sunt car- „ nis, & sanguinis cogitare : & statim explicat modum , quo Deus sine uxore filium habere potest.

„ Quilibet enim sapiens (inquit) con- „ siderare potest, quòd non est idem gene- „ rationis modus in omnibus rebus , sed „ in unaquaq; re invenitur generatio secū- „ dùm proprietatem suæ naturæ . In ani- „ malibus quidem per maris , & fœminæ „ commixtionem , in plantis verò per „ pullulationem, seu generationem; atque „ in aliis aliter . Deus autem non est car- „ nalis naturæ, ut fœminam requirat, cui „ commisceatur ad prolis generationem, „ sed est spiritalis naturæ , sive intelle-

ctualis.

„ Actualis , immò magis super omnem in-
 „ tellec tualem . Est ergò in eo accipienda
 „ generatio secundùm quod convenit in-
 „ tellec tuali naturæ . Et quamvis intelle-
 „ ctus noster ab intellec tu Divino deficiat,
 „ non possumus tamen aliter loqui de
 „ intellec tu Divino : nisi secundum simi-
 „ litudinem eorum, quæ intellec tu nostro
 „ invenimus . Est autem intellec tus no-
 „ ster aliquando quidem in potentia intel-
 „ ligens, aliquando in actû . Quandocum-
 „ que autem actû intelligit , quoddam
 „ intelligibile format, quod est quædam
 „ proles ipsius : undè & mentis conceptus
 „ nominatur . Et hoc quidem est , quod
 „ voce exteriori significatur : undè sicut
 „ vox significans , verbum exterius dici-
 „ tur, ità interior mentis conceptus ver-
 „ bo exterioris significatum, dicitur ver-
 „ bum intellec tus , seu mentis . Hic au-
 „ tem mentis nostræ conceptus non est
 „ ipsa mentis nostræ essentia, sed est quod-
 „ dam accidens ei, quia nec ipsum intelli-
 „ gere nostrum, est ipsum esse intellec tus,
 „ alioquin nunquã intellec tus esset , quin
 „ actû intelligeret . Verbum igitur nostri
 „ intellec tus secundùm quandam simili-
 „ tudinem dici potest, vel conceptus , vel
 „ proles ; & præcipuè cùm intellec tus
 „ seip-

„ seipsum intelligit , in quantum scilicet
„ est quædam similitudo intellectus pro-
„ cedens ab intellectuali ejus virtute: sicut
„ & filius habet similitudinem patris, pro-
„ cedens ab ejus generativa virtute: Non
„ tamen propriè Verbum nostri intelle-
„ ctus potest dici proles , vel filius , quia
„ non est ejusdem naturæ , cujus est in-
„ tellectus noster . Non autem omne quod
„ procedit ab aliquo , etiam si sit ei simi-
„ le , dicitur filius , alioquin imago sui,
„ quæ aliquis pingit , propriè filius dice-
„ retur ; sed ad hoc , quòd sit filius , re-
„ quiritur , quòd procedens ab altero si-
„ militudinem habeat ejus , à quo proce-
„ dit, & sit ejusdem naturæ cum eo .

„ Quia verò in Deo non est aliud in-
„ telligere quam suum esse , consequen-
„ ter, neque Verbum , quod in intellectu
„ ejus concipitur , est aliquod accidens ,
„ aut aliquid alienum ab ejus natura , sed
„ ex hoc ipso , quòd Verbum est , habet
„ rationem procedentis ab altero , & ut
„ similitudo ejus , cujus est Verbum: hoc
„ enim in Verbo nostro reperitur , sed
„ istud Verbum Dei habet ulteriùs , quòd
„ non sit aliquod accidens, nec aliqua pars
„ Dei , qui est simplex, nec aliquid alie-
„ num à Divina natura , sed quoddam

„ com-

„ completum subsistens in natura divina
„ habens rationem ab altero procedentis:
„ sine hoc enim Verbum intelligi non
„ potest . Hoc autem secundum humanæ
„ locutionis consuetudinem nominatur
„ filius , quod procedit ab alio in simili-
„ tudinem ejus, subsistens in eadem na-
„ tura cum ipso . Secundum igitur, quod
„ divina verbis humanis nominari pos-
„ sunt, Verbum intellectus divini Filium
„ Dei nominamus : Deum verò , cuius
„ est Verbum , nominamus Patrem, pro-
„ cessum Verbi dicimus esse generatio-
„ nem filii immaterialem, non autem
„ carnalem , sicut carnales homines su-
„ spicantur ; est autem aliud , in quo ex-
„ cedit prædicta filii Dei generatio omnē
„ generationem humanam , sive materia-
„ lem secundum quam homo ex homine
„ nascitur : sive intelligibilem, secundum
„ quam Verbum accipitur in mente hu-
„ mana . In utraque enim illud , quod
„ per generationem procedit , invenitur
„ posterius tempore eo , à quo procedit .
„ Pater enim non generat statim à prin-
„ cipio sui esse , sed oportet , quòd de im-
„ perfecto ad statum perfectam veniat, in
„ quo generare possit . Nec iterum statim
„ ut generationi operam dat , filius nasci-
„ tur,

„ tur , quia carnalis generatio in qua-
„ dam mutatione consistit , & successio-
„ ne : secundum intellectum etiam non
„ statim à principio homo est aptus ad in-
„ telligibiles conceptus formandos , sed
„ postquam ad statum perfectionis venit.
„ Vnde non semper actu intelligit , sed
„ potentia est intelligens tantum , & post
„ fit intelligens actu , & iterum desinit
„ actu intelligere , & remanet intelligens
„ in potentia, vel habitu tantum . Sic er-
„ go Verbum homine posterius invenitur
„ tempore, & desinit aliquando esse ante
„ quam homo . Impossibile est autem ,
„ ista duo Deo convenire , in quo nec im-
„ perfectio , nec mutatio locum habet .
„ nec etiam exitus de potentia ad actum,
„ cum sit actus purus, & primus . Ver-
„ bum ergo Dei coæternum est ipsi Deo.
„ Est autem , & aliud , in quo Verbum
„ nostrum differt à Divino . Intellectus
„ enim noster non simul intelligit omnia,
„ neque unico actu, sed pluribus , & di-
„ versis , & ideo verba intellectus nostri
„ sunt multa , sed Deus omnia simul in-
„ telligit ; & unico actu , quia ejus intel-
„ ligere non potest esse nisi unicum , cum
„ sit suum esse , unde sequitur quod in-
„ Deo sit unum Verbum tantum . Ulte-
„ rius

„ rius est consideranda alia differentia,
 „ quòd scilicet Verbum intellectus nostri
 „ non adæquat intellectus virtutem, quia
 „ cùm aliquid mente concipimus, adhuc
 „ possumus alia multa concipere: unde
 „ Verbum nostri intellectus imperfectum
 „ est, & in eo potest compositio accide-
 „ re, dum ex multis imperfectis fit unū
 „ Verbum perfectius, sicut cū intellectus
 „ concipit aliquam enunciationem,
 „ seu definitionem alicujus rei: sed Ver-
 „ bum Divinum adæquat virtutem Dei,
 „ quia per suam essentiam seipsum intelli-
 „ git, & omnia alia: unde quanta est es-
 „ sentia, tantum est Verbum, quod con-
 „ cipit per essentiam suam, se, & omnia
 „ alia intelligendo. Est ergo perfectum,
 „ simplex, & æquale Deo, & hoc Verbum
 „ Dei Filium nominamus ratione jam dicta,
 „ quod ejusdem naturæ cum Patre, & Pa-
 „ tri coæternum Vnigenitum, & perfectum
 „ confitemur.



CAPUT QUINTUM.

Cur Evangelista non dixit, Verbum homo, sed Verbum caro factum est: ubi refutantur varia Hæreses contraria mysterio Incarnationis.

PRiùs explicanda sunt verba illa. *Et Verbum caro factum est.* Particula illa, *Et,* denotat illud ipsum Verbum de quo paulo ante dixerat, *In principio erat Verbum, & Verbum erat apud Deum, &c.* factum esse carnem. *Caro* autem ibi, ut supra ostendimus, pro toto homine sumitur ut idem sit, ac *Verbum factum est homo*; frequens enim figura est, ut pars pro toto accipiat, & sic sæpè accipitur in scriptura caro pro homine, ut Genes. 8. *Omnis caro corruerat viam suam.* Et Isai. 40. *Videbit omnis caro salutare Dei.* Et Rom. 3. *Ex operibus legis non justificabitur omnis caro.* Ut autem notat Cyrillus lib. 1. in Joan. cap. 15. Non dixit Evangelista, *Verbum venit in carnem*, ne sic Verbum esse in Christo intelligeremus, sicut est in Prophetis, & iustis. In hos enim per lumen prophetiæ, aut per gratiam venisse dicitur: sed dixit, *Verbum caro factum est,*

P p

ut

ut significaret, unionem physicam, & realem factam esse inter personā Verbi, & naturam humanam, itā ut incēperit in tempore esse homo, qui semper est Deus: & denotaret, in Christo convenire duplicem naturam, divinam, & humanam, in eandem personam, ita ut Deus sit homo, & homo sit Deus; idest eadem persona sit habens naturam divinam, & humanam.

In illis tamen verbis impegerunt Hæretici. Nam in primis Arrius, ut testatur Ambr. lib. de Incarn. Domin. Sacram. cap. 7. assererat Verbum carnem solam assumpsisse, & in Christo Verbum esse loco animæ. Verum Hæresis hæc præterquāquod in multis Conciliis æcumenicis est damnata, & in symbolo Athanasii reprobatur, falsitatis convincitur ex illis verbis Christi Joann. 12. *Anima mea turbata est.* Et Matth. 27. *Tristis est anima mea.* Turbatio enim, & tristitia nequit convenire Christo ratione Verbi, quod incapax est tristitiæ; debet ergo convenire ratione animæ creatæ vivificantis carnem; nam caro capax non est tristitiæ, & doloris, nisi informetur anima. Deindè cū Verbum assumpserit naturam nostram, ut eam sanaret, eam præcipuè debuit assumere partem, quæ plus indigebat sanitate; hæc autem est anima rationalis,

nalis,

nalis, quæ initium fuit peccati, & in qua peccatum immediatè existit. Præterea Apollinaris impugatus à Nazianzeno Epist. 1. ad Clidon. sciens, carnem propriè dici non posse, nisi sit animata, concedebat quidem, Verbum assumpsisse carnem animatam anima sensitiva, non tamen animatam anima rationali, ac proindè dicebat, Verbum assumpsisse animam sensitivam, non rationalem. Hæc etiam Hæresis in multis Conciliis damnata, manifestè impugnatur ex illis verbis Joan. cap. 23. *In manus tuas Domine commendo spiritum meum*, ex quibus constat Christum habuisse spiritum, id est animam rationalem, quem emisisse dicit Evangelista, dum spiravit, Matth. 27. v. 50. *Jesus autem iterum clamans voce magna, emisit spiritum*. Et ratio facta contra Arrium hanc etiam Hæresim jugulat. Et utraque apertè reiicitur; quia de fide est, Christum esse hominem, & Filium hominis, ut constat ex illis verbis Pauli Roman. 9. *Gratia unius hominis Jesu Christi in plures abundavit*. Et ex illis 1. ad Corinth. 15. *Primus homo de terra terrestris, secundus homo de Cælo Cælestis: & per hominem mors, & per hominem resurrectio mortuorum*; ex qua comparatione liquet, Christum verè, & propriè esse hominem simi-

lem Adamo quoad omnem perfectionem; & proprietatem naturalem. Non foret autem homo, si non haberet animam rationalem; quia homo essentialiter est animal rationale. Habet ergo animam rationalem, quæ simul est sensitiva, & munus etiam vegetativæ exercuit in vita mortali.

Hoc supposito inquirimus, cur Evangelista dixit, *Verbum caro factum est*, nec enim existimandum est, & carere mysterio, quod ita loquatur, cum potuerit facilius, & non oblata occasione errandi Arrio, & Valentino, dicere, *Verbum homo factum est*. Varias rationes assignant Patres, & Doctores, quas referre expedit, ut Christi Minister possit plenius mysterium Incarnationis explicare.

Cyrillus lib. I. in Joann. cap. 15. ait, idem usum fuisse Evangelistam illa loquendi forma, ut significaret, humanam carnem, quæ per peccatum mortalis facta fuerat, per conjunctionem Verbi, id est, naturalis, & immortalis vitæ, immortalitatem esse consecutam. Augustinus, ut commendaret Christi humilitatem, qui nostræ salutis causæ carnis nomen sibi indignum non putavit. Theophylactus, ut singularem Dei erga homines benevolentiam declararet,

qui

qui propter ipsos caro, idest, res omnium
ferè vilissima, factus est.

Alias rationes satis congruas adducit
Toletus: Prima est, ut sic magis exprime-
retur extremorum distantia: sicut enim
cùm dixit *Verbum*, natura spiritualis, &
intellectiva significatur, quam vox *Filius*
non ita indicabat: sic dum dicit, *caro*, ostendit
quod sensibilius est, & magis remotum
à natura intellectuali; atque ità duorum
extremorum maxima distantia describi-
tur, dum dicitur, Verbum intellectuale,
spirituale, & invisibile ad carnem sensibi-
lem, corporalem, & visibilem descendisse:
factamque esse unionem, inter extrema
adèd distantia: quæ enim major disimili-
tudo, quàm ea, quæ intercedit inter sum-
mum spiritum, & corpus? Altera causa
est, quia sic magis declaratur conjunctio
Verbi cum natura nostra. Si enim dixisset,
Verbum homo factum est, posset existima-
ri, hoc esse factum, quia Verbum assumpsit
animam rationalem existentem in carne,
non tamen, quia immediatè sibi univit
carnem: at dum dicitur *caro factum*, non
relinquitur dubitandi locus, an assumpserit
animam. Si enim univit secum carnem, à
se maximè distantem, dubitari non potest,
quod univerit animam, quæ sit immorta-

lis, & spiritualis, minus ab ipso distat. Ultima denique causa fuit, quia illo loquendi modo significare voluit, Verbum naturam humanam assumpsisse ex illa eadem massa, in qua erat peccatum, seu carnem derivatam, & descendantem ab Adamo, qui peccavit, id est carnem mortalem, & passibilem, similem nobis; sine peccato quidem, sed tamen *in similitudinem carnis peccati*, ut loquitur Paulus Rom. 8. ante peccatum non appellatus est homo caro, post peccatum verò vocatus à Deo *caro* in contemptum, & opprobrium, ut agnosceret, quantum dignitatis amiserit per peccatum, quia enim sprevit rationem, & Dei mandatum, subiectus est carni rebeli, & passibili; dictumque ei est, *Non permanebit spiritus meus in homine, quia caro est*. Ut ergò significaret Evangelista, Verbum non assumpsisse carnem aliquam è Cælo delapsam, dicit, *Verbum caro factum est*, id est, factum est homo similis Adamo, & nobis, qui in penā peccati *caro* dicimur: quāvis enim Christus segregatus fuerit à peccatoribus, & rebellionis appetitus incapax fuerit, tamen assumpsit carnem passibilem similem nostræ in omnibus, uno excepto peccato.

Maldonatus arbitratur, veram rationem,

nem, ob quam Evangelista usus est illo loquendi modo, fuisse, quodd hominem Verbo opponere voluit, id est infimum summo. Propterea Filium Di, qui homo factus est, non Filium, sed Verbum appellavit (inquit) quod summam declarat potentiam: *Tribuitur enim potentia Verbo Dei, quia omnia, quæ vult, Verbo facit. Omnipotens* (inquit Sapient. 18. 15.) *Sermo tuus exiliens de Cælo à regalibus sedibus, durus bellator in mediam exterminii terram profilivit.* Et Hæbr. 13. *portans omnia Verbo virtutis suæ. Ideò hominem è contrariò, non hominem, sed carnem vocavit, quodd verbum summam subiectionem, summam significat infirmitatem, ut appareat, quatenus Deus quantillus sit factus homo.*

Nec ex eo, quodd Evangelista dicat, Verbum factum fuisse carnem, sequitur divinam Verbi naturam conversam fuisse in carnem, ut somniarunt Hæretici, quos impugnat Ambros. lib. de Incarn. Dom. Sacr. cap. 6. ut enim inquit Gregor. Epist. 61. hanc Hæresim impugnans, *Verbum carnem dicimus factum, non immutando, quod erat, sed suscipiendo quod non erat, nostra auxit, sua nõ minuit.* Sic ex eo, quodd dicamus, hominem factum esse sanum. non sequitur hominem conversum esse in sani-

tatem, sed solum sequitur recepisse sanitatem, manente natura hominis, & natura sanitatis. Sic cum Genes. 2. dicitur, *Factus est homo in animam viventem*, non significatur conversum esse in animam viventem, sed solum significatur suscepisse à Deo animam viventem. Ex eo ergo, quod Verbum caro factum sit, non sequitur, quod conversum fuerit in carnem, sed solum sequitur, quod manente propria natura, suscepit carnem, seu naturam humanam sub unitate personæ, uniendo personæ divinæ naturam humanam, à qua Deus denominatur homo, ad modum, quo homo à sanitate denominatur sanus, & ab albedine denominatur albus. Quamvis enim humanitas sit substantia, dum tamen unitur personæ divinæ comparatur ad illam quasi enti ens, quia jam illa humanitas non est sui, sed est Verbi, cui tribuuntur operationes illius, sicut operationes accidentis tribuuntur substantiæ, ut explicui to. 3. selectarum Disputationū ex universa Theologia Scholastica, disp. 17. sect. 5. & 6. Verbum enim est, quod denominatur homo, & non ipsa humanitas, quia Verbum est suppositum habens humanitatem, & per illam tamquam per instrumentum sibi conjunctum operatur, siquidem mediante

dian te unione hypostatica impeditum est, ne humanitas illa sit suppositum, & persona, quia mediante unione hypostatica factum est, ut existat in alio digniore se, cui tribuantur ejus operationes; foret autem homo, si per se, ac separatim existeret, ac proindè tunc foret persona creata: at dum est in Christo, non est persona, sed existit in alio tanquam in supposito, & persona.

Et ex illis verbis. *Verbum caro factum est*, confutatur Hæresis Valentini, qui ut refert Tertul. lib. 1. de carne Christi dicebat, corpus Christi esse naturæ, & substantiæ cælestis, non de nostra substantia: Confutatur etiam Hæresis Eutychetis, qui assererat ante incarnationem duas fuisse naturas, divinam, & humanam; post unionem verò utramque fuisse permixtam, & unam tertiam ex utraque resultasse naturam; quam hæresim damnavit Concilium Calcedonense sub Leone I. anno 451. quod fuit quartum generale, & æcumenicum. Confutatur, inquam, quia si Verbum caro factum est; manet igitur post unionem natura carnis, & non est in tertiam conversa naturam. Quod si conversa esset in tertiam naturam, Christus nec esset Deus, nec esset homo, quia nec haberet naturam divinam, nec humanam, sed
aliam

aliam, à qualibet ex illis distinctam . Fides ergò vera docet , divinam naturam, & humanam in Christo verè, & propriè reperiri sine confusione , & permixtione destruyente distinctionem.

Confutatur etiam ex illis verbis Hæresis Manichæorum , qui teste August. lib. de Hæresib. cap. 49. veritatem carnis negaverunt in Christo, affirmantes , illius carnem apparentem fuisse , non veram : nam si res ità se haberet, falsum dixisset Evangelista .

Item impugnatur Hæresis Cherynthi, qui teste Irenæo lib. 1. cap. 25. affirmavit, Christum esse purum hominem , & tunc incepisse , quando natura humana in utero Virginis concepta est : contra quem Joannes scripsit Evangelium, & dum dixit, Verbum fuisse ante omnia , & per ipsum omnia creata facta fuisse, & postea ait, hoc Verbum factum esse carnem , aperte definit, Christum esse illud Verbum æternum indutum carne , id est natura humana, ac proindè apertè significat , personam Christi non incepisse, quando incepit ejus natura humana , sed ab æterno fuisse in natura divina, & in tempore extitisse in natura humana , illam sibi physicè uniendo .

De-

Denique illis verbis confutatur Hæresis Nestorii damnata in Concilio Ephesino sub Celestino I. anno 431. qui ut perhibet S. Gregorius lib. 4. Epist. 32. duas personas in Christo ponebat, divinam, & humanam, increatam, & creatam, negabatque, duas naturas, divinam, & humanam, convenisse in eandem personam. Confutatur inquam, quia si *Verbum caro factum est*, id est, si Verbum factum est homo: ergo persona Verbi, quæ ante Incarnationem erat præcisè Deus, incæpit esse homo in ipso instanti Incarnationis, quia incæpit habere naturam humanam sibi verè, & physicè unitam: idem enim est, esse hominem, ac habere naturam humanam verè, & propriè, sive per identitatem, ut illam habet purus homo, v. g. Petrus, vel per unionem physicam, & realem, ut illam habet Verbum. Nec enim homo solùm habet verè, & propriè animam, cum qua identificatur inadæquatè, sed etiam habet verè, & propriè accidentia, cum quibus unitur, ut habet brachium continuatum per physicam unionem cum corpore, quo amputato, manet nihilominus essentia vera hominis. Illa autem verba *Verbum caro factum est*, denotant veram, & physicam unionem inter hypostasim Verbi, & naturam

ram humanam : posita autem hac unione physica, non potest dari in Christo nisi unica persona cum duplici natura : & idè S. Cyrillus Alexandrinus, qui præsuit Concilio Ephesino , ut Legatus Sedis Apostolicæ, dixit, fore in Ecclesia Dei pacem , si Nestorius admitteret veram , & physicam unionem inter Verbum , & humanitatem , & non tantum unionem moralem per conformitatem voluntatum , ut dixi t.3. selectarum, disp.27. num.56.

CAPUT SEXTUM.

Offenditur contra Mahumetanos pluritas personarum in Deo , & Christum esse Filium naturalem Dei, verumque Deum ex Divinis testimoniis visionum , & miraculorum .

Quæ supra rationem sunt , rationibus persuaderi non possunt , sed Deo revelanti credenda sunt : sicut autem qui citò credit levis est corde ; ita qui credere non vult , ubi sunt urgentissima credendi fundamenta , quæ morali cum evidentiâ probant , mysterium aliquod esse à Deo revelatum, inexcusabiles sunt apud Deum.

Deum. Et in utroque Mahumetani peccant, qui ſine ullo fundamento credunt, Mahumetum fuiſſe verum Dei Prophetã, & vera eſſe quæcunque in Alcorano ſcripta reliquit: & credere nolunt, Chriſtum eſſe Deum, & dari in Deo Trinitatem perſonarum, quamvis dentur evidentiã argumenta credibilitatis, quæ manifeſtè convincunt, illa myſteria fuiſſe à Deo revelata, ſi attentè, & ſine præjudicio conſiderentur. Ideò poſtquàm authoritate Scripturarum, quas Mahumatus non negavit, apertè probavi divinitatem Chriſti, & pluralitatem Divinarum Perſonarum, placuit adiacere argumenta petita à divinis viſionibus, & miraculis, quibus Deus confirmare voluit Fidem Catholicam contra Arrianos, & Neſtorianos, quorum Hæreſim toties damnatam in Eccleſia Chriſti, Mahumetus renovavit: quæ ut majorem fidem faciant, hic narrare libet verbis ſapientiſſimi, & venerabilis Cardinalis Bellarmini, qui contra Hæreticos quosdam modernos ſui temporis, eandem Hæreſim renovantes, ea ſcripto tradidit tom. 1. Controverſiarum lib. 1. de Chriſto cap. 12. fideliffimè omnia referens. Sic ergò ait.

„ Prævidens Spiritus Sanctus Arrianam
„ Hæreſim ſapiùs renovandam, & pluri-

ri-

„ rimum Ecclesiæ nocituram , testatissi-
 „ mum esse voluit , eam verissimam esse
 „ Hæresim.

Primò igitur annis circiter quinquaginta ante exortam Arrii Hæresim , apparuit S. Gregor. Thaumaturgo Virgo Maria, & cum ea S. Joannes Evangelista : & Virgine imperante , Joannes tradidit Gregorio eam fidei confessionem , in qua prædicatur Verbum Deus verus , æternus , invisibilis , increatus , & Trinitas consubstantialis . Refert hanc visionem Gregorius Nysenus in oratione de laudibus ejusdem Thaumaturgi .

Secundò , paulò ante Arrianam Hæresim revelavit Deus S. Antonio , ut Athanasius scribit in ejus vita , horribilia illa mala , quæ Arrius in Ecclesiam invecturus erat . Ex quo factum est , ut Antonius nullum Arrianum ad montem suum ascendere pateretur , sed ut pestem quandam ex toto illo monte fugaret.

Tertiò , circa idem tempus S. Petro Martyri Episcopo Alexandrino , cum jam prima semina Arrianæ Hæresis apparere cepissent , apparuit in carcere Christus veste scissa à summo usque deorsum , & cum S. Petrus rogaret , quid hoc sibi vellet , responsum accepit : Arrius hoc fecit , quia
 po-

populum meum à me separavit . Scribunt Beda, & Ado in Martyrologiis 25. Novembris.

Quartò, Arrius ipse Constantinopoli in publicis latrinis subitâ ventris solutione occupatus , intestina omnia cum vita profudit . Scribunt hæc Athanasius in oratione prima contra Arrianos, Ruffin. in lib. 10. Histor. cap. 13. Gaudentius in Epist. ad Paulum . Epiphanius Hæresi 68.69. & alii. Addit Athanasius in Epist. ad Serapionem fratrem , antequam hoc fieret , Arrium Constantino jurejurando affirmasse se Catholicam fidem colere : à Constantino autem audivisse . Si recta est fides tua , bene jurasti, si autem impia est, & tamen jurasti, Deus te pro juramento condemnet. Deindè cum vellet Arrius vi in Ecclesiam intrare, scribit ibidem Athanasius, S. Alexandrum Episcopum Constantinopolitanum orasse Deum , ut si permetteret Arrium ingredi Ecclesiam , tolleretur se de hoc mundo ; sin autem Ecclesiæ parceret, tolleretur Arrium.

Ex quo intelligimus, non casu factum fuisse, ut tam scdâ morte Arrius extingueretur, sed planè Dei providentia singulari; qui ea ratione implere voluit , & pii Principis comminationem, & S. Pontificis orationem. Ipse Dominus, inquit Athanasius,

Ju:

Judicem se præbens, Arrianam Hæresim, condemnavit.

Quintò, cùm Lucius Episcopus Arrianus Catholicos ubique persequeretur: Monachi, his verbis miracula faciebant: In nomine Jesu, quem Lucius persequitur, surge, & ambula. Scribit Ruffinus lib. 11. histor. cap. 4.

Sextò, S. Hilarius ab Arrianis in exilium relegatus, Insulam quandam solo imperio, & præsentia suâ à serpentibus liberavit, postmodum etiam mortuum ad vitam revocavit, ut scribit Fortunatus in ejus vita.

Septimò, cùm S. Martinus, ut Sulpitius scribit, quia adèd vehementer Arrianis resistebat, publicè virgiis cæsus, & à patria expulsus fuerit, interim innumera- bilibus quotidie miraculis corruscabat.

Octavò, S. Basilus, cùm quæstio esset de quadam Ecclesia, utrum eam Catholici, an Arriani possidere deberent, conditione illis obtulit, ut Ecclesia firmissimis repagulis clauderetur, & eorum esset, qui juxta suam fidem orantes solo verbo, nulla vi alia externa adhibita, eam aperirent. Accepta conditione priores Arriani diu orantes juxta fidem suam nihil efficere potuerunt: deindè Basilio cum Catholicis orant-

orante tanta vi continuo fores Ecclesiæ apertæ sunt, ac si verba illa tonitrua quædam fuissent. Scribit hoc Amphilocheus in vita Basilii.

Nonò, cùm Justina Imperatrix Arriana, cum suis Ambrosium, & Catholicos persequeretur, revelavit Deus eidem Ambrosio corpora incorrupta S. Gervasii, & Prothasii, & per ea cæcum illuminavit, multaque alia edidit miracula. Fuisse autem hæc ad Arrianorum confusionem, docet Augustinus lib. 6. confess. cap. 7. & idem etiam patet ex eo, quòd Arriani quantum poterant ista miracula calumniabantur, ut ipse Ambrosius testis est in sermone de S. Gervasio, & Prothasio. Decimò scribit Victor Uticensis lib. 1. de persecutione Vvandalica, cùm S. Martyres pro fide Catholica ab Arrianis flagellarentur usque ad ossium denudationem, sæpè accidisse, ut sequenti die, divino miraculo, incolumes conspicerentur, lib. 2. idem Author scripsit, à S. Eugenio cæcum illuminatum eo ipso tempore, quo Arriani Catholicos maximè vexabant: lib. 3. scribit aliquot Catholicis hominibus jussu Regis Arriani linguas radicitus evulsas fuisse, & eos tamen semper loquutos optimè, quousque vixerunt. Cujus miraculi meminit etiam S. Grego-

rius lib. 3. dial. cap. 32. ac dicit, se loquutum cum quodam Episcopo sene, qui unum ex illis viderat sine lingua loquentem. Undecimò, idem Gregorius eodem lib. 3. cap. 29. 30. & 31. tria mirabilia narrat, quæ suo tempore acciderunt. Primum accidit in Urbe Spoletana. Cum enim Arrianus Episcopus in Ecclesiam S. Pauli intrare, & suo errori eam Ecclesiam dedicare vellet, Catholici metuentes, Ecclesiam lampadibus omnibus extinctis diligentissimè clauferunt: sed cum recederet Arrianus cum suorum grege impetum facturum, continuò omnes portæ simul magno fragore edito per se patuerunt, & effuso cælitus lumine lampades omnes accensæ sunt, sed simul cæcitate Episcopus percussus est, tantoque terrore omnes affecti, ut intrare ausi non fuerint, sed Episcopum suum, cæcum effectum in domum suam confusi retulerint. Secundum Romæ accidit. Nam cum Ecclesiam quandam, quæ Arrianorum fuerat ipse B. Gregorius introductis Sanctorum reliquiis reconciliaffet, Diabolus in specie horrenda suis exiuit. Item nubes lucidissima super altare descendit, & simul ingens suauitas odoris in eum omnem locum effusa est, lampadesque omnes accensæ diuinitus. Tertium in Hispania; ubi
cum

cum Hermenegildus Regis Filius à Patre Arriano propter fidem necatus esset, visæ sunt noctu circa eum lampades accensæ, & Angelorum cantus à multis est auditus.

Duodecimò, ut scribit Gregorius Turonicus lib. 2. Histor. Franc. cap. 3. cùm in Africa Cirola quidam Patriarcha Arrianorum Catholicos persequeretur, & eodem tempore tres Sancti Episcopi, Eugenius, Vindemalis, & Longinus, qui præter cæteros ei resistebant omnes miraculis coruscarent, voluit etiam Hæreticus miraculum facere: itaque cuidam quinquaginta aureos numeravit, ut se cæcum fingeret: sed dum transeunte per viam Cirola, ille cæcum se simulans Cirolæ auxilium postularet, accessit Cirola, & oculos ejus tetigit, imperans ut videret in signum veritatis, quam prædicabat, repentè verò tantus ardor oculos illius miserii occupavit, ut coactus fuerit manibus eos comprimere ne è fronte exilirent: tum verò detexit dolum, & fidem Catholicam alta voce confessus, à S. Eugenio signo Crucis repentè curatus est. His igitur, aliisque divinis testimoniis satis apertè probatur eorum sententiam Deo inimicam esse, qui Dei Filium Deum verum esse negant. Hucusque Bellarminus.

Qq 2

Idque

Idque ipsum aliis miraculis comprobatur, nimirum omnibus illis, quæ Sancti ediderunt in nomine Jesu Christi Filii Dei vivi, & quia credebant Christum esse Deum. Talla sunt omnia miracula, quæ operati sunt Martyres, & Confessores in testimonium Fidei Christianæ, & quæ operati sunt Apostoli: Adducat in medium Christi Prædicator illustriora ex iis, quæ leguntur in Breviario Romano in lectionibus Sanctorum: Ut in lectionibus S. Clementis, S. Cecilie, S. Catherinæ, S. Priscæ Virg. & Martyris, S. Agnetis, S. Gregorii Taumathurgi, S. Nicolai Episcopi, S. Martini Episcopi, S. Pauli Eremitæ, S. Antonii Abbatis, S. Sylvestri, S. Stanislai Episcopi, S. Idelphonfi, S. Bernardi, S. Xaverii, & aliorum Confessorum, & Martyrum, qui gloriam miraculorum manifestam floruerunt.

Quibus addo miraculosam vindictam, quam Deus sumpsit de quodam Præfecto Ægypti Mahumetano fratre *Abdulmelici* Regis Sarracenorum, quem Rex ipse præceperat Ægypto, & vocabatur *Abdulaziz*. Ægrè ferebat Barbarus iste, quod Christiani Imagines Christi, tanquam Filii Dei, & Imagines B. Mariæ Virginis, tanquam Matris Dei venerarentur: & sacrilegè expuit in Christum, & ejus Matrem; & statim

Demonstr. contra Mahumet. 605

cœlestis vindicta venit super eum . Rem-
narrat Georgius Almacinus Mahumetanus
historicus summæ authoritatis apud Tur-
cas lib. 1. historiæ Sarracenicæ cap: 12.
pag. 81. his verbis : „ Habent autem vi-
„ tæ Patriarcharum (Alexandrinorum ,
„ Jacobitarum) Abdulazizum ingressum
„ Templum Monasterii Hulivanensis vi-
„ disse figuram Dominæ habentis Domi-
„ num Christum in ulnis suis , & spuisse
„ in eos : atque ea nocte in somno suo
„ vidisse Dominum Christum jubentem,
„ ut occideretur , seque illicò lancea in
„ latere suo transossam , indeque mox
„ expectrectum valdè fuisse consternatum,
„ & expiravisse, eadem nocte . Hæc ille ,
quam historiam dum non reprobat, appro-
bat Author iste Christianorum inimicus:
Accidit hic casus anno Ægyræ Maurorum
85. & Christi 734.

Innumera etiam miracula , quæ B.
Virgo Maria invocata ut Dei Mater à Ca-
tholicis omni sæculo patravit , clarè præ-
bant, illam esse Dei Matrem, & consequen-
ter Christum ejus Filium esse verum Deū,
neque enim alia ratione est Dei Mater, nisi
quia est Mater Christi, qui est verus Deus,
& homo . Inter hæc miracula celebre est
illud , quod operata est cum Sancto Joanne

Damasceno, cui accusato de prodicione apud Regem Sarracenorum amputata fuit manus dextera, anno Christi 728. sed ipse domum se recipiens in oratione sua ante Imaginem Dei genitricis provolutus, magna Fide excisam manū præstinæ suæ commisuræ admovit, & ferventibus orationibus à B. Virgine ejus integram restitutionem expetiit, qua posset illius ministerio Christi Domini, ejusdemque ipsius Matris laudes celebrare. Nec mora, cum obdormisset, visione potitus S. Dei genitricis, experfectus manum sanata[m] reperit, linea tantummodò quadam relicta, qua locus excissionis demonstraretur. Quâ re cognitâ, cum vellet eum Rex dignitati pristinae restituere; ipse impetrata aegrè missione, cunctis bonis suis, pauperibus, propinquis, & Ecclesiis distributis, Hierosolymam primò profectus est, indeque Syriæ petens cremum, apud S. Sabæ Lauram, monasticam vitam egregiè excoluit. Ut narrat Baronius ad ann. 728. ex Joanne Patriarcha Hierosolymitano, qui in ejusdem Sancti Damasceni vita id fusiùs scribit.

Huic miraculo annectam aliud modernum evidentissimum, quod ultra octodecim mille testes habuit, quod operata est B. Virgo Cæsaraugustana, vulgo del
Pilar.

Pilar, quod typis vulgavit Matriti Petrus Neurath Germanus, Medicinæ Doctor, in confirmationem Fidei Catholicæ, & confusionem Hæreticorum, & in fronte libelli expressa est vera effigies B. Virginis supra columnam marmoream stantis, & coram illa effigies juvenis crure carentis, cum hac inscriptione : *Crus puero abscissum Virgo Santissima reddidit Cæsaraugustæ* 29. Martii ann. 1640. Cujus miraculi testis ocularis fuit P. Joannes Gabriel Guillen, è nostra societate, meus per sex annos in Missionibus Socius, ut dixi in præfatione hujus operis : qui sæpè vidit Cæsaraugustæ ad januam Ecclesiæ B. Virginis de Pilar adolescentem uno crure truncatum, eleemosinam petentem : & postea eundem intuitus est utroque crure insistentem, & crus à B. Virgine redditum manibus suis contrectavit. Hoc miraculum sæpè coram Mahumetanis prædicavimus ; & Malacæ, Hispalis, & Matriti non paucos testes invenimus, qui illud oculis suis spectarunt. Et ideo illud placuit hic subiicere illius Authoris verbis,

CAPUT SEPTIMUM.

Narratur miraculum Divæ Mariæ Virginis, quæ Casar augustæ crurum puero abscisum restituit anno 1640.

NE tam mirâ rerum varietate, ordine & Majestate, quæ in universa hac machina splendet, humanum obrueretur ingenium, & creaturam pro creatore coleret, supremus ille mundi Dominus quædam præter rerum ordinem, & omnem naturæ vim exsuperantia omni ævo patrare solitus est. In Genesi, ubi orbem ex nihilo condidit, & naturæ primas leges dixit, Adamum operum suorum testem constituit; primis Patribus coràm locutus est, & ab eis rerum penitus revelavit: Prophetas factis mirandis comprobavit: Moyse mare scidit: Josue Solem detinuit: Helias ignem de Cœlo evocavit: Heliseus puerum ad vitam reduxit: Angelus postremò inter Judæos, ægros in piscina sanavit. Ipse Christus haud minoribus ostentis se Filium Dei asseruit: Lazarum putrescentem è sepulchro resurgere jussit: cæco à nativitate visum dedit: quid alii in intimis cordis penetralibus absconditum ge-
re-

rerent, cognovit. Et talia quidem facta, veræ Ecclesiæ suæ symbola esse voluit. Sic enim loquitur, Marci 16. *Signa autem eos qui crediderint hæc sequentur*: „ In nomi-
„ ne meo dæmonia eicient: linguis lo-
„ quentur novis: serpentes tollent, & si
„ mortiferum quid biberint, non eis no-
„ cebit: super ægros manus imponent,
„ & benè habebunt. Et Dominus quidem
„ Jesus postquam loquutus est eis, assum-
„ ptus est in Cælum, & sedet à dextris
„ Dei. Illi autem profecti prædicaverunt
„ ubique, Domino cooperante, & sermo-
„ nem confirmante sequentibus signis.

Horum igitur signorum patratio, solis in Christum credentibus data est, non aliis (neque enim rationi consonum est, supremam illam Majestatem sigillum illud, quo suos signavit, adulterari ullo unquam tempore voluisse) sed nec singulis fidelibus (quod Julianus Apostata cavillabatur) talia concessa sunt. Ecclesia universa eis semper clauit, & hunc usque in diem claret: idque jure meritò, si enim hodie æquè, ac olim multis ignota est, signo certè aliquo supernaturali opus habet, quo se semper eandem à Christo electam sponfam universo orbi ostendat.

Constans apud omnes Hispanos tradi-

ditio est, Divum Jacobum Apostolum, Cæsaraugustæ primum Deo Templum, sub Deiparæ Virginis nomine, consecrasse: in eo columna marmorea, atque super illam Divæ Mariæ statua visitur. Sacellum est celeberrimum, & totius Hispaniæ antiquissimum, quod Maurorum etiam tempore substitit. De eo Calixtus Tertius Romanus Pontifex in Bulla 23. die Septembris, ann. 1356. data sic ait: „ Beata, „ Maria, antequam ad Cœlos assumeretur, „ cum Jesu Christo Filio suo, & Domino „ nostro, B. Jacobo Majori in columna „ marmorea apparuit, & ob hoc ipsa „ Ecclesia nomen Beatæ Mariæ de Pilari „ assumpsit: ac inibi quàm plurima, & „ infinita miracula divina provisione „ diutim fiunt. Hisce nostris diebus juveni crus abscissum ibidem restitutum est.

Erat autem juvenis ille Michael Joannes Pellicer annorum novendecim, Calandà ortus (pagus Aragonum est, Ordinis Calatravæ) filius Michaelis Pellicer agricolæ, & Mariæ Blasco ejusdem pagi incolarum. Hic dum Castelloni de la Plana (pagus Regni Valentini est) avunculo suo Jacobo Blasco serviret, ex curru, in quo triticum vehebatur, excidit, atque crus illi dextrum ab rota confractum est.

Demonstr. contr. Mahumet. 611

est . Cùmque, & ipse, & avunculus ejus pauperes essent, Valentiam ad domum hospitalem delatus est . Ubi cùm variis tentatis remediis nihil proficeret, magnum illud Cæsaraugustæ Nosocomium petiit, & se Joanni de Estanga chirurgo expertissimo, & medicinæ publico ibidem professori commisit; qui crus ex toto corruptum, videns, ad quatuor digitos infra genu abscidit, ac terræ mandavit . Juvenis cicatrice obducta, ædem Sanctæ Mariæ adiit, ibique nunc opem Virginis implorans, nunc stipem à prætereuntibus petens, biennio integro omnibus se notum fecit. Anno 1640. ut parentes inviseret Calandam, patriam suam petivit, undè ad vicina oppida proreptans, sibi, parentibusque victum quærebat.

Die vigesima nona Martii, anno à Virginis partu millesimo sexcentesimo quadragesimo, fenum colligendo fessus, ad focum assistentibus patre, matre, aliisque duobus conterraneis, ligneum crus deposuit, ac cubitum ivit . Undecima noctis hora mater cubiculum intrans, duos in filii lecto pedes mirata est, & militem (eorum enim cohors ibidem tunc morabatur) esse suspicata, ad maritum cucurrit, qui filium agnoscens, excitavit, ille verò

in

in hæc verba prorupit . Somniabam, me
in sacello Divæ Virginis de Pilari lampadis oleo crus ungere . Et pater : gratias Deo redde , Deipara tibi restituit : hoc enim juvenis eò usque ignorabat.

Stupendum hoc factum mox illâ ipsâ nocte divulgatum est, & omnes incolæ oculati testes id arbitrati sunt. Die sequenti juvenis à sequenti populo ad Templum ductus est ; ibi pes (quem Virgo sanctissima distortum, ut omnes miraculum intuerentur, reliquerat) situm naturalem recepit : agnoveruntque, eum verè bipedem, quem pridie altero crure destitutum viderant : cui scriba publicam Fidem tunc quidem dedit . Juvenis autem Cæsaraugustam adductus est, res in judicium vocata, datus causidicus, examinati testes , causa ventilata, & tandem die vigesima septima Aprilis, anni millesimi sexcentissimi quadragesimi primi sententia , qua factum illud verum, & omnem naturæ vim excedens dicitur, lata est ab Illustrissimo , & Reverendissimo Domino Domino Petro Apaolaza, Archiepiscopo Cæsaraugustano , subscriptibus Domino Antonio Xavierre, Priore Sanctæ Christinæ , Domino Joanne Perat, Vicario Generali , & Officiali Canonico S. Metropolitanæ Ecclesiæ Cæsara-

ragust. Domino Virto de Verà Archidiacono Cæsaraugust. Domino Joanne Plano à Frago Officiali, Domino Philippo Bardaxi, Sacr. Canonum primario interprete, Domino Didaco Chueca, Canonico Magistrali Cæsaraug. Domino Martino Irribarne, Can. Lectore Cæsaraug. Frat. Bartholomæo Fojas, Provinciali Ordin. S. Francisci, Frat. Antonino Ortin Abbad, Provinciali Ordin. Minorum S. Francisci de Paula, Domino Cebriam, Cathedr. primario Theologiæ Cæsaraug. Promulgata est sententia à juris utriusque Doctoribus, Domino Philippo Bardaxi, Domino Ægidio Fuster, & Michaele Cipres Caussidico, & Notario. Signata ab Antonio Alberti Zaportà, Notario Apostolico, & Scriba principali Curiae Ecclesiasticæ Cæsaraugustanæ. In Annales verò retulit Dominus Thomas Tamayo de Vargas, Hispaniarum, ac Indiarum Historiographus regius, in eis, quæ addidit Enchiridio temporis, Rever. Pat. Frat. Alphonfi Veneri, Ord. S. Dominici, Compluti nuper lingua vernacula editis.

Videant hæretici, si hoc tam facile explodent, ut illud Sancti Joannis Damasceni, & reliqua, quæ à majoribus accepimus, quæque apud Indos hodie fiunt.

Hoc

Hoc enim, & nostro sæculo coram multis oculatis contigit Cæsaraugustæ in Civitate frequentissima, & Aragonum Regia, spectantibus Hispanis, & Gallis: testes examinati, causa per integrum annum agitata, & sententia ab Archiepiscopo juridicè lata est. Quòd si rei tam notæ contradicere audent: quis illos non impudentes, & Judæis magis incredulos incusabit? Hucusque Author ille. Hoc insigne miraculum Beatæ Virginis del *Pilar* succinctè narrat Pater Jacobus Massenius è nostra Societate in opere illo, quod inscribitur *utilis* curiositas de humanæ vitæ felicitàte, excusso Coloniae Agripinæ, anno 1672. cap. 25. num. 6. ubi plura addit, quæ ejus verbis referre placent.

CAPUT OCTAVUM.

Alia Beatæ Virginis miracula ex certis historiis à P. Jacobo Massenio narrata, quibus probatur, illam esse Dei Matrem, & Christum esse verum Deum.

Igitur hic Author in eo cap. 25. à pag. 514. num. 4. sic loquitur. *In Catholica Ecclesia miraculorum virtus nunquam de-*

Demonstr. contra Mahumet. 615

deficit. Omne ævum, omnisque Ecclesiastica Historia eisdem referta est. Jam triginta, & amplius tomos (quorum octo jam, vidimus moliantur Belgæ Patres, Bollandus, & Henschenio auspicantibus) ubi per singulos anni dies, & superiora usque ad Christum sæcula, infinita penè deprehendimus miracula ex ipsis plerumque autographis locorum, aut certè coætaneis scriptoribus deprompta, ne autoritas deesset. Neque hac etiamnum ætate gens, aut natio Catholicæ Religionis addicta reperitur, quæ non aliqua celebrata miraculis loca possideat. Imò vix ulla, quæ singulari Deiparæ Virginis Patrocinio in gravissimis etiã morborum, ac mortis cassibus nō perfruat. Quis enim ignorare potest in Italia, Lauretanam, in Hispania Cæsaraugustanam, in Germania Oetinganam, in Belgio Aspricollensem. Quorum miracula locorum non solùm Europæ incolis, sed Barbaris etiam nationibus, & innotuere, & quandoque etiam communicata sunt, ut constat Turcarum Bassæ Coreutum anno 1552. Constantinopoli ex pectoris apostemate in extrema jam vitæ linea constitutū, consilio servi orthodoxi, ad Lauretanam, conversum Virginē, sanitati redditū, quod in chirographo his Arabicæ verbis testatū

reliquit: Quod (inquit) bonum, fortunatūq;
 bonum nobis esse velit magnus, et misericors
 Dominus mundi. Cum mihi ipsi Divinitus
 quiddam eveniret, ego Coreus Bassa rem
 omnem ordine exponam. Ortum erat atrox
 apostema in pectore, jamque haud dubium
 imminebat exitium: Cum desperata à Me-
 dicis salute meus me servus adiit, & sanè
 fidenter: si mihi libertatem polliceris, in-
 quit, Dei mei Matrem exorabo, ut pristi-
 nam tibi restituat valetudinem. Itaque
 ego confestim accersito tabellione, libertatem
 ei promissi, si ipsi promissa præstaret. Ex Tē-
 plo servus, positus humi genibus, & quadam
 super se signa ducens manu cogitat, ut se-
 met verba præcuntem sequar: indè ipse
 peaire his verbis capit; Ego Beatae Mariae
 Lauretanae opẽ imploro. Monenti obsequi-
 tus triduo post, Deo favente convalui. Ego
 servo in libertatem vindicato, hoc chiro-
 graphum dedi cum votivis donis, quæ mea
 observantia, gratiquè animi monumenta
 sunt Beatae Mariae parenti præpotentis Dei
 qui nos salvos velit. Venit Lauretum cum
 donis servus, obtulitque præter argenti nō
 vile pretium rari operis mantile, phare-
 trumque cum sagittis, ac cereos ingentes.
 In Gallia meminit Gregorius Turon, ex-
 citatam à Constantino Magno Ecclesiam.

Dei.

Deiparæ raro, visendoque opere, pro quo excissæ columnæ, pedum in ambitu sedecim, cum levare nulla arte possent, D. Virgo per quietem artificum machinam ostendit, quæ, tribus solum è schola adhibitis, quò juberet columnas traduxit. Sed memorandum in primis Cæsaraugustanum in Hispania B. Virginis Templum, quod vulgò dicitur nostra Domina del *Pilar*, &c. & hic breviter refert historiam à nobis fusè cap. præcedenti descriptam, atque ab Historiographo Regis Joanne Tamayo de Vargas in Annales relatam, & statim num. 7. subjungit, in una quandoque regione plura Deiparæ Virginis loca miraculis illustria reperturus es. Diocesis nostra Treverica in parte inferiori Antonacensem Ecclesiam in Monte Carmeli, & Travvenkirchanam, haud procul in sylva dissitam, S. Genovesæ, castissimæ Principis memoria, & tutela Deiparæ celebrem, deindè Borenhoffensem, ac denique Bleidembergensensem, utramque peregrinationibus frequentatam censet, ut Bischoffsteinianam epilepticis propitiam omittam. Superior duas in primis Burichianam, & Clusanam dignitate, ac miraculorum gratia præcipuas numerat. Ex quibus hæc longè frequentissima integro mirando-

rum eventuum volumine est celebrata, testibusque idoneis mortuorum quoque fulcitationem confirmantibus honorata. Horum, in Annalibus Trevirensibus, quædam dedimus, & in Metropoli nondum edita nonnulla exhibemus. Unum ex viginti, quos censent excitatis mortuis, recentius ex hoc sæculo, rarumque apponam. Barbara ex Vvehlen Mosellano pago oriunda, Oppenheimis in Palatinatu viro ducta, confederat, hæc prolem enixa, sed mortua fuit, de cujus æterna magis, quam temporali salute anxia, cum jam sepulturæ mandanda esset, D. Virgini Clausanæ peregrinationem, ac cereum offerendum promisit si proles vitæ reddita Baptismi capax fieret. Bis, terve idem ardentem precata, vivere prolem comperit, quæ Baptismo admota, cum idem Barbaræ nomen accepisset, bis quodammodò à matre genita, rursus, inflexis in mortem oculis, Cælo adscripta est. Matremque voti ream, non sine Calvinistarum, natos sine Baptismo superis asserentium, confusione, reliquit. Idem recentius anno 1641. Margaritæ Joannis Schillingi conjugii in Pruttig mortuam prolem enixæ pridie S. Jacobi contigit, quæ dum Baptismi solam gratiam postu-

stulasset, vitam illi constantem Impetravit. Quid? Quod vidimus anno 1640. Rudolphum Baronem de Ulmena, cùm ex desperata valetudine, ac morte imminente Annam Magdalenam Missigel Lutzemburgensem conjugem voto ad Deiparam, Clausanam factò, vitam recepisse conspiceret, ejurato Clusæ Lutheranismò, Catholicam Religionem amplexum, nè indignus beneficio viveret.

Hinc si ad Belgas transeamus, præter asperum collem plura istic miraculis frequentata loca reperimus. Hallensis Virgo prodigiis clara, & Justi-Lipsii calamo exornata est. Ex quo, ut lepore aliquo seria adspergamus, constat, quòd cùm Oliverius Tempelius Hallam invadereret, Joannes ibi Kechius, miles ipsius jactare auditus sit, se mulierculæ Hallensi (Deiparam, indicare voluit) nares amputaturum. Nec impunè hæc Seurra; nam plumbea mox glande sibi è vultu nasum sensit ablatum, risumque deindè movit sociis, qui sæpiùs eum postea Hallas ad repetendum nasum, ablegabant. Graviùs eadem expeditione alter graviolem quoque contumeliam luit. Is Joannes Kiffelmamus fuit, qui medio sese Bruxellensi (undè egressi erant) foro Statuam Hallensem crematurum minatus est,

sed haud multò post grandioris tormenti globo secundùm os impium verberatus, animam scelestam, ardenti consumptus pulvere, evomuit.

Verùm ejus generis innumeris insistere, ætùm esset agere. Cupidum talium lectorem ad mille Scriptores Orthodoxos remitto, & ad quædam perpetua in eodem Belgio (Hæreticis, quò ignorare nequeant, septo) miracula transeo, meis etiam oculis, quantum brevi temporis, viæque transitu licuit, usurpata. Attebati, in Gallo Belgica, non vulgari Deipara cultu, sodaliumque frequentia honoratur.

Originem celeberrimæ istic Congregationi Deiparæ, rarum, ingensque beneficium per duos oblatum citharædos dedit. Itierus unus, alter Normannus dictus fuit. Oti, quàm amici quondam ludendi contubernio, tam deindè ostes capitales ob illatam Germano Itieri à Normanno necē. Ibat annus Christi 1105. & gravissima, urbs tota conflēbatur pestilentia, humanisque erat remediis desperatum, quando implorata Deipara per Itierum, Normannumque conciliatos, offerre opem decrevit. Illi igitur, atque huic divissim agentibus apparet, jubetque adire Episcopum Locī id temporis Labertum, ac monere,

ut

ut primo Sabbati diluculo adesset cum eis in Templo; se quoque præsentem istic ad futuram, maloque grassanti ostensuram exitum. Normannus, ut loco, prior, convenit primus, visumque exposuit; sed Episcopus pro somnio habuit, neglexitq; Interea supervenit aliundè Itierus, de Normanno ignarus, idemque mandatum sibi refert, tùm Episcopus, & Normannũ paulò ante proposuisse hoc ipsum; ac num fortè colludant? subiicit, Normannus (excipit Itierus) fratris mei, Siccarius, cui hunc gladium, & mortem debeo hoc loco adsit? Peribit mea manu, tùm Episcopus non nisi destinatione hos Divina sibi offerri ratus periculi admonet, Christi-que exemplo suadet ignoscendum, ac persuadet denique, ut accersito, & deprecanti Normanno amore Christi ignosceret. His conciliatis, primi Sabbati luce Templum subiit: quibus præsentibus Deipara Virgo cœlesti circumfusa lumine succensum manu cereum deferens adfuit, ex quo defluentes ab igne guttas aqua excipi, & hanc laborantibus propinari iussit, quæ innumeris repentè mortalibus salutis fuit. Cereus in honorem Divæ asservatus, eiusque solemnibus festis succensus inconsumptibilis hætenus per annos quingentos, & am-

plius cera ardet defluæque quotannis ex eo in aquam guttæ colliguntur, aliosque, atq; alios promunt cereos pro insigni munere ad proximas Ecclesias submittendos. Aqua guttis tacta toto anno incorrupta perstat, ac salutis gratia à diversis bibitur: inde, & ego post expectatum cereum hausi. Hic ne qua fraus interveniat, à juratis Ecclesiastici, civilisque ordinis viris custoditur neque sine testibus exhibetur, quod verò nonnunquam ab igne consumi, ac decrefcere visum, hoc ibi ex capsâ, cui includitur rursus profertur dissensibili accensione, velut subcrevisse videtur. Ut vero in oculis omnium ejus præstet custodia, amplæ antiquæque in foro pyramidi inclusus servatur, sodalitatique ejus loci hominum, quam vocant ardentium commissus, quotannis publica, solemnique processione circumfertur.

Huic alia affinis, neque minoribus celebrata prodigiis Congregatio apud Bethunienses eodem in Belgio sub patrocínio B. Eligii Handuorum Apostoli est instituta. Is anno 1888. duobus Ferrareis fabris (ut Fabrorum patronus est) alteri Bethuniæ in urbe, alteri Beuriaci in pago facile passibus mille disto per visum noctu apparuit, iussitque avertendæ luis, quæ passim inva-

luerat

luerat gratia, cereum conficere, & aram offerre. Simul hunc ad urbem, illum ad pagum transire voluit, communicatisque cum primùm obvio consiliis, quid agendū sit deliberaret. In via igitur cum mutuo sibi Fabri occurrunt, & mandata promittunt, visum est pro rebus consulto transigendis Rogonem Bethuniensis suburbii Priorem, virum id temporis sanctitate, celeberrimum adire, ejusque stare judicio. Hic expensis mandatis cereum imperatum jubet conficere, quē solemni deferendum, offerendumque processione suassit, quo factō lues sedata est. Ex hoc cereo festivis temporibus accenso nihil unquam deperire visum est. Fraternitas subindē instituta est, cujus magistratus ex viginti honoratissimis urbis viris lectus, quibus cura est mortuorum pestilentiae in primis tempore curare funera, quod citra omne contagionis à se contrahendae periculum, jam pluribus saeculis praestant, eis solū demptis, qui aliquid ex domo mortuali secum auferunt, quod impunē non audent. Fraternitas haec sub patrociniō S. Eligii charitatis ab hoc dicta officio est, cui aliquando in Templo ad sacrificium collectae interfuit, beneficiique loco habetur, si quis aliquo viginti virorum morte sublato accenseri

his possit. Cereus immortalis hæcenus lumine sacris solemnibus jam quingentis propè modum annis lucet, fraternitasque à pestifera contagione innoxia sub uno Præposito, aliisque quatuor viris regitur, quorum imperio cæteri ad domus pestiferas, & funera curanda destinantur.

Nunc ad tertium, quem, & ipse præsens lustravi perpetuis celebratum miraculis locum transeo, S. Hubertum, videlicet Andaine Innarduenæ recessu, & Monasterio Patrum Benedictorum gloriôsè cultum. Huic per Angelum stola à Deipara Virgine, cum Romæ à Sergio consecraretur Episcopus suppeditata, clavisque à D. Petro cum gratia sanitatum rabiosis, lunaticisque potissimum impertienda cælitus oblata est, quibus innumeri, ad hodiernum diem usque, mortales curantur, remedio non minus, quàm sanitatis eventu cunctis, qui hæc vident, noruntque obstupescendo. Stola enim hæc etiamnum durat, licet octingentos pene in dies aliquid resecta ex parte dematur: nam si quibus diebus cessetur, aliis frequentiori sectione est. Particula verò solemnî more quotannis ad medii digiti latitudinem de stola, latitudine prope tridigitali amputatur, quæ minutim divisa, curandis rabiosis adhibetur,

tur, si hanc tamen quis non obstupescat tot sæculis præstare inconsumentam? Vidi ego mensuram ex funiculo demptarum particularum, quam quingentos circiter annos signarant custodes, & præputatores stolæ, quæ plurimum stolarum æquaret magnitudinem. Undè à ducentis, & amplius annis nullo, ut credebant, mensurandi opere pretio cessaverant. Stolæ quoque residuum in capsa (qua evolui ad dimensionem non patiuntur) arbitratus tam candida bysso, fulgentique, quo inter tex a mirabiliter erat auro, comperi, ut si reens ex artificum manibus prodiiisset. Ratio per Stolan sanandi est. Præputata ex illis particula è filo, scissa in fronte rabiosi pelle inter hanc, & carnem inseritur, fronsque per novendium obligatur, quæ decima à Sacerdote die solvitur, post quos vulnus coaluit, natura (quod in nullis aliis humana caro patitur) filum neque consumente, neque reiiciente. Dies verò noveni, certo piè ratis, victusque, qui præscribitur ritu, inviolabiliter transigendi sunt, & si quid neglectum repetendi.

Ità curatus læsi rabiem per quadraginta dierum inducias bis, tervè, & sæpiùs, si res, & persona exigat, potest suspendere dum limina D. Huberti curandus jubeat, ipse

ipse etiam à bestia rabiosa iteratò læsus tri-
 duoi oratione, & abstinencia præscripta do-
 mi suæ usus rabiem ampliùs non contrahit.
 Vulnèra à rabiosis inflicta clave adusta
 curantur : cujus adustio variis etiam ani-
 mantibus ad cautelandam immunitatem à
 rabiosis moribus adhibetur . Ulti, & panis
 ad S. Hubertum benedictus . Accedit po-
 testas in demoniacos, intoxicatosque, atq;
 lunaticos, sive insanientes , qui magno hic
 numero per exorcismos, cibosque benedi-
 ctos curantur, fueruntque eâdem, qua ade-
 ram, septimana, quibus restituta est sanitas.
 Et mulier haud multò ante ex intoxicatio-
 ne catenam ferream, clavosque clabales
 vix faucibus transmittenda (adeò crasis
 hærebant ansis) evomerat . Neque obscu-
 ra hæc curationum fama solùm Belgium,
 Germaniamque, sed Gallias, Sabaudiaque
 jam olim pervagata, ipsum Calvinum ra-
 biose afflictum filio, quamvis hostem ve-
 nerationis Sanctorum (cùm alia omnia
 remedia deficerent) eò inflexit, ut Genève
 filium Andainum destineret, qui, ut intel-
 ligas Divina etiam beneficia obvenire
 ingratis, S. Humberti Stola, ritumque pietatis
 novendinario sanitatem recepit, Patriq;
 ejurata hæresi Catholicorum avitæ reli-
 gioni immori constituit, non animo minus,
 quàm

quàm corpore restitutus, cujus æternum Bartholomæus Honorius monumentum elegiaco versu exaratum superesse voluit, quod in historia Leodiensi, & Hubertina reperies.

Hæc de Stola, ejusque virtute miramur, & forte cum stolidis etiam Hæreticis ridemus? Sed cur non aliud æquè, quod gravissima autoritate olim D. Paulinus Episcopus Nolanus ad Severum, missa pro consecratione Basilicæ, Dominicæ Crucis particula his verbis testatur: *Quæ quidem ait, Crux in materia insensata vim vivam tenens, ita ex illo tempore innumeris quotidie hominum votis lignum suum cõmodat, ut detrimenta non sentiat, & quasi intacta permaneat, quotidie dividuam sumentibus, & semper totam venerantibus; sed istam imputribilem virtutem, & indetribilem soliditatem Dei de illius profecto carnis sanguine vivit, quæ, passa morte, non vidit corruptionem.* Affine huic est, multisque, ut refert Botius Eugubinus ipse loci popularis, quod Montoni in Italia, haud procul Eugubio in Spina coronæ Dominicæ evenit: hanc quondam Torsebrachius celebris conspectuque omnium flosculo ex arido pullulantes acumine, cum tenuibus florum capillis, ut spinarum sunt, emittit, simul.

simulque sudore copiam ab horæ sexta ad nonam, usque defluit . Id tamen evenisse, maxime in conferto populorum accursu, frequentiorique Dominicæ passionis cultu observatum est . Quod scribente hæc , & petente Botio, Paulus Maurius Episcopus Caliensis publico instrumento anno 1472. sub novem testium juratorum fide per Moscardinum Notarium ritè confecto, testatus est, alia passim nota , celebrataque Orthodoxæ fidei perpetua miraculorum observantur signa, ut stillans è D.Catharinæ in Monte Sinai , & Vvalpurgis in Barbaria, Sanctique Nicolai Mirensis sepulchro, quod Barii est, oleum, morborum diversorum remedium.

Sola Neapolis in Italia plura quotannis in Martyrum sanguine miracula conspicit. S.Joannis Baptistæ sanguinis, qui lapidis instar in ampulla concretus est Feste Præcursoris die, dum sacra peraguntur officia ; illa qua caput censetur amputatum hora, colliquescit , effervesceatque . Idem spectaculum sanguis D.Stefani per Orosiū Hispaniensem allati, ibidem solemnis tempore sacrificii, tertia Augusti die exhibet, mirumque est , quod restituto à Gregorio Papa XIII. Calendario , decennium cum eodem, cù correctione hac divinitus appro-

probata anticipet : quod in D. Joannis ampulla pariter observatum est . De Januarii Martyris Beneventani Episcopi virtute, quid dicam ? Sanguis illius phialæ inclusus, qui in pilæ formam collectus induruit, quo die solemnī processione Neapoli circumfertur , ubi in capitis ejusdem Divi conspectum venit, repentē solutus liquefcit, & velut modò ex vulnere fluens solvitur; capite verò remoto, in prioris figuræ Sphæram rursus coactus obdurefcit . Et hæc toti orbi, ejusque in primis regionis notitia fruitis, explorata sunt.

Verum non arbitror quemquam tam fore impudentem, qui hæc, aliaque, quæ per omne ævum spectantur miracula, aut neget fieri, aut, illudente solùm dæmone, perpetrari : nisi veterem juxta , novamque Christi Ecclesiam infinitis prope testimoniis , aut mendacem arguat, cæcam, & Diabolicam prorsus amentia infatuatam simul affirmet.



CAPUT NONUM.

Probatur Trinitas personarum contra Mahumetum: & demonstratur, ipsum falsè imposuisse Christianis, quòd tres Deos colerent: & stultè negasse hoc mysterium, quia demonstrari non potest. Ejus cum Simone Mago similitudo: ubi quomodo Augustinus inductus fuerit ad deserendum errorem, in quo erat. quòd videlicet nihil credi debebat, quin firma prius ratione probetur.

PROBATUM manet efficaciter in Deo dari plures personas; hoc autem semel admissò, facile erit persuadere esse tres. Nunc verò probandum est ex Alcorano ipso, in Deo dari tres personas. Nam Alcoranum Zorà 1. sic Deum loquentem introducit: *Facimus venire Jesum Filium Mariae, & adjuvamus eum cum Spiritu Sancto, & insuper ait, Jesus Christus est Verbum Dei positum in Maria.* Ergò Mahumetus admittit personam Divinam mittentem Verbum suum ad Mariam, idest Patrem mittentem Filium suum unigenitum in utero Virginis per Assumptionem
car.

carnis : rursus admittit Spiritum Sanctum, qui sit quoque persona Divina. Dum enim dicit Deum adjuvare Jesum Christum, seu Verbum incarnatum Spiritu Sancto, fateri debet, Spiritum Sanctum esse personam Divinam; Deus enim verbum suum, seu Filium suum sibi consubstantialem adjuvare non debuit persona aliqua creata, cum enim Filius sit omnipotens, adjuvari non debuit à persona aliqua finitæ virtutis; diciturque illum adjuvasse Spiritu Sancto, quia misit Spiritum Sanctum, qui hominibus testificatus est Divinitatem Filii, idest, qui Apostolos implevit, ut Christi Divinitatem mundo manifestarent. Et confirmatur, quia ille Spiritus Sanctus, quo Deus dicitur adjuvasse Jesum Christum, non est accidens aliquod, sed substantia, at non substantia creata, quia hæc non est proportionata, ut dicatur adjuvare Filium unigenitum Dei: ergò increata: ergò dantur in Deo tres Personæ, nempe Pater, Filius, & Spiritus Sanctus.

Deindè probatur; quia cum Christus fuerit juxta Alcoranum legatus Dei, ejusq; Nuntius, non potuit falsa annuntiare, neque aliquod Deo tribuere, quod in ipso non detur. At Christus mittens in mundum uni-

universum Apostolos suos, planè significavit, dari in Deo tres Personas, dicens: *Baptizantes eos in nomine Patris, & Filii, & Spiritus Sancti* Matth. ultimo. Nam dum dixit: *In nomine*, & non in nominibus, unitatem authoritatis, & essentiae significavit in tribus illis Personis. Neque si solus Pater esset Deus, & Filius, & Spiritus Sanctus essent Personæ creatæ habentes naturam finitam, & limitatam, jussisset Christus baptizare in nomine Patris, & Filii, & Spiritus Sancti, sed jussisset baptizare in nomine solius Patris: quia valdè turpe esset Deo, quòd ad salvandas animas indigeret auxilio Spirituum creatorum. Dum ergò in nomine Trium Baptizari jussit, planè significavit, illas tres Personas esse Divinas, ac proindè habentes eandem naturam: natura namque divina, cum infinita sit, multiplicari non potest; planèque repugnat, dari plures Deos. Erravitque planè Mahometus, & falsum testimonium imposuit Christianis, dum in Alcorano scripsit, eos, qui ponunt in Deo tres Personas, ponere tres Deos. Utrumque enim Ecclesia Christi fatetur, & Deum esse unum in essentia, & esse trinum in Personis, quod significavit Joannes Epist. 1. cap. 5. dicens: *Tres sunt, qui testimonium*

nuntia

nium dant in Calo, Pater, Verbum, & Spiritus Sanctus, & hi tres unum sunt. Ipseque Christus palam dixit Joann. 8. Personas Divinas esse plures, & tamen non esse nisi unum Deum : *Ego (inquit) & Pater unum sumus.* Nam quatenus dixit *sumus* pluralitatem personarum significavit, quatenus dixit *unum* unitatem essentiae. Nec enim locutus est solum de unitate metaphorica per unionem, & conformitatem voluntatis suae cum voluntate Patris, sed de unitate propria in eadem natura; idque vel ipsi Judaei intellexerunt : *Quia audito verbo hoc, sustulerunt lapides, ut jacerent in eum, tanquam in blasphemum,* quia probè cognoverunt, Christum iis verbis significasse, se esse Deum, quod ipsi blasphemiam existimabant. Idque manifestè ex scopo, quem sibi proposuit Christus: nam ut probaret, non perituras oves suas, fecit hoc argumentum : *Nemo potest rapere oves meas de manibus patris mei, quia ipse major omnibus est: ergò nec potest ullus rapere de manibus meis: Quia ego, & Pater unum sumus.* Quod argumentum esset nullum, si loqueretur de unitate per charitatem; ex eo enim quòd nemo possit rapere oves de manu Dei omnipotentis, non sequitur, quòd nemo possit rapere de

manu puri hominis , quantumvis iusti , & per charitatem uniti cum Deo . Ergò loquitur de unitate in natura . Undè Augustinus ex his verbis tract. 37. in Joannem. debellat duplicem hæresim, alteram negantem pluralitatem personarum, alteram adstruentem multitudinem personarum cum pluralitate naturarum : „ In errore Sabellianorum (inquit) unus est solus ipse „ Pater, qui Filius : in errore Arrianorum „ alius est quidem Pater , alius Filius , sed „ ipse Filius non solum alius , sed etiam „ aliud est . Tu in medio quid ? Exclusisti Sabellianum , exclude Arrianum , „ Pater Pater est, Filius Filius est , alius „ non aliud, quia ego , & Pater (inquit) unum sumus . Cùm audit *sumus*, abscedat confusus Sabellianus , cùm audit *unum*, abscedat confusus Arrianus : gubernet Catholicus inter utrumque Fidei suæ navigium , quia jam cavendum in utroque naufragium.

Erravit itaque turpiter Mahumetus dum in Alcorano Zorà 19. scripsit : *Nihil præter opinionem sequuntur dicentes , Deum sumpsisse Filium, quo nequaquam indignit. An habent rationes hoc demonstraturas? An Deo nescitum imponunt ?* Quibus verbis significavit , nihil in Deo admittendum esse

esse, nisi illud, quod humana ratio demonstraverit. Hoc autem est manifestè factum, quia, cùm Deus sit infinitus, & mens humana sit finita, & limitata, evidens lumine naturæ est, Deum habere perfectiones aliquas, quas mens humana per discursum naturalem assequi nequeat; solùmque eas potest cognoscere per revelationem ipsius Dei, quia nimirum Deus illas voluit manifestare per Prophetas, & per Unigenitum suum, quem in mundum misit, enarrare: ut enim inquit Evangelista Joannes cap. I. v. 18. *Deum nemo vidit unquam; unigenitus, qui est in sinu Patris, ipse enarravit.* Quare dum Christiani affirmamus Deum habere Filium, & dari etiam tertiam Personam, quæ vocatur Spiritus Sanctus, non imponimus Deo nescitum; sed de Deo affirmamus illud, quod de seipso dignatus est nobis revelare. Affirmamus quidem id, quod per discursum naturalem non assequimur, & captivamus intellectum in obsequium Fidei. Deo enim loquenti debemus credere, etiam si nobis dicat aliquid, quod est supra humanum captum: ubi enim per fundamenta, & signa sufficientia certum nobis fuerit, Deum esse, qui loquitur, clausis oculis discursus nostri, firmissimè debemus credere, verum esse,

quod nobis dicit , licèt per discursum capere non possimus , quo pacto id possit esse, imò quamvis id nobis videatur impossibile : quia evidentissimum est, Deum esse infinitè sapientem, qui falli non potest, & infinitè bonum, qui fallere nequit . Ac proindè ubi per argumenta, & signa credibilitatis nobis constiterit, Deum esse , qui loquitur, debemus firmissimè credere quæcumque dixerit , & quamvis mysteria revelata sint altissima , & quæ omnem vim intelligendi creatam supergrediantur , debemus in obsequium Dei loquentis intellectum subiicere, & captivare. Sicut enim ubi Deus est, qui præcipit , debemus Deo præcipienti subiicere voluntatem , quamvis ardua præcipiat , sicut præcepit Abrahamæ sacrificare Filium suum unigenitum, quem diligebat . Sic ubi Deus est , qui loquitur, debemus ipsi loquenti assensum firmissimum præbere , licèt ea loquatur, quæ nobis difficillima appareant, & intellectui destituto lumine Fidei impossibilia viderentur . Undè quando Deus est qui loquitur, & nobis per sufficientia argumenta constat, Deum loqui, nihil ampliùs examinare, aut inquirere debemus . At quando homo loquitur, oportet examinare , an absurda, & repugnantia dicat ; quia potest,
aut

Demonstr. contra Mahumet. 637

aut per ignorantiam inculpabiliter falli;
vel per malitiam culpabiliter fallere, undè
ne falsa, ut vera credamus, oportet tres ip-
sas examinare; ut docet D. Thomas in 3.
dist. 24. q. 2. art. 3. q. 2. ad 1.

Undè hæc est inter Fidem, & scientiam
differentia, quòd myſteria fidei ſumenda
ſunt, ſicut pilulæ amaræ, quæ non man-
duntur, ſed devorantur, & deglutuntur
uno hauſtu, quin dentibus atterantur: quia
videlicet, ut myſteria divina credamus, non
debemus ea minutim diſcurſu noſtro, &
examine diſcutere, & deguſtare, in examen
vocando, quomodo poſſint eſſe; ſed integra
debemus uno quaſi hauſtu deglutire, id eſt;
aſſenſu firmiſſimo credere, hoc uno contē-
ti, quòd nobis ſufficienter conſtet, Deum
eſſe, qui loquitur. Veritates autem natu-
rales comparantur cibo, qui non ſumitur;
niſi priùs dentibus comminuat, & ore
deguſtetur, quia nimirum illis aſſenſum
prudenter præſtare non poſſumus, niſi priùs
conferendo prædicatum cum ſubjecto de-
tegamus illud convenire iſti. Errat ergò
manifeſtè Mahumetus, dum inferit, Deum
non eſſe Trinum in Perſonis, quia hoc de-
monſtrari non poteſt per diſcurſum natu-
ralem. Satis enim eſt, quòd nobis conſtet
Deum hoc dicere, quia Deo dicenti debe-

mus credere; ut enim inquit S. Clemens Alexandrinus lib. 5. Stromat. initio: *Quis est aded impius, & Deo alienus, ut Deo non credat, & probationes à Deo quærat, sicut ab hominibus?* Deum autem hoc revelasse, manifestum est: quia manifestum est Christum hoc docuisse: Christus autem manifestè probavit se esse Deum, Deus autem mentiri non potest, neque per ignorantiam decipere. Ipseque Mahumetus concedit Christum esse Prophetam sanctissimum, & veritatis Magistrum. Ergò cum nobis constet, hoc Christum dixisse Apostolis, & Apostolos hoc scripsisse, & prædicasse in universo mundo, credere hoc debemus, licèt demonstrari non possit per discursum humanum, nec Angelicum.

Mahumetus similis est Simoni Mago, qui ut refert S. Clemens Romanus lib. 3. recognitionum, voluit ante omnia cum S. Petro disputationem instituere de immortalitate animæ; quia nisi anima sit immortalis, frustra (ajebat) laborabimus in inquisitione veræ Religionis. Si autem priùs demonstretur, animam esse immortalem, tunc cum fructu investigabimus, quæ nam sit vera Religio, in qua anima immortalis salvari possit, & pervenire ad æternam felicitàtem. At D. Petrus di-

spu?

sputationem detrectavit: *Non metu, sed iure* (inquit S. Clemens) *utque utiliter negotium conversionis gereret*; quia non est ritè dispositus ad recipiendam Fidem, quæ inter alia docet immortalitatem animæ, qui non vult credere animam esse immortalem, quin hoc priùs rationibus demonstretur: nam iste, postquam illi probata fuisset immortalitas animæ, probationes postulare ad credenda mysteria reliqua, & sic nollet credere, nisi quod rationibus probaretur: quod est contra rationem Fidei; ad quam videlicet sufficit, quòd probetur, Deum esse, qui loquitur; hoc enim semel probato, obligamur credere Deo loquenti, etiam si loquatur mysteria, quæ sint supra omnem discursum, & quæ captui nostro appareant quasi impossibilia: „ Et ideò (inquit S. Petrus „ apud Clement.) ante omnia Fidem „ Prophetæ, omni cum examinatione „ oportet probari; quem cum cognoveris esse Prophetam, de reliquo cuncta ei credere oportet; nec ultra eum „ discutere per singula quæ docet, sed habere firma, & sancta quæ dicit; quæ „ quamvis Fide suscipi videantur, ante „ habita tamen ratione creduntur: cum „ enim semel ab initio veritas Prophetæ

„ examinata constiterit , reliqua verò fide
„ audienda sunt , & tenenda.

Et sanè Mahumetus ipse volebat sibi
credi historias, quas referebat ex Veteri, &
Novo Testamento , quin ratione probaret
res illas ita evenisse ; & propterea volebat
ante omnia credi, se esse Prophetam à Deo,
missum, quia existimabat, si semel hoc cre-
derent auditores, facilè postea adducendos
ut crederent omnia, quæ ipsis testificaretur
Et tamen nullo argumento probavit , se
esse Dei Prophetam . Cur ergò impostor
iste reprehendit Christianos , quia dicimus
Deum esse trinum in Personis , quamvis
hoc non demonstramus , nec rationibus
probemus ? id enim credimus, quia Chri-
stus Dominus ita docuit ; & nobis manife-
stum est ex Evangelio , & traditione Apo-
stolorum ita Christum docuisse . Ut enim
præclarè dixit Augustinus in Enchiridione
ad Laurentium cap. 4. „ Quæ neque cor-
„ poreo sensu expèrti sumus, neque mente
„ assequi valuimus, aut valemus, eis sine
„ ulla dubitatione credenda sunt testibus,
„ à quibus ea, quæ divina vocari jam me-
„ ruit scriptura , confecta est : quia ea
„ sive per corpus, sive per animam divini-
„ tûs adjuti, vel videre, vel etiam prævi-
„ dere potuerunt.

Ipsa

Ipse Augustinus in eo aliquando fuit errore, ut diceret, nihil esse credendum, quod non videtur, nisi certa demonstratione probaretur verum esse, ut ipse testatur libr. 6. Confess. cap. 4. *Volebam enim* (inquit) *eorum, quæ non viderem ita me- certum fieri, ut certus essem, quod septem, & tria decem sint.* Et hic error magnum erat impedimentum, ne Fidem Catholicam susciperet, in qua jubetur credi id quod non demonstratur. Dicitque Sanctus Doctor sibi accidisse, quod accidere solet homini, qui malum medicum expertus, etiam bono timet se committere: „ Ita „ (inquit) erat valetudo animæ meæ, quæ „ utique nisi credendo sanari non poterat, „ & ne falsa crederet, curari recusabat, re- „ sistens manibus tuis, qui medicamenta „ Fidei confecisti, & aspersisti super mor- „ bos orbis terrarum, & tantam illis au- „ thoritatem tribuisti. Cum ergo anceps esset, & non auderet Fidem Christianam recipere, quia nesciebat, an vera essent, quæ docet: adfuit tamen in hac mentis fluctuatione lux de Cœlo, qua intellexit, quam justum erat Fidem præbere mysterii Religionis Christianæ, quæ in Scriptura Sacra continetur, quin præcederet ea demonstratio evidens, quæ de rebus naturalibus

ha-

habetur . Et hanc rationem apud se formavit . Ego credo , & pro certis habeo in hac vita res multas , quas non video , & de quibus demonstrationem evidentem non habeo , v. g. „ Tam multa in historia „ gentium , tam multa de locis , atque urbibus , quæ non vidi , tam multa medicis , tam multa amicis , tam multa hominibus aliis , atque aliis , quæ nisi crederentur , omnino in hac vita nihil ageremus . Postremò inconcussè fixum fide retineo , de quibus parentibus ortus sum , quod scire non possem , nisi audiendo credidissem . Hinc intulit : si ego res has pro certis habeo , solùm quia eas legi in historiis authenticis , vel ab hominibus fidedignis audiui : & non possent homines in hoc mundo degere , nisi alii aliis crederent : justum ergò est , Fidem habere rebus , quæ in Scriptura Canonica narrantur , quæ tantam à Deo auctoritatem accepit . Undè agebat cum Deo loquens : „ Persuasisti „ mihi , non qui crederent libris tuis , quos „ tanta in omnibus ferè gentibus auctoritate fundasti , sed qui non crederent esse „ culpandos : nec audiendos esse , qui fortè mihi dicerent : undè scis , illos libros „ unius veri , & veracissimi Dei spiritu „ esse humano generi ministratos ? Reddit.

ditque rationem cur credendum sit, Scripturam Sacram, in qua continetur Fides Christiana, Deum habere authorem, & ab illo ministratam hominibus fuisse. Nimirum, quia evidens est: Deum esse, & curam nostrigerere. „ Idèdque cùm essemus infirmi (subjungit Augustinus) ad invenientiam liquida ratione veritatem, & ob hoc nobis opus esset autoritate sanctarum litterarum, jam credere cœperam, nullo modo te fuisse tributurum tam excellentem illi Scripturæ per omnes jam terras auctoritatem, nisi per ipsam tibi credi, & per ipsam te quæri voluisses.

Ex quibus Augustini verbis conficitur hæc manifesta ratio ad convincendos Mahumetanos; quia cùm evidens sit Deum esse, & Deum habere curam, & providentiam hominum, & certum quoque sit velle illos salvos fieri cognoscendo, diligendo, & colendo ipsum, evidens est, Deum habere aliquam Fidem, vel Religionem in mundo, quæ doceat ea, quæ Deus vult de ipso credi, & ea tradat, per quæ vult coli, & quæri: concluditurque hanc Religionem non esse aliam, quàm Religionem Christianam, quæ in Scripturis Sacris habet ea, quæ de Deo credi debent. Et ea per quæ Deus coli

coli vult . Quia credibile non est , Deum tantam auctoritatem tributurum fuisse Libris Sacris , nisi ipse illos tribuisset hominibus , ut per ipsos dirigerentur ad credendum , sperandum , & operandum . Illa autem auctoritas evidenter probatur ex miraculis Christi , & Apostolorum ; ex adimplerione prophetiarum veteris Testamenti , quæ in adventu Christi , & fundatione Ecclesiæ Christianæ ad litteram completæ sunt : ex sanguine tot myriarum Martyrum : ex testimonio tot illustrium Doct. ex sanctitate , qua floruerunt , qui hanc Fidem in mundo plantarunt : ex sanctitate , quam generat in iis , qui hanc legem observant , & aliis argumentis , quæ in hoc libro facta sunt .

Quarè evidens est , esse ineptam rationem , qua Mahumetus ductus est , ad negandam Trinitatem Personarum in Deo , quia hac ratione demonstrari non potest : nam evidens est , hominem posse , ac debere prudenter credere multa , quæ demonstrari non possunt , ut probat argumentum , quo convictus fuit Augustinus ; quia inter homines vivere non possemus , nisi multa crederemus , quæ ratione evidenti non possunt convinci . Nihil autem credere potest homo majori auctoritate ,
quàm

quàm sit ea , ob quam credimus My-
sterium Trinitatis : credimus enim hoc,
quia majori certitudine nobis constat,
hoc Christum docuisse , quàm olim fuisse
Julium Cæsarem , & Alexandrum Ma-
gnum , siquidem Evangelia Apostolorum
majorem fidem merentur , quàm ulla
historia humana . Rursùs , manifestis ar-
gumentis nobis constat , Christum men-
titum , aut deceptum non fuisse , sed ve-
ram doctrinam hominibus tradidisse .
Ergò possumus , ac debemus credere
Deum esse Trinum , quamvis id non
possimus ratione demonstrare.

Rursùs convincitur illam rationem
Mahumeti esse absurdissimam , quia si
solum homo potest credere de Deo ea,
quæ per rationem naturalem demon-
strantur ; paucissimi erunt homines , qui
salvi fiant , quia pauci sunt homines , qui
eas demonstrationes assequantur , ad id-
que multo studio , & labore opus est :
quid ergò erit de fœminis ignorantibus,
de rusticis , de pueris ? Nam supra fidem
falsam de Deo , rebusque divinis nequit
fundari vera sanctitas , & salus animæ.

Quare Doctores Christianorum ma-
nifestè probant , ad salutem necessarium
esse , ut per fidem multa credat homo,
quo-

quorum veritatem assequi non potest per solum naturalem discursum : quia cum Deus sit finis hominis , ad quem cognoscendum , & amandum creatus est ; & cum evidens sit , Deum esse infinitum , incomprehensibilem ab intellectu creato ; evidens est , Deum habere perfectiones multas , quas ipse solus cognoscit , vel cui ipse voluerit revelare : ac proinde evidens est , multas Deum habere perfectiones , quas homo certo cognoscere non potest , nisi Deus eas revelare voluerit : ac proinde evidens est , non posse hominem pervenire ad cognoscendum Deum , & divina sine errore , nisi per viam fidei , nimirum credendo Deo loquenti ea , quæ per discursum naturalem scire certo non possumus . Ergo stultissimum est dicere , homines non posse credere Deum esse Trinum , quia id demonstrare non possunt .

Hinc Magnus Doctor Christianorum S. Thomas , secutus D. Augustinum 2. 2. q. 2. art. 3. & 4. inquit duo : primum : „ An credere aliquid supra rationem naturalem , sit necessarium ad salutem ? „ Secundum , utrum credere ea , quæ „ ratione naturali probari possunt , sit „ necessarium ? Et ad utramque quæstionem

nem respondet affirmativè ; & postquam probavit primum,transiens ad secundum, sic in 4. art. inquit : Dicendum , quòd
„ necessarium est homini accipere per mo-
„ dum fidei non solùm ea, quæ sunt supra
„ rationem, sed etiam ea , quæ per ratio-
„ nem cognosci possunt , & hoc propter
„ tria . Primò,ut homo citiùs ad verita-
„ tis Divinæ cognitionem perveniat :
„ scientia enim , ad quam pertinet pro-
„ bare Deum esse (nempè Metaphysica,
„ & Theologia) & alia hujusmodi de
„ Deo , ultimò homini addiscenda pro-
„ ponitur , præsuppositis multis aliis
„ scientiis , & sic nonnisi post multum
„ tempus vitæ suæ homo ad cognitionem
„ Dei perveniret . Secundò , ut cognitio
„ Dei sit communior ; multi enim in stu-
„ diis scientiæ proficere non possunt , vel
„ propter hebetudinem ingenii, vel prop-
„ ter alias occupationes , & necessitates
„ temporalis vitæ, vel propter torporem
„ addiscendi, qui omnes à Dei cognitione
„ fraudarentur, nisi proponerentur eis di-
„ vina per modum fidei . Tertiò propter
„ certitudinem . Ratio enim humana in
„ rebus divinis est multum deficiens ; cu-
„ jus signum est ; quòd Philosophi de re-
„ bus humanis naturali investigatione
„ per-

„ perscrutante , in multis erraverunt , &
 „ sibi ipsis contraria senserunt . Ut ergò
 „ esset indubitata , & certa cognitio apud
 „ homines de Deo , oportuit ut Divina
 „ eis per modum fidei traderentur, quasi à
 „ Deo dicta, qui mentiri non potest . Ha-
 ænus S. Thomas.

Ex his manifestè patet , Christianos
 prudentèr sibi persuadere , Deum esse Tri-
 num, & unum , quamvis id ratione natu-
 rali non demonstretur . Quia evidens est,
 Deum dignum esse , cui aliquid revelanti,
 & affirmanti credamus , quamvis non in-
 telligamus, quo pacto se habeat illud myste-
 rium, quod revelat . Nos autem habemus
 manifestissima argumenta ad nobis per-
 suadendum, Deum revelasse Trinita-
 tem, illa scilicet omnia; quæ habe-
 mus ad credendum Christum es-
 se Deum, & Doctorem veri-
 tatis , quia moralitèr
 evidens est, Chri-
 stum hoc do-
 cuisse .



CAPUT DECIMUM.

Proponitur colloquium, quod Author habuit cum Mauro arguto, & inter suos erudito, qui nolebat Christianæ Fidei nomē dare, quia capere non poterat quomodo Deus sit Trinus in Personis, & quomodo potuerit fieri homo. Ubi symbolis, & similitudinibus explicantur Myſteria Trinitatis, & Incarnationis.

§. I.

POST finitam Miſſionem Malacenſem, factam Chriſtianis ad finem anni 1669, dum ego Malacæ prædicabam Mahumetanis, & Cathecumenos ad Baptiſmum inſtruebam, ſocius meus proſectus eſt Sexiſſimum, vulgò Velez Malaga, ad Miſſionem exhibendam Chriſtianis: poſt Baptiſmum ſolemne Cathecumenorum celebratum die S. Joanni Evangeliftæ ſacro illius anni; illuc ego quoque migravi Mahumetanis prædicaturus, ut enixè deſiderabat Excellentiſſimus D. Marchio de Sâcillana, Dux Generalis per illas maritimas oras, & Excellentiſſima Marchioniſſa ejus uxor, uterque non minus virtutum

T c

ſplen-

splendore, quàm natalium gloria illustris: quod & præstiti sub initium anni 1670. operam navante Excellentissimo Principe, ut Mahumetani omnes ibi commorantes, conciones audirent, posteaque celebratus est quoque Baptismus solemnissimus sex vel septem Mahumetanorum, qui ad Christum conversi sunt, quos in sacro fonte tenuerunt Excellentissimi Marchiones, & splendidis vestibus induerunt, ut majori cum decore sacra functio perageretur.

In hac Civitate Mahumetanum inveni, Amete Solymam nomine, cæteris Africanis, quos videram, argutiorum, & melioris indolis, qui non solum linguam Hispanam expedite loquebatur, sed libros nostros legebat, & legendo percurrerat totum symbolum fidei R. P. Fr. Ludovici Granatensis: erat vir pacatus, & modestus, fidelis & verax, & qui inter Christianos tanquam vir probus, & honestus habebatur: quia revera virtutibus moralibus erat præditus. Erat homo iste suæ sectæ tenacissimus, legemque suam exactè observabat. Propter has causas hujus viri conversionem, præ reliquis desiderabam; quia si semel ad Christum transiret, multos secum ad fidem veram duceret, & nobis ad cæterorum conversionem maximo usui foret.

foret. Sed conversio infidelium non est hominis volentis, sed Dei misericordis. Illum publicè, & privatim sæpè aggressus sum; audiebatque attentè argumenta, quæ conficiebam, & palam fatebatur, se nescire solvere ea argumenta: cæterum non propterea cor suum inclinari ad Religionem Christianam; præcipua difficultas ipsum retrahens, erant duo præcipua Christianæ Fidei fundamenta, nempe Dei Incarnatio, & Trinitatis Personarum. Deus, aiebat, unus est, si unus, quomodo trinus? Si trinus, quomodo unus? Non capio, non intelligo: hoc impossibile apparet: unitas essentiae, & Trinitas Personarum inter se coherere non possunt: unaquæque enim Persona suam essentiam habet: si ergò sunt tres Personæ, tres habent essentias, seu naturas: ergò erunt tres Dii. Rursùs quomodo Deus immortalis potuit fieri homo passibilis, & mortalis? Hoc durissimum mihi videtur, & pènitè impossibile, & idè non possum amplecti Religionem Christianam.

Cùm ego animadvertissem hujus hominis bonam indolem, & ingenium percipiendi argumenta capax, decrevi seorsim cum illo de rebus fidei non raptim, sed ex instituto agere, & idè illum mecum ut sa-

mulum Sexifirmo Malacam deduxi , atque cum illo amicabiliter , & confidenter agens in itinere illo, quod novem , vel decem leucis constat, de rebus Religionis fusè disputavi . Et inprimis illi exponere, conatus sum mysteria illa, quæ ipsi difficultatem ingerebant . Ne existimes (ajebam) nos Christianos asserere in Deo, tres Personas, ità distinctas , & separatas , sicut unus homo distinguitur ab alio homine . Inter nos ubi dantur tres Personæ distinctæ , necesse est ut dentur tres homines ; quia unaquæque Persona habet suam naturam humanam distinctam à natura humana alterius, nimirum distinctum corpus, & distinctam animam ; & ideò tres Personæ humanæ sunt tres homines, quia ubi dantur tres Personæ, dantur tria corpora , & tres animæ, ac proindè tres naturæ humanæ : ubi autem reperiuntur plures naturæ humanæ, plures debent homines reperiri . At tres divinæ Personæ habent eandem naturam divinam, easdem perfectiones , eundem intellectum, eandem voluntatem, eandem potentiam, & sic de reliquis perfectionibus: undè quamvis Personæ sunt tres, non sunt tres Dii, sed unus Deus , quia non habent tres essentias , sed unicam simplicissimam. Natura Dei non constat corpore , & anima, sicut

sicut nostra; quia Deus non est substantia corporea, quæ manibus contrectari possit, vel sensibus corporalibus percipi; sed est substantia incorporea, spiritualis, & simplicissima, quæ solo intellectu cognosci potest. Habent ergo tres divinæ Personæ eandem simplicissimam essentiam, seu naturam, & ideò tres divinæ Personæ non sunt tres Dii, sed unus. Certè si tres personæ humanæ, v. g. Petrus, Joannes, & Didacus, haberent idem omninò corpus, & eandem numerò animam, essent tres Personæ, & tamen foret unicus homo. Ectèrum id in creatis nostris contingit; quia natura humana est finita, & limitata, ac proindè una natura solùm est capax existendi in una persona, solùm est capax constituendi unam personam: undè natura Petri nequit constituere nisi personam Petri, & non potest constituere personam Pauli: at natura divina est infinita, & illimitata, & immensa & ob hanc infinitatem postulat constituere plures personas inter se distinctas. Nonne vides, Amete, quancumque personam creatam esse in spatio loci determinato, v. g. Malacæ, & non Martitici? Et nihilominus tu fateris Deum simul esse hìc, & Matriti, in Hispania, & in Africa, & in omnibus locis simul: undè hoc?

Certè respondebis, hoc competere Deo, quia Deus est infinitus, & illimitatus, substantia autem infinita non debet esse alligata alicui loco determinato, sed debet esse ubique præsens tota. Similiter ego dico tibi, quòd natura divina, quia est infinita, & illimitata, non existit in una sola persona, sed in tribus: naturæ autem creatæ, quia sunt finitæ, & limitatæ, & imperfectæ, non possunt ultrà unam personam extendi; sed una natura unam tantùm habet personam.

Non debes cogitare, has divinas Personas, esse ab invicem separatas, sicut invicem sunt distinctæ: sicut enim sunt distinctæ, quia una procedit ab alia, Filius à Patre, & Spiritus Sanctus à Patre, & Filiorum ita sunt inter se inseparabiles, quia omnes existunt in eadem essentia divina. Sic corpus solis, radius solis, & calor solis, inter se sunt res distinctæ, quia corpus solis non est radius solis, sed est principium radii, & radius est principium caloris: & tamen sol, radius, & calor in una natura solis conjunguntur, & nunquam separantur, sed ubicumque existit sol, ibi existunt radius solis, & calor solis. Undè istæ tres Personæ sunt inter se omnino æquales in duratione, in sapientia, & cæteris perfectionibus

bus . Quamvis enim Pater sit principium Filii, & Pater, & Filius sint principium Spiritus sancti, tamen Pater non est antiquior Filio; nec Pater, & Filius sunt antiquiores Spiritu Sancto . Sic quamvis sol sit principium lucis, sol non est antiquior luce, quia nunquam extitit sol, quin haberit lucem: & quamvis ignis sit principium caloris, & quasi pater caloris, tamen ignis non est antiquior calore, sed ab initio mundi fuerunt simul . Deus Pater non habet principium suæ durationis, quia semper fuit: nec Deus Filius, quia Deus Pater nunquam extitit, quin produceret Filium, sicut sol nunquam extitit, quin diffunderet à se radium lucis, & in se lucem haberet .

Anima nostra una est, & cùm sit una, dumtaxat, tres nihilominus habet potentias, quæ in illa semper existunt, & nunquam extra animam existere possunt, nimirum intellectum, voluntatem, & memoriam . Ad hunc ergò modum dico tibi, in Deo, qui unus est, tres existere Personas inter se realitèr distinctas, quia inter se comparantur tanquam produciens, & productum; quæ tamen à Deo non distinguuntur; quia cùm Deus ob suam infinitam simplicitatem capax non sit com-

positionis ; quidquid in Deo existit , Deus est . In creatis aliter se res habet, nam non omne quod est in anima, & corpore nostro est idem realiter cum anima, & corpore : siquidem anima nostra, & corpus nostrum sunt capacia compositionis, & mutationis.

§. I I.

Rationes probabiliter suadentes pluralitatem Personarum in Deo.

QUOD in Deo debeat dari pluralitas personarum, tibi volo explicare hac ratione . Nam proprium est boni esse communicativum sui : & majoris boni esse magis communicativum : ergò boni infiniti proprium est se communicare infinite : sed Deus per productiones ad extrà non se communicat infinite : ergò habet ad intra aliquas productiones, per quas se communicet infinite : Ideò ergo dicimus Patrem æternum generare Filium æternum sibi consubstantialem, & Patrem, & Filium producere Spiritum Sanctum sibi in omnibus æqualem , quia Deus habet infinitam bonitatem : ac proindè debuit habere naturam infinite fecundam ad se diffundendum , & commu-
ni-

Demonstr. contra Mahumet. 657
necandum personis realiter inter se distin-
ctis.

Sanè Deus per Prophetam Isaiam
cap. 66. v. 9. dicit : *Numquid ego, qui alios
parere facio, ipse non pariam, dicit Domi-
nus : Si ego, qui generationem aliis tribuo,
sterilis ero, ait Dominus Deus ?* Deus est
summè perfectus : posse autem generare
sibi similem, est perfectio : & sterilitas, at-
que infœcunditas est imperfectio . Ergò
Deus habet perfectionem hanc fœcundita-
tis, quòd possit generare sibi similem .
Ergò Deus habet Filium sibi similem, &
consubstantialem, & consequenter habet
Filium, qui sit Deus . Nam sicut filius ho-
minis est homo, & filius Leonis est Leo, ita
Filius naturalis Dei debet esse Deus . Est
ergò rationi maximè conforme, quòd in
Deo non detur una tantùm Persona, sed
plures . Quod alia ratione volo tibi expo-
nere . Certè Deus est summè fœlix, &
summè beatus : ad cumulum autem fœli-
citatis pertinet, quòd persona rationalis
habeat aliam personam sibi similem, cum
qua possit loqui, & cui possit secreta cordis
aperire.

Nonne tibi videtur, quòd quando
Deus creavit Adamum, non creasset illum
in perfecta felicitate, si illum reliquisset
cum

cum solis brutis animalibus , cum quibus loqui , & communicare non posset , & non creasset Evam ipsi similem , cum qua amicitiam , & societatem habere posset ? Attende , quæso , omnes creaturæ minus sunt respectu Dei , quàm bruta animalia respectu hominis . Si ergò homo non esset cumulatè fèlix , si non haberet societatem , cum alia persona humana , & maneret cum solis brutis animantibus : nec Deus esset cumulatè fèlix , si non haberet aliam Personam divinam , cum qua loqui posset , & amicitiam , atque societatem habere . Quamvis enim Deus possit loqui cum Angelis , & cum hominibus ; tamen non potest cum illis loqui plenè , quia illi , capaces non sunt , ut Deus integrè illis manifestet omnia , quæ scit . Et Deus loquens cum Angelis , se habet sicut vir sapientissimus loquens cum homine rustico , & rudi ; minus enim capaces sunt Angeli comprehendendi , quæ Deus scit , quàm rusticus comprehendendi , quæ scit vir sapientissimus , & omnibus scientiis perfectissimè instructus . Undè sicut vir sapiens non esset cumulatè fèlix , si solum posset loqui cum rusticis , & ignorantibus : ità Deus non esset cumulatè fèlix , si solum posset loqui cum creaturis . Præterea cum Deus fuerit per totam æternitatem

fine

sine creaturis, nō habuisset per totam æternitatē personam rationalem, cū qua loqueretur: ac proindē fuisset per totam æternitatem mutus, si non darentur multæ Personæ divinæ. Ergò dicendum est, dari multas Personas divinas, ut ita una possit perfectè loqui cum altera, & dari personam loquentem, & personam audientem, & comprehendentem omnia, quæ alia persona ipsi loquitur. Dicimus autem, has personas esse tres, nec plures, neque pauciores.

§. III.

Exponitur, quomodo in Deo detur Pater, & Filius, & insuper Spiritus Sanctus.

UT autem tu intelligas, quomodo in Deo dari possit Pater, & Filius; & præter Patrem, & Filium detur tertia Persona, quam vocamus Spiritum Sanctum, id tibi exponere volo. Exposui autem supra cap. 4. similitudine ducta ab homine seipsum intelligente, & amante nam dum se intelligit format sui imaginem, quæ est quædam proles intellectus, & dicitur verbum, & cū per hanc imaginem obijcitur menti hominis ejus bonitas, & perfectio, homo producit amorem sui: & idē

ided ibi mens intelligens est quasi pater, verbum mentis est quasi filius, & amor à mente per verbum procedens, est quasi spiritus. Et adduxi similitudinem speculi, qua suprà cap. 4. generationem Filii in divinis exposui. Et ided progredior ad explicandam profectionem Spiritus Sancti.

Sicut enim quia Deus est summè intellectivus, hoc ipso, quòd seipsum intelligat, producit per ipsum actum intelligendi imaginem quandam perfectissimam sui ipsius, quæ est Verbum repræsentans Deū, & omnia quæ Deus potest facere, ac proindè est veluti ars quædam, & exemplar rerum omnium factibilium; ac proindè Deus per Verbum suum omnia produxit, sicut artifex in creatis fabricat domum, per exemplar, & simulachrum, seu idæam domus, quam idæam intra se gerit, seu in mente sua format. Ità, quia Deus est summè volitivus, producit per verbum, amorem quandam sui infinitè perfectum: nihil enim potest voluntate amari, nisi sit in intellectu conceptum. Hic autem amor procedens à Deo per Verbum, est tertia Persona, quam vocamus Spiritum Sanctum: quæ procedit à Patre, & Filio per voluntatem, & amorem; sicut Verbum, seu Filius procedit à Patre per intellectu.

Id

Id, ut aliquomodo percipias, reflecte ſuprà id, quod in nobis contingit. Quando rem aliquam attentè, & ſeridè cogitamus, formamus intra nos quandam imaginem, quæ rem illam nobis repræſentat: ſi autem res repræſentata ſit aliqua perſona bona, & pulchra, ex imagine illius rei oritur in nobis amor, impuſus, & inclinatio vitalis in rem illam cognitam, & repræſentatam. Sic ergò Deus, ſeipſum contemplanſ, & comprehendens, producit imaginem perfectiſſimam ſuarum perfectionum; & perfectiones illæ divinæ, ut repræſentatæ per ejuſmodi imaginem, ſeu Verbum,

rapiunt divinam voluntatem in ſui amorem, ac proindè Deus Peter mediante illo Verbo, ſeu imagine perfectiſſima ſuæ bonitatis, & ſimul cum illo, producit amorem quendam infinitum erga bonitatem illam repræſentatam per Verbum, & in Verbo.

Et hic amor produç

ctus eſt Spiritus San-

ctus, & tertiã

Perſona di-

vina.

* *

§. IV.

Cur in Deo dentur tres Personæ, neque plures, neque pauciores.

UNdè percipiēs rationem, cur in Deo ponamus tres Personas, neque plures, neque pauciores. Ratio est, quia emanationes, seu productiones in divinis accipi non possunt, nisi secundum actiones, quæ in agente manent: hujusmodi autem actiones in natura intellectuali, & divina non sunt nisi duæ, scilicet *intelligere*, & *velle*: undè productiones in divinis non possunt esse nisi duæ, & Personæ divinæ, non nisi tres, nam prima persona est omninò improducta, & innascibilis, nempe Pater, qui est origo prima, & fons divinarum Personarum: Pater per actionem intelligendi producit Verbum, seu Filium: Pater verò, & Filius per actionem amandi producunt Spiritum Sanctū; & hic sistunt divinæ processiones, seu emanationes. Quia ergò Deus est substantia spiritualis infinita, est persona, quia est actu intelligens infinitè, per actionem intelligendi producit Verbum, & quia est amans infinitè per actionem amandi per
Ver-

Verbum, & simul cum-Verbo, producit Spiritum Sanctum: & sic sunt tres Personæ divinæ.

Explicato mysterio Trinitatis, transivi ad explicandum Mysterium Incarnationis, & fusè illud exposui eo modo, quo illud exponit Sanctus Thomas opusculo 3.cap.6. Cujus explicationem hic apponere decrevi, ut Christi prædicator ad manum habeat dilucidam tanti mysterii expositionem: quæ licet non sit proponenda rusticis Mahumetanis, si tamen inter illos sit aliquis perspicax, & acutus, & repugnantiam inveniat illo mysterio, ei potest exponi, ut ego præstiti cum Amete Solimam.

S. V.

Quomodo exponendum sit Mysterium Incarnationis ex Sancto Thoma.

„ CUM dicimus, Deum hominem fieri,
„ non existimes, Amete, hoc igitur
„ accipiendum esse, ut Deus convertatur
„ in hominem, sicut aër fit ignis, cum in
„ ignem convertitur: Immutabilis enim
„ est Dei natura: corporea autem sunt,
„ quæ invicem convertuntur. Spiritualis
„ autem natura in naturam corpoream non
con-

convertitur, sed potest ei aliquo modo uniri propter efficaciam suæ virtutis, sicut anima unitur corpori: licet humana natura ex anima constet, & corpore, anima autem non corporea, sed spiritualis naturæ sit, omnis tamen creatura spiritualis deficit à simplicitate divinâ multò amplius, quàm corporea creatura à simplicitate spiritualis naturæ. Sicut ergò spiritualis natura unitur corpori per efficaciam suæ virtutis, ita, & Deus potest uniri tam spirituali, quàm corporali, & secundùm hunc modum dicimus, Deum naturæ humanæ fuisse unitum. Est autem attendendum, quòd unumquodq; maximè videtur esse illud, quòd invenitur in eo esse principium. Omnia autem alia videntur ei, quòd est principium, adherere, & quodammodo assumi, in quantum id, quòd est principium, aliis utitur secundùm suam dispositionem: quòd quidem patet non solum in ordinatione civili, in qua principes civitatis quasi tota civitas esse videntur, & aliis utuntur secundùm suam dispositionem, ut sibi adherentibus mēbris, sed etiam in adunatione naturali. Licet enim homo naturaliter constet ex anima, & corpore, principaliùs tamen homo videtur esse anima, quàm corpus, quòd animæ adheret, & quo anima utitur ad operationes

nes animæ convenientes . Sic ergò , & in
unione Dei ad creaturam , non trahitur
Deitas ad humanam naturam , sed humana
natura à Deo assumitur non quidem ut
convertatur in Deum , sed ut Deo adhæ-
reat , & sunt quodammodo , anima , &
corpus sic assumpta , anima , & corpus ip-
sius Dei, sicut partes corporis assumptæ ab
anima sunt quodammodo ipsius animæ
membra . Est tamen in hoc aliqua diffe-
rentia attendenda . Nam anima licet sit
perfectior corpore , non tamen totam per-
fectionem in se possidet humanæ naturæ:
undè corpus sic ei advenit , ut ex corpore,
& anima una compleatur humana natura,
cujus quædam partes sunt anima , & cor-
pus : sed Deus ita est in natura sua perfe-
ctus , ut plenitudini naturæ ipsius nihil
adiici possit ; undè cum natura divina
non potest sic uniri altera natura , ut ex
utroque una constituatur natura commu-
nis : sic enim natura divina par esset illius
naturæ communis , quod repugnat perfe-
ctioni divinæ naturæ ; nam omnis pars
imperfecta est : Deus ergò Dei Verbum,
sic humanam naturam assumpsit , quæ ex
anima constat , & corpore , ut tamen nec
altera transiret in alteram , nec ex duabus
una natura conflaretur , sed post unionem

duæ naturæ distinctæ remanerent quantum ad proprietates naturarum. Est autem, rursus considerandum, quòd cum spiritalis corporeæ uniatur per spiritualem virtutem, quantò fuerit major virtus spiritalis naturæ, tantò perfectiùs, & firmiùs sibi naturam inferiorem assumit. Est autem Dei virtus infinita, cui omnis creatura subiicitur, & unaquaque utitur pro suo arbitrio: non autem eis uteretur, nisi aliquomodo per efficaciam suæ virtutis uniretur eis. Tantò autem alicui naturæ perfectiùs unitur, quantò in eo magis suam virtutem exercet: Inter omnes siquidem creaturas virtutem suam exercet quantum ad hoc, quòd omnibus esse largitur, & ad proprias operationes movet, & secundum hoc quodam communi modo in omnibus rebus dicitur esse. Sed specialiori quodammodo virtutem suam exercet in mentibus sanctis, quas non solum in esse conservat, & ad operandum movet, sicut alias creaturas, sed etiam eas convertit ad se cognoscendum, & amandum, undè etiam sic in sanctis mentibus specialitèr dicitur habitare, & mentes sanctæ Deo plenæ esse dicuntur. Quia ergò secundum quantitatem virtutis, quam Deus exercet in creaturam, magis, & minus dicitur creaturæ uni-

uniri, patet quòd cùm efficacia divinæ virtutis humano intellectu compræhendi non possit, sublimiori modo Deus potest creaturæ uniri, quàm intellectus humanus capere possit. Quodam ergò incomprehensibili, & ineffabili modo dicimus Deum unitum esse humanæ naturæ in Christo, non solum per inhabitationem, sicut in aliis sanctis, sed quodam modo singulari, ità quòd humana natura esset quædam Filii Dei natura, ut Filius Dei, qui ab æterno habet naturam divinam à Patre, ex tempore per assumptionem mirabilem, habeat humanam naturam ex genere nostro, & sic quælibet partes humanæ naturæ ipsius Filii Dei dici possunt Deus, & quidquid agit, vel patitur quælibet pars naturæ humanæ in Filio Dei, potest attribui unigenito Dei Verbo. Undè non inconvenienter dicimus, animam, & corpus esse Filii Dei, & oculos, & manus, & quòd Filius Dei corporalitèr videat per oculi visionem, & audit per aures auditum, & sic de aliis, quæ partibus animæ, vel corporis convenire possunt. Hujus autem unionis admirabilis nullum convenientius exemplum inveniri potest, quàm unio corporis, & animæ rationalis. Est etiam non inconvenientius exemplum de hoc, quòd Verbum nostrum in

corde manet absconditum , & sensibile fit per assumptionem vocis, & scripturæ . Sed tamen hæc exempla à prædicta unionis representatione deficiunt , sicut & cætera exempla humana à rebus divinis . Nam neque Deitas sic unitur humanæ naturæ, ut sit pars alicujus naturæ ; neque sic unitur humanæ naturæ , ut solum significetur per eam sicut verbum cordis significatur per vocem, aut scripturam, sed sic ut veraciter Filius Dei habeat naturam humanam , & homo dicatur . Patet ergò, quòd non dicimus, Deum unitum esse corporeæ naturæ, ut sit virtus in corpore ad modum materialium , & corporalium virtutum , quia, nec intellectus animæ corpori unitæ sic est virtus in corpore . Multò minus ergò Dei Verbum, quod ineffabilitèr , & sublimiori modo sibi naturam humanam assumpsit . Patet etiam secundum præmissa , quòd Filius Dei, & divinam naturam habet, & humanam, unam ab æterno , aliam ex tempore per assumptionem . Contigit autem, ab eodem plura haberi secundum diversos modos, in quibus tamen omnibus semper quod est principalius, habere dicitur: quod autem minus principale haberi . Habet enim totum multas partes , ut homo manus, & pedes . Non autem dicimus è con-

vers

verso, quod manus, & pedes habeant hominem. Habet etiam unum subiectum, multa accidentia, sicut pomum colorem, & odorem, non è conversò. Habet etiam homo aliqua exteriora, sicut possessiones, & vestes, non è conversò. In solis autem illis, quæ sunt partes alicujus unius essentialis aliquando aliquid dicitur habere, & haberi, ut anima corpus, & corpus animam. Et similiter in quantum vir, & uxor in matrimonio junguntur, dicitur vir habere uxorem, & uxor virum. Et similiter in his, quæ per relationem uniuntur, sicut dicimus, quod pater habet filium, & filius patrem. Si ergò sic uniretur Deus humanæ naturæ, sicut anima corpori, ut ex his constitueretur una natura communis, posset dici, quod Deus habet naturam humanam, & humana natura habet Deum, sicut anima habet corpus, & è conversò. Sed quia ex divina, & humana natura non potest constitui una natura, propter perfectionem divinæ, ut dictum est, & tamen in prædicta unione principalius est, quod est ex parte Dei, manifestè consequitur, quòd ex parte Dei accipi oportet, id quod habet naturam humanam. Illud autem, quod per aliquam naturam dicitur esse suppositum, vel hypostasis naturæ illius, sicut quod

habet naturam equi, dicitur esse hypostasis, vel suppositum naturæ equinæ. Et si sit natura intellectualis, quæ habetur, talis hypostasis dicitur persona. Sicut dicimus Petrum esse personam, qui naturam humanam habet, quæ est intellectualis natura.

Cum ergo Filius Dei unigenitum Dei Verbum per assumptionem habeat humanam naturam, ut dictum est, sequitur, quod sit hypostasis, vel suppositum, vel persona humanæ naturæ. Et cum ab æterno habeat divinam naturam, non per modum compositionis, sed simplicis identitatis, dicitur etiam hypostasis, vel persona divinæ naturæ, secundum tamen, quod divina verbis humanis exprimi possunt. Ipsum ergo unigenitum Dei Verbum est hypostasis, vel persona duarum naturarum, divinæ scilicet, & humanæ, in duabus naturis subsistens. Si quis autem obiiciat, quod humana natura etiam in Christo non sit accidens, sed substantia quædam, non autem universalis, sed particularis, quæ hypostasis dicitur, videtur consequi, quod ipsa humana natura in Christo hypostasis quædam sit præter hypostasim Dei Verbi, & sic in Christo erunt duæ hypostases. Considerare debet, qui sic obiicit, quod non omnis substantia particularis hypostasis di-

dicatur, sed solum illa, quæ ab aliquo principali non habetur. Manus enim hominis substantia est quædam particularis, non tamen potest dici hypostasis, nec persona, quia habetur à principali, quod est homo: alioquin in quovis homine essent tot hypostases, vel personæ, quot membra, vel partes. Humana ergo natura in Christo non est accidens, sed substantia non universalis, sed particularis: nec tamen hypostasis dici potest, quia assumitur à principali, scilicet à Dei Verbo. Sic ergo Christus est unus propter personæ, vel hypostasis unitatem, nec potest dici esse duo. Sed propriè dicitur, quod habet duas naturas, Et licet divina natura prædicetur de hypostasi Christi, quæ est hypostasis Verbi Dei, quod est ejus essentia, tamen humana natura non potest prædicari de eo in abstracto, sicut nec de aliquo habente humanam naturam. Sicut enim non possumus dicere, quod Petrus est humana natura, sed quod est homo, in quantum habet humanam naturam; ita nec possumus dicere, quod Dei Verbum est humana natura, sed quod habet humanam naturam assumptam, & ex hoc dicitur homo. Ultraque ergo natura prædicatur de Verbo Dei, sed una in concreto tantum, scilicet huma-

na, ut cùm dicimus, Filius Dei est homo: divina verò natura, & in abstracto, & in concreto dici potest, ut quod Verbum Dei, est divina essentia, vel natura, & quod est Deus.

Cùm autem Deus sit habens divinam naturam, & homo sit habens humanam naturam, per hæc duo nomina significantur duæ naturæ habitæ, sed unus habens utramque. Et cùm habens naturam, sit hypostasis, sicut in nomine Dei intelligitur hypostasis Verbi Dei, ità in nomine hominis intelligitur Verbum Dei, secundùm quod attribuitur Christo. Et sic patet, quòd per hoc, quod dicimus Deum, Christum, & hominem, non dicimus eum esse duo, sed unum in duabus naturis. Quia verò ea, quæ conveniunt naturæ, attribui possunt hypostasi illius naturæ, hypostasis autem tam humanæ naturæ, quàm divinæ includitur tam in homine significante divinam naturam, quàm in homine significante humanam, quod est eadem hypostasis habens utramque naturam, consequens est, ut tam humana, quàm divina prædicentur de illa hypostasi; seu secundùm quod includitur in nomine significante divinam naturam, seu secundùm quod includitur in nomine significante humanam. Possumus enim

Demonstr. contra Mahumet. 673.

enim dicere, quòd Deus Verbum Dei, est conceptus, & natus de Virgine, passus, mortuus, & sepultus, attribuentes hypostasi Verbi humani propter humanam naturā: & è converso possumus dicere, quòd homo ille est unum cum Patre, & quòd est ab æterno, & quòd creavit mundum propter divinam naturam. In his ergò tam diversis de Christo prædicandis distinctio invenitur, si consideretur, secundùm quod ista de Christo dicuntur.

Quædam enim dicuntur secundùm humanam naturam, quædam secundùm divinam. Si autem consideretur, de quo dicuntur, indistinctè proferuntur, quia eadem est hypostasis, & quæ divina, humana dicuntur, ut si dicam, quod idem est homo, qui videt, & audit, sed non secundùm idem. Videt enim secundùm oculos, & audit secundùm aures. Idem etiam est pomū, quod videtur, & adoratur, sed hoc quidem colore, illud autem odore, ratione cujus dicere possumus, quòd videns audit, & audiens videt, & visum odoratur, & odoratum videtur. Et similiter dicere possumus, quòd Deus nascitur de Virgine propter humanam naturam, & homo ille est æternus propter divinam.

§. VI.

*Explicatur Mysterium Incarnationis
variis similitudinibus.*

Varia adduxi symbola, & exempla sensibilia, quibus huic Mauro emollirem difficultatem, quam experiebatur in credendo hoc mysterio. Non quia existimarem, illa sufficere ad persuadendum, mysterium tam arduum, & superans omnē humanum discursum; sed ut minorem difficultatem experiretur, & ut ostenderem, non esse impossibile, ut ipse existimabat.

Primò igitur explicui hoc mysterium exemplo *infitionis* desumpto ex Theodoro, Dialogo *inconfusus*. Nam si tu haberes in tuo horto nobilissimum truncum pyri habentem unum ramum, huic trunco posses inferere alium ramum, prunum, v. g. & tunc iam eadem arbor esset pyrus, & prunus, produceretque duos fructus specie diversos, nimirum pyra, & pruna. Et in eodem trunco, veluti in eadem hypostasi, & supposito existeret duplex natura, & natura pyri, & natura pruni; nec propterea esset duplex arbor, sed unica, cui esset conaturalis natura pyri, quia cum illa nasce-

tetur,

fetur, natura autem pruni licet per *insitionem* appropriaretur ipsi, tamen ex se esset extranea à natura pyri. Sic ergo cogita Verbum divinum, seu Personam Filii Dei, tanquam arborem divinam habentem ex se ramum divinitatis, & ferentem ex se fructus omnino divinos; huic divinæ arbori, & quasi nobilissimo trunco inseruit omnipotentia Dei ramum humanitatis. Unde Verbum post incarnationem jam habet duplicem naturam quasi duplicem ramum; habet quidem naturam divinam, sibi connaturalem, & secum identificatam; & simul habet naturam humanam ex se quidem extraneam, quæ tamen per *insitionem* incarnationis inserta est personæ Filii Dei, & facta est propria Filii Dei. Unde eadem persona Filii Dei habet naturam divinam, & humanam, ac proinde est Deus, & Homo. Unde Christus est una arbor cū duplici fructu, divino, et humano, habet enim operationes Dei, quia est Deus, & operationes humanas, quia est Homo. Sicut pyrus, cui inserta est prunus, habet duplicem fructum.

Secundò id ipsum explicui exemplo *ignitionis* desumpto ex D. Basilio. Sumamus, ferrum candens, vel carbonem ignitum. Nonne vides, quòd ignis totum ferrum

ferrum penetrat, occupat, et ad suam puritatem, et nitorem trahit, sibi que penitus adstringit, et unit: Sic ergo considera, quòd Verbum divinum tanquam ignis splendidissimus totam naturam humanam Christi penetravit, et omnes ejus partes sibi univit. Nonne vides, quòd illa unio ignis cum ferro est ita intima, ut vix possimus alterum ab altero discernere, cum tamen certum sit, ibi post ignitionem manere naturam ferri. Hoc ergo modo debes cogitare unionem Verbi cū humanitate esse penetratissimam, et vix illius humanitatem totam esse imbutam, et refulgentem igne divinitatis; et nihilominus manere cum distinctione à natura divina Verbi, à qua magis illustratur, et perficitur quàm ferrū, vel carbo ignitus perficiatur ab igne secum penetrato. Et sicut durante unione ignis cum ferro, ferrum redditur incapax ferruginis, nigroris, et frigoris: ita humanitas ratione unionis cum divinitate est incapax peccati, & erroris, quorum foret capax, si non esset unita Verbo divino. Vnde humanitas Christi differt à nostra sicut differt carbo ignitus à carbone extincto; et sicut differt ferrum candens à ferro frigido. Denique advertere debes, quod sicut beneficio unionis inter ignem, et ferrum, operatio ignis

ignis tribuitur ferro, et operatio ferri tribuitur igni: dicitur enim ferrum splendere, calefacere, urere, accendere, et ignis potest dici secare, dividere, penetrare, condensari; imperfectiones tamen ferri ignem non efficiunt. Ita beneficio illius admirabilis unionis inter Verbum divinum, et humanitatem; ea, quæ sunt hominis tribuntur Deo, et ea, quæ sunt Dei tribuuntur homini: sic tamen ut imperfectiones humanitatis non lædant divinitatem; sicut ferrum sua nigredine non inficit ignem, cui conjungitur.

Sed potissimum ad hoc mysterium explicandum usus sum exemplo *animationis*: sicut enim anima rationalis, & caro unus est homo, ita Deus, & homo unus est Christus; ut inquit Athanasius in symbo'o. Adverte, Amete, quanta sit distantia inter animam, & carnem; anima enim est res subtilis, incorporea, simplex, viva, mobilis, pura, intelligens, immortalis, per se subsistens; caro est crassa, multiplex, impura, sordida, torpens, sensu, & ratione destituta, corruptioni obnoxia: & tamen anima vi sua, suoque contactu carnem extollit, & ad se trahit, sibi que substantialiter unit, & unus ex utroque homo constat: & per hanc unionem caro fit spiritualis, pulchra,

chra, viva, mobilis, & bonorum animæ participes, ita ut omnis honor, qui animæ deferatur, simul etiam deferatur carni. Rursus, caro non gestat animam, sed anima carnem, & hæc in anima veluti in sustentante recumbit, non autem anima in carne: unde caro ad hypostasim animæ elevata, & unita videtur. Præterea iste homo, v. g. Petrus, simul est anima, & caro, vel ut magis propriè loquar animalis, & carnalis, ut animalis anima rationali, est incorporeus, immortalis, & ratione præditus, ut carnalis, est corporeus, mortalis, & ratione carens, &c. Denique quidquid operatur aut patitur caro, operatur vel patitur homo animalis: & quidquid operatur aut patitur anima, operatur, vel patitur etiam homo carnalis. Ad hunc ergo modum licet quoad perfectionem inter naturam humanam, & Deum sit infinita distantia; tamen potest Deus sua infinita potentia naturam humanam in infinitam celsitudinem supra omnem creaturam attollere, & ad hypostasim, seu Personam Verbi (quæ naturæ humanæ, & singulis ejus partibus intimè præfens erat) insolubili, & substantiali nexu adstringere, & unire potuit, ita ut iam non illa in se, & per se, sed in Verbo, veluti ramus terrenus in cœlesti trunco, & velu-

ti corpus in regente, & sustentante se anima subsistere. Nec idcirco Verbum mutari, sed humanitas elevari, ad Verbum trahi, & modum quendam inexistendi Verbo accipere debuit. Sicut cum magnes attrahit, & copulat sibi ferrum, non magnes sed ferrum mutatur; cum Angelus assumit corpus, non Angelus, sed corpus mutationem patitur; & cum cera infunditur sigillo, ipsa, non sigillum mutatur. Hæc symbola adducit P. Lessius in tract. de Perfect. Divin. ad explicandum hoc mysterium, & illis ego usus sum ad imprimendam aliquam noticiam hujus veritatis illi Mauro, ne tantam difficultatem sentiret in ea credenda. Et in hoc colloquio aliquam partem viæ transegimus; sed quia ut inquit Isai. c. 7. v. 9. *Si non credideritis non intelligetis*, prius debet persuaderi mysterium aliquod esse revelatum à Deo, ac proinde credi debere, quàm illud rationibus explicemus; quia rationes illæ homini habenti fidem deserviunt ad acuendam intelligentiam; ubi autem fides non præcedit non sufficiunt ad persuadendum, illud mysterium esse verum; & ideo postquam explicui mysteria ista; aliam viam aggressus sum, qua pergere debent, qui infidelibus volunt persuadere vera esse mysteria nostræ fidei.

fidei. Nam colloquium hucusque habitum, in eum finem direxi, ut huic Mahumentano ostenderem non esse impossibile Mysterium Incarn. non autem ut rationibus persuaderem, debere ab illo acceptari ut verum.

CAPUT UNDECIMUM.

Quomodo Prædicatores Evangelici persuadere debent Infidelibus, vera esse mysteria nostræ Fidei.

Quia mysteria nostræ Fidei sunt omnino supernaturalia, & superant omnem rationem, & discursum naturalem, ratione naturali non potest directè ostendi eorum veritas; quia quod est supra omnem rationem, ratione demonstrari non potest. Et ideo licet possimus solvere, quæ contra illa obiiciuntur, quia cum impugnent veritatem, necesse est ut sint fallacia argumenta oppugnantia mysteria nostræ fidei: tamen non debet minister Evangelicus nisi rationibus ad directè probandum illa esse vera: *Quæ igitur fidei sunt* (inquit D. Thom. 1. part. q. 32. artic. 1.) *non sunt tentanda probari, nisi per auctoritates eis, qui auctoritates recipiunt. Apud alios*

vero sufficit defendere, non esse impossibile, quod prædicat fides. Vnde Dionys. dicit cap. 2. de Divin. Nomin. Si aliquis est, qui totaliter eloquiis resistit, longè erit à nobis a Phylsophia. Si autem ad veritatem eloquiorum scilicet sacrorum respicit, hoc & nos canone utimur. Hinc S. August. lib. de Fide, & symbolo cap. 9. circa finem ait: Fides inconcussa tenenda est ut dicamus istam Trinitatem unum Deum: nec temerè aliquid de invisibilibus affirmamus tanquam scientes, sed tanquam credentes: quoniam videri nisi mundo corde non possunt.

Colloquium ergo cum Amete Solimam prosequens, addidi: hucusque tibi explicui, quomodo sine repugnancia, & contradictione intelligi possit quod Deus factus sit homo; & quomodo Christus possit simul esse Deus, & homo: Nunc verò alia via utar, ut tibi persuadeam Christianæ Religioni nomen dare. Et imprimis, amice Amete, stultum est, quòd tu tibi persuadeas mysteria Religionis Christianæ esse falsa, quia tu ratione, & discursu tuo non potest assequi quomodo se habeant. Sic enim negare deberes, ut falsum omne illud quod tuo discursu non potes comprehendere. Hoc autem est manifestè absurdum: multa enim sunt, quæ ratio naturalis non

valet comprehendere . Inter Aristotelem, & alios Philosophos diù, acritèrque disputatum est, an continuum componatur ex punctis indivisibilibus , an ex partibus semper divisibilibus in minores, & minores sine termino. Et hucusque nemo Philosophorum hanc difficultatem omnino vincere potuit, & veritatem palàm detegere. Rem illi explicui, quæstio est inter Philosophos, an si Angelus dividat hunc unguem in duas medietates; et rursus unam medietatem in alias duas, et sic deinceps , an aliquando perveniret ad punctum aliquod indivisibile , quod ampliùs non posset dividi . In qua quæstione Princeps Philosophorum Aristoteles negat , & multi cum illo . At Zeno cum aliis affirmat . Et nemo hucusque clarè ostendere potuit quidnam eorum sit veritatem assecutus. Rursùs tu certa experientia cognoscis fluxus, & refluxus maris : & tamen unde nam illi proveniant, ignoras.

Nos omninò videres res à longe experimur , & interposito medio opaco eas non videre, & tamen ignoramus quomodo fiat tam mirabilis visio in humore oculorum . Experimus homines tam fœlicis memoriæ, ut continuata serie multa recitare valeant : & tamen quomodo fiat illa

memoratio, ignoramus. Scimus ex rudi massa formari fœtum in ventre fœminæ; & tamen quomodo id fiat, omninò ignoramus. Videmus ex grano, vel officulo arborem nasci, & quomodo id fiat nescimus. Experimur magnetem attrahere ferrum, & quomodo attractio fiat, ignoramus. Et ut alia omittam, vos Mauri creditis corporum resurrectionem; & tamen discursus naturalis non assequitur, quomodo corpus conversum in vermes, in hervas, vel in pisces (quando scilicet ab eis devoratur) possit resurgere. Ergò stultum est dicere: Deus non est Trinus, quia ego non assequor, quomodo hoc possit esse: Deus non est factus homo, quia ego non capio, quomodo id fieri potuerit. Ratio stultitiæ est, quia ratio evidens demonstrat, Deum esse infinitum, & incomprehensibilem ab omni humano, imò ab omni creato intellectu: si ergò est infinitus, poterit in se habere perfectiones aliquas, quas noster intellectus solo lumine naturali nequeat assequi: si est omnipotens: ergò potest aliquid facere, quod discursus humanus non potest assequi, esse possibile. Ergò stat Myſteria Trinitatis, & Incarnationis esse vera quamvis tu non possis mente tua illa capere: ergò stultum est asserere, *non ità est, quia ego non capio.* Xx 2 Chri-

Christiani non credimus hæc mysteria, quia illa intellectu nostro comprehendimus; sed quia Deus, qui nec fallere, neque falli potest, illa nobis revelavit: Deo autem loquenti credere debemus, quamvis non intelligamus, quomodo esse possit id, quod ipse dicit. Certè quod tibi difficultatem ingerit, difficultatem ingessit vehementem Philosophis, & sapientibus, qui extra Religionem Christianam educati, impossibile primò judicabant, Deum esse Trinum, & Unum, & hominem crucifixum esse Deum. Et tamen id postea firmissimè crediderunt, & in defensionem horum mysteriorum libros scripserunt, & multorum sanguinem pro hac fide profuderunt. Tales fuerunt Dionysius Areopagita, qui ad fidem Christi conversus est ab Apostolo Paulo (occasionem conversionis exposui ex Actibus Apostolorum, cap. 17.) Insignis iste Philosophus cum esset annos natus vigineti quinque, & Heliopoli in Egypto commoraretur, mirandam illam solis Eclipsim, quæ tempore Passionis Domini contigit, vidit: & causam ignorans obstupuit: & postea ex Paulo cognoscens hoc prodigium accidisse in morte Jesu Christi, quem Paulus Atheniensibus prædicabat; hinc motus non parum est

Demonstr. contra Mahumet. 685

est ad amplectendam eā fidem, quam Apostolus prædicabat . Et postea illam scriptis illustravit, & pro hac fide Martyr occubuit: imitatus Magistrum suum Paulum, qui prius magnam blasphemiam cogitabat, quod Apostoli prædicabant, nempe Jesum Nazarenum à Judæis crucifixum esse Filium Dei naturalem; postea verò à Christo miraculosè conversus, ejus divinitatem, mortem, & resurrectionem, & reliqua Religionis Christianæ mysteria in magna orbis parte prædicavit; & tandem in hujus fidei defensionem martyrium passus est Romæ simul cum Apostolo Petro . Talis etiam fuit conversio Justinii Philosophi sapientissimi, qui postquam perscrutatus fuit omnes penè sectas, veræ sapientiæ adipiscendæ causa, tandem ad fidem Christi conversus est, eamque doctissimis libris defendit, & Romæ pro ea martyrium subiit anno Christi 165. Talis quoque fuit Hilarius, qui cum esset Philosophus Gentilis, desiderans veram Philosophiam invenire, libros Philosophorum legens, & in eis quod quærebat non inveniens, tandem libros Sacræ Scripturæ perscrutatus est, & planè cognovit Scripturam Sacram Deum habere Authorem, & fidem Christi suscepit; & postea Episcopus Pictaviensis creatus, Fidem Ca-

tholicam confitentem divinitatem Jesu Christi, & Trinitatem Personarum accerrimè propugnavit contra Arrianos, ut constet ex ejus libris de Trinitate, in quorum principio suam conversionem scribit: & denique plenus sanctitate, & fide, multis undique virtutibus editis, ita ut, & mortuos suscitaverit, migravit ad cœlos, anno Christi 369. Talis etiam fuit magnus Ecclesiæ Doctor Augustinus, qui cùm esset subtilissimi vir ingenii, & in scientiis versatissimus, ex conversatione D. Ambrosii cœpit errores pristinos agnoscere, & tandem Catholicam Christi Fidem suscepit; omniaque illius mysteria, præsertim Trinitatem Personarum Divinarum, & Deitatem Christi contra hæreticos propugnavit.

Certè omnes isti, & multi alii, quos brevitas causa prætermittto, sapientiores multò erant, quam tû, fueruntque post conversionem Viri Sanctissimi, & dubitari non potest, quòd maximam experti sunt difficultatem in iis mysteriis, & tamen illa firmissimè crediderunt, & multi pro testificatione illorum vitam dedere: cur ergo tu non credes, quod tot tam illustres sapientia, & sanctitate Viri post diligentem omnium sectarum discussionem crediderunt? Aut cur quæso, illi sapientissimi Doctores

Ætiores captivaverunt intellectum suum ad credendum firmissimè mysteria , quæ non intelligebant , nisi quia urgentissima habuerunt fundamenta, quibus persuasi sunt, Deum revelasse mysteria hæc, & Authorem esse Religionis Christianæ ? Et indè bene intulerunt , hominem teneri credere Deo loquenti, quamvis loquatur mysteria , quæ excedunt naturalem nostrum discursum. Hæc autem fundamenta te etiam movere debent, ut id credas, quod illi crediderunt.

Dic mihi quæso: si aliquis tuæ sectæ *Papaz* (sic vocant Sacerdotes , & *Alfaquinos*) esset vir eximiæ probitatis , & veracitatis, essetque sapientissimus; ita ut suspicari prudenter non posses, eum , vel ex ignorantia falli, vel ex malicia velle fallere, tibi asseveraret rem aliquam valdè difficilem, & seridè testaretur, ità se habere; non ne illi affirmanti crederes ? Respondit annuendo : crederem , inquit , quia ita mecum discurrerem, hic *Vir* est sapientissimus , & ego homo ignarus ; ille multa scit, quæ ego ignoro : aliundè vero est *Vir* probus, & Sanctus , qui neminem decipere curaret : ergò prudentiæ erit , fidem illi tribuere . Benè dixisti : sed ex ore tuo te judico : si homini probo , & sapienti credere debemus, quæ narrat, quam vis ea per

nostrum discursum non assequamur, cur non credemus Deo loquenti, & testificanti? Hic respondit: si ego scirem Deum esse qui loquitur, libentissimè crederem, quamvis essent mysteria altissima supra meum captum. Et tunc ego: optimè dixisti: sed indè convinceris ut credas, Christum esse Deum, & in Deo non dari unam tantum personam, sed tres, quamvis tuo discursu id capere non possis: quia ego tibi manifestissimè probabo, Deum revelasse hæc mysteria, & manifestasse mundo.

Ad hoc probandum adduxi argumenta illa, quibus libro præcedenti demonstravi Christi divinitatem. Primò quia Christus fuit Propheta Sanctissimus, & Doctor veritatis, ut tu fateris: At manifestum est Christum de seipso dixisse se esse Filium Dei naturalem, verumque Deum: siquidem hoc ab ejus ore audierunt Apostoli, & toto mundo prædicarunt, & persuaferunt, & in testimonium hujus veritatis martyrium subierunt. Secundò, quia Christus doctrinam illam evidentibus confirmavit miraculis. Tertiò, quia Apostoli per totum orbem dispersi hanc doctrinam innumeris signis confirmarunt. Quartò, quia pro illa testificanda multa centena Martyrum

rum millia atrocissima passi sunt tormenta cum summa constantia, & magna lætitia. Quintò, quia in hac fide singulis sæculis floruerunt insignes Sancti, manifestis miraculis à Deo illustrati. Sextò, quia perfidi Judæi, quia Christum tanquam blasphemum occiderunt, à Deo deserti sunt, & severissimè usque modò puniuntur. Septimò, quia in sola Christi fide elucet notæ veræ Religionis, quas supra breviter perstrinxi, & explicavi. Hæc & similia argumenta petita à motivis credibilitatis confeci. Ad quæ obmutescibat Maurus, & fatebatur se, nescirere spondere iis argumentis.

Sed præcipuè institi primæ demonstrationi, quam supra confeci. Hic respondit Maurus, legem Christi fuisse quidem Sanctam, & à Deo datam, cæterum non durasse, nisi usque ad adventum Mahumeti; sicut lex Moytis fuit Sancta, & à Deo collata per Moysen tanquam per Legatum, & Nuntium Dei, & tamen non duravit, nisi usque ad adventum Christi. Aiebat ergò, has tres leges à Deo descendisse, & Moysen, & Christum, & Mahumetum fuisse Dei prophetas, & veras leges publicasse; cæterum duas priores jam cessasse, & abrogatas esse, solamque nunc in mundo esse veram

legem Mahumeti . Sed contrà ego manifestissimis argumentis ostendi , id nequaquam dici posse.

CAPUT DUODECIMUM.

Demonstratur , legem Mahumeti non successisse legi Christi , sicut lex Christi successit legi Moysis . Ubi exponitur quomodo lex Christi non sit opposita legi Moysis ; sed ejus adimpletio , & perfectio : & convincuntur Judæi contendentes , Sacramentum circumcisionis , & ceremonialia legis antiquæ , debere in æternum durare , quia sunt à Deo instituta.

Illa evasio Mauri , cum quo colloquebar , fundamentum habet in Alcorano , in quo Mahumetus frequenter docet , & asserit : *Quod Deus sublimis , & benedictus misit Moyse testamentum , id est scripturam veteris Testamenti , & legis Mosaicæ ; Davidi autem Psalterium , Jesu vero Filio Maria Evangelium , sibi autem Alcoranū .* Verùm , manifestum esse mendacium , quod Deus miserit Alcoranum Mahumeto , inde convincitur . Quia Alcoranum continet
do.

doctrinam contrariam Evangelio; & aperte negat quod Evangelium clarè docet, nempe Christum mortuum esse, & resurrexisse; Christum esse Deum, & dari in Deo Trinitatem Personarum. Undè est manifestum mendacium, quod Mahumetus pronunciat in quinto capitulo Alcorani, dicēs: *Hic liber, videlicet Alcoranum, Nec mendacium aliquod, neque aliquid præteritis Prophetis contrarium nuntiat*. Nam mors Christi, ejusque Resurrectio erat prænuntiata à Daniele, à Davide, & aliis Prophetis, ut infra ostendam manifestè: & ab omnibus Evangelistis uniformiter docetur: undè Alcoranum hoc negans, evidentè opponitur Prophetis. & Evangelio, ac proindè non est liber à Deo missus, sed à Diabolo inventus, & à Mahumeto confectus ad seducendum.

Undè contra evasionem Mauri insurgens, illi evidenter ostendi, legem Mahumeti non posse esse à Deo: quia cum certum sit, legem Moylis, & legem Christi à Deo descendisse, ut ipsi Mauri consentunt; necesse est, ut lex Mahumeti non descenderit à Deo: quia Deus sibi contradicere non potest; & per unum Prophetam nequit prius revelare unum mysterium, & per alium postea revelare oppositum. Deus
autem

autem per Prophetas antiquos revelavit, Christum moriturum,, & resurrecturum. Mahumetus autem apertè in Alcorano negat, Christum mortuum esse, ac proindè negat etiam resurrectionem, quia resurrectio mortem supponit. Rursus Christus manifestè docuit, se esse Filium Unigenitum Dei, verumque Deum; & docuit in Deo dari tres personas: idque scribunt Evangelistæ: & Apostoli omnes id mundo persuaferunt. Nam dum in orbem terrarum profecturi essent, ne ulla ex parte, aliqua, vel apparens inter eos in annunciatione Evangelii diversitas esset, communi consilio quosdam Fidei Canones, quibus universam Christianam fidem præstringentes stabilirent, constituerunt; quos proprio nomine Dei Ecclesia *SYMBOLUM APOSTOLORUM* dicere consuevit; vel quia singuli ad illud perficiendum attulerint suum symbolum, vel quoniam qui verè Christiani essent eo symbolo velut thespera militari, aut indicio dato, ab iis, qui falsò Christum prædicarent, dignoscerentur, ut docet Ruffinus D. Hieronymi coætanus in præfatione expositionis symboli.

Ex his clarè cognoscere potes, Amete, Mahumetum non fuisse Dei Prophetam, sed seductorem. Ad hæc Maurus, ne co-

ge.

geretur fateri, vel Christum ejusque Evangelistas, & Apostolos falsam doctrinam prædicasse, vel Mahumetum non fuisse verum Dei Prophetam, respondit, Evangelium prout ex ore Christi manavit, atque ab ejus Apostolis, & Evangelistis descriptum est, absque falsitatis commixtione verum esse: cæterum à posteris Christianis infectum, & falsificatum esse in multis, nimirum, in illis omnibus, in quibus discordat ab Alcorano. Et hæc est communis solutio ad quam recurrunt Mahumetani, quando fit argumentum contra ipsos ex libris Prophetarum, & Evangelistarum, quos ipsi ut libros Dei venerantur. Et sumitur ex Alcorano. A zorà 12. Videns enim Mahumetus doctrinam suam esse contrariam Evangelio, quod ipse sæpe laudaverat, ne videretur sibi contradicere, dixit, Evangelia esse corrupta, & adulterata à Christianis: & se solum in suo Alcorano habere puram, & incorruptam doctrinam Christi, & Prophetarum, qui ante ipsum præcesserunt. Hanc Mauri evasionem ità præclusi, tamque patienter de falsitate convici, ut obmutesceret, & quid opponeret, non haberet. Et infra seorsim adducam argumenta, quibus Christi prædicator possit hanc Mahumetanorum fabulam apertè confutare. Ad col-

loquium autem rediens addidi.

Lex Moyſis ſancta fuit, & à Deo data; cæterum in illa nihil continetur, quod non concordet Evangelio : non exiſtines. Ame- te, legem Chriſti eſſe contrariam legi Moy- ſis : Chriſtus enim ipſe dixit, ſe non veniſ- ſe ſolvere, ſed adimplere legem Moyſis : *Nolite putare, quoniam veni ſolvere legem, aut Prophetas: non veni ſolvere, ſed adim- plere. Amen quippè dico vobis, donec tran- ſeat Cælum, & Terra, jota unum, aut unus apex non præteribit à lege donec omnia- fiant.* Matth. 5. v. 17. & 18. Si me interro- gaveris, quomodo Chriſtus dicit ſe non- veniſſe, ut legem ſolveret. ſed adimpleret, cùm reiſſa ſolverit, & abrogaverit, & poſt Chriſti adventum ceſſaverit lex Moyſis ? Reſpondeo tibi ; veriſſimum eſſe, quòd Chriſtus non venit, ut legem ſolveret, ſed adimpleret ; Primò, quia quandiu lex vi- gere debuit, ipſe eam diligentiffimè obſer- vavit (quamvis ad ejus obſervationem non teneretur, quia erat Deus) & ut Apoſtoli obſervarent curam habuit ; & idè ipſe, & Apoſtoli circumciſi ſunt, & aſcendebant quotannis ad Templum ad diem Feſtum. Secundò dicitur non ſolviſſe, ſed adim- pleſſe, quia benè interpretando perfecit. Tertiò legem implevit, quia gratia, per quam

quam impleri posset, nobis attulit: ut enim inquit Evangelista Joannes cap. 1. v. 17. *Lex per Moysen data est, gratia autem per Jesum Christum facta est*, & ideo ut Augustinus, *prius jubebat. sed non juvabat. Post Christi adventum, & jubet, & juvat.* Quarto, quia quæ in lege promissa erant, exhibuit; quæ cæremoniis, & figuris adumbrata, repræsentavit.

Itaque cum in lege, & Prophetis quatuor essent partes, nempe promissa, & vaticinia; præcepta Decalogi; cæremonialia; atque judicialia: Christus omnia complevit: promissa, & vaticinia complevit, exhibendo quæ promissa, & prædicta erant: præcepta moralia Decalogi complevit, melius interpretando, & falsas expositiones Scribarum, & Phariseorum, rejiciendo: complevit cæremonialia, exhibendo illa, quæ per cæremonias repræsentabantur, & adducendo veritatem illarum figurarum, & corpus illius umbræ, ut pro Circumcisione carnis, Baptismum, & Circuncisionem cordis; & pro sacrificiis animalium, & avium, Sacrificium sui corporis in Cruce offerendum; & pro sacrificiis, & oblationibus panis, & farinæ, sacrificium incruentum corporis, & sanguinis sui in Eucharistia: denique complevit

plevit judicialia, quia præmia, & supplicia corporea, & temporalia, quæ Lex Moysis promittebat, vel comminabatur populo illi rudi, & carnali, Christus in spiritualia, & æterna commutavit.

Quare legem illam antiquam Christus abrogavit, non solvendo, sed adimplendo; non violando, sed perficiendo; sicut pictor (ut Theophil. ait) inchoata, & extremis tantùm lineamentis adumbratæ imagini, dum ultimam apponit manum, & colores adhibet, priorem imaginem abolet, & novam inducit, abolet autem non dissolvendo, sed absolvendo, non delendo, sed perficiendo.

Undè lex Moysis, & lex Christi non comparantur inter se tanquàm duæ lèges specie diversæ, & inter se oppositæ; sed tanquàm duæ leges respicientes eundem finem, quarum altera imperfectè, altera perfectè illum finem attingit; vel potius tanquàm una, & eadem lex secundùm statum perfectum, & imperfectum: non differunt illæ duæ leges, sicut differunt homo, & brütum; sed sicut differt homo, dum est vir, à seipso, dum est puer. Lex antiqua data est per Moysen à Deo Populo Israelitico, sicut puero: lex Evangelica data est generi humano à Deo per Christum

stum Filium suum, sicut viro. Genus humanum sub lege veteri erat in statu pueritiæ; sub lege autem nova est sub statu virilitatis, & perfectionis, ut enim inquit S. Thomas 1.2. quæst. 91. art. 5. ad 1. *Sicut Pater familias in domo alia mandata proponit pueris, & alia adultis: ita etiam unus Deus in suo regno aliam legem dedit hominibus adhuc imperfectis existentibus, & aliam perfectiorem jam manuductis per priorem legem ad maiorem capacitatem divinarum.*

Itaque lex potest considerari secundum finem, ad quem ordinat homines, & secundum propinquitatem ad finem, vel distantiam ab illo. Si primo modo consideretur, *Lex nova non est alia à lege veteri* (inquit S. Thom. 1.2. quæst. 97. art. 1.) *Quia utriusque est idem finis, scilicet ut homines subdantur Deo, est autem unus Deus, & novi, & veteris Testamenti secundam illud, Rom. 3. unus Deus est, qui iustificat circumcissionem ex fide, & præputium per fidem.* Si autem consideretur secundo modo, *Lex nova est alia à veteri: quia lex vetus est quasi Pedagogus Puerorum, ut Apostolus dicit ad Galatas 3. lex autem nova est lex perfectionis, quia est lex charitatis, de qua Apostolus dicit, Colos. 3.*

quod est vinculum perfectionis.

Quare lex nova comparatur ad veterem sicut perfectum, & imperfectum; & quia omne perfectum adimplet id, quod imperfecto deest; idè lex nova adimplet veterem, in quantum supplet illud, quod legi veteri deerat, ut docet ibidem art. 2. idem S. Doctor. Quamvis autem aliqua dederit præcepta Deus hominibus in illo statu legis veteris, quæ cessarunt adveniente, & promulgata lege nova, quia illa erant convenientia pro illo statu, & non erant convenientia pro statu legis novæ; tamen non revelavit Deus de seipso aliquid in lege veteri, quod negaverit in nova: in lege veteri sub umbris, & figuris significavit Trinitatem personarum, licèt non proposuerit expressè hoc mysterium illi populo rudi, ne sumeret inde occasionem existimandi esse tres Deos: manifestationem hujus mysterii reservavit tempori legis novæ, in quo misit Unigenitum suum in mundum, ut ipse, qui est in sinu Patris, enarraret. Benè quidem potest Deus in uno tempore revelare, & manifestare aliquod mysterium, quod in alio non revelavit; nequit tamen illud ipsum, quod prius de seipso affirmavit, postea negare. Ut constat ex prima nostra demonstratione.

Crea-

Creavit Deus primum hominem in gratia, & iustitia originaria ad finem supernaturalem visionis beatificæ, amoris, & gaudii inde resultantium; eo pacto, & conditione, ut si observaret præceptum non edendi fructus arboris scientiæ boni, & mali, conservaret sibi, & derivaret in posteros eam gratiam, & iustitiam; si autem peccaret, eam amitteret sibi, & posteris, omnesque manerent sub captivitate peccati, & potestate Diaboli. Peccavit Adamus, & totam posterorum massam corripit, infecitque peccato, & subiecit se, & omnes suos posteros captivitati Diaboli. Deus autem summè bonus, & misericors decrevit Filium suum Unigenitum in hunc mundum mittere, ut indutus carne, Diabolum vinceret, & captivos eriperet de ejus tyrannica potestate. Decrevit autem differre hujus mysterii executionem per multa sæcula propter rationes, quas expendit D. Thom. 4. contra gent. cap. 55. num. 9. & 3. part. quæst. 1. art. 5. Præstitit tamen tempus convenientius ad tanti mysterii dispensationem. Ut autem pararet sibi populum, in quo erat nasciturus, apparuit Abrahæ, illumque elegit in patrem credentium; & Abrahæ posteros multiplicavit, ut ex illis constitueret Synagagam:

filios Israel in signis, & portentis eduxit de Ægypto; promisit adventum Messiae, & Salvatoris per Prophetas, dedit legem Populo Israel, eique dedit præcepta moralia, quæ semper erant permanfura, scribens in tabulis lapideis decem præcepta Decalogi, quæ, in prima creatione, imprefferat tabulis cordis, quia videlicet illa erant pænè oblitterata ex multitudine peccatorum, quæ mentem obcæcabant; dedit etiam præcepta quædam cœremonialia de sacrificiis, & oblationibus, quæ adumbrabant, & representabant sacrificium mortis, & Passionis Christi: dedit etiam præcepta judicialia, quasi propria illius populi, ut illum separaret à consortio Gentilium, ne ex illorum contubernio, & communicatione inciderent in peccata fœdissima, quibus idololatræ contaminabantur. Ut autem reciperent Messiam, quando veniret, prænuntiavit per Patriarchas, & Prophetas tempus, & locū, ubi, & quādo erat nasciturus: & mores ejus, miracula, Discipulos, & mortem præsignavit, sub velis tamen, & figuris, ut fides locum haberet. Tota autem illa lex antiqua erat imperfecta, ejusq; finis erat disponere homines ad suscipiendum Messiam venturum, & legem perfectam ab eo promulgandam.

Quod

Quod egregiè explicat S. Thom. 4.
contra gent. cap. 15. num. 9. „ Quia hoc
„ requirit condicio humanæ naturæ ut
„ non statim ad perfectum ducatur, sed
„ manuducatur per imperfecta, ut ad
„ perfectionem perveniat: quod & in in-
„ structione puerorum videmus, qui pri-
„ mo de minimis instruuntur: nam à
„ principio perfecta capere non valent: si-
„ militer etiam si alicui multitudini ali-
„ qua inaudita proponerentur, & magna,
„ non statim caperent, nisi ad ea assuesce-
„ rent, sic igitur conveniens fuit à princi-
„ pio, ut humanum genus instrueretur de
„ iis, quæ pertinent ad suam salutem per
„ aliqua levia, & minora documenta per
„ Patriarchas, & Prophetas; & tandem
„ in consumatione temporum perfecta
„ doctrina Christi proponeretur in terris,
„ secundum quod Apostolus dicit ad Ga-
„ lat. 4. *At ubi venit plenitudo temporis*
misit Deus Filium suum in terris: & ibidè
dicitur: Quod lex pædagogus noster fuit in
Christo; sed jam non sumus sub pædago.
„ Et sicut ad adventum magni regis opor-
„ tet aliquos nuntios præcedere, ut præ-
„ parentur subditi ad eum reverentiùs su-
„ scipiendum: ita oportuit adventum Dei
„ in terris multa præcedere, quibus homi-

„ nes essent parati ad Deum incarnatum
 „ suscipiendum: quod quidem factum est,
 „ dum per præcedentia promissa, & docu-
 „ menta, hominum mentes dispositæ sunt,
 „ ut facilius ei crederent, qui antea præ-
 „ nuntiatus erat, & desiderantiùs susci-
 „ peretur propter priora promissa:

Postquam autem Christus venit, de-
 buit cessare lex vetus quoad præcepta cœ-
 remonialia, & judicialia, & quoad Sacra-
 menta, quæ habebat lex illa; quia lex quoad
 illas cœremonias, & leges municipales se-
 parantes Judæos à Gentilibus, debuit ces-
 sare quando venit Christus, qui in illis præ-
 figurabatur; & qui veniebat ad salvandos
 omnes homines, & congregandam unam
 Ecclesiam ex Judæis, & Gentilibus, juxta
 illud Pauli ad Ephes. 2. vers. 14. *Qui fecit*
utraque unum. Et cum omnia Sacramen-
 ta, ex Passione Christi efficaciam habeant,
 sanè, Sacramenta, quæ præcesserunt Incar-
 nationem Christi, talia esse debuerunt, ut
 significarent, & quodammodo repromit-
 terent salutem futuram ex Christi Passione:
 undè cessare debuerunt, postquam Christus
 redemptionem generis humani sua morte
 consumavit. Et debuerunt illis succedere
 Sacramenta, quæ hominibus reipsa salu-
 tem exhiberent ob meritum passionis jam
 præ-

præsentis. Et hinc confutatur error Judæorum, qui credunt Sacramenta legalia propter hoc quòd à Deo sunt instituta, in perpetuum esse servanda; cùm Deus non pœniteat, neque mutetur. Confutatur, inquam, quia ut optimè inquit D. Th. 4. contra gent. c. 57. „ Absque aliqua mutatione, „ vel pœnitentia disponentis, fit, quòd diversa disponat secundum congruentiam „ temporum diversorum, sicut pater familias alia præcepta tradit filio parvulo, „ & alia jam adulto; sic & Deus congruenter alia Sacramenta, & præcepta ante „ Incarnationem tradidit ad significandum „ futura, alia post Incarnationem ad exhibendum præsentia, & memorandum „ præterita. Quare post Passionem Christi cessare debuit circumcisio: quia hæc instituta fuit in signum fidei Abrahæ: fides autem Abrahæ fuit commendata in hoc, quòd credidit divinæ promissioni de futuro semine, in quo benedicerentur omnes gentes, id est de futuro Christo, & idèò quandiù hoc erat futurum, oportebat protestari fidem Abrahæ in circumcissione: sed postquàm hoc jam est perfectum, oportet idem alio signo declarari, scilicet Baptismo, qui in hoc circumcissioni succedit, secundum illud Apostoli ad Colosens. 2. Cir-

*cumcisi estis, circumcissione non manu facta
 in expoliatione corporis. sed in circumcissione
 Christi, conscripti in Baptismo.* Ita
 D. Thomas 1. 2. quæst. 103. art. 3. ad 4.
 Audiamus etiam D. August. tom. 1. lib. de
 Vera Relig. cap. 17. egregiè explicantem,
 quo pacto lex nova veteri non opponatur,
 se utraque à Deo sit. „ Quisquis autem,
 „ (inquit) idèd negat utrumque testamen-
 „ tum ab uno Deo esse posse, quia non
 „ eisdem Sacramentis tenetur populus no-
 „ ster, quibus Judæi tenebantur, vel ad-
 „ huc tenentur: potest dicere, non posse
 „ fieri ut unus pater familias iustissimus
 „ aliud imperet eis, quibus servitutem
 „ duriorè utilem judicat, aliud eis, quos
 „ in filiorum gradum adoptare digna-
 „ tur. Si autem præcepta vitæ movent,
 „ quod in veteri lege minora sunt, in
 „ Evangelio majora, & idèd putatur non
 „ ad eundem Deum utraque pertinere;
 „ potest, qui hoc putat perturbari, si unus
 „ medicus alia per ministros suos imbe-
 „ cillioribus, alia per semetipsum valen-
 „ tioribus præcipiat ad reparandam, vel
 „ obtinendam salutem. Ut enim ars me-
 „ dicinæ cùm eadem maneat, nec ullo pa-
 „ cto ipsa mutetur, mutat tamen præcep-
 „ ta languentibus, quia mutabilis est no-
 „ stra

- „ Ara valetudo : ità divina providentia ,
„ cùm sit ipsa omninò incommutabilis,
„ mutabili tamen creaturæ variè subve-
„ nit, & pro diversitate morborum aliis
„ alia jubet, aut vetat, ut à vitio , unde
„ mors incipit , & ab ipsa morte ad natu-
„ ram suam, & essentiam, ea quæ deficiunt,
„ id est, ad nihilum tendunt, reducat, &
„ firmet .

CAPUT DECIMUMTERTIUM.

*Demonstratur, legem Christi non potuisse
abrogari per legem Mahumeti, quoniam
vis lex Moysis sit abrogata per
legem Christi,*

HIs sic explicatis , ad Maurum conver-
sus, nonne vides, inquam, Amete,
quomodo inter se benè cohæreant, quòd
Deus sit Author legis Mosaycæ , & legis
Christi ? At minime cohæret, quòd sit Au-
thor legis Christi , & simul author legis
Mahumeti : nam Deus nequit mentiri, ne-
que quod semel revelavit, potest falsificari.
At per Christum docuit homines , Deum
esse Trinum in personis ; ipsumque Chri-
stum esse Filium suum Unigenitum , quem
in hunc mundum misit ad salvandum ge-
nus

nus humanum per mortem, & Passionem, suam; mundoque per Apostolos persuasit, hominem crucifixum esse Deum, & tertia die resurrexisse, & corpus suum, & sanguinem hominibus reliquisse in Sacramento Altaris; Baptismum esse necessarium ad salutem, circumcisionem autem jam cessasse. Cum ergo Mahumetus hæc omnia neget, evidenter convincitur, eum non fuisse Dei Prophetam, sed seductorem, qui, honesto Religionis titulo, imperium usurpavit.

Clarissimèque hoc perspicere pòtes: nam quia postquàm Deus dedit legem populo per Moysen, daturus erat legem perfectam per Christum: in lege veteri per Patriarchas, & Prophetas promisit Christum, illiusque adventum prænuñciavit: & prædixit omnia, quæ futura erant tempore legis novæ. Si ergo Deus missurus erat in mundum perfectissimum Legislatorem, maximumque Prophetarum, qualem vos Mahumetum fuisse creditis, illius adventum prænuñciavisset in lege Moyse; & in lege Christi, ut scilicet mūdus eum tãquam Dei Prophetam susciperet, & legem ab eo promulgatam ad salutem necessariam amplecteretur. At manifestissimum est, nec Deum in veteri Testamento, nec in novo promississe
Ma-

Mahumetum; nec in illo fuisse à Christo prænūciatum, nisi sub generali ratione falsorum Prophetarum, cum dixit Matth. 24. v. 11. *Multi pseudo Prophetæ surgent, & seducent multos*. Ergo certum est Mahumetum non fuisse Dei Prophetam, nec legē dedisse, ut verum Dei ministrum.

Sed miseri Mahumetani meridiana in luce caligant, & credunt illum fuisse prænūciatum à Moysē, & Christo; cæterum Judæos, & Christianos in odium Mahumeti delevisse ea quæ in scripturis de eo erant prænūciata: idque credunt, quia Mahumetus ipse in Alcorano ad præoccupandam hanc objectionem testatur, mentionem fieri de eo in veteri, & novo Testamento. Siquidē Azorà 60. affirmat, Dominum nostrum Jesum Christum eum prænūciasse, & in Evangelio suo hæc verba posuisse: *Amen amen dico vobis, quod post me venturus est Apostolus Dei, qui vocabitur Mahumed*, seu Mahumetus. Refert autem theatrum vitæ humanæ tom. 1. fol. 559. esse opinionem apud Mahumetanos, in cap. 14. Joann. v. 16. ubi nos legimus, *Ego rogabo Patrem, & alius paraclytū dabit vobis*, antea, loco paraclyti, legi *Mahumed*, quasi Christus dixisset: *Ego rogabo Patrem, & Mahumetum dabit vobis*.

Verum

Verùm hoc esse inſigne mendacium, facile evincitur, quia eadem Evāgelia quæ in Eccleſia leguntur, fuerunt in Eccleſia Chriſti ante adventum Mahumeti, ut conſtat ex expoſitionibus Sanctorum Patrum. Hieron. Ambr. Baſilii, Nazianzeni, Athanaſii, Chriſoſtomi, Auguſtini, & Gregorii, qui ante Mahumetum floruerunt; nam hic poſtremus mortuus eſt anno Chriſti 604. Mahumetus vero anno 631. reliqui autem multò ante floruerunt. In iis enim expoſitoribus, nec apud ullum ſcriptorem, nec in aliquo exemplari, vel verſione Evangeliorum mentio ulla facta eſt Mahumeti: certum eſt autem non potuiſſe Chriſtianos, vel Judæos in odium Mahumeti corrumpere ſcripturas, antequam Mahumetus in mundum veniſſet. Deindè, cùm Moyſes Deuteronomii 4. ſeveriſſimè prohibuerit aliquid addere, vel detrahere Sacris Scripturis, dicens: *Non adicietis ad verbum, quod ego precipio vobis, neque auferetis ab eo.* Et cùm Joannes Apoc. 22. id ipſum prohibens, dicat: *Si quis appoſuerit ad hac, apponat Deus ſuper eum plagas ſcriptas in libro iſto, & auferat eum de libro vite:* quis niſi ſtultus credat Judæos, vel Chriſtianos voluiſſe à ſacris litteris abradere nomen Prophetæ, quem Deus illis pro:

pro:

promitteret, præsertim antequàm cognoscerent, qualis futurus esset. Idque ampliùs constabit ex dicendis infra, quando probemus scripturas non esse corruptas. Constatque manifestè easdem extare nunc veteris Testamenti versiones, quæ exiterunt tempore Christi, & ante ejus adventum, in quibus nulla mentio Mahumeti fit.

Estque manifestum, Paraclytum, quem Christus promisit Joannis 14. non esse Mahumetum: nam adventus illius Paraclyti promittitur futurus intra paucos dies Act. 1. v. 15. *Non post multos hos dies; Mahumetus autem venit post sexcentos annos.* Secundò, quia illum Paraclytum, promittit Christus Apostolis, ut eos instrueret: *Ille vos docebit, & suggeret vobis omnia, quacumque dixero vobis.* Joann. 14. 26. Mahumetus autem Apostolos non docuit. Tertiò, quia Christus dixit, illum Paraclytum esse invisibilem: *Quem mundus non potest accipere, quia non videt eum, nec scit eum.*

Alio etiam argumento evidenti probavi illi Mauro, legem Mahumeti non esse datam à Deo post legem Christi, sicut lex Christi fuit data post legem Moylis. Quia si res ita se haberet, lex Mahumeti esset perfectior lege Christi, & lex Christi foret di-

dispositio ad legem Mahumeti, sicut lex Moyfi fuit dispositio ad legem Christi: Deus enim in instructione generis humani procedit ab imperfecto ad perfectum, ut supra explicuimus cum S. Thom. At hoc est manifestè falsum; quia Christus in Evangelio docuit altissimam vitæ sanctitatem, quam posuit in ardenti, & perfecta Dei dilectione; & ad eam assequendam altissima dedit consilia, contemnendi divitias, honores, & delectationes carnales, abnegandi seipsum, sumendi Crucem suam, diligendi inimicos, tolerandi injurias, & exercendi perfectissima omnium virtutum opera, patientiam, humilitatem, continentiam, temperantiam, &c. Et omnium virtutum se exhibuit exemplar perfectissimum. Hanc autem perfectionem lex Mahumeti non præcipit, nec consulit. Immo in Alcorano docet, ut fideles reddant malum pro malo, & easdem injurias, molestias, atque læsiones inferant aliis, quam ab illis patiuntur, & carnis delectationibus laxat habenas. Tantumque abest ut virginitatem, vel castitatem consulat, ut ejus observacionem censeat impossibilem: sic enim in Alcorano ait: *Nocturnos coitus cum mulieribus promittit nobis Deus, sciens nobis hujus rei abstinentiam, tam difficilem,*

tum impossibilem esse. Ipsique Mahumetani dicunt, nimis arctam, & spiritualem esse legem Christi; proptereaque sapienter egisse Altissimum mittendo Mahumetum Regnis Arabum cum lege laxa, ac facili: ipseque Mahumetus in Alcorano inquit: *Deus nequaquam difficilia, seu ardua requirit à nobis*. Et sæpè dicebat se missum fuisse à Deo ut legem Christi, quæ nimis rigida erat, temperaret, & per mitiora præcepta homines duceret in Paradisum.

Ipsaque impura Mahumeti vita, evidenter probat, illum non fuisse Dei Prophetam: quod latè in hoc colloquio huic Mauro exposui, & infra seorsim proponam.

Denique illam Mauri evasionem manifestè confutavi, quia si lex Mahumeti comparatur ad legem Christi, sicut lex Christi comparatur ad legem Moysis, sequitur legem Christi post adventum Mahumeti abrogatam jam esse, sicut abrogata fuit lex Moysis post adventum Christi; ac proindè jam homines in illa, non salvari; sicut post adventum Christi, non salvantur in lege Moysis. At hoc esse evidenter falsum, constat, primò: quia post adventum Mahumeti floruerunt singulis sæculis in Ecclesia Christi multæ fœminæ, & viri san-

sanctitate insignes, & gloria miraculorum illustres: Deus autem sectatores falsarum sectarum miraculis, & signis non illustrat. Et ideo in Synagoga, postquam Christus venit, nullus extitit Propheta, nullus homo, qui gloria miraculorum claruerit; cum tamen ante adventum Christi tot miracula, & prodigia operatus fuerit Dominus per Moysen, per Josue, per Eliam, per Eliseum; aliosque Viros Sanctos: & ratio est, quia postquam Christum occiderunt, & ejus Apostolos persecuti sunt, ablata sunt eis omnia supernaturalia beneficia, & privilegia consueta, gratia prophetiae, efficacia miraculorum; reprobataque sunt à Deo eorum Sacrificia: quod hoc argumentò probat Chrysostomus: nam Deus in lege illa præcipiebat, ne sibi offerrentur sacrificia extra Templum Hierosolymitanum. Ergò cum templum illud destruxerit Deus in vindictam occisionis Christi, utens tanquam instrumento Imperatoribus Tito, & Vespasiano; signum est, jam sacrificia illa reprobasse. Quod hoc simili explicat: nam si ægrotus enixè à Medico postulasset facultatem bibendi vinum, eamque concessisset Medicus eo pacto, & conditione, ut non biberet nisi per talem scyphum, quem ipsi assignasset: & postea vas illud Medi-

cus

Demonstr. contra Mahumet. 713

cus ipse infringeret : planum est , quòd
Medicus hoc factò protestaretur, se nolle, ut
ægotus vinum gustaret . Hoc ergò pactò
dicimus jam Deo non placere sacrificia, &
victimas Hebræorū; quia destruxit Tēplū,
in quo unicè licebat illi populo sacrificia
Deo offerre. Abstulit ergò Deus ab illo po-
pulo Charismata supernaturalia, & ejus sa-
crificia reprobat : omnemque illam ex-
cellentiam vaticiniorum , miraculorum,
privilegiorum , & Divinorum Charisma-
tum transtulit in Apostolos , & in Christi
Ecclesiam, in qua semper floruerunt, & nūc
florent; quod signum manifestum est, Deum
Ecclesiam Christi diligere ut Sponsam , &
velle eo modo coli, quo illa à Christo , &
Apostolis edocta præscribit : Alio deindè
sensibili , & manifesto argumento hoc ip-
sum comprobatur : quia Deus statim post
peccatum primorum parentum , Christum
promisit, qui Diabolum vinceret , ut dedu-
cunt communiter Patres ex verbis illis, quæ
Deus adversus serpentem pronuntiavit: *Ip-
sa conteret caput tuum* , Genes. 3. vers. 16.
promisit ejus adventum Abrahæ . Genes.
22. v. 18. *Benedicentur in semine tuo om-
nes gentes terræ* . Et Patriarcha Jacob Ge-
nes. 49. 10. prædixit Christi adventum illis
verbis : *Non auferetur sceptrum de Juda,
et dux de femore ejus, donec veniat, qui mit-*

tendus est. Prædixit etiam, & promisit
 Moyſes Deut. 18. v. 15. *Prophetam de gen-*
te tua, & de fratribus tuis ſicut me, ſuscita-
bit tibi Dominus, &c. Promiſit, & prænun-
 tiavit per alios Prophetas ejus adventum
 variis ſignis præfigurans: & cùm venit,
 dedit illi poteſtatem faciendi magna, & ſtu-
 penda miracula, ut ipſe Mahumetus in Al-
 corano Azorà 1. teſtatur. Introducit enim
 Angelum alloquentem cum Maria ſub
 „ hac forma: O Maria omnibus viris, &
 „ mulieribus ſplendidior, mundior, atque
 „ jucundior, tibi ab univerſitatis creatore
 „ mittitur ſummi nuncii gaudium cum
 „ Verbo Dei, cujus nomen eſt Jeſus Chri-
 „ ſtus, qui eſt facies omnium gentium in
 „ hoc, futuroque ſæculo, ſapiens, vir opti-
 „ mus, ipſe Deus Filium tuum cum divi-
 „ na virtute venientem edocebit librum
 „ legiferum, omniſque Magiſterii peritiam,
 „ & Teſtamentum, ac Evangelium. Ille
 „ cæcos, & mutos curabit, morpheaticos,
 „ ac leproſos mundabit, mortuos, creato-
 „ re cooperante, vivificabit, &c. Hæc Ma-
 „ humetus de Chriſto. Cum tamen de
 „ ſeipſo in Alcorano dicat: *Non ſibi da-*
 „ *tum eſſe ſignum aliquod facere*, ut teſta-
 „ tur Carthuſianus lib. 2. art. 9. pag. 103:
 Fateturque ſe eſſe *Prophetam ignorantem*.
 Si ergò Deus tot retrò milliaribus annorū

per Prophetas , & Patriarchas promissæ
Christum, illumque, & legem ab eo dandam
prænuñtiavit ; ipsumque tot prærogativis,
& excellentiis ornavit, quales , nec Moy-
si, neque ulli Prophetarum unquam concessit;
quis, nisi stultus, potest credere , legem ab
illo tot prodigiis inductam, & propagatam,
solum sexcentis annis durasse? Si lex Moy-
sis, quæ imperfecta erat , & solum disposi-
tio ad legem Christi, duravit , ultra mille,
& quingentos annos (nam ab egressu fi-
liorum Israel de Ægypto usque ad Christi
Nativitatem transierunt 1518. anni) quis
mentis compos credere potest legem Chri-
sti perfectam, solum sexcentis annis duras-
se? Si umbra, & figura tantopere duravit,
res figurata , & significata quomodo potuit
tam citò finire? Quorsum tot miraculorū,
& Prophetiarum apparatus , si lex Christi,
tam exiguo tempore erat permanstura?
Quomodo Angelus dixit Luc. 2. 33. *Dabis
illi Deus sedem David Patris sui , & Regni
ejus non erit finis* ; Si ejus Regnum, & Ec-
clesia intra tam breve tempositis interval-
lum interitum erat.

His auditis argumentis obmutuit
Maurus, & fatebatur se nescire illis respon-
dere : non potui tamen ei persuadere , ut
Baptismum peteret. Illum in nostro Col-

gio Malacensi Religiosi perhumaniter tractarunt. Ego verò ad extremum illum amicabiliter, & familiariter alloquens, dixi: Amice Amete, coram Deo ignorantiam allegare non poteris: ego tibi veritatem manifestè annuntiavi. Si adhuc dubitas, an ego vera locutus sim, Deum roga, ut tibi veritatem manifestet, ut tenebras mentis tuæ illuminet, & te doceat viam salutis. Post tot argumenta audita, saltem debes dubius manere, an tibi sit necessarium ad salutem æternam, Religionem Christianam suscipere: - agitur hæc de summa rerum; Deum ergò enixè roga, ut te illuminet: & ut merearis à Deo illuminari, vitia fuge, pietatem sectare, Deum super omnia diligere, & proximum sicut te ipsum, & decem præcepta Decalogi diligenter observa: hæc enim omnes homines obligant. Donavi illi doctrinam Bellarmini, & rogavi, ut attente legeret explicationem mysteriorum nostræ Sanctæ Fidei, sperans, fore ut aliquando veritatem agnosceret: & post multa charitatis signa, & amicabilem amplexum, Maurum dimisi. Audivi postea hunc hominem gravi morbo oppressum, Baptismum petiisse. Rem tamen satis exploratam non habeo, maximam tamen spem concepi, eum tandem moriturum Christianum.

LIBER QUINTUS.

IN Q U O

Demonstratur, Christum mortuum esse, & resurrexisse, contra id, quod Alcoranus fabulatur: & exponitur, cur Deus fieri voluerit homo passibilis: & ostenditur, nec novum, nec vetus Testamentum fuisse corruptum à Christianis, ut Mahumetus finxit.

CAPUT PRIMUM.

Demonstratur contra Mahumetanos, Christum mortuum esse, & resurrexisse; indeque evidenter ostenditur, Alcoranum mendaciis, & fabulis plenum esse.

Nicolaus de Cusa Cardinalis in sua Crivatione Alcorani lib. 1. cap. 3. ait; totam intentionem Mahumeti in Alcorano hanc esse, ut scilicet persuadeat Christum, seu Messiam, nec Filium Dei esse, neque pro hominibus Crucifixum, & mortuum. Quoniam Christum Filium Dei esse, & in Cruce mortuum, est fides illa, quæ vincit

Diabolum, & Mundum, & sola est vera, & perfecta, & nulla fides præter illam resistere potest Diabolo, & dare victoriam, & immortalem vitam in Regno Cœlorum intellectuali, & incorruptibili: ideò hoc medio Sathan, de mundo ipsam Evangelicam fidem omninò eliminare conatur.

Mahumetus igitur in Alcorano lib. 2. Azorà 6. qui intitulatur de Josepho, sic inquit: *Judæi Mariæ blasphemiam, & immoderatam contumeliam inferunt, sequè Christum Mariæ Filium, Dei nuntium, peremisse perhibent, sed nequaquam eum, sed sui similem suspendentes interfecerunt.* Estque inter Mahumetanos opinio, seu error satis communis, Jesum Christum, ea hora, qua Judæi eum comprehendere voluerunt, posuisse figuram suam in Juda proditore, sicque Judæos Jesum capere existimantes, Judam cæpisse; ut testatur Carthusianus lib. 2. art. 22. pag. 158. & mihi narravit Maurus quidam Matriti ann. 1670. id ipsum, & in alio cap. seu Azorà Alcor. ait Mahumetus: *Judæi Jesum illudere astimantes, ab eo sunt illusi.* Doct. Petrus de Cavalleria in suo *Zelo Christi* pag. 129. testatur Mahumetum in Alcorano Azorà 3. de Judæis loquentem hæc habere. Dicunt „ super Mariâ mendacium magnum, & dicunt;

cunt : Nos occidimus Messiam Jesum
„ Filium Mariæ, nuntium Dei . Non oc-
„ ciderunt, neque suspenderunt, sed sic si-
„ mulatum fuit eis . Et paulo post: Non
„ occiderunt eum veraciter, immò ele-
„ vavit eum Deus ad se . Itaque Mahu-
metani credunt hanc fabulam Alcorani,
quòd Christus non sit mortuus, sed alius
ejus similis, ut testatur etiam R.P. Fr. Anto-
nius del Castillo in suo Itenerario Hieroso-
lymitano lib. 3. cap. 4. pag. mihi 178.

Quis non miretur Mahumetum Vi-
rum sagacem, & callidissimum id ausum
fuisse negare, quod non solùm Christiani,
sed etiam Judæi, & Gentiles, & universus
orbis, ut rem manifestam supponebant,
nempe Jesum Nazarenum fuisse à Judæis in
Crucem actum: res enim hæc publica
fuit, & toti orbi nota, Pilatusque Judææ
Præses sententiam pronuntiavit, & res co-
ram infinita hominum multitudine pera-
cta est. Quòd negaverit Christi divinita-
tem, & Trinitatem Divinarum Persona-
rum, aliaque mysteria supernaturalia adeò
mirandum non est: còterum quòd negare
ausis sit historiam apud nationes omnes no-
tam, & litteris contestatam à Christianis, à
Judæis, imò ab ipsis Gentilibus, manifestè
probat hujus nebulonis immanem absque

fronte mentiendi audaciam . Hic error similis est Hæresi Basilidis , de quo ita scribit Epiphan. Hæresi 24. Basilides confingit nobis alium fabulæ actum, non Jesum passum esse asserens , sed Simonem Cyrenæum . Nam quoniam dum Dominus Hierosolymis educeretur, velut Evangelii series habet, coegerunt quendam Simonem Cyrenæum ad portandum Crucem : hinc reperit, ut nequitiae suæ tragediam confingeret . Et illum (inquit) quo portabat Crucem , transformavit in suam speciem , & seipsum in Simonem , & pro se ipso tradidit Simonem , ut crucifigeretur . Cùm autem ille crucifigeretur, stabat ex opposito invisibilis Jesus , deridens eos , qui Simonem crucifigebant . Ipse verò discessit ad Cœlestia, tradito Simone ad crucifigendum, & illæsus processit ad Cælum.

In similem errorem lapsus est Manichæus, dicens, non Christum , sed Diabolum fuisse crucifixum : sic enim ait , apud August. lib. de fide contra Manichæum, cap. 22. , Inimicus quippe , qui eundem Salvatorem, justorum Patrem, crucifixisse se speravit ; ipse est crucifixus: quo tempore aliud actum est , aliud ostensum . Princeps itaque tenebrarum affixus est

„ Cruci, idemque spineam coronam por-
 „ tavit cum suis sociis : & vestem cocci-
 „ neam habuit : acetum etiam , & fel bi-
 „ bit : quod quidam dominum potasse,
 „ arbitrati sunt; atque omnia , quæ hic su-
 „ stinere visus est, tenebrarum ducibus
 „ irrogata sunt.

Eundem errorem tenuerunt Marcio-
 nistæ, & Cerdoniani; qui in eo tamen dif-
 ferunt à Mahumeto, quòd illi negabant,
 Christum veram habuisse carnem; Mahu-
 metus vero verè natum fuisse ex Maria fa-
 tebatur: ut enim inquit Augustinus lib. de
 Hæresibus cap. 21. Cerdoniani: *Dogmati-
 zabant Christum, neque natum ex femina,
 neque habuisse carnem, neque verè mortuum,
 neque quidquam passum, sed simulasse
 Passionem.* Et ut ait ibid. cap. 14. *Marcus
 nescio quis, qui Hæresim condidit, negans
 resurrectionem carnis, & Christum non ve-
 rè, sed putativè passum asseverans.* Et de
 Manich. testatur lib. contra Epist. Manich.
 eos docuisse, Christum non veram: *Sed
 simulatam carnem oculis ostendisse, nec per-
 tulisse, sed simulasse passionem.* Sed omnes
 isti Hæresiarchæ inimici Crucis Christi su-
 gillantur ab Augustino, & his omnibus di-
 cere possumus, quod dixit Sanct. Doct. Ma-
 nichæis lib. de fide cap. 33. *Miseri non*

timetis, ut dicatur vobis in iudicio: ego eos liberavi, pro quibus passus sum. Ite, ille vos liberet, cui meas adscribitis passiones.

Impugnatur verò hoc delirium, & manifestum Mahumeti mendacium. Primò, quia falsificat prædictiones Prophetarum, qui annuntiarunt Christi mortem; ut illam Danielis cap.9. *Post hebdomadas septuaginta annorum occidetur Christus*, & illud Psalm.21. *Foderunt manus meas, & pedes meos, dinumeraverunt omnia ossa mea,* &c. Et illud Isaïæ 53. *Verè languores nostros ipse tulit, & dolores nostros ipse portavit. Ipse autem vulneratus est propter scelera nostra, & livore ejus sanati sumus, & posuit Dominus in eum iniquitates omnium nostrarum: oblatu* est quia ipse voluit, & non aperuit os suum, tamquam ovis ad occisionem ducetur, &c. Hunc textum Isaïæ legebat in curru suo eunuchus Reginæ Candaces, cùm Deus miraculosè adduxit Philip-pum, qui eum illi exponeret, ipsumque baptizavit. Act.8.v.28. Neque dicere potest Mahumetus, Judæos corrupisse, & adulterasse scripturas; tum quia id esse evidenter falsum, cap. sequenti ostendam: tum quia cùm nulla sit in testamento veteri illustrior prophetia, clariùsve probans, Jesum Nazarenum esse Messiam, & Christum

miss

promissum in lege antiqua, nihilominus Judæi perfidi, quorū maxime intererat, quodd ex Scripturis non constaret, illum esse Christum, nunquam ausi sunt negare, Daniele scripsisse illa verba, & cū Christiani, & Judæi sint inter se maximè contrarii, habeantque Scripturas veteris testamenti secundū varias versiones, etiam interpretum, qui floruerunt ante Christum, in omnibus exemplaribus veteris testamenti leguntur illæ prophetiæ eodem tenore verborum. Et sanè si appareret aliquod verisimile fundamentum, ad asserendum Prophetiam Danielis esse adulteratam, id non dissimularent Judæi, ne tam apertè convincerentur illo textu.

Impugnatur secundò, quia ipse Mahumetus in Alcorano Azorà 44. quæ appellatur Azorà de Maria, vocat Dominum Jesum *Verbum veritatis*, & Prophetam Sanctissimum, qui nunquam falsum locutus sit. Et tamen, dum dicit, eum non fuisse crucifixū, illum facit Prophetam mendacem. Siquidem Christus ipse Matth. 20. duodecimo Discipulis in unum congregatis dixit: *Ecco ascendimus Hierosolymam, & filius hominis tradetur principibus Sacerdotum, & scribis, & condemnabunt eum morte, & tradent eum ad illudendum, & flagellandum*

adum, & crucifigendum, & tertia die resurget.

Tertiò, quia facit Christum impium erga Virginem Matrem, cui secretum illud non manifestavit: constat enim illam acerbissimos passam fuisse compassionis dolores juxta Crucem, quos non pateretur, si sciret, eum, qui inter duos latrones pendebat, non esse filium suum, sed Judam proditorem, vel alium, cui Deus impressisset Christi figuram.

Quartò, quia eclypsis illa Solis, quæ accidit in morte crucifixi, fuit planè, & evidenter miraculosa, siquidem accidit in Paschate Judæorum, quod nunquam nisi in diem 15. Lunæ primi mensis incidebat, cū Luna est plenissima. Hoc autem prodigium simul cum aliis, quæ in morte crucifixi acciderunt, manifestè probat, eum, qui crucifixus est, fuisse verum Christum.

Quintò, quia ut ostendi lib. præcedenti, Christus suam Resurrectionem manifestis argumentis probavit: Resurrectio autem Mortem supponit.

Sextò, quia si indecens non fuit Deū permittere, ut Christus Vir Sanctissimus, & innocentissimus à Judæis comprehenderetur, & flagellaretur, ut Mahumetus supponit fuisse comprehensum, & flagellatum, neque

neque indecentia ulla reperiri potest in eo, quod permiserit crucifixi. Ut quid autem illam metamorphosim, & illusionem Deus decerneret?

Septimò, quia cum quatuor Evangelistæ, qui Evangelia sua scripserunt diversis locis, & temporibus, tam diligenter, & tam uniformiter narrent omnia, quæ attinent ad Passionem Christi, cum tamen miracula breviter perstringât; id sanè non fecerunt, nisi ex impulsu divino, & quasi Spiritus Sancti amanuenses. Deus autem illos movere non potuit ad scribenda mendacia: ergò verissimum est, Christum mortuum esse.

Octavò, quia cum Apostoli dispersi sunt per universum mundum, symbolum Fidei composuerunt, in quo expressè docetur: *Christum crucifixum, mortuum, & sepultum fuisse. Illi autem profecti prædicaverunt ubique Domino cooperante, & sermonem confirmante, & sequentibus signis.* Matth. ult. & fidem contentam in illo symbolo, quæ rem docet humanæ sapientiæ incredibilem, nempe hominem inter duos latrones crucifixum esse unigenitum Dei Filium, verumque Deum, mundo persuaferunt sine armorum violentia, sine sensuum blandimēto pauci homines igno-
biles

biles, infirmi, prædicantes contemptum omnium eorum, ad quæ humanus appetitus rapitur, quos homines sequi, crimen erat morte plectendum, & brevi tempore urbem mundi dominam expugnarunt, & meliorem mundi partem: quod sine ingenti miraculo, & divina potentia fieri non potuit. Deus autem nequit miracula facere ad radican-
dam in mundo fidem falsam.

Nonò, quia mysterium Crucis Christi innumeros Sanctos Christo peperit, qui eò ardentius Christum diligentes, quò ignominiam Crucis pro se indignius pertulit, carceres, Cruces, innumeraque tormenta pro Christo alacriter passi sunt; in eisque impletum est illud Christi verbum: *Ego si exaltatus fuero à terra, omnia traham ad me*. Credibile enim non est, fidem falsam, & quæ crucifixum crederet, qui crucifixus non fuit, talem potuisse generare sanctitatem.

Decimò, quia miracula, quæ per signum Crucis Deus operatus est, & quotidie operatur, & honor, quem Deus exhiberi voluit Cruci, quæ ante Christum erat ignominie signum, manifestè probant, Christum in Cruce morientem eam virtutem Cruci communicasse,

CAPUT SECUNDUM.

*Crucis miracula clarè probant, Christum in
ea mortem sustinuisse.*

Miracula Crucis illustriora enumeret
Christi prædicator ad confunden-
dos Mahumeti sectatores . Observat Ba-
ronius divina quadam dispensatione factū
esse, ut supplicium, quod Barabbæ duplici
ex causa debebatur, tum ut latroni, tum
ut homicidæ, converteretur in Christum,
cujus nulla esset mortis causa; ut Dei Filius
pro redemptione totius generis humani
Crucem subiret, quæ tam apud Judæos,
quam apud Gentiles insigne salutis esset.
Signandos namque esse signo *THAV*, qui
liberandi essent ab ira Dei, Ezech. Prophe-
tæ fuit divinitus demonstratum cap. 9. &
apud Ægyptios istud signum Crucis in Sa-
cris eorum litteris significasse vitam, Ruf-
fin. 2. hist. 29. Socrat. lib. 5. cap. 17. Sozomen.
& alii testantur . Vide Breviarium Roman.
die 3. Maii, in qua celebratur Inventio S.
Crucis ab Helena Augusta, & quomodo
miraculo fuerit distincta à reliquis latro-
num: contigit hæc Inventio ann: Christi
326. Ea fuit in partes divisa, & una delata

Ro-

Romam, alia Constantinopolim, quæ autem maxima pars relicta est Hierosolymis, jugi miraculo per particulas distributa, semper tota integra permansit, ut testatur Baronius in notis ad Martyrologium Romanum die 3. Maii, idemque testantur S. Paulin. Epist. 11. ad Sever. & S. Cyrillus Cathec. 10. ubi affirmat totum terrarum orbem ligno S. Crucis Hierosolymis accepto locupletatum esse.

Idem autem Bar. ibidem testatur Græcos, aliam etiam de S. Cruce celebrare consuevisse solemnitatem ad 16. Kalendas Junii, qua recolitur memoria admiranda illius apparitionis Crucis signi supra Hierosolymam meridie factæ, cujus rei gestæ historiam S. Cirillus tunc ejusdem Civitatis Episcopus exactè describit post Cateches. Et die 14. Septemb. celebrat Ecclesia Exaltationem S. Crucis, quando Heraclius Imperator, Colrhoe, eam de Perside Hierosolymam reportavit; miracula verò, quæ tunc contigerunt, satis comprobant, Sacrum illud Lignum contactu corporis Christi sanctificatum fuisse. Petavius affirmat S. Crucem restitutam esse ann. Christi 628. & sequenti vere Hierosolymam Heraclium illam summa veneratione transulisse, Concordat Baron in notis Mar-

tyrolog. affirmans contigisse hanc translationem ann. 19. Imperii Heraclii, id est, anno Christi 629. quo tempore Mahumetus vivebat; & transportationem S. Crucis in Persiam, ejusque recuperationem factam ab Heraclio non ignoravit, quò magis innotescat hominis impudentia, qui negare ausus est mortem Christi in illa Cruce, pro qua totus orbis Christianus pugnavit.

Inter apparitiones S. Crucis, insignis est illa, quam promeruit Constantinus Magnus Imperator, quam describit Eusebius lib. 1. vitæ Constantini cap. 22. & sequentibus, & ex ipso, Baronius ad ann. 312. „ Cùm enim Urbem Romanā ex Ty-
„ ranide Maxentii, armata manu *eripere*
„ *statuisset*, deque belli ancipite alea, &
„ Marte cõmuni diligentiùs cogitaret, Deo-
„ rûq; imbecillitatē jam aliquoties perspi-
„ cuē cognovisset, ad Deum Christiano-
„ rum confugit, eumque solum observare,
„ & colere statuit, inquit Eusebius. Quo
„ circa hujus opem imploravit precibus,
„ ut tum quisnam esset, illi significaret,
„ tum rebus, quas apud animum propo-
„ suisset, dexteram adjutricem, porrige-
„ ret. Imperatori igitur ista præcanti vi-
„ sio quædam divina, & inprimis admi-
„ rabilis apparuit; quam ipsemet post vi-

„ Gloria narravit Eusebio Cæsariensi, qui
 „ eam litteris prodidit, etiam jure jurando
 „ interposito : *Cum jam Sol* (verba sunt
 „ Eusebii) *ad medium Cælum ascendisset*, die
 „ in pomeridianū tempus paululum incli-
 „ nante, dixit, se Crucis signum, ex lucis
 „ splendore figuratum, in ipso Cælo, Soli
 „ imminens, manifestis oculis aspexisse, in
 „ quo inscriptionem consignatam : *IN*
 „ *HOC VINCES*. Admiratio ingens ip-
 „ sum, & totum exercitum, qui eum co-
 „ mitabatur, atque aded hujus facti spe-
 „ ctator factus erat, incessit. Sed dubi-
 „ tatione admodum inter se distrahi, quid-
 „ nam ostentum illud sibi vellet, asseruit,
 „ atque eum, diu multumque de eo cogi-
 „ tantem, oppressit nox; ibi ei dormienti
 „ Christum Dei Filium, cum signo in
 „ Cælo monstrato visum esse, præcepisse-
 „ que, ut exemplari ad imitationem illius
 „ signi, quod in Cælo apparuerat, fabrica-
 „ to, eo tanquam præsidio in præliis cum
 „ hostibus committendis, uteretur : simul
 „ atque dies illuxit surgens Constantinus
 „ primò arcanum illud visum amicis ex-
 „ ponit : deindè artificibus, qui aurum,
 „ & lapides pretiosos affabrè, sculperè no-
 „ verant, accersitis, medio inter illos loco
 „ affidet, verbis signi describit effigiem,
 „ eam -

„ eamque auro, & lapidibus prætiosis imi-
„ tatione adumbrare mandat . Et hanc ef-
„ figiem ab artificibus sculptâ vexilli , seu
„ labari Imperialis hastili infigi iussit, cuius
„ formam ibi describit Eusebius, tandemq;
„ concludit: *Isto igitur salutari signo Impe-*
rator, tanquam hostilis cuiuscunque, & in-
fecta violentiæ propugnaculo , semper usus
est, cuius expressæ similitudines mandavit,
ut universum exercitum perpetuò antece-
derent .

Virtute autem Crucis Constantinus Magnus de Maxentio , ejusque exercitu victoriam reportavit : & Maximinum Tyrannum orientis superavit : & denique Licinium Tyrannum virtute ejusdem Crucis profligavit . Probat autem P. Gresser lib. 2. de Cruce cap. 44. Constantino Magno ter Crucis signum Cælitus ostensum esse.

Sed quis numerare possit miracula, quæ Christiani signo Crucis operati sunt ? S. Antonius Abbas , ut scribit S. Athan. in ejus vita , omnibus Dæmonum machinamentis , & tentationibus signum Crucis obiciebat, & eos fugabat . Et cum Ethnicis quibusdam Philosophis disputans, inter alia sic locutus est : *Crucifixum nominamus , & universi Dæmones , quos vos ne*

Deos colitis, rugiunt, atque ex obsessis corporibus ad primum Dominica Crucis signū fugantur. Ubi sunt illa fabulosa oracula? ubi Ægyptiorum incantationes? quod Magorum proficere carmina? Certè nunc vastata sunt omnia, cū de sua Cruce Christus intonuit. Hinc Chrysost. hom. 4. de laudibus S. Pauli probat, non solū veritatem hanc, quod Christus crucifixus sit, sed etiā quod crucifixus sit Deus, qui per Crucem Diabolum vicit. *Cujus rei gratia* (inquit) *Dæmones tantummodo nomen Crucis audientes in fugam resiliunt, cū certè si res se haberet aliter, magis eos oporteret irridere, quam fugere. An fortè Crux quid clarum videtur, ac nobile? Immodò è contrario, turpis, & exprobabilis mors est: unde igitur illam Dæmones reformidant, nisi de virtute Crucifixi?* Theodoretus lib. 3. hist. c. 3. narrat, quod „ cū Julianus Apo- „ stata privatam adhuc agens vitam, spem „ Imperii potiendi concepisset, perlustrare „ cepit Græciam, conquirere vates, & „ ariolos sciscitaturus ab illis, an voti com- „ pos futurus esset; incidit in hominem, „ qui ei hoc prædicere pollicitus est. Quī „ quidem deducto eo in fanum simula- „ crorum, & intra ejus abdita collocato „ fraudulentos Dæmones invocat, quibus „ in

„ in specie, qua solent, apparentibus, me-
„ tus coegit Julianum, signo Crucis fron-
„ tem suam signare . Dēmones igitur Do-
„ minici trophæi conspicati figuram, &
„ suæ ipsorum cladis recordati, confestim
„ evanuerunt . Tum præstigiator, causa
„ cur fugerent intellecta, Julianum objur-
„ gat, qui tum timorem, in quo erat, de-
„ claravit, & se virtutem Crucis vehe-
„ menter admirari, dixit : nam Dēmones
„ quoniam ejus figuram ferre non pote-
„ rant, aufugisse. Hæc Theodoret. & idem
testatur S. Gregorius Nazianz. *orat. 1. contra Julian.*

S. Hieron. in vita S. Hilarion. narrat,
S. Virum signo Crucis armatum vicisse
Dēmonum turbas, qui ferocium anima-
lium assumentes formam, illum terrere
conabantur . Severus Sulpitius refert, Dia-
bolum se visibilem S. Martino formis di-
versissimis sæpè incessisse, Sanctum ve-
rò, semper interritum stetisse, signo S. Crucis
munitum, S. Greg. Nisen. in vita S. Greg.
Thaumat. scribit, eum signo Crucis fugasse
Dēmones ex Templo Idolorum, in quo
pernoctarat . Et in vita S. Chrisost. legi-
mus, eum signo Crucis in publica concio-
ne Dēmoniacum curasse . S. Greg. Magn.
lib. 8. Dial. cap. 2. narrat, S. Benedic. signo

Crucis fugasse Diabolum tentatorem , qui sub specie avis nigræ circa ejus faciem volitabat. Gregor. Turon. affirmat, S. Patroculum, & S. Nicetium Treverirorum Episcop. plurimos energumenos virtute Crucis liberasse . Idemque testatur Beda de S. Arnolfo in ejus vita tom.3. & in actis fidelissimis S. Daniel. apud Surium tom.6. 11. Decemb. legimus eum Dæmones expulisse , cùm manus solummodo obsessis imposuisset cum signo Crucis . Idemque testantur gravissimi Script. de S. Medardo Episcop. Noviam. de S. Domnel. de S. Germ. Parisiens. de S. Niceta, de S. Albino Audegan. Episcop. de S. Iniberto, & S. Procopio Martyre, de S. Placido Martyre , de S. Mauro, & aliis apud Gretserum lib.4. de Cruce cap.41.

Et apud eundem Gretserum ibid. cap: 42. Gregor. Turon. narrat S. Simplicium Episcop. Augustud. signo Crucis in terram dejecisse simulacrum Berecynthiæ, quod in processione deferebant Gentiles circum agros, & vineas . Et Surius testatur Sanct. Glyceriam Virginem , & Martyrem facto signo Crucis, & invocato nomine Jesu obtinuisse à Deo, ut statua lapidea Jovis corruerit subitò, & cominuta fuerit.

Deindè S. Martina, Vigo nobilissima,
sub

Demonstr. contra Mahumet. 735

sub Alexandro Imperatore passa 12. Januarii, cum sibi Crucis signum impressisset, Dianæ idolum, fulmine cœlitus excusso, comminutum est. Itémque S. Satyrus Martyr quoddam idolum præteriens, cum exufflasset in illud, signans sibi frontem, statim Idolum corruit, atque ea de causa decollatus est. Et S. Procopius Martyr, qui sub Diocleciano passus est 8. Julii, oratione facta ad Dominum Jesum Christum, cum signum Crucis in aère jecisset adversus statuas Idolorum, dixit: vobis dico immundis simulacris, timete Domini mei nomen, & in aquam resoluta, in hoc Templo dispergimini. Quod & factum est. Denique ut alia omittam, S. Benignus, qui sub Aurelio passus est 1. Novemb. cum Idolothyta Sancto in os ingerere vellent, signo Crucis contra eas carnes edito cordeque, sursum suspenso, & oculis in Cœlum sublati dixit: *Domine, &c.* Cum hæc dixisset, & Crucis expressisset signum, mox idola omnia lignea, & lapidea, & vasa, in quibus sacrificia offerebantur, instar fumi evanuerunt.

De S. Laur. Martyre canit Ecclesia:
Quod per signum Crucis cecos illuminaverit. S. Greg. lib. 1. Dialog. cap. 10. simile miraculum narrat de Fortunato Episcop.

Civ. Turditanæ: & alii multi Sancti eadem miracula sæpè operati sunt signantes cecos signo Crucis. Consulatur P. Gregerius lib. 4. cap. 48. ad 58. qui ex D. Aug. & Sophronio, & ex S. Greg. Nyssen. aliisque Sanct. Script. probat signo Crucis morbos fuisse depulso, mutos, aridos, paralyticos, & surdos recepisse usum membrorum: serpentes, & dracones fugatos, vel interemptos: truculentas feras cicuratas, flammæq; repressas: multos virtute Crucis venenum sine noxa bibisse. S. German. Episcop. Parisiensis, qui sub Justiniano Imperatore vitæ sanctitate floruit, signo Crucis mortuos suscitavit, ut testatur Fortunatus in ejus vita cap. 35. Ad probandam mirabilem Crucis virtutem habes opportuna valdè exempla apud P. Franc. Arias nostræ Societatis tom. 1. de imitat. Christi tract. 3. c. 40. & in vita S. Chrysost. apud Ribadeneira, in qua dicitur S. Doct. ferocissimum occidisse Leonem, qui hominibus infestus erat, erecta Cruce; juxtà quam Leo mortuus inventus est.



CAPUT TERTIUM.

Cur Deus factus sit homo, & pro hominibus pati voluerit.

EXponenda est Mahumetanis, & infidelibus Incarnationis Filii Dei necessitas, & convenientia, ut in amorem Dei excitati, mentis tenebras excutiant. Eam autem dilucidè explicat P. Lessius lib. 12. de perfectionibus divinis cap. 3. iis verbis. Prolapsa natura generis nostri in primo parente fraude Diaboli à statu supernaturali, & amissa justitia originali, cæterisque virtutibus, subtracta etiam singulari illa Dei protectione, ac directione, & partis inferioris obedientia, & immortalitatis dono, in miserrimum statum incidit, neque aliud restabat, quàm ut sibi relicta, suo pondere, & impetu instar fluminis cujusdam de peccato in peccatum ruens, per varios anfractus errorum, & dolorum in pelagus exitii sempiterni devolveretur. Tanta enim erat ad malum pronitas, ut nihil ferè nisi peccare posset; tantus impetus, ut à nemine nisi à solo Deo posset sisti, ac inhiberi, ipsum vero malum tam atrox, ac pignitùs inolitum, ut à nullo præter quam à Dei

à Dei manu posset excindi.

Deus igitur, cujus misericordiæ non est numerus, & bonitatis infinitus est thesaurus, intimis misericordiæ visceribus cōmotus, statuit nos ab ista multiplici miseria eripere, & rursus ad statum supernaturalē erigere. Verum id nec itā convenienter, nec satis fructuosè fieri poterat, nisi & pro peccato justitiæ divinæ æquivalens satisfactio exhiberetur, & fons quidam perennis, ac inexhaustus, quo peccata, quotiescunque homines in ea inciderent, deleri possent, constitueretur. Parum enim fuisset, in pristinum gradum justitiæ restitui, nisi etiam futuris lapsibus in tantā infirmitate, & mali proclivitate fuisset consultum. At neutrum illorum à pura creatura præstari poterat: nulla enim pro homine liberando, poterat offerre pretium æquivalens, nulla etiam fontem perpetuæ remissionis, & justificationis construere. Tanta enim est, vel unius peccati mortiferi malignitas, tanta in majestatem illam infinitam injuria, ut omnibus Sanctorum, Angelorum, & hominum obsequiis, laudibus, cultibus, precibus, humiliationibus, penitentiis, afflictionibus ex æquo, & ut ita dicam, ad æquilibrium justamque æqualitatem nequeat compensari; ut infra de
ju.

justitia ostendetur. Cum igitur nullum remedium, nec in terra, nec in Cælo, malis nostris medendis, & bonis amissis recuperandis, appareret, nec ullus Angelus, aut ullam mens creata quidquam congrui auxilii posset invenire; misericordia divina inauditum, admirabile, ineffabile, incomprehensibile, omnibus sæculis, omnibus Angelis, & hominibus obstupescendum excogitavit consilium: nimirum, ut Filius Dei, sapientia genita, per quam facta sunt omnia, naturam nostram sibi copularet, & in ea, ac per eam totum genus humanum repararet. Nisi enim reparator noster esset Deus, non posset exhibere pro offensione, & injuria à nobis in divinitatem commissa, quidquam æquivalens: nec constituere perennem, & indefectibilem reconciliationis Thesaurum. Nisi esset etiam homo, cessaret meritum, cessaret satisfactio, cessaret exemplum, cessaret illa suavis, & naturæ congruentissima providentia, qua res, per ea, quæ sui sunt generis gubernantur.

Hoc igitur post casum, est primum, & maximum misericordiæ divinæ in nos beneficium, ut potè, infinitum, & aliorum multorum, quorum singula infinitæ sunt æstimationis, origo, & fundamentum; quo maximè Deus infinitum suum in nos amo-

rem

rem, & misericordiam declaravit. De quo Dominus ipse Joan. 3. *Sic Deus dilexit mundum. ut Filium suum unigenitum daret, ut omnis, qui credit in illum, non pereat, sed habeat vitam æternam.* Quis hæc animo volvens non obstupescat; Quis tantæ benignitatis consideratione lachrymas contineat? Quis in obsequium Dei vicissim se non libentissimè expendat? *Sic*, tam intense, tam effusè, tam ardentè tantæ æstimatione, tantum illum fecit, & appretiauit *Deus*, illa infinita majestas, nullius egens, sibi sufficientissima, qui verbo creavit omnia, cui tot milliones serviunt Angelorum, & qui momento temporis infinitos alios excellentiores servos, & cultores sibi ex nihilo poterat condere. *Mundum*, humanum genus, infimum naturæ rationalis terminum, brutis affine, terrenis addictum, Cœlestium inane, imundum, ingratum, inimicum, rebelle, in quo, nihil dignum, amore, plurima digna, odio, & supplicio. Obstupesce homo, Angelicis spiritibus, tam sublimi ingenio, & natura præditis, in sua damnatione relictis, tibi vilissimo, & nullius pretii vermiculo, à magno illo Numine tam immensum amorem, & favorem exhibitum. *Filium suum unigenitum*, non Angelum, non Cherubinum, non Seraphinum,

num, non Filium aliquem adoptivum, sed Filium suum unigenitum, naturalem, consubstantialem, ejusdem majestatis, potestatis, sapientiæ, excellentiæ, quem infinito dilexit amore, cui totam suam substantiam, unâ cum omnibus suis perfectionibus, & thesauris bonorum ab æterno profudit: *Daret*, in Rectorem, in Doctorem, in exemplum vitæ; in Redemptorem, in pretium, & satisfactionem pro peccatis; in Thesaurum perpetuum justitiæ, & reconciliationis; in iuge sacrificium, in Sacerdotem æternum; in panem vitæ æternæ, & alimentum immortalitatis, in pignus futuræ gloriæ; in Regem, Judicem, & Remuneratorem vivorum, & mortuorum; in gloriam, & triumphum patriæ Cœlestis. *Daret*, ad unionem nostræ naturæ, ad nuditatem, & paupertatem, ad labores, & incommoda hujus vitæ, ad contumelias, & persecutiones, ad alapas, & sputa, ad flagella, & spinarum punctiones, ad omne genus probrorum, & dolorum, ad Crucem, & mortem, ut totius nostri generis peccata in se susciperet, eaque in suo, quasi illorum author, ac reus, lueret corpore. *Ut omnis, qui credit, &c.* Totum hoc fecit, ut nos ab exitio sempiterno, cui addicti eramus, eriperet, & æterna vita donaret; nec de nobis requireret aliud

aliud,quàm ut credamus in Filium , eique obediamus . Hactenus P. Lessius.

Quare ut meritò inquit Clem. Alex: in exortat. ad Gent. *Verbum vitam præbuit ut opifex: bene vivere docuit, ut Magister, ut semper vivere suppeditaret, ut Deus.* Hinc pulchrè Aug. tract. 24. in Joann.
 „ Si dixisset tibi Deus tuus, *Ego sum veritas, & vita*, tu desiderans veritatem,
 „ concupisceres vitam: viam, qua ad hæc
 „ pervenire posses, profectò quæreres, &
 „ diceres tibi: Magna res veritas, magna
 „ vita; si esset, quomodo illuc perveniret
 „ anima mea. Quæris qua? Audi dicentem primò; *Ego sum via*. Primò dixit, quà venias; postea dixit quò venias. *Ego sum via, ego sum veritas*. Ipse manens apud Patrem, veritas, & vita est: induens se carne factus est via. Non tibi dicitur; labora quærendo viam, ut pervenias ad veritatem, & vitam: non, inquam, hoc tibi dicitur. Ergò piger surge, via ipsa ad te venit, & te de somno dormientem excitavit, (si tamen excitavit) surge, & ambula.

CAPUT QUARTUM.

*Exponitur ex Patribus cur Deus voluerit
feri homo passibilis, & mortem
Crucis subire?*

Eclesiæ Sol August. tom. 1. lib. de vera
Religione cap. 16. sic rem hanc expli-
cat, & convenientias detegit, quibus Deus
permotus est ad assumendam carnem pas-
sibilem, „ *Cum omnibus*, inquit, modis
„ medeatur animis Deus pro temporum
„ opportunitatibus, quæ, mira ejus sapien-
„ tia, ordinatur, nullo modo beneficentiùs
„ consuluit generi humano, quàm cum
„ ipsa sapientia Dei, idest unicus Filius
„ consubstantialis Patri, & coæternus to-
„ tum hominem suscipere dignatus est, &
„ Verbum caro factum est, & habitavit
„ in nobis. Ità enim demonstravit carna-
„ libus, & non valentibus intueri mente
„ veritatem, corporeisque sensibus deditis,
„ quàm excelsum locum inter creaturas
„ habeat humana natura, quod non solum
„ visibiliter, nam id poterat, & in aliquo
„ æthereo corpore ad nostrorum aspectum
„ tolerantiam temperato, sed etiam homi-
„ nibus in vero homine apparuit: ipsa
„ enim

„ enim natura suscipienda erat , quæ libe-
 „ randa. Et ne quis fortè sexus à suo crea-
 „ tore se conceptum putaret , virum su-
 „ scipit , natus ex femina . Nihil egit vi,
 „ sed omnia suadendo , & monendo, vete-
 „ re quippè servitute transacta, tempus li-
 „ bertatis illuxerat, & opportunè jam ho-
 „ mini suadebatur, quem libero esset crea-
 „ tus arbitrio . Miraculis conciliavit fi-
 „ dem Deo , qui erat , passione homini
 „ quem gerebat . Satellites voluptatum
 „ divitias perniciosè populi appetebant:
 „ pauper esse voluit . Honoribus , & Im-
 „ periis inhiabant : Rex fieri noluit. Car-
 „ nales filios magnum bonum putabant :
 „ tale conjugium, prolemque contempsit .
 „ Contumelias superbissimè horrebant :
 „ omne genus contumeliarum sustinuit.
 „ Injurias intolerabiles esse arbitrantur:
 „ quæ major injuria, quam justum , inno-
 „ centemque damnari? Dolores corporis
 „ execrabantur : flagellatus , atque cru-
 „ ciatus est . Mori timebant : morte
 „ mulctatus est . Ignominiosissimum mor-
 „ tis genus Crucem putabant : crucifixus
 „ est . Omnia, quæ habere cupientes non
 „ rectè vivebamus , carendo vilia fecit.
 „ Omnia quæ vitare cupientes à studio de-
 „ viabamus veritatis, perpetiundo dejecit.

„ Non

„ Non enim ullum peccatum committi
„ potest, nisi dum appetuntur ea, quæ ille
„ contempsit, aut fugiuntur, quæ ille sub-
„ stinuit. Tota itaque vita ejus in terris
„ per hominem, quem suscipere dignatus
„ est, disciplina morum fuit. Resurrectio
„ verò ejus à mortuis, nihil hominibus
„ perire naturæ, cum omnia salva sunt
„ Deo, satis indicavit, & quemadmodum
„ cuncta serviant creatori suo, sive ad vin-
„ dictam peccatorum, sive ad hominis li-
„ berationem, quàmque facilè corpus ani-
„ mæ serviat, cum ipsa subiicitur Deo.
Hactenus Augustinus.

Guillelm. etiam Paris. lib. de fide cap.
3. pulcherrimam reddit rationem, cur ex-
pediens fuerit, Deum pro hominibus pati
in homine assumpto : *Nulla enim via*
„ (inquit) magis suaderi communitati ge-
„ neris humani potuit, Deum suæ gloriæ
„ velle nos habere consortes, quàm per hoc
„ quòd miseriæ nostræ consortium inivit.
„ Qua enim via evidentius ostendi potuit
„ hominibus, quòd secum vellet Deus
„ beatè, & gloriosè vivere, quàm per hoc,
„ quòd cum eis voluerit miserè, & igno-
„ miniosè, vivere, & quod plus est etiam
„ mori? Quid ingentiùs imprimere po-
„ tuit cordi humano, quòd communi-

„ canda ei esset divinæ gloriæ beatitudo,
 „ quàm ipsius humanæ miseræ in Filio
 „ Dei facta communicatio? Deindè quid
 „ aded spẽ veniæ erigere potuit, quid aded
 „ de misericordia Dei firmare fiduciam,
 „ quo signo, vel argumento verolimiùs
 „ probari potuit cordi humano, Deum
 „ velle parcere, & miserere hominibus,
 „ quàm per hoc, quòd Pater misericordia-
 „ rum proprio Filio, ut eis parceret, non
 „ pepercit, & ipse filius, ut immunes, &
 „ illæsi abirent latrociniorum suorum, di-
 „ gnatus est perpeti suspendium. Manife-
 „ stum igitur est ex his quantum Deus vo-
 „ luerit homines esse suos socios in gloria
 „ sua, quibus & ipse voluit esse socios in
 „ eorum tanta miseria.

Postmodum aliam adjungit rationem,
 qua probat solam fidem Christianam Ca-
 tholicam esse veram, quia sola fides Ca-
 tholica ea continet, & prædicat, quæ ho-
 minem accendere possunt ad Deum aman-
 dum ardentissimè, & prout ipse amari vult
 ab hominibus. Vera namque fides, & Re-
 ligio debet homines ducere ad Dei perfe-
 ctum amorem: & hæc motiva ardentissi-
 mè Deum diligendi maximè continet, &
 prædicat fides Cathol. *Sicut enim* (inquit)
 „ ignis ignem maximè generat, & appli-

„ ca-

„ catione ſua, ſeu contactu, quæ ignibilia,
„ & ſuccenſibilia ſunt maximè inflammant,
„ & ignit: ſic ignis divinæ delectationis tan-
„ to beneficio nobis exhibitæ, per credu-
„ litatem cordibus hominum applicatus,
„ ignem ſanctæ dilectionis in Deum ma-
„ ximè in illis generat, eoque amore be-
„ nefico maximè incendit, & inflammant:
„ Et omnia alia beneficia veluti ſcintillæ,
„ & prunulæ permodicæ ad calefaciendū
„ inflammant cor humanum: beneficium
„ verò Incarnationis, atque Redemptionis,
„ non ſolū eſt ſicut mons igneus cordi-
„ bus noſtris inflammandis per credulita-
„ tem appoſitus, immò incomparabiliter
„ major ignis, quàm eſſet totus mundus, ſi
„ totus arderet. Quāto enim major eſt
„ Filius Dei toto mundo; tantò corda
„ humana magis calefacere debet, & in-
„ flammare per hanc credulitatem ei ap-
„ plicatus, quàm totus mundus corpora-
„ noſtra, ſi totus arderet. Eſt enim Filius
„ Dei, beneficium nobis collatum, in quā-
„ tum nobis, & pro nobis datus: quod
„ autem ſunt torres, & faces, ad calefa-
„ cienda corpora calore ſenſibili, hoc ſunt
„ beneficia ad calefacienda corda calorē
„ ſpirituāli, hic autem calor amor eſt. Ma-
„ niſeſtum igitur eſt, quia ſi totus mundus

„ arderet, modicus ignis esset ad calefa-
 „ ciendum corpus quodcumque; immò
 „ nullus in comparatione hujus beneficii
 „ ad calefacienda corda humana. Manife-
 „ stum igitur est, quia major ignis calefa-
 „ ciendis, aut inflammandis cordibus no-
 „ stris adhiberi non potuit, quàm beneficiū
 „ Dominicæ Incarnationis, & passionis :
 „ hunc autem sola ista fides, seu credulitas
 „ ipsis adhibet. Hæc ille.

Denique, ut alia omittam, egregiè S. Thomas 4. contra gent. cap. 55. explicuit, cur conveniens fuerit Deum carnem passibilem assumere. *Non oportuit* (inquit) *Deum carnem impassibilem, & immortalem suscipere* : Sed magis passibilem, & mortalem. Primò quidem, quia necessarium erat hominibus, quòd beneficium Incarnationis cognoscerent, ut ex hoc ad Divinum amorem inflammarentur. Oportuit autem ad veritatem Incarnationis manifestandam, quòd carnem similem aliis hominibussumeret, scilicet passibilem, & mortalem. Si enim immortalem, & impassibilem carnem suscepisset, visum fuisset hominibus, qui talem carnem non noverant, quòd aliquod phantasma esset, & non veritas carnis. Secundò, quia necessarium fuit, Deum carnem assumere, ut pro pec-

peccato humani generis satisfaceret. Contingit autem unum pro alio satisfacere, ità tamen quòd pœnam pro peccato alteri debitam, ipse sibi non debitam, voluntariè assumat; pœna autem consequens humani generis peccatum, est mors, & aliæ passibilitates vitæ præsentis: undè & Apostolus dicit ad Romanos 5. *Per unum hominem peccatum in hunc mundum intravit: & per peccatum mors*. Oportuit igitur, ut carnem passibilem, & mortalem Deus assumeret absque peccato: ut sic, patièdo, & morièdo pro nobis, satisfaceret, & peccatum auferret. Et hoc est, quod Apostolus dicit ad Romanos 8. quòd *Deus misit Filium suum in similitudinem carnis peccati*, id est, habentem carnem similem peccatoribus, scilicet passibilem, & mortalem. Et subdit, *Ut de peccato damna- ret peccatum in carne*. id est, ut per pœnam, quam in carne pro peccato nostro sustinuit, peccatum à nobis auferret. Tertiò, quia per hoc, quòd carnem passibilem, & mortalem habuit, efficacius dedit nobis exempla virtutis, passionès carnis fortiter superando, & eis virtuosè utendo. Quartò quia per hoc magis ad spem immortalitatis erigimur, quòd ipse de statu carnis passibilis, & mortalis mutatus est in impassibi-

litem, & immortalitatem carnis: quod etiam de nobis sperare possumus, qui carnem gerimus passibilem, & mortalem: si verò a principio carnem impassibilem, & immortalem assumpsisset, nullam daret occasio immortalitatem sperandi his, qui in seipsis mortalitatem, & corruptibilitatem experiuntur. Hoc etiam mediatoris officium requirebat, ut communem haberet nobiscum passibilem carnem, & mortalem, cum Deo verò virtutem, & gloriam, ut auferens à nobis, quod nobiscum commune habebat, scilicet passionem, & mortem, ad id nos duceret, quod sibi, & Deo erat commune, fuit enim mediator ad jungendum nos Deo. Similiter etiam non fuit expediens, quòd Deus incarnatus vitam in hoc mundo ageret opulentam, & honoribus, seu dignitatibus sublimem. Primò, quidem, quia ad hoc venerat, ut mentes hominum terrenis deditas, ad divina elevarret: undè oportuit, ut suo exemplo homines in contemptum divitiarum, & aliorum, quæ mundani desiderant, traheret: & quòd inopem, & privatam vitam agerent in hoc mundo. Secundò, quia si divitiis abundasset, & in aliqua maxima dignitate constitutus fuisset: id quod divinè gessit, magis potentiae sæculari, quam virtuti di-

Demonstr. contra Mahumet. 751
vinitatis fuisset attributum : unde efficacissimum argumētum suæ divinitatis fuit, quod absque adminiculo potentiae secularis, totum mundum in melius commutavit.

CAPUT QUINTUM.

Demonstratur contra Mahumetanos, neque vetus, neque novum Testamentum esse adulteratum; & inde evincitur, Alcoranum utrique Testamento contradicentem, esse librum mendacem, & Diaboli suggestionis compositum.

CUM Mahumetani ex una parte videant, Alcoranum apertè dicere libros veteris Testamenti, & Evangelia Jesu Christi descendisse de Cœlo : nam in prima Azorà, seu primo capite introducit Deum sic loquentem cum Mahumeto : „ Tu fides Creatoris illis prædicans, penitus persuade, ut libris tibi divinitus missis, Abrahæ quoque, ac Moysi, ac Christi, cæterorumque Prophetarum libris fidem firmam adhibeant. Et capite duodecimo introducit iterum Deum sic loquentem cum Judæis (secundum quod Turcæ utun-

tur Alcorano sine distinctione librorum ,)
 „ Christum Mariæ Filium , cui commisi-
 „ mus Evangelium , quod est lumen , &
 „ confirmatio Testamenti , ac recta via
 „ timentibus Deum , ad vestræ legis sup-
 „ plementum misimus , Judæi, omnis er-
 „ gò Evangelii servus , ipsius præcepta
 „ indicando sequatur , alioqui malus erit.

Et demum Alcoranum introducit Deum præcipientem Mahumeto , ut quando incidat dubium circa intelligentiam eorum , quæ ipsi divinitus revelata sunt , recurrat ad Judæos, & Christianos , qui legem prius receperunt : *Si ambiguus fueris de his, quæ descendere fecimus, interroga eos, qui legem legunt ante te . Noli esse de his , qui non crediderunt signis Dei , ne forte damneris.* Cum hoc, inquam , Mahumetani ex una parte videant ; & ex alia videant, Evangelia , & vetus Testamentum continere doctrinam manifestè contrariam Alcorani doctrinæ ; sic discurrunt . Alcoranum , & utrumque Testamentum inter se dissentiant : Alcoranum necesse est esse verum, integrum, sincerum : utrumque ergò Testamentum necesse est esse depravatum , & inversum . Idque deducunt ex Alcorano Azorà 12. ubi Mahumetus dicit : *Se solum habere Evangelium purum , & incorruptum*

pena

ptum, quod Christus à Deo accepit; ac
proindè Christianos habere illud deprava-
tum, & adulteratum, & idem docet de li-
bris Moyſis, & Prophetarum.

Sed Mahumetanos falli, dum ſibi per-
ſuadent Alcoranum de Cælo deſcendiſſe,
ejuſque doctrinam eſſe divinitùs revelatã,
evidenti argumẽto evincemus in hunc
modum. Alcoranum, & utrumque Testa-
mentum inter ſe diſſentiunt, & doctrinas
continent contradicitoriẽ oppoſitas. At cer-
tum eſt utrumque Testamentum de Cælo
deſcendiſſe, idẽſt Deum habere authorem,
& doctrinam veram continere: certum
deindè eſt nec vetus Testamentum, neque
novum eſſe corruptum, ſeũ adulteratum,
ſed eſſe integrum, & incorruptum, prout à
Moyſe, & Prophetis, atque ab Apoſtolis, &
Evangelistis, ſcriptum eſt. Ergo certum
eſt Alcoranum de Cælo non deſcendiſſe,
neque Deum habere Authorem; ſed ejus
doctrinam quatenus opponitur veteri, vel
novo Testamento, eſſe apertè falſam, &
diabolum habere Authorem.

Minor ſeoriſim probanda eſt, quoad
utrumque Testamentum; & nunc in ge-
nerali ſuadetur: quia ut tanquam corrupta,
& adulterata reiiciatur aliqua ſcriptura,
non ſufficit, quòd aliquis affirmet eſſe cor-
ruptam,

ruptam, sed necesse est quòd id probet, producendo in medium aliquod illius exemplar authenticum ab illo discordans, quod ipse vitiatum esse ait. At Mahumetani nihil tale producunt, sed potiùs contra ipsos apertè demonstratur, omnia exemplaria novi, & veteris Testamenti, Hebraica, Chaldaica, Syriaca, Arabica, Græca, & Latina, quæ per universum mundum dispersa sunt, habere expressè eam doctrinam, in qua eis contradicit Alcoranum; quin unum unquam repertum sit exemplar Alcorano concordans, & à doctrina Religionis Christianæ discordans. Ergò Mahumetani temerè, & cæcè credunt utrumque Testamentum esse corruptum, quia utrumque contradicit Alcorano; sed potiùs deducere debent, Alcoranum non esse librum divinitùs inspiratum, sed mendaciis plenum, quandoquidem continet doctrinam contrariam libris veteris, & novi Testamenti, qui reperiuntur inter omnes fere orbis nationes.

CAPUT SEXTUM.

*Demonstratur, vetus Testamentum non esse
depravatum à Judæis, ut Mahumetani
fabulantur.*

UT id demonstrem quæro, quando
Judæi adulterarunt, & immutarunt
scripturas veteris Testamenti? An ante
adventum Christi, an post? Non ante,
quia cùm ipsi accepissent librum legis à
Deo per manus Moysis, tot præcedentibus
signis, & prodigiis, scirentque certissimè
libros Moysis, & Prophetarum scriptos
fuisse inspirante, & dictante Deo, ingensque
esse crimen eos adulterare; certè id præ-
stare non potuerunt sine vehementi pas-
sione; ante adventum autem Christi nulla
passio vehemens ad id præstandum eos
compellere potuit: siquidem nec odium
Christi, & Christianorum, neque odium
Mahumeti ad id compellere potuit, ante-
quam Christus nasceretur, & Mahumetus in
mundum venisset.

Præterquamquod cùm essent in Syna-
goga viri probi, & zelum Dei habentes, qui
fortitèr obfisterent depravatoribus, fieri
non potuit, ut viri aliqui nequam, &
sce-

scelerati corrumpere omnia exemplaria, quæ per orbem erant dispersa, & in varias linguas translata à diversis interpretibus, & in celebrioribus orbis bibliothecis asservabantur.

Deindè si Hebræi ante Christi adventum scripturas corruerunt, quare Christus, & Apostoli nunquam illos de tam insigni crimine reprehenderunt, præsertim cum leviora non tacuerint? Quare Dominus ait Joan. 5. *Scrutamini Scripturas*. Et Matth. 23. *Super Cathedram Moysis sederunt Scribae, & Pharisei: quacumque ergo dixerint vobis, servate, & facite*. Cui credibile erit, Christum ad corruptas Scripturas legendas sine ulla præmonitione homines invitasse: vel ad corruptores audiendos, & sequendos amandasse? Nec enim si Testamentum vetus esset corruptum, id Christus ignoraret, cum esset plenus sapientia: nam Mahometus ipse in Alcorano cap. 12. inquit: *Quòd Deus Christum librum, & sapientiam, & Evangelium, & Testamentum edocuit*.

Nec itèd dici potest Judæos post Christi adventum adulterasse, & depravasse Scripturas. Nam omnia testimonia, quæ à Christo, & ab Apostolis citantur, inveniuntur in Moyse, & Prophetis. Ergò neque

que ante, nec post Christi adventum Scripturæ veteris Testamenti adulteratæ sunt à Judæis. Et hoc argumento usi sunt Origenes lib. 8. in Isaiam, & Hieronymus in caput 6. Isaiæ ad probandum vetus Testamentum non fuisse corruptum ab Hebræis.

Item Augustinus lib. 15. de Civ. Dei cap. 13. indè probat, Judæos non adulterasse Scripturas, quòd non videatur ullo modo credibile, Judæos voluisse suis codicibus eripere veritatem, ut nostris detraherent authoritatem: & etiam si voluissent, non sit verisimile potuisse.

Ut autem vis argumenti magis innotescat, sciendum est, vetus Testamentum, sapè, & per diversos Interpretes translatum esse ex lingua Hebraica in Græcam. Prima translatio facta est jussu Prolomæi Philadelphi, Regis Ægypti à septuaginta senioribus 291. annis ante Christi adventum, ut testatur S. Epiphanius, & sequitur Bel-larminus. Rex enim ille, qui ex toto orbe terrarum libros adducebat in suam Bibliothecam, voluit in ea habere libros Moysis, & Prophetarum: & ideò per legatos suos rogavit Eleazarum summum Sacerdotem, ut ad se mitteret viros sapientes, qui libros Legis, & Prophetarum trans-

fe.

ferrent in linguam Græcam : misit autem Summus Sacerdos septuaginta duos seniores , senos ex singulis tribubus filiorum Israel , utriusque linguæ peritissimos , qui spatio dierum septuaginta duorum mirabili consensione divinas Scripturas apud Pharam Ægypti ex Hebræo sermone in Græcum idioma transtulerunt . Idque divino consilio factum est , ut cùm Apostoli postea prædicarent Evangelium Græcis , ex testimonio Prophetarum , quorum libros Græci habebant , omnibus persuaderent Jesum Nazarenum , à Judæis crucifixum , esse Christum promissum in lege , & Prophetis . Et ut notat Eusebius lib. 8. de præparatione Evangelica , ideò Deus disposuit , ut ea translatio fieret ante Christi adventum , quia si facta fuisset postea , perfidi Judæi in suspensionem translatores vocarent.

Anno autem 104. post Christi Nativitatem , nempe quarto anno Imperii Trajani facta est secunda translatio ab Aquila Pontico , ut quidam volunt : ut autem sentit Bellarminus cum Epiphanio , facta est hæc translatio anno duodecimo Adriani Imperatoris , idest anno Christi 131. Tertia translatio facta est à Theodotione octavo anno Imperatoris Commodi , idest anno Christi 189. Postea anno 9. Imperatoris

Se-

Severi, & Christi 203. facta est alia translatio à Simacho. Postea sub Imperium Heliogabali ad annos Christi 222. vel 223. Patriarcha Hierosolymitanus invenit in subterraneis urbis Hiericho totum vetus, & novum Testamentum è lingua Græca in Latinam fideliter translatum; & hæc vocatur quinta editio, seu translatio Hiericontina. Ità refert Fr. Antonius de Guevara. Sed Cardinalis Bellarminus ait, quintam editionem Græcam inventam esse in doliis quibusdam apud urbem Hiericho anno 8. Antonini Caracallæ; & secundum Baronium hæc translatio inventa est septimo anno Antonini Caracallæ, & anno Christi 219. Sexta quoque editio incerti Authoris in doliis inclusa inventa est apud Nicepholim Alexandro Mammeæ filio imperante, imperare autem cepit Alexander anno Christi 224.

Has omnes versiones in unum corpus conjunxit Origenes anno Christi 233. dividens singulas paginas in sex columnas, ac in prima quidem scripsit Hebraicum textum; in secunda eundem textum Hebraicum Græcis litteris; in tertia interpretationem Aquilæ; in quarta interpretationem Simachi; in quinta interpretationem LXX. seniorum; in sexta interpretationem Teo-

Theodotionis ; atque hæc volumina propter quatuor interpretationes quatruple, propter sex columnas exapla dicebantur.

Quadraginta annis ante Christum, natum translata est Scriptura Sacra ex lingua Hebræa in Caldaicam à Judæo quodam in Babilonia, qui appellabatur Jonathan Abenunciel ; & translatio hæc fuit fidelissima. Et ea frequenter utuntur Ecclesiæ Orientales, videlicet Armeni, Caldæi, & Ægyptii. Translata quoque est in linguam Syriacam,

Quarè libri Moyſis, & Prophetarum translati erant in varias linguas, & orbis erat plenus his libris. Omnes autem istæ translationes continent prophetiam Danielis, quæ prædixit Christum occidendum; & continent alia multa contraria his, quæ in Alcorano habentur. Et translationes istæ hucusque perseverant. Nec fieri potuit, ut omnia exemplaria ab aliquo, vel aliquibus corrumparentur: Ergò est falsissimum, Judæos ante Christum, vel post Christum adulterasse Scripturas.

Sanè Religio Judæorum ergà Sacros Libros tanta fuit, ut scribat Philo in libro de egressu filiorum Israel ab Ægypto, usque ad sua tempora per spatium plusquam duorum millium annorum, ne verbum quidē fuisset

fuisse unquam in lege Hæbræorum immutatum, & quæmlibet Judæum centies potius moriturum, quàm ut pateretur legem in aliquo mutari.

Idque ipsum aliis argumentis convincitur; quia si Judæi falsare voluissent Scripturas in odium Christianorum, sine dubio præcipua vaticinia sustulissent; id autem minimè fecerunt, quia ut probat Bellarminus, ea in quibus discrepant exemplaria Hæbræa à Græcis, & Latinis, sæpè nullius momenti sunt, quantum attinet ad fidem, & Religionem: *Et sæpè codices Hæbrai magis Judæos vexant, quam Græci, aut Latini.* Ipsaque dispersio Judæorum, per universum orbem cum Libris Sacris, probat in illis libris contineri ea, quæ de Christo prædixerant Prophetæ circa ejus mortem, & resurrectionem, aliaque mysteria, in quibus Religio Christiana opponitur Mahumetanæ. Ut enim observant S. Justinus in oratione exhortatoria, & S. Augustinus lib. 18. de Civit. Dei cap. 46. & manifestè deducitur ex illis verbis Psalmi 46: *Ne occidas eos, ne quando obliviscantur populi mei, disperge illos in virtute tua.* Ideò dispersi sunt Judæi Sacras Scripturas circumferentes: ut cùm Pagani nolunt credere ea, quæ dicimus de Christo esse prædi-

ta, sed dicunt ejusmodi vaticinia à Christianis fuisse cōficta, eos mittamus ad inimicos nostros Judæos, qui vaticinia illa secū ferunt. Ergò mysteria Religionis Christianæ, in quibus opponitur Mahumetanis, & ex quibus probatur Christum à Judæis occisum, tertia die resurrexisse, & esse verum Deum, continentur in Scripturis veteris Testamenti, prout à Deo dictatæ fuerunt.

Denique probatur esse manifestum mendacium, quòd Scripturæ veteris Testamenti sint à Judæis falsatæ; quia cū certum sit Deum habere providentiam suæ Ecclesiæ, verisimile non est, passurum fuisse, ut verba tot illustrium Prophetarum generaliter falsarentur: præsertim cū ad hunc finem Judæos disperfit per totum orbem terrarum, ac circumferre eos voluerit libros legis, & Prophetarum, ut inimici nostri Christianæ Religioni testimonium perhiberent.

* * *

CAPUT SEPTIMUM.

*Demonstratur, novum testamentum non
esse corruptum: & inde convincitur,
doctrinam Alcorani ipsi contra-
riam, esse falsam. Ubi recensentur
Hæreses præcipuè contra
Trinitatem, & Incarna-
tionem, & Concilia
Generalia, in qui-
bus damnatæ
sunt.*

Liber Alcorani Azorà, seu capite 5. hæc
habet: *Hic liber*, videlicet Alcorani,
*nec mendacium aliquod, nec aliquid præ-
teritis Prophetis contrarium, nuntiat.* Ve-
rum hæc verba dolosè dicta esse à Mahu-
meto ad seducendam barbaram illam gen-
tem, & falsissimam Alcorani laudem conti-
nere, facile convincitur, tum ex dictis, tum
ex dicendis: quia liber ille continet do-
ctrinam evidenter contrariam doctrinæ
Evangelii, quod à Deo descendisse, &
scriptum esse impulsu, & directione Spiri-
tus Sancti, ipse Mahumetus fatetur.

Quodd autem Evangelium Christi,
quod modò habemus Christiani, sic illud

Ccc 2 ipsum

ipsum, quod ex impulsu divino conscriptum fuit ab Apostolis; neque fuerit adulteratum à Christianis, nunc demonstrandum est. Et in primis onus incumberebat Mahumetanis producendi in medium aliquod exemplar Evangeliorum conscriptū ante advētum Mahumeti, quod concordaret cum Alcorano: at id non præstant, nec præstare possunt: sed potius omnia exemplaria Evangeliorum ante Mahumetum conscripta, Hæbraicè, Græcè, Latinè, & in aliis linguis, quæ erant per totum orbem dispersa, manifestè attestantur Religioni Christianæ: Quærantur exemplaria antiqua Evangeliorum inter Christianos, inter Judæos, inter Gentiles, & nullum invenietur, quod non eam contineat doctrinam, quam Christiani credimus: neque hujus depravationis, & corruptionis universalis Evangeliorum omnium, quæ narrant Passionem Christi, & mortem Crucis, & tertia die resurrectionem, & miracula, quæ fecit in confirmationem illius doctrinæ, quam prædicabat, quod ipse sit Filius Dei naturalis, verusque Deus, nullus unquam scriptor mentionem fecit usque ad Mahumetum, & Mahumetanos; neque post Mahumetum ullus Doctor Christianus, vel Judæus, vel Gentilis mentionem aliquam facit

facit tam horrendæ hæresis , qualis foret Evangelia omnia subvertere, & doctrinam falsam in mysteriis tam principalibus illis affigere, & universo orbi tanquam articulos fidei proponere : quod signum evidens est, talem hæresim non extitisse ; nam de omnibus, & de earum authoribus , & tempore, & loco, quo incœperint, habemus certas historias ; & tamen de hac re altum est silentium apud omnes omninò Scriptores , præter Mahumetanos . Cùm tamen silentio non esset omninò prætereunda, tam nefaria hæresis , & tam horrendum delictum. Quis enim credat hoc in mundo accidisse, quòd omnia Evangelia à Christo tradita, & ab Apostolis scripta , fuerint depravata , & falsata ; & tamen quòd nullus extiterit in toto orbe Christianus ; qui zeli veræ doctrinæ haberet , & litteris proderet posteris tantum nefas , ut à doctrina falsa caverent?

Undè hoc dilemma conficitur : si extiterit re vera hæc universalis omnium Evangeliorum depravatio, & falsatio: vel Summus Pontifex cum omnibus Patriarchis , & Episcopis, & Christianis in hanc depravationem consensit , vel illi restitit Summus Pontifex cùm aliquibus Prælati, vel saltè alii Prælati illi obstiterunt. Si primum, ergò

periit Christi Ecclesia, siquidem omnes Prælati successores Apostolorum, apostata-
verunt à fide vera, & amplexati sunt fidem
falsam, & secum traxerunt reliquos Chri-
stianos. Ergò Christus fuit Propheta falsus
dam dixit: *Tu es Petrus, & super hanc
petram ædificabo Ecclesiam meam, & portæ
infernæ non prævalebunt adversus eam.* :
Christum verò fuisse Prophetam veracissi-
mum, Mahumetani confitentur: Si secun-
dum:ergò veri Christi fideles congregarent
Concilium, ut se opponerent tantæ impie-
tati, & tam nefariam hæresim damnarent.
& omnes per litteras monerent, ut à tam
pestilenti doctrina fugerent. Si enī non
obstiterent impietati, & non pugnarent pro
defendenda veritate Evangeliorum, sed si-
nerent, ut illa adulteraretur, & corruppe-
retur, non essent vera Christi Ecclesia: ac
proindè vera Christi Ecclesia funditùs pe-
riisset. At certum est nunquam in Ecclesia
Christi congregatum fuisse Concilium ad
damnandos tanquam hæreticos eos, qui di-
cunt Christum mortuum esse, & resurrexis-
se, & se Filium Dei appellasse; sed potius
dantur multa Concilia, quæ illam doctri-
nam stabiliant; nullumque congregatum
est Concilium in Ecclesia Christi, quod non
stabilierit doctrinam contentam in symbo-

lo Apostol. Ergo manifestum est Evangelia non esse falsata, & depravata.

Deinde argumentor . Si Christiani falsaverunt Evangelia: vel id fecerunt post adventum Mahumeti quasi in odium illius, & ut Alcorano auctoritatem detraherent: vel ante adventum illius. Neutrum autem dici potest: ergo est insigne mendacium, quòd Christiani falsaverint Evangelia, falsò illis affigentes narrationem Passionis, & Resurrectionis Christi, & ea, quæ significant Divinitatem Christi, & Trinitatem personarum divinarum . Quòd non falsaverint post adventum Mahumeti, & in odium illius: probatur primo, quia ut in simili arguit S. Augustinus lib. 15. de Civit. cap. 13. incredibile est, quòd Christiani sibi abstulerint veritatem, dum invident Alcorano auctoritatem, & quòd fundamenta suæ Religionis voluerint subvertere, ut aliquantulum auctoritatis detraherent Alcorano; hoc enim perinde esset, ac si quis sibi ipsi brachium amputaret, vel lethale vulnus infligeret, ut inimicum suum leviter velliret. Senè neque Mahumetus, nec ullus unquam hæresiarcha tantum damnum intulisset Ecclesiæ Christi, quantum ipsa inferret sibi mutando, & pervertendo Evan-

gelia: nam hæreses Ecclesiam Christi impugnant, sed non expugnant; quatiunt, sed non subvertunt: ac Ecclesia depravans Evangelia, & mendacia proponens ut articulos fidei, seipsam expugnaret, & subverteret.

Prob. 2. quia evidens est Ecclesiam Christi habuisse eadem Evangelia ante adventum Mahumeti, quæ habet modò: nam Evangelia, quæ habuit ante adventum Mahumeti narrabant historiam Passionis, & Mortis Christi, ejusque Resurrectionem, & doctrinam eandem continebant, de Divinitate Christi, & Trinitate, quantum modò continent, ut constat ex omnibus Doctoribus Ecclesiæ Christi, tum Latinis, tum Græcis, qui ante Mahumetum floruerunt, quorum scripta continent expositionem eorundem Evangeliorum, quæ modò habemus, & leguntur eorum homiliæ, & sermones in Breviario Romano. Nam præter S. Dionysium Areopagitam, S. Ignatium Martyrem, S. Clementem Papam, S. Policarpum, & alios, qui cum Apostolis egerunt: & præter S. Justinum Philosophum, & Martyrem: & Sanctum Egesipum, & Sanctum Theophilum Episcopum Antiochenum sextum ab Aposto-
lo

Io Petro : & S. Irinæum Episcopum , & Martyrem, auditorem Sancti Policarpi , & S. Melitonem Sardensem Episcopum , & Clementem Alexandrinum , Originis Præceptorem, aliosque illustres Scriptores, qui propè tempore Apostolorum vixerunt , & ad secundum Ecclesiæ sæculum pertinent, suisque scriptis Divinitatem Christi, ejusq; post mortem resurrectionem , aliaque mysteria nostræ fidei defenderunt : & præter Tertullianum , & Origenem , qui floruerunt sub initium tertii sæculi , & suis scriptis Divinitatem Christi , & Trinitatem personarum divinarum propugnantes, in medio tertii sæculi floruerunt S. Gregorius Taumathurgus Origenis auditor , & Sanctus Cyprianus Episcopus , & Martyr, alique illustres sanctitate , & sapientiæ lumina . In quarto sæculo floruerunt magna illa Ecclesiæ lumina Athanasius , Basilus Magnus, Ambrosius, Hilarius Pictaviensis, Gregorius Nazianzenus, Gregorius Nissenus, & ad finem hujus sæculi, & sub initium quinti Hieron. Chrysost. August. Cyrill. Alexandrinus , Leo Magnus , alique Illustrissimi Doctores, quorum opera nunc extant, & mysteria Christianæ Religionis, quæ modo profiteamur , explicarunt . Et sic ab Apostolis usque ad hæc tempora semper in
Ec.

signes viros interfuerunt S. Gregorius Thaumaturgus Episcopus Neocesariensis, & ejus Frater Athenodorus. Sed tunc subdola tergiversatione Patrum studia Paulus elusit. Postea verò altero in Concilio Antiochiæ celebrato damnatus, ac sede deturbatus est.

Postea ad annum Christi 314. tempore Constantini Magni Imperatoris surrexit Alexandriae impius heresiarcha Arius, qui licet contra Sabellium assereret, Patrem, & Filium, & Spiritum Sanctum esse Personas inter se realiter distinctas, tamen agebat non esse ejusdem naturæ; ac proinde dicebat, Verbum, & Spiritum Sanctum, non esse Personas divinas: ac per consequens unam dumtaxat Personam intra Deum, admittebat. Hæc hæresis damnata est sub Sancto Sylvestro Pontifice, & Constantino Magno Imperatore in prima Synodo Generali 318. Episcoporum habita in Nicæa Bythiniae urbe anno Christi 325. & in eadem damnata est hæresis Sabelliana, & Ariana; & declarata est veritas Catholica, quam vera Ecclesia Christi nunc tuetur, & semper tenuit; nempe in Deo dari tres Personas realiter distinctas inter se, ejusdem, tamen naturæ; ac proinde definitum est, Christum esse verum Deum; & in hoc

Con-

Concilio editum est Symbolum illud, quod Ecclesia canit in Missa . Interfuere huic Concilio Episcopi sanctitate , & miraculis illustres , inter quos eminere S. Nicolaus Episcopus Miræ in Lycia , & S. Spiridion Episcopus Trimitutis in Cypro, S. Alexander Episcopus Alexandrinus , & S. Panuphius Thebaydis superioris Episcopus : & S. Spiridionem, & S. Panuphium, aliosque insignes viros sacra stigmata decorabant, quæ pro testificatione Fidei , Divinitatis Christi, & Trinitatis Personarum magna constantia acceperant in persecutione Imperatorum.

Deindè contra Macedonium Episcopum Constantinopolitanum , qui negabat Divinitatem Spiritus Sancti , congregata est secunda Synodus Generalis Episcoporum 150. sub S. Damaso Papa, & Gratiano, atque Theodosio Imperatoribus anno Christi 381. Constantinopoli; & secunda Synodus appellatur Concilium Constantinopolitanum primum . In hoc Concilio iterum damnatæ sunt hæreses Sabellianorum, & Arrianorum , & publicatum fuit illud symbolum, quod canitur in Ecclesia, in quo addita sunt aliqua verba symbolo Nicæno . Inter alios Prælatos sanctissimos interfuere huic Concilio , Nazianzenus , & S. Gre-

S. Gregorius Nyſenus frater Sancti Baſilii .

Quamvis in iis Conciliis definitum fuerit Verbum Dei eſſe Perſonam Divinam æqualem Patri , & ejusdem naturæ cum illo ; ex quo neceſſariò ſequebatur, Chriſtum Dominum eſſe verum Deum, ſiquidem Chriſtus, nihil aliud eſt , quàm Verbum Dei indutum carne, ſeu Filius naturalis Dei factus homo , tamen poſtea Neſtorius Patriarcha Conſtantinopolitanus, neſciens diſtinguere inter naturam , & Perſonam, aſſeruit ſicut in Chriſto eſt duplex natura, divina ſcilicet, & humana , ità eſſe in Chriſto duplicem perſonam, alteram humanam, & purè creatam , alteram divinā, & increatam; aſſerebatque Perſonam Divinam Verbi habitaſſe in perſona creata Jeſu Nazareni, ſeu Chriſti ſpeciali quodā modo, proindeq; aſſerebat, Beatam Virginem, non eſſe dicendam Theotocon, ſed Chriſtotocō, id eſt non matrem Dei, ſed Matrem Chriſti, ſeu puri hominis , in quo ſpeciali modo habitabat Deus . Contra hanc hæreſim congregata eſt tertia Synodus Generalis , id eſt Concilium Ephelinum ſub Cæleſtino primo Papa, & ſub Theodoſio minore Imperatore anno 431. eique præſuit S. Cyrillus Alexandrinus Epicoſopus ; nomine Summi Pon-

Pontificis; ad illudque confluxere ultra-
ducenti Episcopi; & inter eos multi san-
ctitate, & miraculis illustres, quos Baronius
enumerat. In hoc Concilio Nestorius sede
sua pulsus est, & definitum est in Christo
dari unicam Personam, divinam scilicet,
cum duplici natura, altera divina, quam
ab æterno habuit per identitatem, & à Pa-
tre accepit per generationem æternam;
altera humana, quam in tempore sibi co-
pulavit per unionem physicam, & realem:
& quam accepit in tempore à Matre per
generationem temporalem miraculosè fa-
ctam sine opera viri: ac proindè definitum
est, Christum esse verum Deum, & verum
hominem, & Beatam Virginem esse Dei
genitricem; quia nimirum genuit humanam
naturam, quam Deus sibi conjunxit unio-
ne hypostatica, seu personali; *Nam sicut
anima rationalis, & caro unus est homo, ita
Deus, & homo, unus est Christus*, ut dicitur
in symbolo Athanasii. Et sancta hæc Sy-
nodus Nestorium negantem Christi Divi-
nitatem appellavit *novum Judam*, & decre-
vit, ut scripta Nestorii flammis absumeren-
tur; renovavitque symbolum Nicænum, &
sub anathemate præcepit, ne quis aliquid
præter id quod per illud definitum est, ad
fidem adijcere ullo modo tentaret.

Et hæc eadem fides Catholica confirmata rursus est in quarta Synodo Generali, idest in Concilio Calcedonenſi celebrato sub Leone I. Pontifice, & Marciano Imperatore anno 451. contra Eutichianos, & Nestorianos, in quo definitum est, esse in Christo duas naturas in una persona. In hoc Concilio simul cum Eutychete Constantinopolitano Archimandrita, damnatus est Dioscorus Episcopus Alexandrinus, & Cyrilli immediatus successor, qui hæresim Eutychetis tollentis in Christo diversitatem naturarum relegatus est in Gangram Paphlagoniæ urbem, ibidemque infœliciter obiit. Et hæc quatuor Concilia Generalia S. Gregorius Papa, ut quatuor Evangelia venerabatur. Eademq; fides denuð confirmata est in quinta Synodo Generali, idest in secundo Concilio Constantinopolitano celebrato anno Christi 553. sub Vigilio Papa, & Justiniano primo Imperatore, iterumque Nestoriani, & Eutychiani dñati sunt, & definitum est contra Monothelitas in Christo dari duplicem voluntatem divinam, & humanam, quia cùm esset Deus, & homo, habebat operationes divinas, & humanas, & omnia in ipso erant duplicia; duplex natura, duplex intellectus, duplex voluntas, duplex operatio

ratio intelligendi, & amandi.

Constat ergò evidentissimè non fuisse corrupta Evangelia à Christianis post Mahumeti adventum, ideò enim id dicunt, quia Evangelia Ecclesiæ Catholicæ, quæ leguntur post Mahumetum, continent Divinitatem Christi, & Trinitatem Personarum, & narrant Christi Mortem, & Resurrectionem. At hanc doctrinam, ut contentam in Sacris Scripturis, Ecclesia multis sæculis ante Mahumetum definivit contra Sabellianos, contra Arrianos, & Nestorianos, & Mahumetus nihil aliud fecit, quam renovare has hæreses. Ergò manifestum est doctrinam illam de Divinitate Christi, ejusque Morte, & Resurrectione, & de Trinitate Personarum non fuisse additam Evangelio à Christianis post Mahumeti adventum.

Et sanè cùm Patres Concilii Nicæni ad damnandos Arrianos argumenta sumerent ex Evangeliiis: sanè si aliquod fundamentum daretur ad suspicandum illa esse corrupta, qua parte significant Trinitatem Personarum, & Divinitatem Christi, illud non dissimulassent Arriani: constant autem manifestè, nunquam Arrianos in favorem sui erroris hunc prætextum allegasse; sed admisisse Evangelia illa, quæ modò ha-

be-

bemus, & controversiam inter illos, & Catholicos non fuisse de verbis, sed de verborum sensu; quia hæretici verba Evangelii ad improprios sensus detorquebāt, evidensque est ex scriptis Augustini, Hieronymi, Basilii, & aliorum Patrum, Arrianos confutatos fuisse à Patribus ex illis verbis, quæ nunc legimus in primo capite Evangelii Joannis: *In principio erat Verbum, & Verbum erat apud Deum, & Deus erat Verbum, omnia per ipsum facta sunt, &c.* Quæ verba hæretici admittebant, & ex ipsis contra ipsos insurgebant Doctores Catholici, eosque convincebant. Ergò planum est tunc extitisse Evangelia, quæ modò existunt. Ergò falsum est, Christianos post adventum Mahumeti corrupisse Evangelia.

Dicent forsan Mahumetani, se quidem idem nunc docere, quod docuerunt Arriani de Trinitate Personarum, & quod docuerunt Nestoriani de Christo; indè tamen non inferri, quod ipsi à veritate aberrant; quia non probatur Arrianos, & Nestorianos justè fuisse damnatos, ut hæreticos: sed potius dicendum esse, errasse Patres Concilii Nicæni, & Concilii Ephesini. Sed contra est primo, quia si Mahumetani fateantur se esse Arrianos, & Nestorianos, fa-

teri debent Alcoranum esse librum mendacem, quia negat id, quod constanter affirmabant Arriani, & Nestoriani, nempe Christum verè mortuum fuisse, & tertia die resurrexisse; circumcisionem jam cessasse, & Baptisimum esse necessarium ad salutem: item novum Testamentum esse purum, & incorruptum. Si ergò Arriani veram fidem habebant, sequitur Mahumetanos habere fidem falsam, siquidem sectantur articulos omninò oppositos. Quod si Mahumetani dicant, Arrianos, veram quidem fidem habuisse, quatenus negabant Trinitatem, & Divinitatem Christi; falsam tamen quatenus credebant Mortem, & Resurrectionem Christi, atque necessitatem Baptismi; sequitur Arrianos habuisse absolute fidem falsam, quia ut Fides sit falsa, non est necesse ut nullum articulum verum habeat, sed sufficit ut habeat aliquos falsos: fides autem falsa nequit esse fundamentum salutis æternæ, fuerunt ergò Arriani extra viam salutis. Aliundè verò dicis Catholicos, qui damnarunt Arrianos, etiam habuisse fidem falsam: ergò sentis omnes omninò Christianos tunc habuisse fidem falsam, quia Christiani, vel erant Catholici, vel Arriani. Ergò sentis omnes Christianos fuisse tunc extra
viam

viam salutis : deindè etiam fateris Judæos post adventum Christi esse extra viam salutis . Ergò nulla tunc erat in mundo Religio, & Fides vera : siquidem Religio Mahumetana nondum tunc advenerat . Ergò omnes damnabantur omnibus illis sæculis : quod est evidenter falsum , ut constat ex prima demonstratione suprâ facta.

Contra secundo, quia facile est probare, non Catholicos , sed Arrianos errasse : tum quia Christus verè promisit Ecclesiam à se fundatam supra Petrum in perpetuum duraturam . Ecclesia autem Arriana penitus interiit per multa sæcula : ergò Ecclesia Arriana non erat Ecclesia Christi . Tum quia tanta fuit potentia Arrianorum, ut non minus miraculum sit Catholicos prævaluisse contra Arrianos , quàm prævaluisse contra decem terribiles persecutiones Gentilium , quas per tria sæcula passa est Ecclesia Christi . Deus autem miracula nequit facere ad destruendam veram Ecclesiam .

Denique id ipsum clarissimè demonstratur , quia nullus eorum , qui Divinitatem Christi , & Trinitatem Divinarum Personarum negarunt, nec ullus hæreticus damnatus ab Ecclesia Catholica postquam hæresim bibit, & docuit , unquam miracula

fecit; ut facile est comprobare per omnes hæresiarchas, qui Ecclesiam Catholicam oppugnarunt ab exordio ejus usque ad nostra tempora; cum tamen omni sæculo floruerint evidenti gloria miraculorum multi viri, & fœminæ ex iis, qui credunt Christum crucifixum esse verum Deum, & Trinitatem Personarum in Deo adorant; nam surdos, cæcos, mutos, claudos à natiuitate mirabiliter curarunt, mortuos suscitauerunt, aliaque innumerabilia prodigia operati sunt; in eisque ad litteram verificata est illa Christi promissio: *Qui credit in me, opera quæ ego facio, & ipse faciet, & majora horum faciet; quia vado ad Patrem.* Specialique gloria miraculorum floruerunt multi Sancti, qui infensissimi fuerunt hæreticis Arrianis, ut Athanasius, Basilus, Hilarius, Nicolaus, Antonius Magnus, Martinus, & alii innumeri: ut patet ex iis, quæ supra diximus. Martyresque invocato nomine Jesu Filii Dei vivi, idola confregerunt, Dæmones expulerunt, ora leonum obtulerunt, aliaque innumera signa ediderunt, ut constat ex eorum Actis.

Probavimus hucusque, Christianos non adulterasse Evangelia post adventum Mahumeti; nunc probandum restat, nec antea hoc nefas commisisse. Et sanè ante

Ma-

Mahumetum, id facere non potuerunt in odium ipsius, & ut Alcorano auferrent auctoritatem, ut per se patet. Quo ergo sine tantum scelus committere potuerunt? Et inprimis incredibile est adulterasse Evangelium quoad eam partem, in qua tam latè, & ex instituto narratur Historia Passionis, & Mortis ignominiosissimæ. Si enim Christiani ad extollendum, & magnificandum Christum addidissent Evangelio ea, quæ testantur ejus divinitatem, falsoque scripsissent, illum esse verum Deum, nullatenus confixissent, eum tam ignominiosè, ac turpiter crucifixum esse; quia hoc potissimum augebat difficultatem credendi, quod ipse sit Deus; nam Judæi scandalizabantur audientes Deum fuisse crucifixum, & Gentiles hoc putabant stultitiam, ut testatur Paulus, quia indecens judicabant Filium Dei tam turpiter fuisse trucidatum. Quare si ad commendationem sui Magistri aliquid conficturi essent, potius quamvis re ipsa fuisset crucifixus, confingerent, non ipsum, sed alium, cui impressit suam figuram, re ipsa crucifixum fuisse; ut configunt Mahumetani; quia indecens ipsis videtur, quod Propheta sanctissimus, qualem credunt fuisse Christum, tam indignè tractatus fuerit à Judæis. Deindè si ea, quæ Evangelia

dicunt de Divinitate Christi ; & de Augustissimo Eucharistiæ Sacramento , & de Passione Domini essent conficta à Christianis : certè obiter tantùm perstringerent ea, quæ attinent ad Passionem , & ignominiam Christi ; & ea , quæ attinent ad ejus commendationem , & gloriam , lato calamo prosequerentur . Constat autem Evangelia Historiam Passionis quoad omnes ejus circumstantias latissimè proponere , miracula vero , Divinitatem Christi , & alia quæ in oculis hominum gloriosa apparent , breviter tantùm , & quasi per transennam narrare : quod argumento est , Evangelia sincerè , & verè esse conscripta ex impulsu Spiritus Sancti , non autem mendaci artificio composita .

Deindè probatur Evangelia non fuisse corrupta ante adventum Mahumeti . Nec enim dici potest fuisse corrupta ab ipsis Apostolis , qui ea scripserunt ; nec dici potest fuisse corrupta à Christianis post tempus Apostolorum . Ut primum probem , suppono ut quid certum , & exploratum , Christum non scripsisse manu sua Evangelia ; nec dum viveret ea dictasse exscribenda à Discipulis , sed Apostolos ea scripsisse post Mortem Christi diversis locis , temporibus , & linguis . Nam ut probat Baronius ,
Mat.

Demonstr. contra Mahumet. 783

Matthæus scripsit Hæbraicè Hierosolymis anno Christi 41. Judæis, qui crediderant, exposcentibus. Marcus scripsit Latinè Romæ anno Christi 45. ut interpres Petri. Lucas scripsit Græcè in Achaya anno Christi 58. Joannes scripsit Ephesi anno Christi 99. lingua Græca. Suppono secundo, Evangelistas cum primum scripserunt Evangelia, ut veritatem scripsisse, & nullas eis immiscuisse falsitates: quia Mahumetus ipse jubet credere Evangeliiis, aitque illa de Cælo descendisse, idest ex impulsu divino conscripta esse. Cum ergò exploratum sit nulla unquam fuisse in Ecclesia Christi Evangelia, nisi quæ conscripta sunt ab Apostolis, manifestè sequitur Apostolos veridicè primò scripsisse Evangelia. Hoc supposito probo Apostolos non adulterasse Evangelia: quia cum dispersi fuerint per universum orbem, & veram Christi fidem invexerint multis editis lignis, & miraculis in confirmationem doctrinæ illius, quam prædicabant; & volumina Evangeliorum verè, & sincerè conscripta, per totum orbem fuerint dispersa: quomodò potuerunt postea Evangelia illa adulterare, aut quo fine? Sanè Apostoli, ipso Mahumeto teste, fuerunt viri sancti, ac proindè tantum nefas subvertendi veram fidem, quam tot miraculis planta-

verant, in eos cadere non potuit. Constatque eos immensos labores sustinuisse in prædicatione Evangelii, potiusque ignominiosam, & crudelem necem subire voluisse, quam eam fidem deserere, quam prædicabant: quomodo autem tam constanter martyrium subirent pro doctrinâ falsa, & dolosè conficta sine ullo emolumento temporali, & cum certo salutis æternæ detrimento?

Rursus licet ipsi vellent Evangelia à se conscripta mendaciis, & fabulis corrumpere: id minimè obtinere possent: tum quia obsisterent fideles, qui cum Domino nostro Jesu Christo conversati fuerant, & non sinerent corrumpi Evangelia sincerè, & fideliter conscripta, & veridicè narrantia Christi gesta, & doctrinam; manifesteque convincerent, esse commentitia, & falsa ea, quæ de novo adijciebant: undè mendacium non posset prævalere. Deindè quomodo pauci homines poterant omnia exemplaria Evangeliorum per totum orbem dispersa colligere, & comburere, & loco illorum nova exemplaria mendacia, & fabulosa reponere, quin vel unum exemplar superfuerit veridicum? Præterea cum Evangelistæ prædicaverint in Provinciis inter se adeò distantibus, quomodo communi consilio potuerunt tam uniformiter

narrare mendacia, & fabulas? Evidens ergo est, Apostolos ipsos, & Evangelistas non adulterasse Evangelia.

Quod etiam alio argumento convincitur. Nam inter Evangelistas nullus tam apertè testatur Christi Divinitatem, ac Joannes. Constat autem Joannem cum primum scripsit Evangelium, Divinitatem Christi declarasse: nam ut testatur Hieronymus libro de Scriptoribus Ecclesiasticis, Joannes scripsit Evangelium suum, ut confutaret Cherinthum, Ebionem, aliosque hæreticos negantes Divinitatem Christi, quam Apostoli per universum orbem prædicaverant. Narratque Hieronymus ex fidei historia, quam citat, Apostolum rogatum ab omnibus pænè Asiæ Episcopis, & multarum Ecclesiarum legationibus de Divinitate Salvatoris altius scribere, ita facturum respondisse, si indicto jejunio in commune omnes Deum deprecarentur; jejunio vero expleto, revelatione Divina saturatum, illud progrium de Cælo veniens eruclasse: *In principio erat Verbum, &c.* Ergo Evangelium Joannis ita ab illo conscriptum est, sicut modo legitur. Ergo quod Evangelium dicit de Christi Divinitate, non est confictum, sed verissimè scriptum. Ergo Evangelia non sunt corrupta ab ipsis Evangelistis.

Ddd 5

Sed

Sed nec dici potest esse corrupta à posterioribus Christianis, qui Apostolis successerunt. Primò, quia oppositum evincit argumentum proximè factum, quia constat Joannem scripsisse suum Evangelium ad declarandam æternam generationem Christi, ejusque Divinitatem. Secundò, quia D. Dionysius Areopagita, qui cum Apostolis conversatus est, & ab eorum ore audivit mysteria nostræ fidei, edidit libros multos, in quibus loquitur de Trinitate Divinarum Personarum, de Divinitate Christi, ejusque Morte, & Resurrectione, & de ejus præsentia reali in Eucharistia, & reliquis mysteriis, quæ continentur in Evangelio, quod modo legitur. Et similiter S. Justinus Philosophus, & Martyr, qui prope tempora Apostolorum floruit (siquidem obiit anno Christi 165.) & S. Egesippus Justino coæqualis eandem doctrinam suis scriptis tradiderunt, quam modo habent Evangelia: & similiter reliqui omnes Doctores Christiani, qui continuata serie post Apostolos floruerunt.

Tertio, quia ut testatur Baronius ad annum Christi 185. S. Pantænus Christianus Philosophus, & Clementis Alexandrini magister, vir omni eruditionis genere præstantissimus: cujus memoriam ob insignem,

gnem vitæ sanctitatem Ecclesia celebrat die 7. Julii, qui summa cum laude litteras sacras Alexandriæ interpretatus est, desiderio flagrans prorogationis fidei ad Indos profectus est, ubi Evangelium Matthæi Hæbraicè scriptū à Bartholomæo Apostolo illuc delatum, reperit in manibus quorundam, qui hætenus ibi Christum profitebantur: eratque planè illud ipsum, quod nunc habemus, & quod ipse exposuit Clementi Alexandrino, & Clemens Origeni, & Origenes Gregorio Taumaturgo, & usque ad nos pervenit.

Quartò, quia anno Christi 485. repertum est in insula Cypri Corpus Sancti Barnabæ Apostoli cum Sancti Matthæi Evangelio ad pectus appposito, quod manu sua exscriptum secum tulerat ad annunciandæ Fidem Christi in illa insula; repertum, inquam, est ex revelatione ab ipsomet Apostolo facta Arthemio Salaminæ Episcopo. Et hoc Evangelium manu Sancti Barnabæ exaratum Constantinopolim delatum est, petente Zenone Imperatore, & auro exornatum in Palatio Imperiali positum est, ut scribit Baronius ex fidelissimis Historicis rem comprobans. Erat autem Evangelium illud ipsissimum, quod tunc habebat Ecclesia. Ergò certum est illud Evangelium per-

permanisse purum, & incorruptum, & prout à Matthæo fuerat scriptum.

Quintò, quia Apostoli antequam dispergerentur per universum Orbem ad prædicandum Evangelium Christi, composuerunt brevem illam formulam articulorum, quam vocamus Symbolum Apostolorum, quam uniformitèr proponerent Judæis, & Gentilibus, ut vidimus suprà; & idè fides Christi ubique terrarum introducta est cum mira uniformitate, ita ut Regna, & Provinciæ inter se valdè dissitæ omninò convenirent in articulis fidei, quos credebant. In illa autem brevi formula, seu Symbolo continentur præcipua mysteria Religionis Christianæ, in quibus ipsa differt à Religione Mahumeti; nempe Incarnatio Filii Dei, ejus Mors, & Resurrectio, & Trinitas Divinarum Personarum: ergò Evangelium, quod Apostoli prædicaverunt in universo Orbe, continebat hanc eandem doctrinam: nec enim Apostoli vulgarunt per orbem Evangelium, quod in sua doctrina opponeretur Symbolo. Ergò certum est doctrinam de Incarnatione Verbi Divini, & Divinitate Christi, & de ejus Morte, & Resurrectione, & Trinitate Personarum contentam fuisse in Evangeliiis, quæ scripserunt Apostoli. Ergò non sunt corrupta Evan-

gelia quatenus hanc doctrinam continent.

Sextò, quia pro asserenda divinitate hominis crucifixi à Judæis, ejusque gloriosa Resurrectione, cæterisque mysteriis, in quibus Evangelium differt ab Alcorano passi sunt innumerabiles Martyres à Nerone Imperatore usque ad Constantinum Magnum, idest ab anno Christi 66. in quo sub Nerone Petrus, & Paulus Romæ, & Andràas in Achaya passi sunt martyrium, usque ad annum Christi 312. in quo Signum Crucis Constantino apparuit, & Religioni Christianæ favere cæpit, donec anno 324. Baptizatus est. In iis persecutionibus Fides Catholica innumeris est confirmata miraculis; idedque tam diræ persecutiones non minuebant, sed potius augebant credentium numerum, quia Gentiles videntes constantiam martyrum, & in perferendis tormentis atrocissimis alacritatem, & miracula, quæ martyres edebant, hinc movebantur ad eam fidem suscipiendam; ut vidimus suprà lib. 1. cap. 10. Satis hoc comprobatur ex Actis Sancti Januarii, quæ habentur in Breviario Romano die 19. Septembris: ex quibus constat quinque hominum millia conversos fuisse ad confitendam Crucifixi divinitatem propter constantiam Martyris, & miracula, quæ
fa-

faciebat . Et miraculum usque adhuc perseverans, planè evincit , veram esse Christi Divinitatem , pro qua asserenda Januarius mortuus est . Ut enim inquit Martyrologium Romanum : *Neapoli Beatissimi Martyris Sanguis in ampulla vitrea adhuc servatur, qui in conspectu Capitis illius positus, velut recens liquefcere, & ebullire conspicitur* . Constatque ex Actis Sanctæ Martinæ Virginis, & Martyris die 30. Januarii propter constantiam Sanctæ Virginis, & miracula manifesta , quæ Deus operatus est in ejus Martyrio : Ex ejus tortoribus non
 „ nullos miraculi novitate correptos , Dei
 „ adspirante gratia, Christi fidē amplexos,
 „ post cruciatus gloriosam martyrii palmam capitis abscissione promeruisse.

Constantiaque ipsa, & alacritas in perferendis atrocissimis tormentis pro asserenda Christi Divinitate in ætate, vel nimis tenera, vel nimis senili, & in sexu fragili, clarissimum argumentum est , quod Fides illa vera erat ; ac proindè quod Evangelia testantia Christi Divinitatem , Mortem , & Resurrectionem ejus, non erant corrupta . Prædicator Christi in medium producat Acta S. Agnetis Virginis trecennis , & S. Eulaliæ Meritanæ , quæ cum duodecim esset annorum, decem & novem pro Christo

sto

sto pertulit tormentorum stupenda genera;
cujus memoriam habes in Martyrologio
Romano die 10. Decembris: „ S. Agapyti
„ Martyris, qui cum esset annorum quin-
„ decim, & amore Christi ferveret, jussu
„ Aureliani Imperatoris tentus est, ac pri-
„ mò nervis crudis diutissimè cæsus, de-
„ indè sub Antiocho Præfecto graviora
„ supplicia passus, exindè cum ex imperio
„ Imperatoris leonibus obiiceretur, & mi-
„ nimè læsus esset, gladio ministrorum
„ coronandus percutitur, ut ait Martyro-
„ logium Romanum die 18. Septembris;
Et Acta Sanctorum Martyrum Compluten-
sium Justitæ, & Pastoris fratrum: „ Qui cum
„ adhuc pueri litteris imbuerentur, pro-
„ jectis in scola tabulis, spontè ad marty-
„ rium cucurrerunt, & mox à Daciano
„ Præside teneri jussi, & fustibus cædi, cum
„ se mutuis colloquiis constantissimè ro-
„ borarent, extra Civitatem perducti, à
„ carnifice jugulati sunt. Proponat Acta
S. Simeonis Episcopi Hierosolymitani, qui
cum 120. esset annorum, ità fortiter, &
hilaritèr sustinuit ea tormenta, quæ
Dominus noster Jesus Christus passus est, ut
omnibus esset admirationi, ut habes in
Breviario Romano 18. Februarii. Proponat
constantiam S. Policarpi jam senis, ut eam
nar-

narrat P. Ribadeneyra in ejus vita . Hæc;
 & alia exempla , quæ passim occurrunt in
 Breviario, & Martyrologio, manifestè pro-
 bant, illam constantiam , & hilaritatem in-
 ter atrocissima tormenta , quam Martyres
 ostenderunt, ut contestarentur Jesum Cru-
 cifixum à Judæis esse verum Deum; & mi-
 racula, quibus Deus illorum fidem appro-
 bavit, à Deo fuisse , & Deum habuisse Au-
 thorem . Deus autem nequit miracula
 facere in confirmationem doctrinæ falsæ:
 nec constantiam, & hilaritatem tribuere
 in sustinendis tormentis pro mendaciis , &
 erroribus . Verissima ergò est fides , quæ
 confitetur, Christum esse verum Deum,
 & pro hominibus fuisse crucifixum, & tertia
 die surrexisse . Delirant ergo Mahumeta-
 ni, dum dicunt esse corrupta Evangelia,
 quæ hanc doctrinam continent .

Septimò probatur Evangelia non
 fuisse adulterata, & corrupta post tempora
 Apostolorum . Quia unaquæque Provin-
 cia, vel natio à suo Apostolo conversa , ab
 eodem accepit Evangelium Christi , sive in
 scriptis, sive in tabulis cordis; & post fidem
 susceptam procuravit sibi descripta qua-
 tuor Evangelia, aliosque libros sacros no-
 vi, & veteris Testamenti , qui confirmati,
 & roborati erant per divina miracula . Si

ergò

ergò in illis Evangeliorum libris, quos primo per Apostolos suscepit, nihil continebatur de Passione, ac Resurrectione Christi, nihil de ejus Divinitate, & præsencia in Eucharistia, nihil de Trinitate Divinarum Personarum: quis ex universis regionibus, & Provinciis ad Christum conversis, vel in toto, vel ex parte, potuit in unum colligere omnes libros sacros novi, & veteris Testamenti, & illos immutavit, corruptit, & infecit, quin vel unum exemplar purum, & incorruptum ex innumeris, quæ per universum erant dispersa, superfuerit? Quis non videat hoc esse incredibile?

Sic enim arguo. Nam cum Apostoli fidem Christi invexerint editis multis signis, & miraculis, vera Christi Evangelia, & sinceram doctrinam in libris sacris contentam, sparserunt per orbem. Quis ergò potuit omnes illos libros colligere, & comburere, vel dilacerare, & loco illorum ponere nova exemplaria corrupta, & adulterata? Vel enim tantum opus aggressi sunt pauci aliqui viri sceleratissimi: vel tota Christi Ecclesia simul hoc consilium sumpsit destruendi Evangelia pura, & immaculata, quæ à Sanctis Apostolis acceperat, & tot signis, & miraculis erant confirmata, & loco illorum reponendi Evangelia corrupta

ta, & depravata. Neutrum autem dici potest. Non primum, quia impossibile est, paucos aliquos homines potuisse à toto orbe Christiano pēnitus exterminare exemplaria omnia sincera, & vera Evangeliorū: & quamvis physicè possent, est pēnitus impossibile, quod Christiani hoc permetterent. Si enim tanto ardore Christi fidem complectebantur, ut mille mortes mallent pati, quàm Christum negare: quomodo permetterent, quod divina Christi doctrina pēnitus interiret? Hoc non est minus incredibile, quam quod omnes cives unius Regni spontè consentiant, ut omnes fontes & putei, & flumina è quibus bibunt, veneno inficiantur.

Nec potest dici secundum. Ecclesia enim, quæ tantum zelum habuit, ut pro conservanda incorrupta, & pura doctrina Christi tot Concilia Generalia summis sumptibus, & laboribus congregaverit: quomodo nemine cogente ipsa sua sponte divinissimam Christi doctrinam ab Apostolis acceptam, & tot miraculis confirmatam, & sanguine tot Martyrum illustratam, corrumpere, & inficeret? Hoc est evidenter incredibile: rursus est apertè impossibile. Quia hoc ipso, pēnitus intra aliquot annos perdita fuisset, & omninò interiisset

Fi-

Fides illa, quam Christus per Apostolos plantavit; & Ecclesia Christi conversa, fuisset in Synagogam Sathanæ, & magistram errorum. Quod & Christum facit mendacem, siquidem promisit Petro, fidem ipsius, & successorum non defuturam: *Rogavi pro te, ut non deficiat fides tua.* Luc. 22. v. 32. Et Matth. 28. v. 2. promisit futurum in sua Ecclesia usque ad finem mundi: *Ecce ego vobiscum sum usque in consummationem sæculi.* Et promisit inferni portas non prævalituras adversus Ecclesiam. Rursus facit Deum improvidum. Est enim res Deo indigna, quod legem novam perfectissimam tot retrò sæculis promiserit, quod illam tot prodigiis, & miraculis per Christum in mundum invexerit; & tamen cito permiserit illam penitus aboleri.

Denique delirium impugnatur. Quia si fides de divinitate Hominis à Judæis crucifixi, & Trinitatis Personarum in una essentia, & præsentia realis Christi integri, & perfecti sub qualibet particula Hostiæ consecratae, falsa est: sequitur fidem falsam fuisse introductam in mundo per vera miracula. Quia lex proponens credenda fide infallibili mysteria tam ardua, & quæ præcipit concupiscentias omnes frænare, & vitia reseccare, eximiamque puritatem sectari,

&

& omnia in futurum reservat, non potuit mundo persuaderi nisi signis, & miraculis, Deus autem miracula nequit facere ad introducendam fidem falsam. Ergo delirium est asserere, quod hæc fides est falsa.

Postremo in hac Fide de Divinitate Christi, & Trinitate Personarum, & aliis mysteriis, quæ Ecclesia Catholica credit, omni sæculo floruerunt eximia sanctitate viri, & feminae, gloria miraculorum illustres; & extra Ecclesiam Catholicam, hoc non invenitur. Hoc autem est manifestum argumentum, quod illa est vera, reliquæ autem sectæ oppositæ sunt falsæ. Ex quibus omnibus apertè concluditur, Mahumetanos asserentes, Evangelia esse corrupta, manifestè falli.



FINIS.

NEAPOLI MDCCII.

Ex Typographiâ Michaëlis Aloygii Mutio.

Superiorum Licentiâ.





9-1-1

